

醴陵劉彥著

帝國主義
壓迫中國史

(原名中國近時外交史)

上海太平洋書店印行

劉

彥著

帝國主義壓迫中國史

(原名中國近時外交史)

上海欽本洋書店印行

帝國主義壓迫中國史

自 敘

本史係將前著中國近時外交史與歐戰期間中日交涉史重加修正合併爲一。又將華盛頓會議以後。至現在國民革命與取消不平等條約各章。一併增修加入。以完成九十年來帝國主義壓迫中國一部整個的有系統之書。其所以不用原名者。因前所著兩書性質雖一。名義各不相同。蓋當時因日本乘歐洲戰爭必欲滅中國而後已。故另名歐戰期間中日交涉史。以促國人之注意。當於該書凡例聲明之曰。本史即繼著中國近時外交史之續編。以我國歐戰期間之重大外患。全爲日本。故以專冊行之。云云。此當日另成一書之原因也。今則時移境遷。爲本史系統計。與讀者便利計。皆有合爲一書之必要。然不仍中國近時外交史之名。而改用今名者。則又有故。一則近時二字。與本史之內容不合。二則弱國無外交。祇有被壓迫。中國自鴉片戰爭。以至於今。其關於中外交涉。無一而非壓迫。實不配言外交。且前清對外事件。初歸理藩院辦理。繼由總理各國通商事務衙門辦理。自南京條約。至總理衙門之撤廢。其間六十餘年。並無外交二字之名目。辛丑條約後。依各國之要挾。始專設外務部。然當局者毫無外交之識。各國有所要求。惟向當局少數

人秘密挾之、威嚇之、即可達其目的。此等威嚇與秘密挾之辦法。迄至民國四年日本二十一條之要求猶然也。夫外交者國家與國家之交涉也。嚴格言之。必國民外交而後可。有清一代。國民憤外人之跋扈。有所表現者。惟拳匪一事耳。民國成立。至山東問題失敗。國民外交。始萌其芽。故一部國權喪失史。完全由外國人恃強挾。由本國少數人承諾畫押而已矣。此等情形。實毅不上外交二字。惟被壓迫三字。最爲切合。惜予初次著書時。未發見此名詞也。今者打倒帝國主義。取消不平等條約之口號。已遍於全國。究竟帝國主義在中國所作之罪惡。其具體的、演進的、爲何如。不平等條約。其具體的、演進的、又爲何如。應有專書闡明之。以爲民族運動實際之補助。而本書適得其選。蓋本書對於帝國主義壓迫中國之歷史。自開始以至於今日。按年次順序。爲系統的、整個的、分章敘述。而無遺漏。而不平等條約。尤不過本書之一部份。其每約締結之原因。與締結後損害國家主權之影響。亦分章備述其詳。此本書於今日打倒帝國主義取消不平等條約之民族運動。實有密切之關係存焉。惟名不適當。則不能表顯此種關係之密切。或減少其補助民族運動之力量。此本史改用現名之必要與其原因也。讀者諒之。

民國十六年六月一日劉 彥

帝國主義壓迫中國史

例言

一、現在我國民族運動勃發。關於帝國主義在俄國所作之罪惡。應有一種記載完備之專書。以資民族運動研究上有益之補助。本史之目的。即欲負此使命以馳驅。

二、本史爲達上述之目的起見。不得不將從前拙著之中國近時外交史、及歐戰期間中日交涉史、并現在所著、自華盛頓會議以至於國民革命各章。併爲一書。以完成九十年來帝國主義壓迫中國一部整個的有系統之書。以資民族運動研究之便利。

三、本史不仍中國近時外交史之原名。而改用現名之理由。備述於本史自敘中。不再贅。

四、本史以帝國主義壓迫中國爲主眼。故起自鴉片戰爭。然鴉片戰爭前數百年或千年以上之國際往事。皆於各章分節追述沿革。以明系統。

五、我國被國際壓迫之事太多。若遇事分述一章。則章數多而頭緒繁。著者依嚴格之系統。爲歸納之組織。務使有關係之各事件。歸納於一章之內。而分節述明之。頗少章目紛繁之弊。

六、本史章次之先後。依年次順序定之。以明帝國主義壓迫中國演進之情形。

七、本史分上下二卷。以前清與民國爲界線。前清被各帝國主義壓迫七十三年（自鴉片開戰至宣統三年）其情形尙不如民國三年至八年日本帝國主義壓迫民國之嚴重。故下卷十分之八。爲日本帝國主義單獨壓迫中國之事。讀者注意。

八、凡民國以來、賣國禍國、仗外媚外之徒。皆就其確切之事實。直述之。不妄入人罪。亦不稍掩其奸。以昭信史。

九、原著中國近時外交史。有僞版行於世。著者曾將原著三次修改增加。該僞版既不照新增者增加章數。又不照修正者。改正原誤。殊屬可恥。茲將原著併於本史。以後行間如再有中國近時外交史出售。卽係未經修正增加之僞版也。願購者注意。

民國十六年六月著者識

帝國主義壓迫中國史總目

上卷

目次	一—四
自敘	一—二
例言	一—二
緒言	一—五
第一章	鴉片戰爭 <small>自唐元明中至清道光二十六年</small> 交通	六—二八
第二章	英法聯軍入北京 <small>道光二十一年至咸豐十一年</small>	二九—四九
第三章	俄國侵略中國之東西國境 <small>明萬曆四十一年至清光緒八年</small>	五〇—七九
第四章	雲南殺瑪加理事件 <small>光緒二年</small>	八〇—八二
第五章	琉球之喪失 <small>自秦漢中日交通至清光緒五年</small>	八三—八九

第六章	安南之喪失	自秦以交趾為內領 至清光緒十三年	九〇—一二八
第七章	緬甸之喪失	自元明緬甸屬中國 至清光緒二十年	一九—一三二
第八章	中日戰爭	自周箕子封朝鮮至 清光緒二十一年	一三一—一八六
第九章	列強分割中國之開端	光緒二十六年 至二十六年	一八七—一三〇
第十章	八國聯軍入京之禍	光緒二十三年 至二十八年	三二—二七三
第十一章	日俄戰爭與中國之關係	光緒二十八年 至三十一年	二七四—三〇三
第十二章	中美關係	道光二十四年 至宣統元年	三〇四—三〇八
第十三章	西藏問題	自隋西藏內服 至宣統三年	三〇九—三三四
第十四章	日本國威膨脹之壓迫中國	光緒三十一年 至宣統二年	三五—三五六
第十五章	各國對於清末之壓迫	光緒三十一年 至宣統三年	三五七—三六〇

下卷

目次	一一元
第十六章	各國對於民國成立之壓迫 <small>宣統三年至民國二年</small>	一一七
第十七章	日本攻青島與二十一條之中日協約 <small>民國三年至四年</small>	一六五
第十八章	袁氏稱帝日本之侵害中國 <small>民國四年至五年</small>	一六四
第十九章	老西開事件 <small>民國五年</small>	一七六
第二十章	鄭家屯事件 <small>民國五年至六年</small>	一七八
第二十一章	日俄同盟與中國之關係 <small>民國五年</small>	一九六
第二十二章	蘭辛石井協定與中國之關係 <small>民國六年</small>	一九七
第二十三章	中國參戰及南北戰爭之日禍 <small>民國三年至九年</small>	二〇三
第二十四章	福州事件 <small>民國八年</small>	二二一

第二十五章 日本侵略北滿與外蒙民國七年至九年……………二九—三六

第二十六章 日本使署收容中國禍首事件民國九年……………三七—三四

第二十七章 瑣春事件民國九年……………三五—四〇

第二十八章 取消中日軍事協定民國十年……………四一—四四

第二十九章 最近西藏問題民國二年至八年……………四五—五八

第三十章 最近外蒙問題民國四年至十年……………五九—六九

第三十一章 新銀行團成立與滿蒙除外民國六年至十年……………七〇—八三

第三十二章 不給予領事裁判權之中波條約民國九年……………八四—八五

第三十三章 中德關係變化與中德協約民國六年至十年……………八六—九六

第三十四章 華盛頓會議與中國民國十年至十一年……………九七—九五

第三十五章 中國宣告二十一條中日協約無效與索還

旅大民國十年至二年……………三六—三七



第三十六章	中俄關係變化與中俄協定	至民國十三年	……	三六〇—四〇〇
第三十七章	金佛郎案與中法協定	至民國十四年	……	四〇一—四二六
第三十八章	五卅慘案與關稅會議及法權調查	至民國十六年	……	四二七—四五二
第三十九章	國民革命與取消不平等條約	至民國十六年	……	四五三—四六三

帝國主義壓迫中國史上卷目次

緒言……………一五

第一章 鴉片戰爭自唐元明中西交通至清道光二十六年……………六一

第一節 中西國際交通之起源……………六

中西交通起源……………葡人通中國……………澳門開港……………葡領澳門……………荷蘭通商之始……………西班牙遣使中國之始……………俄國首與我國開國交……………英人與我國通商之始……………英使馬甘尼來中國……………英使被斥……………英使亞墨斯爾來中國之失敗……………英商退澳門……………律勞卑來廣東之失敗……………羅瀕孫之不得志……………義律之平和策

第二節 英商鴉片貿易之情狀與開戰之原因……………三

鴉片輸入中國之起源……………政府禁煙與奸商貪吏之私買……………鴉片輸入之增加……………銀貨輸出與國論……………林則徐拜欽差大臣赴廣東……………林則徐燒鴉片……………英商之窮狀與開

戰……英國議院協贊出兵

第三節 中英戰況及南京條約……………一七

林則徐大治軍備……英軍陷定海……英艦進白河與和議……林則徐褫職議處……琦善之誤國與和議復破……英軍攻廣州……休戰條約……三元里平英團之奮起……奕山之欺罔與英兵再舉……英軍陷廈門與舟山列島……英軍陷鎮海寧波……浙東規復之失敗……英軍陷乍浦……英軍大犯長江……英軍陷鎮江攻南京……中國乞和之苦況……南京條約……不平等條約之開端……媾和約之交換與開埠約之締結……英法與中國締約之始……舟山列島不割讓他國之約……鴉片問題之結局

第二章 英法聯軍入北京 道光二十二年 至咸豐十一年……………二九—四九

第一節 開釁原因及天津條約……………二九

廣東紳民之排外……徐廣縉對外方略……葉名琛之肇釁……亞羅船事件……英兵陷

廣州與粵民燒洋館……英政府與議會衝突及英法聯合出兵……廣州陷落與葉名琛破
虜……廣州之三國合治政體……聯合軍陷大沽……中英天津條約……不平等條約之
全體實現……協定之關稅稅則

第二節 第二次開釁與戰況及北京條約……………三六

大沽之防備 白河之開釁 白河之戰……英法二國之出兵……定海廳降服條
約……聯合軍漕沽上陸……漕沽北岸礮臺之陷落……南岸礮臺讓授條約……天津燬
和條約……和議復破……張家灣與八里橋之戰……文宗幸熱河……圓明園之掠
奪……聯合軍陷北京……圓明園之放火……中英北京和約……中法北京和約……俄
公使之報償與烏蘇里江以東之割讓……新設總理衙門與文宗崩熱河

第三章 俄國侵略中國之東西國境

至清光緒八年……………五〇—五七

第一節 俄國侵略黑龍江與尼布楚條約……………五〇

俄國侵略西伯利亞之概要……………波雅爾古之黑龍江探測……………喀巴羅之黑龍江占領……………寧古塔都統恢復黑龍江……………俄人復據雅克薩……………中俄通使起源與俄國實際占領黑龍江……………聖祖第一次攻雅克薩……………第二次攻雅克薩與和議開始……………兩國派使……………尼布楚之談判……………尼布楚條約……………北京通商條約

第二節 恰克圖條約…………… 五六

北方中俄交界開始與商務問題……………恰克圖條約……………高宗禁止恰克圖互市……………恰克圖新約

第三節 俄國占領黑龍江以北與烏蘇里江以東之地…………… 六〇

尼布楚條約後俄皇歷代對於黑龍江之狀態……………木喇福岳福與尼伯爾斯克之東方經略……………俄人占領尼哥來伊佛斯克……………俄人占領樺太島與黑龍江下游……………木喇福岳福乘克里米戰爭之運動……………木喇福岳福第一次下黑龍江……………木喇福岳福第二次下黑龍江定殖民地……………馬隆斯克之劃境談判……………第三次下黑龍江與黑龍江左岸之占領……………

木喇福岳福與布括廷之提攜 愛蓮之談判……愛蓮條約……愛蓮條約損失之重
 大……天津條約……木喇福岳福占領海參威……北京條約……俄國侵略之大
 成功

第四節 伊犁事件……………七二

伊犁方面中俄交涉之沿革 新疆回匪之亂 俄國占領伊犁……左宗棠克復新
 疆……崇厚使俄之失敗……中俄之衝突 曾紀澤使俄……伊犁條約……中俄陸路
 通商章程 中俄稅則之奇例 新疆設省

第四章 雲南殺瑪加理事件光緒……………八〇—八二

英人派探測隊進雲南……瑪加理被土民殺害……英公使之橫暴……芝罘條約……領
 事裁判權之加重

第五章 琉球之喪失自秦漢中日交通
至清光緒五年……………八三—八九

第一節 中日交通之原委……………八三

中日交通之始……………日本遣使入中國之始……………中國遣使往日本之始……………日本遣使最盛時代……………元世祖征日本……………日本足利氏稱臣奉正朔……………倭寇之猖獗……………日本豐臣秀吉之侵韓……………日本德川時代貿易之興替……………清廷與日本國交開始

第二節 日本之并合琉球……………八六

琉球之臣服中國……………日本之侵略琉球……………琉球民被臺灣生蕃戕害……………日本副島臣來中國……………日本侵臺灣……………臺灣問題之中日衝突……………中日和約……………條約上之斷送琉球……………日本并合琉球

第六章 安南之喪失自秦以交趾爲內領至清光緒十三年……………九〇—一二八

第一節 中國與安南之關係……………九〇

秦以降中國與安南之略歷 安南爲中國屬國……黎室之衰微……安南王族奔中國……中國征討軍之勝利……中國征討軍之大敗……阮光平之來朝……阮嘉隆王之恭順

第二節 法國侵略安南第一期……………九三

法國經營安南之始 法安同盟約與法軍助嘉隆王恢復……法安積怨與法西聯軍伐安南……法國聯軍占領下交趾……西貢條約……法國不履行撤兵條約……法領下交趾

第三節 法國侵略安南第二期……………九七

法人注意北安南之始……法人之侵略富良江……法軍陷河內及三角洲……希拉特爾經略安南之大政略……安南保護國條約……中國反對安南保護條約

第四節 法國侵略安南第三期與中法戰爭……………一〇一

- 安南之排法……劉永福與法國宣戰……中法衝突之始……中法和約……和約之破壞……法國之決戰……清廷之苟且……法軍分攻順化山西……順化政府之乞和……安南新保護條約……中國欲戰不戰之狀況……安南政變與法國再出兵……法軍陷山西……法軍陷北寧大原興化鎮……北京政變……中法媾和預約……豫定和約之破壞……諒山衝突……上海之談判與法軍攻基隆……國際破裂與清政府之苟且……福州之形式與當局之苟且……福州海戰……中國宣戰……臺灣黃海之戰況……法軍奪諒山……馮子材克復諒山……岑毓英大破法軍……法國政變與和議成立……中法媾和條約……安南邊境通商章程……中法界務商務專條……中國放棄安南領事……法人得關稅減輕之利

第七章

緬甸之喪失

自元明緬甸屬中國
至清光緒二十年

二一九—二二三

第一節

中國與緬甸之關係

二一九

緬甸之概歷……雲貴官軍之經略緬甸……明瑞征緬甸之失敗……傅恆再征緬甸……

緬甸和約……緬甸服屬中國

第二節 英國之侵略緬甸…………… 一三三

英緬衝突之原因……英國第一次攻緬甸……第一次割地和約……英國第二次攻緬甸……第二次割地和約

第三節 英國之并吞緬甸…………… 一三四

法緬密約與英緬宣戰……英國之占領緬甸……緬甸編入英領印度之一部

第四節 中英中法英法諸協約…………… 一三六

中法二國不干涉英并緬甸之原因……中英協約……滇緬境界及通商條約……英國外交之手腕……中法協約……英法協約……中英新協約

第八章 中日戰爭 自周箕子封朝鮮至清光緒二十一年…………… 一三十一—一六六

第一節 韓國與中日二國之關係……………一三五

箕子封朝鮮……………韓國與秦漢之關係……………韓國與日本關係之始……………韓國與南北朝及唐代之關係……………韓國與宋遼金元明之關係……………韓國與日本豐臣秀吉之關係……………韓國與日本德川家康之關係……………韓國與清之關係

第二節 日韓衝突與天津條約……………一三五

大院君之排日主義……………日本征韓論……………江華事變……………江華之日韓修好條約……………日本對於中韓政略……………中國斷送韓國之第一步……………中韓宗屬關係之公認……………大君院與開化黨之衝突……………壬午暴兵之亂與日韓起釁……………日本之出兵……………中國對韓出兵……………李鴻章對韓果斷處分……………日韓濟物浦條約……………韓國維新之趨勢……………日本對韓市恩政策……………日公使之陰謀……………甲午金朴之亂……………袁世凱之活動……………日公使自焚公使館退仁川……………日本井上馨渡韓……………中國吳大澂渡韓……………日韓談判與吳大澂之干涉……………日韓克復平和條約……………日本大使伊藤博文來北京……………天津條約

第三節 中日開戰之原因及開戰前之形勢……………一四六

日本政府之陰謀……………中國對韓國宗屬關係之進步……………咸鏡道防毅令事件……………金玉均
刺殺事件……………東學黨之亂與中國出兵……………日本之暗助東學黨……………日本決議出兵……………
中日出兵照會……………日本政府決心開戰……………日本政府提出對韓共同改革案……………總理衙
門之回覆……………日本不撤兵之宣言……………日本對韓廷脅迫案……………俄國對日本之干涉……………
英國對中日之調停……………美國向日不之忠告……………日本對韓廷之極端照會……………日本以兵
力迫韓廷與袁世凱歸國……………中日開戰

第四節 中日交戰……………一五七

豐島海戰……………成歡之戰……………兩國宣戰……………上海中立與日韓新協約……………平壤大戰
門……………黃海大海戰……………李鴻章之國防配布……………日軍占領奉天東南部……………日軍攻陷旅
順……………缸瓦寨之戰與蓋平陷落……………日軍榮成灣上陸與威海衛陷落……………將卒潰亂與丁
汝昌自殺……………北洋艦隊覆滅……………牛莊激戰與營口田莊臺之陷落……………日軍占領澎湖島

與戰爭結局

第五節 中日媾和……………一六六

英日調停和議之失敗……派遣德催琳議和之失敗……美公使調停和議……張蔭桓邵友濂兩權之派遣……中國委任全權文憑之不實……日本拒絕和使之談判……張蔭桓邵友濂悄然歸國……李鴻章頭等全權派遣……兩國全權第一次會見……兩國全權第二次會見與日本提出之休戰條件……兩國全權第三次會見與李全權之遭難……無條件休戰條約成立……日本媾和要求案……兩全權之駁辯……李鴻章提出修正案……日本全權最後修正案……馬關媾和條約……馬關別約……條約損失之重大……交付臺灣……中日通商行船章程

第六節 三國干涉與遼東返還……………一八三

俄國干涉之原因……德法加入干涉之原因……三國忠告日本返還遼東……俄國開戰準備……日本政府之苦狀……日本返還遼東之宣言……還付遼東條約

第九章

列強分割中國之開端

光緒二十二年
至二十六年

一八七—三〇

第一節 俄國勢力範圍劃定

一八七

俄皇對中國之市惠政略……俄皇加冕與李鴻章使俄……中俄密約……當時傳聞之喀西尼密約……華俄道勝銀行契約……華俄銀行對於中國之業務……華俄銀行之政治上侵略……東清鐵道會社條約……東清鐵道會社之採礦權及警察權……俄國侵略北滿洲之成功……旅順大連租借條約……旅順大連租借續約……中俄勘分旅大界約……俄改遼東租地爲關東省……俄國侵略南滿洲之成功……俄國攫取京漢鐵道權……俄國攫取山西鐵道權……關外鐵道借款之英俄衝突……英俄協約劃蒙古爲俄國之勢力範圍

第二節 德國之勢力範圍劃定

一〇一

俄德密議……曹州教案……德國出兵……賠償談判及德公使之翻案……膠州灣租借

條約……山東全省劃入德國之勢力範圍……德皇之詔勅……膠州灣保護領之統治制……德華公司之經營鐵道令……德華公司之經營鑛山令……英德協約……德國勢力超出山東範圍之外

第三節 法國之勢力範圍劃定……………二〇七

南海島不割讓他國之許可……龍南龍百之鐵道權與兩廣雲南鑛山權之許與……兩廣雲南不割讓他國之許可……滇越鐵道權之許與……廣州灣租借條約……南寧北海鐵道權之許與

第四節 英國之勢力範圍劃定……………二一〇

揚子江流域不割讓及其他各項之承認……總稅務司永聘英人之原因……威海衛租借條約……九龍租借條約……山西河南探鑛契約……五鐵道權之攫取與英德協約……關外鐵道權之攫取與英俄衝突……英俄協約劃揚子江為英國勢力範圍

第五節 日本之勢力範圍……………二七

福建不租借割讓與他國之約

第六節 伊太利之求要……………二八

伊太利要求租借三門灣

第七節 美國開放中國門戶之宣言……………二八

美國開放中國門戶宣言之原因……………美國開放中國門戶宣言書……………各國贊成美國之宣言……………列強對中國保全領土與工商業機會均等之新局面……………美國宣言之裏面

第十章 八國聯軍入京之禍光緒二十三年至二十八年……………三二—三七

第一節 拳匪得勢之原因與宣戰之形勢……………三一

義和團之略歷……拳匪得勢之第一原因……拳匪得勢之第二原因……拳匪猖獗之始……拳匪之倡亂……各國水兵犯北京……政府混化於義和團……大沽陷落與廷議決戰……東南各省不奉宣戰詔……排外風之蔓延

第二節 聯合軍入北京與俄羅斯占領東三省……………三九

西摩亞率陸軍犯北京……列國海軍將校之協議……聯合軍陷大沽礮臺……西摩亞軍退反天津……日本外交之叵測與出兵……日本出兵之狡猾……聯合軍攻天津與天津陷落……聯合軍掠奪官民財產……楊村通州陷落……北京陷落與聯軍分占……兩宮西狩……北京陷落後聯軍之大掠奪……聯軍占領塘沽山海關……瓦爾德色元帥抵北京後之行動……中俄開戰……俄羅斯東三省進軍……俄兵驅布市華民三千投黑龍江……俄羅斯占領東三省

第三節 英德協約與北京公使會議……………四〇

北京陷落後俄政府之宣言……各國反對俄國之宣言……德政府之提議與各國之不同

意……法政府提出之媾和案……各國贊成法國之提案……北京公使會議與美德協約……英德協約之原因……英德協約適用滿洲與否之問題……列國公使會議之和案大綱

第四節 北京媾和……………二四七

中外官吏接近之始……慶親王李鴻章進京……媾和談判開始……中央元兇處罰問題……地方元兇處罰問題……償金問題……償金照中國人數核定……償金總額與利息額之確定……償金方法與財源之決定……北京媾和條約……賠款變成金貨負債……各省攤派賠款……賠款虧磅之借債

第五節 中俄密約與日英同盟……………二六四

中俄第一次密約……密約破壞大運動……俄廷廢棄密約之宣言……中俄第二次密約……李鴻章棄世與密約廢棄……日英同盟之原因……日英同盟條約……日英同盟之精神……俄法同盟之範圍擴張……俄國滿洲撤兵條約……俄皇交還滿洲之宣言

第十一章

日俄戰爭與中國之關係

光緒二十八年
至三十一年

二七四—二七三

第一節

日俄開戰之原因

二七四

- 日本對於遼東之遺恨……俄國第二期撤兵不實行與新要求……雷薩爾公使之新要
- 求……苦魯巴金東遊與日本主戰論……極東俄官大會……俄設極東總督府與威逼韓
- 廷……日俄交涉與日本提出案……俄國提出之對案……日本修正俄國對案……日本
- 第二次修正案……俄國提出之第二對案……俄國最後讓步案……國交斷絕與宣戰

第二節

開戰時中國之中立問題與韓國變爲日本保護國

二八三

- 中國中立問題與各國之意見……中國局部中立之宣言……日本陸軍入韓京……韓國
- 爲日本保護國之日韓議定書……日本監督韓國財政外交條約……韓政府與財政顧問
- 之契約……韓政府與外交顧問之契約

第三節 日俄交戰……………二六七

戰鬥開始……鴨綠江之激戰……日軍閉塞旅順口……日軍封鎖金州半島……日軍大破俄軍於得利寺……海上權全歸日本……遼陽大激戰……沙河大會戰……旅順之降服……俄軍犯遼西中立地……奉天大會戰……波羅的艦隊東航……英國干涉黑海艦隊之東航……日本海大海戰

第四節 日俄媾和與中日滿洲善後條約……………二九五

盧斯福大統領調停和局……兩國全權之會合……日本全權提出之媾和案……波子瑪斯之慘澹談判……波子瑪斯媾和條約……中日滿洲善後協約……滿洲附約……日本擴張滿洲權利於俄國之外……日本列入世界一等國……中國朝野之驚醒

第十二章 中美關係 道光二十四年至宣統元年……………三〇四—三〇八

中美訂約之始……最平等之蒲安臣條約……美國之歡迎華工……美國之排斥華

工……限制華工之約……禁止華工之約……美國之虐待華人……限制稅權法權之條約……還付庚子賠款之一部

第十三章

西藏問題

自隋西藏內服至宣統三年

三〇九—三四

第一節 西藏內服之沿革

三〇九

西藏開國與佛教之盛……紅教興替與元明之關係……黃教隆盛與滿清利用達賴喇嘛以安邊陲之政略……西藏確為中國屬地與達賴喇嘛之冊立法

第二節 俄國之窺伺西藏

三二三

俄國利用佛教以行政治上之策略……德爾智為俄國經營西藏之盡力……達賴十三之陰結俄皇……日俄開戰與俄國經營西藏之影響

第三節 英國之侵略西藏

三二五

英國與西藏之接近……英人探測西藏約之取消……英國占領舊孟雄與中英談判……
中英印藏條約……中英印藏續約……西藏排外與英國之進兵……達賴十三奔蒙
古……英藏刺薩條約……印度總督之聲明……中英藏印續約……英國明認中國之完
全主權

第四節 英俄協約與達賴喇嘛廢立……………三二

英俄協約之原因……英俄之西藏協約……英俄承認西藏爲中國所有……達賴十三之
入朝……達賴十三返刺薩之謀叛……趙爾豐征西藏……達賴十三廢立與英俄之
勸告

第十四章 日本國威膨脹之壓迫中國光緒三十一年至宣統二年……………三五—三五六

第一節 日英新同盟及日法日俄日美諸協商與中國之關係……………三五

日英新同盟之原因……日英新同盟條約……日英新同盟之精神……日法日俄日美諸

協商之原因……日法協約……日俄協約……日美照會……諸協約與中國之關係

第二節 日本合并韓國與中國之關係……………三三〇

日本擴張韓國保護條約……日本對韓國設統監……海牙密使事件與韓皇退位……保護權再擴張條約……韓國軍隊之解散……保護權再擴張條約……韓國志士安重根刺殺伊藤……韓國政黨一進會之賣國……合并前之日俄密約……寺內正毅爲統監與合并前之手段……韓國總理大臣李完用之賣國……韓國合并條約……韓國之滅亡與日本合并後之處分……日本之對外宣言……李容九之末路……韓國滅亡之裏面……韓國合并與滿洲之關係

第三節 南滿洲問題……………三三九

日本南滿洲鐵道株式會社之制……辰九事件……採伐鴨綠江森林條約……撫順炭坑問題……間島問題……新法鐵道問題……營口支線問題……吉長新奉鐵道借款與吉會鐵道問題……安奉鐵道問題……日本自由行動……安奉鐵道協約……間島協

約……滿洲五案協約……懸案解決與我國之利害……錦愛鐵道之不成立……渤海漁業權與領海問題之失敗……鴨綠江架橋條約……三電線問題……中國之讓步解決……美國滿洲鐵道中立提議……美國提議之失敗……日俄第二次協約……日俄協約之性質……日俄密約……日俄密約與中國之損害

第四節 日英第三次同盟與中國之關係……………三五四

滿洲問題之日美衝突……日英第三次同盟協約

第十五章 各國對於清末之壓迫……………三五七—三八〇

光緒三十一年
至宣統三年

第一節 中俄之紛爭……………三五七

哈爾濱行政權事件……北滿特別稅關章程……改正商約問題與俄國自由行動之宣言

第二節 中英滇緬境界與禁絕鴉片問題……………三五六

滇緬境界問題與英國占領片馬……鴉片問題與中英兩次協約

第三節 中葡澳門劃境問題……………三七二

葡國占領澳門之沿革……澳門劃境與日本辰九事件之關係……劃境談判與談判終止

第四節 宣統三年之大借款……………三七三

列強對中國之趨勢與投資主義……四國借款交涉……鐵道公債之中日借款契約……
日本應募中國公債之巨測……改革幣制與滿洲興業之四國借款契約……四國借款與
滿洲之關係……粵漢川漢二鐵道之變遷……鐵道幹線國有之上諭……粵漢川漢二路
之四國借款契約……大借款與清帝退位之關係

帝國主義壓迫中國史

上卷

緒言

何謂帝國主義

何謂帝國主義壓迫中國

不平等條約之壓迫

不平等條約以外之壓迫

壓迫期間勢力之分別

本史不名各國侵略中國史。不名中國國權喪失史。不名中國外交失敗史。而名帝國主義壓迫中國史。然則帝國主義究爲何物。帝國主義之壓迫中國。究爲何事。此本史破題兒第一頁應當說明其大要也。帝國主義者。侵略主義之代名詞也。其性質可以侵略二字包括之。其侵略目標。分政治經濟二途。其關於政治侵略。性質之表顯者。如所謂軍國主義。大英帝國主義。大斯拉夫族主義。大德意志主義。大日本主義。

海洋霸權。太平洋霸權。東亞霸權之類。此其性質之表顯者也。至其事實之表顯者。則不外擴張領土。爭奪殖民地。壓迫弱小民族。而此等事實之業經實施於中國者。如香港臺灣及黑龍江以北烏蘇里江以東之割讓。九十九年租借地域。沿海各省。內地各省。不得割讓與他國。揚子江流域。某某幾省。長城以北。為某某等國勢力範圍。公使館特別區域。鐵路附屬地特別區域。外國軍艦橫行內河。外國陸軍駐紮內地。外國警察設置內地。外國郵政。與無線電臺。設置內地。領事裁判權之享有。關稅管理權之享有。鹽款稽核權。政治借款優先權。鐵路管理經營權。以及協約密約之宰制。政治財政軍事顧問之要求。又所謂特殊權利。特殊地位。政治上之優越權。凡此種種。不一而足。皆帝國主義對中國政治的壓迫之大概也。

其關於經濟侵略性質之表顯者。如所謂金融資本主義。工業立國政策。工業國對外政策。殖民政策。工商業海外發展政策。原料品之吸收。製造品之輸出。賸餘資本之輸出。此其性質之表顯者也。至其事實之表顯者。則不外爭奪後進國之市場。與其投資區域。而限制後進國之經濟發展。此等事實之業經實施於中國者。如迫開商埠九十七處。(內有二十七處。為中國自開。然皆為外人要挾。)設置公共租界。專管租界。三十三處。協定關稅值百抽五。其實不過值百抽二·五。乃至值百抽三。而日用品奢侈品不分等級。陸路關稅。更減十分之三。或更無稅貿易。(蒙古新疆及中俄國境百里內。皆為無稅貿易。)關稅稅款。存於外國銀行。外國銀行鈔票通行內地。吸收中國現金。轉以為經營中國之事業。而片面最惠條款之壓迫。則更

過之。凡中國因特別事故、或因戰敗、承認他國貿易上之特惠曠典、亦須一律給予。如中日戰敗後、許日本在國內有工業製造權。各國亦皆得在中國開設工廠。既免生料熟貨往返海洋之運費。又利用中國價廉耐苦之勞工。而華人手工業、遂被其摧殘殆盡。又內河河運、沿海海運、皆由外人壟斷。而勢力範圍內之鐵路礦山。與其他興業借款。尤獨占其優先權。雖他國有便宜借款。中國不能承商。如擬借美款。築錦愛鐵路。日本拒之。築包綏鐵路。俄國拒之。築株欽鐵路。法國拒之。築周家口至襄陽之鐵路。英國拒之。中國自己無自由借款之權。各國反有直接間接投資之便。（直接投資、為各國自由築道、間接投資、由中國借款築造。）甚至限制漢陽兵工廠之製鐵事業。與助長內亂之種種借款。亦稱為實業投資。而門戶開放、機會均等。本由各國將中國開為世界公共投資之場。然究不能解除各國之經濟獨占。此即帝國主義對於中國經濟的壓迫之大概也。

由此證明。所謂帝國主義者。蓋總合其侵略之性質與事實之結晶而名之也。而所謂帝國主義壓迫中國者。亦總合其對於中國政治經濟侵略各事實之結晶而名之也。然則帝國主義之壓迫中國。其即我國今日大息痛恨之所謂不平等條約乎。則將應之曰然。旋又應之曰否否。不盡然。如其然也。則本史亦可名之為中國不平等條約史。惟其不盡然也。不平等條約五字。實不足以包括帝國主義之壓迫中國。蓋分析帝國主義壓迫中國之手段。可分兩種。一為根據不平等條約之壓迫。一為超越不平等條約以外之壓迫。溯

中國一部條約史。除尼布楚條約、與哈克圖條約外。其餘皆爲不平等條約。而此等不平等條約之演進。由無不平等條約。而進於有不平等條約。由少數不平等條約。而進於多數不平等條約。由輕微之不平等條約。而進於嚴重之不平等條約。迄至民國四年二十一條中日不平等條約。而中國國家之命運。幾被其宣布死刑。至不平等條約以外之壓迫。則捉摸不定。或由帝國主義者無端橫暴。藉小事而提重大之要求。或由各帝國主義互相協定。相互密約。處分中國之權利利益。凡此種種。非一二語所能包括。觀本史之全部而後知之。而此等壓迫。亦至二十一條之要求。與一九一六年之日俄密約。及一九一七年日本與英法俄意四國之山東密約。遂予中國國家以根本之動搖。帝國主義者。九十年來。依此兩種手段。壓迫中國。遂令本來獨立自主之中國。與地大物博之一塊大好河山。竟變爲四等國家。與次殖民地之列。而有五千年文化。與占世界四分之一之民族。竟於世界無相當之位置。此卽一部帝國主義壓迫中國史之所演成也。迄今民族自決之潮流。彌漫世界。而中國之民族運動。亦應時而興。打倒帝國主義。與取消不平等條約之口號。已入於四萬萬人人之耳鼓。而亦博得世界多數之同情。且已驚動各帝國主義者九十年來之頑夢。然則不平條約。果從此取消乎。壓迫中國之帝國主義。果從此打倒乎。則將應之曰。不平等條約。當然由此改正。并由此逐漸取消。至帝國主義。就世界革命言。則曰打倒。就中國恢復國權。脫離帝國主義之壓迫言。則曰驅逐。不平條約取消之日。卽帝國主義在中國被驅逐之時。本史起於鴉片戰爭。卽帝國主義壓迫中國之開

始。終於國民革命。卽中國驅逐帝國主義壓迫之開始。自壓迫以至於驅逐壓迫。其間約一百年。此百年內帝國主義壓迫中國之情形。約分數期。自鴉片戰爭。爲英法俄三帝國主義。壓迫中國之期。自中日戰爭。爲俄英德法日五帝國主義。瓜分中國之期。自門戶開放。機會均等。主義確定。爲各帝國主義者。彼此息爭。承認中國領土保全之期。自日俄戰爭。爲日本帝國主義威壓中國之期。自歐洲大戰。爲日本帝國主義處心積慮滅亡中國之期。自華盛頓會議。爲各帝國主義維持中國現狀之期。自五卅慘案。國民革命。爲中國民族運動勃發。開始驅逐帝國主義之期。此期間之長短。爲驅逐帝國主義之遲早所關。而以民族運動之強弱爲標準。惟中國民族運動。不發則已。一經勃發。以四萬萬民衆之醒覺。非任何帝國主義之礮火政策所能抵禦。終必被驅逐而後已。此本史擱筆於民族運動勃發。爲最榮幸者也。余自祝以後不再續帝國主義壓迫中國史。而另著中國驅逐帝國主義之壓迫。則尤余之所深幸也夫。

第一章

鴉片戰爭

自唐元明中西交通至清道光二十六年

第一節 中西國際交通之起源

中西交通之起源

唐貞觀中，景教僧阿羅本來中土。元初，意大利威尼西亞巨商，尼哥羅博羅父子先後來中土，而馬哥博羅仕元室尤久。前後共二十餘年。其著東方旅行記，大動歐人之視聽。是為中國事情入歐人耳目之始。然此不過私人旅行，曠代一至。於國際上尚無何等關係。中西國際交通，實在印度航路發見之後。明宏治十年西紀一四九七年，葡萄牙人華士哥德噴馬，繞喜望峯，達印度，是為歐亞航路發見之始。亦即中西國際交通開拓之起源。

葡人通中

葡萄牙王以馬努利一世，於發見印度航路之後，大起東略之志。明宏治正德間，縣臥亞略馬刺加，設印度總督掌東方貿易。置僧正綜理東方教務。蘇門答拉、爪哇諸島，亦漸趨於其勢力範圍之內。正德十一年一六一六，葡人刺匪爾伯斯德羅，乘小船來明，是歐洲揭國旗船，入中國之始。翌年，印度總督遣使臣比勒斯與臥亞市長匪地難得安刺德，率船一艘至廣東，求締約。廣東地方官厚遇之，使碇泊上川島。自此葡商來者日衆。嘉靖中，廣東附近葡人居留地，有上川、電白、澳門、三處。此外寧波、泉州，亦多葡商出入。嘉靖二十四

年，寧波居民，因葡商結黨擄掠婦女，屠教徒一萬二千，焚商船三十七艘，泉州葡商於二十八年亦為吏民所逐。自是澳門獨為葡商貿易要港。初嘉靖十四年，都指揮黃慶受葡商巨賄，為請於上官，開澳門為通商地。科地租年二萬金。三十二年，葡商船遭水害，以貢品淹壞為辭，請於地方官，乞地曝之。自是展地益闊，葡商來者愈衆。三十六年^{一五五七年}，葡政府以澳門為殖民地，置守官治之。明政府亦不之拒。萬歷元年，明政府於澳門附近築壁為界，默認界外為葡人自治地。自此葡人屢要求減少地租。萬歷十年，承認葡商年科地租五百兩。至清道光二十八年以前尚如之。參說第十五章第三節 中葡澳門劃境問題

繼葡而握中國商權者，荷蘭也。方葡握東洋貿易霸權時，其國都里斯本，為東洋百貨所萃。荷蘭英吉利諸商，各就其地，營轉販之業。明萬歷八年^{一五八〇年}，西班牙王肥利布兼葡國王統以來，以荷蘭人為本國叛民

之故。荷蘭初屬西班牙。以宗教紛爭。一五六六年叛西班牙謀獨立。一五七九年，創立共和國。一五八一年，尼特蘭北部七州，宣告獨立。即今之荷蘭國。時萬曆九年也。禁荷

蘭人出入里斯本。荷蘭人遂失轉販業。亟亟自開東方商路。萬歷三十三年，荷商創立東印度會社。得本國政府許可。對於殖民地有置兵罷吏，及與所在國宣戰媾和之權。遂逐蘇門答拉、爪哇、摩鹿加諸島之葡人，而代有之。尋於爪哇建巴達維亞府，為東洋貿易之中心地。西至印度馬拉巴爾海岸。東至日本長崎。天啟二年，東印度會社以艦隊攻澳門，中國兵助葡人擊退之。荷人退據澎湖島。嗣因與土人相和，又受明兵突擊，更退臺灣。逐西班牙人而代領全島。會清入關，與內外更新。巴達維亞府總督，遣使至北京，覲世祖，懇請互市。廷議許荷

蘭商船八歲一至。船數以四艘爲限。此順治十三年也。時明遺臣鄭成功圖恢復金陵。不克。退臺灣。悉逐荷蘭人。自是荷人失中國貿易根據地。其後荷人屢助官軍破鄭氏。欲求報償。康熙三年。巴達維亞府總督。復遣使至北京。求擴張商務。終無所得而返。

註 同治二年。中荷兩國。始結通商條約十六條。

當華士哥德噶瑪發見印度航路之前五年。明安治五年西一四九二年意大利人哥倫布斯以西班牙女王伊薩伯拉

之命。發見西印度羣島。西班牙政府遠略之心益熾。次第發見亞美利加大陸。取墨西哥爲殖民地。更欲西

進。期達世界迴航之目的。正德十四年九一五一年加羅一世。卽西班牙王位。遣其臣墨哲倫。率艦隊自大西洋

通過亞美利加南端。進達太平洋。航行三十三日。發見菲律賓羣島。是爲大西洋航路開通之始。墨

哲倫爲土人所殺。其從人以萬歷元年二一五二年越印度洋。迴喜望峯而歸。至嘉靖四十四年。西王腓利布二

世。遣將勒迦斯比。取菲律賓爲殖民地。以馬尼刺爲都會。尋臺灣亦歸其勢力之下。萬歷二年。中國豪商李

馬奔泉州人。率武裝帆船六十二艘。水陸兵各二千。進逼菲律賓。西軍殊死戰。李馬奔敗退呂宋西岸。據亞格

諾河口居焉。尋西軍來薄。李率衆敗遁。方李據亞格諾河口時。福建總督。聞其勢振。發兵艦往偵之。西班牙

人聞中國官軍至。欲乘機結通商條約。邀使者至馬尼刺。謁其知事。使者言通商事宜。須就總督議之。請簡

信使與俱。知事遂派僧侶馬丁拉達爲使。齎書翰獻物。附閩艦至福建。謁總督。求締商約。是爲西班牙遣使。

中國之始。萬歷八年。肥利布二世復遣使至福建。申前請。先後皆爲葡萄牙人所間。不達目的。然中國商人貿易非律賓者甚衆。馬尼刺遂爲兩國之互市場。

註一 同治三年。中西兩國。始締通商條約五十二款。

註二 西班牙鑄非律賓於墨西哥殖民地之下。凡非律賓行政補助費等。悉取諸墨西哥。故墨西哥銀幣。充溢於馬尼刺。

經中國商人之手。輸入中國。故其時中國通用墨銀。

與我國陸路交通。先歐西各國開國交者。爲俄羅斯國。明末以後。俄人漸從事黑龍江侵略。康熙二十八年。與俄國結尼布楚條約。准國境貿易。三十二年。訂通商條約。准俄國商隊三年得至北京一次。每隊得上二百名。可在北京駐留八十日。且免納稅。俄國獲此通商特權。爲英吉利等國所羨慕。而俄巧博濟政府信用。得置多數宣教師於北京。以維持兩國國交。且離間他國與我國接近。以獲壟斷之利益。其詳述見第三章

謀與我國擴張通商利益。多受屈辱者。英吉利也。英人經營東方。殆與荷人同時。惟荷人注重於馬來羣島。而英人注重於印度方面。當荷蘭離西班牙獨立。英女王伊利薩伯助之。明萬歷十六年。一五八八年西班牙發

無敵艦隊侵英。被英艦所殲。自是西班牙海上霸權。爲英人所奪。時西葡合併。葡人之東洋商利。英人亦欲奪之。萬歷二十七年。一五九九年倫敦商人組織東印度會社。竭力經略印度大陸。與葡人衝突戰爭不絕。葡以

亞總督以屢敗之餘。與英結休戰條約。許英船有出入澳門之權利。崇禎八年。英人威代爾率艦隊至澳門。

英人與我
國通商之
始

攜隊亞總督書。謁知事。葡人拒不納。威代爾乃思與廣東大吏直接交涉。復爲葡人所間。不得上陸。威代爾移艦進虎門。忽被守兵礮擊。威代爾應戰數時。礮臺忽陷。廣東總督大驚。令其交還掠奪物。許於廣東河口通商。未幾明清交代。商務不振。會鄭經據臺灣。講外交。約英人得在臺灣之安平。福建之廈門二處通商。康熙十六年。英人欲於廈門建商館。政府拒之。康熙四十年。東印度會社派喀齊布爾齋貢品至北京。苦心運動。其結果得於河口通商外。更得在舟山貿易。自後清廷以外國貿易日盛之故。於康熙五十九年。課輸入稅四分。輸出稅一分六釐。雍正六年。輸出稅加課一分。英商屢哀請減免。乾隆元年。納其請。地方官卹英商向諭旨叩頭謝恩。大起紛議。乾隆二十四年。英人洪任輝。以寧波英商被華商侵害。赴訴天津大吏。政府派員調查之後。處洪任輝以欲開寧波之罪。幽澳門獄中二年半。當是時廣東貿易不盛。而課稅過苛。政府視英人爲夷類。不以平等禮相遇。而國內奸商漁利。向官吏則道英商奸詐無禮。向英商則假官命壓迫。其時英商致書廣東大吏。乞改五弊。一、英船至廣東。碇泊後即請解貨。二、奸民竊英貨物。請問罪。三、請禁華人目英人爲夷狄禽獸。四、課稅減輕。五、官吏請勿故與外人疏隔。廣東大吏不答。英本國政府聞之。且怒且憂。冀中國與平等待遇。以保國家體面。兼全本國商人之利益。於乾隆五十八年。遣馬甘尼爲大使。欲與我國結修好通商約。冀要求下之各項。一、准英國派員駐北京。照管本國商務。二、英商人得至寧波、舟山、天津、廣東地方貿易。三、英商倣俄國例。於北京設一商館。四、求舟山附近小島一處。爲商人收貯貨物地。五、求廣東附

英使馬甘
尼來中國

英使被斥

英使亞墨
斯爾來中
國之失敗

英商退澳

近小地方一處，居住英國商人，或准在澳門居住，得自由出入，六、英輸入貨減稅，七、准英人自由傳教，馬甘尼以莊嚴美麗二汽船，攜英王國書、贈獻品，與英外務大臣寄贈廣東總督之書幣，來中國。至白河，清政府目爲貢獻，樹英國貢獻船之旗於使船。時高宗狩熱河，命英使至熱河賜見，強使行叩頭禮。馬甘尼峻拒之，卒許行謁本國國王之禮。此行雖受破格待遇，不達締約目的。嘉慶十年，英政府復遣使至中國，攜貴重苞苴，賄賂當路，政府探知，斥英使謁見，且作傲慢國書，致英王約翰二世，斥英使歸國。嘉慶二十一年，英政府復遣亞墨斯爾爲大使。至北京，清政府目爲例貢使，英使大怒，謂目獨立國大使爲貢使爲無禮之極云。然廷吏憤馬甘尼不叩頭之故，迫亞墨斯爾謁皇帝，與過皇帝虛位，皆叩頭，雙方強硬，久不協議，廷吏請旨解決，忽下旨許其行謁，本國國王禮即時陛見。時亞墨斯爾以勞於無益應對，在病中，欲暫養心神，然後入覲，廷臣不憫其情，頻加逼迫，亞墨斯爾大怒，復峻拒之。廷臣奏上，詔責使節無禮，即命退出國境。亞墨斯爾知不可挽回，空歸國。道光元年，廣東人與英商屢起違言，廣東灣投錨之英國軍艦，被粵民攻擊，英兵多負傷，地方官以惡英人甚，不問罪，且嚴課關稅，並禁外國婦人上陸，英商大困苦，不得已悉攜家族退澳門。道光十四年，英政府遣律勞卑爲英商貿易監督官，至廣東，稅關吏稟總督曰：「三外鬼來，總督慮坤命律勞卑暫滯澳門，律勞卑不可直赴廣州。」遣書記攜書赴總督衙門，盧坤怒其書用平行式，又不經華商通信，拒絕之時，鴉片輸入與銀貨輸出，逐年增加，國內年加恐慌，總督以下，悉欲嚴禁輸入鴉片，英人以禁其主要輸

律勞卑來
密東之失

羅頰孫之
不得志

義律之平
和策

鴉片輸入
中國之起

出品。固不承認。雙方激昂。總督遂禁英人通商。律勞卑直令軍艦二艘。溯江上保護商民。軍艦進虎門。發砲互擊。後退泊黃埔。時律勞卑以三伏暑中。罹疾。遂退澳門。尋疾卒。盧坤以律勞卑退出。復許英人通商如舊。律勞卑既死。英政府以羅頰孫繼其後。盧坤等鑒於前事。增定防範章程多款。羅頰孫在職中。不得發達商業。惟居留澳門。上書本國政府。計於珠江海口占一小島爲根據。不復求與督臣交涉。道光十六年英政府廢貿易監督官。以甲必丹義律爲領事。僅監督水夫及貨物。以守中國規則之名義。得駐廣州。蓋義律欲以和平政策。擴張商利。務不失我國之歡也。然斯時我國禁鴉片輸入益嚴。兩國衝突終不可避。義律即鴉片戰爭之主要人也。

如上所述。列國對於我國懷遠大之希望。卑禮厚幣。屢屈不辭。冀擴張其商務。而卒不獲所求者。惟英國爲最。因此積恨之餘。將觸機暴發。亦自然之勢也。

第二節 英商鴉片貿易之情狀與開戰之原因

唐貞元時。中國有自亞刺比亞商人輸入罌粟者。至明中世東洋貿易。概歸葡萄牙人手。由葡人輸入罌粟不絕。明萬歷十七年關稅表中。有鴉片十斤。價銀條十二個之規定。明末禁吸煙草。廣東福建海濱各埠。有代販鴉片之習慣。時英人代葡人執東洋貿易權。於印度殖民地。廣植鴉片。以中國銷路甚廣。英國遂以鴉

政府禁煙
與奸商貪
吏之私買

鴉片輸入
之增加

片爲年獲巨額財源。中國政府昧於遠見。不嚴禁絕。遂染及於一般人民。原鴉片爲物。吸之雖覺甘芬。然不
暖不飽。且積久遂成癖。一度不吸。便如大病遽發。比不食粟尤加痛苦。且傷精敗神。涸血鑠體。至終身罹痼
疾之患。而所生子女。亦成弱種。其爲害等於鴆毒。乾隆時設嚴律禁止。『國內商人販賣者。枷一月。杖一百。
遣邊充戍卒三年。侍衛官吏犯者罷職。枷二月。杖一百。流三千里爲奴。』一時鴉片之買賣甚稀。不久法令
漸弛。販者吸者如前。嘉慶二十一年。燒鴉片三千二百箱。實行前令。然吸煙之嗜好。深浸人心。海邊奸商。常
以船出海上。待英船來。即販鴉片由徑路私賣於各省。人民私吸於暗室。互相祕密。情勢如斯。已爲禁令所
不及。且英商恐官吏嚴查。每以巨金賄官吏。官吏貪賄。陽禁密許。吸煙之風愈熾。嘉慶二十一年。英商輸入
鴉片額。僅三千二百十箱。至道光十年。遂超至一萬八千七百五十箱。道光十六年。超至二萬七千餘箱。是
年英商且公然向政府請解鴉片輸入之禁。爲政府所拒。茲將嘉慶二十一年至道光二十一年之間鴉片
輸入增加額表於左。

箱

西班牙幣

嘉慶二十一年	三二一〇	三六五七〇〇〇
嘉慶二十五年	四七七〇	八四〇〇〇〇〇
道光五年	九六二一	七六〇八二〇五

道光十年

一八七五〇

一二九〇〇三一

道光十二年

二三六七〇

一五三三八一六〇

道光十六年

二七一一一

一七九〇四二四八

銀貨輸出
與國論

事勢至此。經濟上年漏出數百萬至千萬以外之巨額。先是中國產銀甚稀。明清中外通商以來。由外國輸入銀甚多。本國產銀亦漸盛。然額猶少。政府恐銀貨輸出。有危國本。令內國商人與外國交易。祇准以物易物。不准以銀買貨。及鴉片輸入超過輸出。勢不得以銀補償之。銀之輸出額漸多。至道光尤甚。道光三年至十一年。廣東輸出銀共一千七八百萬兩。十一年至十四年。共輸出二千餘萬兩。十四年至十六年。共輸出三千餘萬兩。此外福建浙江山東天津等處輸出者。尚不在數內。於是銀貨日缺。國內經濟愈困難。朝野上下。皆知鴉片流毒之害。鴻臚寺卿黃爵滋御史朱成列痛論『國內銀錢日缺。無賴游民日增。其原因實由不禁鴉片之故』。奏請嚴塞漏卮。以培國本。朝廷採其議。立新制。『一、合十人爲一保。互相警戒。其中一人犯禁。十人受罰。二、家藏鴉片與煙具者。處死。三、知官吏受賄不報者。削其官職。』並令各省督撫將軍厲行禁令。各抒意見上奏。湖廣總督林則徐厲行禁令。卓著成效。其覆奏尤剴切。略云、『煙不禁。國日貧。民日弱。數十年後。豈惟無可籌之餉。抑且無可用之兵。』宣宗賞之。是年冬。召入京。拜欽差大臣。查辦廣東海滯事宜。兼節制廣東水師。期實行杜絕鴉片貿易。翌年正月。林則徐至廣東。先窺英商館之動靜。聞先年憤歸

林則徐
欽差大臣
赴廣東

之英商復返者甚多。又華商頗有出入洋館者。則徐知爲鴉片密賣關係。與鄧廷楨謀。先捕出入英商館之華商數名。殺於館前示威。嗣迫英商所有鴉片。限三日內一律交出。英商不聽。則徐大怒。直命吏卒百人襲商館。英人大驚。出鴉片一千三百七十箱。交付吏卒。則徐知隱藏尚多。欲一次嚴懲。永絕後憂。將領事教師醫師與密賣事件無關係者。盡捕之下獄。且禁給商館食物。又悉奪其船舶。以絕歸路。英人大困。則徐令『出所藏鴉片二分之一者。與食物。出四分之三者。仍許貿易。』英商旋獻鴉片二萬二百八十三箱以謝罪。乞許三事。一領事以上悉解放。二不禁止食物。三許如舊貿易。則徐馳使奏上。朝廷大賞其英斷。旨命率同文武官共同銷毀。俾沿海共見其閔。有所震懾。則徐奉旨就虎門海岸悉燒之。將其灰雜以石灰與鹽。引潮水淘之海中。英商快快去澳門。各國商人亦免死狐悲。相次去廣東。廣東之外國貿易。一時衰落。華商之失業者亦甚衆。

當時朝廷禁鴉片不遺餘力。自十八年以來。京城內外各衙門。發見鴉片罪犯。分別奏咨交刑部審訊者。不下數百件。十九年五月。王大臣定新例三十九條。『凡開設窯口。屯積鴉片者。爲首斬梟。爲從絞監候。開設煙館者。爲首絞監候。爲從發新疆爲奴。栽種鴉片製造煙土者。爲首絞監候。爲從流極邊煙瘴。吸食鴉片者。自下令之日起。經一年六月尙不悛改者。無論官民。皆絞監候。』並待旨纂入則例。永遠遵行。然此新例僅適用於內國臣民。則徐自焚鴉片後。爲杜絕根源之計。一方請設專條。凡洋人以鴉片煙入口。分別首從處

英商之窮
狀與開戰

斬統。一方向各國商史布告『凡商船入口者，皆須具結。如有夾帶鴉片者，船貨沒官，人即正法。』葡美諸商，皆具結互市如舊。英領事義律不欲，請則徐派委員至澳門會議。則徐斥不許。七月，下令沿海州縣，絕英人薪蔬食物。且令退出澳門。義律率同英商，聚居尖沙嘴。對香港貨船中，流連海上度日。又迫無食物，退維谷。遂決死戰策。先是義律以中國禁煙情狀，告本國政府，要求派軍艦數艘為援。十八年，印度總督派軍艦數艘至澳門。義律大喜。至此以二艘駛至河口，索食物。宣言不許則開礮擊。則徐大怒，令守兵嚴戰備。愈禁食物。英艦遂於川鼻島尖沙嘴附近，擊沈廣東水師礮船三艘。逾日毀其二艘。擊沈三艘。水師提督楊靖江負傷而逃。十一月八日上諭，停止英商貿易。戰機遂開。

初，英國政府接義律請派軍艦救援之報，名士鐵兒額爾等，以鴉片貿易為不德義，且污辱大不列顛國旗之事，力反對出兵。英政府亦取平和主義。諭義律勿以軍艦駛入廣東河口，以召中國政府之猜忌。及接則徐燒鴉片之報，復諭義律，謂女皇陛下之政府，不能援不德義之商人。若中國政府實行國法，致我國商人受損害，原係商人自孽自得，須自負責任。云云。及接已開戰端之報，主戰派漸多。道光二十年一八四〇年二月，英政府向議會要求協贊軍費，大起紛議。衆議院有力議員論曰：我政府若重德義，數年前當與中國政府協力嚴緝奸商。縱不然，宜與奸商斷絕關係。彼等以不正貿易，所蒙損害，政府可不顧問。乃事不出此。致中國政府不知我政府意之所在。以有今日。政府不可不負責任。陸軍大臣馬哥烈辯曰：政府為欲杜絕密賣。

英國議院
欲發出兵

曾竭十分之力。無如東西隔絕。不能盡如所意。政府祇得盡其可爲力者而止。今事實已由在彼處商人與中國政府開戰。若坐視不救。不但損國威。辱國體。實大不列顛民族之大恥辱。於是議論百出。費三日激論。卒以九票之多數。協贊出兵。

第二節 中英戰況及南京條約

英國政府得議會協贊軍費之後。旋命加至義律領事甲必丹義律另是一人統陸軍。伯麥統海軍。率印度喜望峯之海

林則徐大
治軍備

陸兩軍一萬五千人。軍艦二十六艘。大礮百四十門。於道光二十年五月至澳門。先遣使至廣東議和。則徐不應。初。絕市諭下時。任則徐爲兩廣總督。則徐大治軍備。自虎門至橫當山。互設鐵練木筏。購西洋礮二百餘座。列置兩岸。又備戰船六十。火船二十。小舟百餘。募壯丁五千。演習攻戰法。及英船至澳門。則徐命火舟十艘。乘風潮攻之。焚其杉板小船二艘。大喜。卽大張賞格。募殺敵者。然英軍志在通商。無意激戰。以廣東有備。於六月初五日。進達舟山。碇泊定海。定海縣知縣兆公鎮。鎮臺張朝發。毫無設備。忽見十三艘敵艦抵港。人民大驚。知縣隨親兵數名抵英艦問來意。英將以言語不通。良久。出文理不清之漢文書一封與之。大致言先年廣東大吏無道。凌辱英商。今大英國主派大軍來此。老爺必先以定海及附屬海島一并投降。云云。兆公鎮閱罷大驚。懷書歸白鎮臺。張朝發急集兵固守。編港內商船漁船。載礮整戰。翌日。英艦十三艘。整一

英軍陷定
海

字陣齊發。我船舶或沈或沒。兵士亂逃。張朝發亦遁。人民爭先奔城內。英軍乘勝上陸攻城。彈丸落城中。爆裂。兵民狼狽。翌日城陷。張朝發以下先遁。知縣投城死。全島歸英軍占領。

英軍既奪定海。旋自定海窺錢塘江。攻乍浦。用爆發藥碎乍浦城。兵民震慄。城將潰。英軍忽退去。既伯麥率軍艦將攻寧波。遇水師於錢塘河口。大破之。封鎖寧波。不加害居民而退。至七月。伯麥與領事義律由定海解纜。巡成山岬。入渤海。進逼白河。先是定海陷後。諸大吏懼禍及。多造蜚語。中傷則徐。廷議動搖。詔兩江總督伊里布赴浙視師。且密探則徐致寇之由。及英軍進白河。領事義律向直隸總督琦善提出和議六條。一、償還貨值。二、開廣州廈門福州定海上海爲商埠。三、兩國國際用平等禮。四、賠償軍費。五、不得以密賣鴉片商累及無辜英商。六、盡裁洋商浮費。琦善奏聞。時天津道陸建瀛議請以廢止鴉片貿易爲先決問題。苟英人許諾。則許以免稅代第一條。開放澳門代第二條。海關監督與之行平等禮代第三條。其餘仍令回廣東。與則徐協議。然朝廷方欲加罪則徐。以謝英人。顧一概不許。但覆以繳煙事件。其中必有多少曲折。將來欽派大臣。前往查實。不難窮治則徐之罪。云云。於是詔琦善爲兩廣總督。斥則徐辦理不善。誤國貽憂。褫職職處。命伊里布急至天津。會領事義律。告以天津非外國使臣碇泊之處。請返廣東。與新總督議和。義律以有和局。卽退返舟山。九月與伊里布會於浙江。議定休戰約。英軍卽撤定海軍艦之半還澳門。琦善以十月至廣東。至則。盡反則徐之所爲。撤水師。散壯丁。廢一切守備。冀釋英人之猜嫌。允償煙值七百

英艦
河與
白則徐
處
護

萬元。時加至義律病，甲必丹義律當談判。見琦善易與，要求愈厲。於前案六款外，復提出割讓香港之議。琦善堅拒之。英將以廣東毫無守備。於十二月十五日，率軍艦攻陷虎門外沙角大角二礮臺。琦善大驚。即夜遣書義律，再申和議。於煙價外，許開放廣州。割讓香港二件。義律亦許還付定海及沙角大角兩礮臺。即於二十八日，議定草約。於是英人一方撤退舟山列島艦隊。一方於香港築建房屋埠場。視爲已有地。先是英艦退出白河之後，北京主戰派之勢力復振。及聞虎門之攻擊，宣宗赫怒，欲親征。盡殲醜虜，以伸國威。廷臣諫止。乃命皇姪奕山爲靖逆將軍。尙書隆文提督楊芳爲參贊大臣。楊芳率滿洲湖南之兵約一萬。奕山率衛兵六千。別兵五千。隆文率河南貴州江西廣西各省兵約二萬。赴廣東。將欲一舉盡覆英軍。琦善旣與英將訂和約，復接朝廷宣戰之旨，異常狼狽。不得已，數以美女珍珠，盛饗英使。計爲一時之彌縫。英將疑琦善所爲，戒心不弛。及潛查大兵將至，義律等大怒。於二十一年二月初五日，復入犯。陷橫當虎門各礮臺。水師提督關天培戰死。各要隘大礮三百餘門。及則徐先年所購西洋礮二百餘門，悉爲所奪。當時英國政府，聞本國軍陷琦善奸計中，急命駐印度陸軍少將臥烏古海軍大將巴恰率印度戍兵，續向中國進發。至廣東，則值楊芳率軍抵廣州。方相度形式，欲扼珠江要害。然臥烏古率新軍長驅深入，盡占珠江要害。楊芳遂束手無策。

時英軍雖得大振武威。然各國商人，以罷市日久，多不直英人所爲。英人亦不欲以長期戰爭，損害商務。於

州英軍夜襲

是英法商人介華商遞書調停。時朝廷方得英人占據香港之實信。大怒。命隸琦善、以檻車送京師。且必欲雪此恥辱。嚴拒之。三月二十三日。奕山隆文及新任總督祈墳等。皆抵廣州。新至大軍。充斥城內外。四月初日。奕山命水師以夜半襲擊英船。圍其商館。皆無所獲。翌日。英艦進攻。我軍無紀律。銃礮亂發。瞬時軍船四十艘。全被擊破。英軍焚港內筏船數百。油薪船三十餘艘。進向廣州。初三日。上陸。張營陣於東北山上。向東門礮擊。城外街市火起。煙燭漲天。兵民爭逃城內。英軍乘勢進擊。四川兵潰。湖南兵降。總兵鄧永福戰死。翌四日。爲英女皇維多利亞卽位第四週年祭日。英將卒海陸軍由北門進攻。守兵不戰退城內。英軍悉奪四方各礮臺。礮擊城內。城內兵民慌混。奕山隆文楊芳皆大恐怖。將混身士卒逃出。臬司王廷蘭怒請奕山曰。英兵雖強。以多寡論。不及我十分之一。奈何以十倍之兵。棄城而走。請以滿洲四川貴州兵與我。誓死收回四方礮臺。時奕山已決計請和不聽。翌五日。英軍愈迫城下。城內死傷益多。奕山命商人伍榮韶與廣州知府余寶純臨英陣。向臥烏古行九叩首禮。呈奕山乞和書。臥烏古始以中國大吏無信用。不許。既允之。訂左之休戰條約。

休戰條約

- 一 將軍等允於煙值外。先償英軍軍費六百萬元。限五日內交付。
- 二 官軍退駐城外六十里地。
- 三 香港割讓事件。俟異日協商。

三元里平英團之營

奕山之欺再舉英兵

英軍陷廈門與舟山

四 英軍退出虎門

五 交換俘虜

城內聞和議成，大喜。奕山以此六百萬償金，爲廣州居民生命財產之代價，議以四百萬由官庫發給，以二百萬由廣州居民分擔。搜括無所不及，而英兵以此間遊行市街，大肆淫掠，粵民大憤。初十日，三元里民萬餘，忽樹平英團旗幟，乘英軍陸續退去之際，襲擊之。義律陷於重圍，知府余寶純以將軍命救出。翌日，償金授受畢，英軍退去廣州。奕山隆文退屯金山，留楊芳以少數兵駐城。隆文不數日遽卒，楊芳亦尋以病歸。是役我軍戰死五百人，英軍戰死十餘人。

廣東雖以此城下盟，得一時苟安。然奕山奏疏，則全然混飾。僅謂英人祇求如舊通商，且以償金改稱還商。欠至煙價香港二問題，則一字不及。朝廷以爲事已妥洽，一方飭奕山等增修廣東守備，一方追諭林則徐開釐之罪，遣發伊犁。而英人則以此次退兵，不過一時之休戰，必將上年所索六款，及香港割讓事，全然承認。另訂正約。然後罷兵。屢向奕山索訂正約，奕山不得已以賠償煙價、與割讓香港二件，皇帝不諭允。答之。英人大怒，決再舉兵進犯北京。

其時英新任大使僕鼎查，與海軍少將巴爾克爾自英本國來澳門，會伯麥亦由印度調戰艦返粵，臥烏古與巴爾克爾於七月初六日，率大小軍艦二十六艘，兵士三千五百北上。初九日抵廈門，攻海岸砲臺。十一

日全占領之。閩督顏伯燾金廈道劉曜春退保同安。英將留兵五百軍艦三艘守之。率餘艦北進。八月十二日抵舟山。碇泊定海灣口。先是英軍以天津和議。還付定海。總兵葛雲飛。及他將士。力修防備。至此英軍艦進口。葛雲飛即命開戰。勝負不決。十五日。英艦并進。攻雲飛本營。勢甚猛。雲飛不支退卻。英軍上陸。處州總兵鄭國鴻遮止之。英軍轉戰至五奎山。築陣營爲根據。十六日。英分三軍攻東港浦。鄭國鴻戰死。餘衆潰。壽春總兵王錫朋苦戰。敗死。雲飛久決死戰。雖敗猶支。卒膽軍旗。投水死。副總兵徐桂馥負重傷。猶力持。以英軍激進。率殘卒閉城堅守。知城將陷。自縊死。城陷後。英軍設民政部治理之。人民皆安堵。舟山列島。悉歸占領。置守兵四百守之。遂率全艦隊進攻鎮海。

先是朝廷以裕謙爲欽差大臣。繼伊里布防禦鎮海。兵不滿二千。裕謙張虛勢。於城外布列虛營。建旗竿數千。夜間焚篝火。鳴鐘鼓。示有大軍之勢。而一方力募新兵。奈應募者甚稀。新軍不成。又鎮海地勢低下。八月望日。連日大雨。平原出水。城外忽水深三四尺。士卒將火藥火器。悉送城內。二十六日夜半。海嘯。城外土民皆乘舟欲趨城內。以水大不能開城。悉集城下。英軍乘水勢。十餘艘軍艦直迫城下。大小礮齊發。數千人民立死於猛火洪水中。臥烏古用水攻計。以大礮裂城壁。崩十餘丈。濁流滔滔入城。英兵以礮火繼其後。城內兵民死者無算。裕謙投水死。提督余步雲得舟逃寧波。鎮海遂陷。英軍乘水勢。直溯甬江。進迫寧波城下。步雲復棄城走上虞。無一將卒禦戰者。居民以前年伯麥封鎖寧波。毫不加害。開城各樹順民旗於戶外。臥烏

古入城。安民治理。豫定息卒數月。以圖大舉。

時朝廷聞廈門定海鎮海軍波諸要地皆陷落。大怒。詔吏部尚書奕經爲揚威將軍。侍郎文蔚都統。依順爲參贊。規復浙東。奕經奏調川陝河南新兵六千。募江淮間義勇及沿海亡命數萬。以道光二十二年正月朔抵杭州。十六日次紹興。其進軍方略『一、奕經以三千兵軍紹興之東關嶺。文蔚以二千兵軍慈谿城北之長溪嶺。副將朱桂參將劉天保以三千兵軍城西大寶山。以圖鎮海。二、提督段永福以四千兵伏寧波城外。余步雲以二千兵駐奉化。以圖寧波。三、海州知州王用賓與故總兵鄭國鴻之子鄭鼎臣統水師圍定海。』約於正月二十八日同時進兵。各遣兵卒易服裝。先入城內爲內應。鄭鼎臣以欲報父仇。率水師先期渡海。攻定海。冀奪敵根據地。旋被英艦擊敗。退向寧波。攻寧波之段永福軍。被敵砲擊死過半數。攻鎮海之劉天保軍。以內應不力。不戰而退。二月初四日。英軍進攻大寶山。朱桂戰死。天保軍潰。文蔚卽夜走蕭山。英軍長驅陷大寶山。長谿嶺。而後返寧波。奕經亦渡江回杭州。時乍浦之萬餘水師。亦遣散矣。

英軍既擊破規復浙東之大軍後。旋徵發寧波商紳犒軍銀二十萬元。盡撤寧波鎮海之屯。以四月八日。迫乍浦。先是天津議和之後。清廷命伊里布視查乍浦形勢。建設砲臺。鑒於各處砲臺易被攻陷。特聘駐北京之俄國築城家爲監督。故新砲臺全歐羅巴風。甚堅實。工成後。伊里布大悅。置兵八千守砲臺。另備滿洲精兵一千七百。任防禦。至此英軍艦十二艘。排陣入港。城上砲兵心亂手疏。所發大砲。無一中敵者。敵軍直上

陸迫城下。將卒狼狽多逃。獨洪副將率滿洲兵二百人潛伏市中。當英軍乘勢襲來。俄起背後。狙殺英兵甚多。卒以無援。戰死。城遂下。臥烏古入城。大賞士卒。忽接印度總督進攻長江以扼南北交通之令。臥烏古遂定攻上海策。

英軍大犯
長江

臥烏古以五月朔。率全艦抵吳淞。吳淞守兵沮喪奔逃。英軍不發一礮占領。旋以水陸兩軍並進。攻上海。提督陳化成督兵憤戰。擊沈敵艦二艘。中飛彈死之。守兵潰。上海遂陷。臥烏古以上海爲根據地。其時英本國援兵至。兵威愈振。五月中旬。臥烏古率大小軍艦七十三艘。溯長江而上。先後拔福山、江陰、關山、諸要塞。六月初八月。達鎮江。鎮江爲通南北及長江上流各省咽喉地。政府恐敵犯此。早於阨要處。多置礮臺。嚴守備。至此又命參將齊慎。提督劉允孝督兵赴援。乃駐防副都統海齡。嚴拒不納。命戰城外。惟以已部下蒙古兵千餘名守城內。且禁居民遷徙。日夜搜索漢奸。無論真僞。虐殺無數。居民鼎沸。十三日。英軍陸戰兵七千皆上陸。分三隊并進。右隊當鎮江城外兵。左中二隊合攻城之西北。臥烏古自率礮隊爲援應。城外兵與敵右隊交戰即退。西北城上守兵亦如之。惟東南城上拒敵頗激。然敵軍移大礮於北固山上。向城內放射。將卒震慄。旋臥烏古又以大礮破南門。英軍湧入。齊慎負傷逃。海齡自殺。驍騎祥雲投溝死。城陷。英軍大奏凱。是役我軍將卒戰死及市民男女縊死溺死者無數。英軍戰死三十七人。負傷百二十一人。臥烏古乘勝。留一軍守鎮江。率餘軍直向南京。沿江安徽江西湖北湖南各省居民。大惶惑。清廷亦頓增危懼。宣宗欲遷熱河。

英軍陷鎮
江攻南京

避亂和議之機漸熟。

中國乞和之苦況

當奕經規復浙東大敗之後，浙撫劉韻珂力主和議，奏請起伊里布來浙議和。廷議賞伊里布七品頂戴，赴浙効力，以欽差大臣耆英署杭州將軍，詔諸軍按兵勿攻，惟扼要塞，以俟機會。及乍浦陷落後，伊里布急至英艦議和，則臥烏古已率全軍向吳淞矣。同時劉韻珂奏請遣捕虜，送諸乍浦。乍浦英艦已赴吳淞，送諸鎮海。鎮海英艦亦如之。奕經急檄兩江總督牛鑑赴吳淞會臥烏古。至則吳淞已陷，臥烏古進攻上海矣。皆無所及。及鎮江陷落，耆英伊里布牛鑑程喬采合奏請和。清廷以恐怖之餘，乃命耆英伊里布為媾和大使。僕書僕鼎查。七月初六日，英軍支隊於南京上陸。初七日，耆英伊里布共抵南京。英軍擬以初十日黎明，開礮擊城。初九日夜半，三全權合名送書僕鼎查，請翌朝會見。英軍始停止礮擊。翌日會見之際，三全權表真實乞和之意。僕鼎查以前此素無信用之故，尙疑之。忽流言我國於壽春縣等處募兵，將斷英人後路。臥烏古大怒，直命運大礮於鍾山巔，將以一擊碎南京城。耆英百方辯解始止。十四日，三全權往英艦定休戰約。二十一日，始開媾和談判。越三日媾和條約成立。時道光二十二年七月二十四日也。英艦懸兩國國旗，舉祝礮二十一發。戰局始結。其條約之主要者如左。

一 中國政府納賠償銀二百萬元與英國政府。

南京條約

內以一千二百萬元賠償軍費。以三百萬元償還債務。以六百萬元賠償燒失鴉片費。其款分四年交兌清楚。

英國占領揚子江一帶地方。於第一年賠款交清後。即行撤兵。惟舟山鼓浪嶼二處。俟償金全清。五港開放之後。英始撤兵返還。

二 中國政府以香港、全島、永遠割讓與英國。

三 中國政府將廣州、福州、廈門、寧波、上海、五處。開爲通商口岸。准英國派領事住居。并准英商帶家屬自由來往。

英商貨物進出口稅。應秉公議定則例。以便按例交納。其照例納進口稅後。准由中國商人販運進內地各處。所過稅關。不得加重課稅。

四 以後兩國往來文書。用平等款式。

五 放還英國俘虜。凡戰役中爲英軍服務之華人。亦一律放免。

此條約爲中國不平等條約之開端。償金割地。爲戰敗國一時之現相。在對等國家。亦間有之。惟迫開商場。規定輕稅。爲侵害國家之主權。束縛國家之自由。使中國不得爲主權發動利於本國之行爲。於是英國爲中國之權利者。中國爲英國之義務者。英國爲中國之壓迫者。中國爲英國之被壓迫者。推而行之各國。於

是各國爲中國之權利者壓迫者，而中國爲各國之義務者被壓迫者，故中國一部不平等條約，從此開端，即各帝國主義者壓迫中國，從此開演也。

右條約批准，與第一期償金交付之後，英軍於八月杪撤江寧鎮江上海吳淞寧波鎮海各占領地之兵，退屯定海，旋於舟山置守兵二千，鼓浪嶼置守兵一千，香港戍卒一千七百，臥烏古返印度，僕鼎查以功任香港總督兼陸軍大將，清廷追論牛鑑不守江口罪，革職逮問，以耆英代之，隸奕山奕經文蔚余步雲等交刑部議處，命伊里布爲欽差大臣，赴廣州，與英使交換批准條約，且協訂開埠約章，伊里布至廣州，值粵民有與英勞働夫格鬥負傷者，輿情激昂，平英團黨徒，蜂聚英商館，肆志焚掠，不受官吏約束，僕鼎查復率艦隊赴廣州，將爲自由行動，會伊里布至，懲暴徒以謝，僕鼎查亦喜，屢請定期會議開埠條約，會伊里布以七十二齡老年，寢疾不起，二十三年二月，卒於廣州，於是清廷命耆英代之，是年五月，兩全權交換批准條約，九月訂通商開埠約，規定關稅及其他細目共十七條，自是五口開放，次第施行。

南京條約公布之後，歐美各國，鼓舞歡迎，比利時、荷蘭、普魯士、西班牙、葡萄牙、諸國，相率派領事或公使來廣東，而美利堅法蘭西二國，且派特命全權公使，求與我國締修好通商條約，道光二十四年正月，美國全權大使克心古奉德拉大總統之國書，通意我國政府，政府仍命耆英主其事，同年六月，與美使會於澳門，締中美修好條約，越月而法國特命公使孛拉克勒尼亦至，九月耆英與會於黃埔，締中法修好條約，至道

舟山列島
不割讓
他國之約

鴉片問題
之結局

光二十六年。償金全數還清。商埠除廣州外。皆已開放。耆英與香港總督佛朗西士達維斯會於虎門。請撤舟山鼓浪嶼之兵。告粵民驚悍惡外。廣州開放之事。乞延期二年。香港總督以「舟山列島。永不割讓。與他國爲條件。耆英許之。於是先訂舟山。永不割讓。與他國之約。然後撤舟山鼓浪嶼之屯兵。至此鴉片事件。始完全結局。然戰爭原因之禁煙問題。至戰後。清廷竟漠然忘之。耆英伊里布等。既不能爲國家謀百年大計。於議和時。訴之德義與名譽。力求英國政府協同禁止輸入鴉片。而清廷亦不思將來鴉片爲患之無所底止。竟毫不加禁。遂使官民之吸者日甚。英商之輸入愈增。至咸豐八年。清廷竟公然弛禁。以洋藥之名。徵收關稅。且利用之以爲增收財源之具。稅政至斯。邦國所由殄瘁也。

第二章 英法聯軍入北京

道光二十二年
至咸豐十一年

第一節 開釁原因及天津條約

廣東紳民
之排外

徐廣縉對
外方略

道光二十二年南京條約成。五口通商。其中福州廈門上海寧波四處人民。均安然無與外人構難者。惟廣東人民。排外風熾。蓋自三元里與英人決戰以來。積怨甚深。二十三年。粵民有與英勞働夫格鬥負傷者。衆論大譁。焚英商館。卒以伊里布之調停始寢事。及耆英爲兩廣總督。廣東紳民。合詞請勿許英人入城。耆英以所請與南京條約不合。置不答。紳民大憤。傳檄起團練。不受官吏約束。誓拒英人入城。而英香港總督佛朗西士達維斯屢逼耆英實行條約。耆英以粵事不易爲。一方運動內用。一方密與英香港總督結舟山不割讓與他國。而代以廣州開放。延期至道光二十九年之約。二十七年耆英果內用。徐廣縉爲兩廣總督。葉名琛爲廣東巡撫。二十九年。英香港總督迫實行條約。以軍艦逼入內河。廣縉密召諸鄉團練。先後至者十餘萬。而自乘小舟赴英艦。告紳民頑強不可犯。英人謀留廣縉爲質。兩岸團勇呼聲震天。英人懼。仍請修前好。不復言入城事。自是粵民益自得。以爲洋人易制。且乘機多方阻礙通商事務。香港總督文翰甚憂之。屢催廣縉更定廣東通商專約。廣縉與粵紳密謀。由紳民之意。請以嚴禁入城之語載入約中。文翰見羣情洶

洵恐妨商務。不得已承認之。遂簽約。粵民大悅。廣縉名琛會疏入告。清廷大喜。封廣縉一等子。名琛一等男。風示天下。自是廣東不起英商交涉者數年。

咸豐二年。廣縉移督湖廣。名琛遂陞任總督。會英政府亦以寶林代文翰爲香港總督。寶林性剛愎。懷積極侵略主義。迥異文翰之緩和。是時洪秀全舉兵。蹂躪東南諸省。惟廣東差全。又廣東爲中外通商都會。頗殷富。鄰近諸省。調兵餉。購軍械。率仰給廣東。名琛亦頗能選將募兵。擊平境內之土匪及羣寇之闖入者。五年以功拜體仁閣大學士。名望日隆。名琛益自負。常以雪大恥尊國體爲言。駁外人甚踞傲。每接交涉文件。輒略書數字答之。或竟不覆。英香港總督寶林甚恨之。六年。英政府任巴夏禮爲廣東領事。巴夏禮尤負氣。好爭小節。與名琛爭入城約。不得。與寶林謀乘機構釀。曾東莞會匪起亂。名琛下令諸府州縣通匪者。許吏民格殺勿論。於是悍民假捕匪之名。互相仇殺。前後死者若干萬。從匪者不敢歸。或逃擾鄰省。或遁沿海羣島。投英籍以自護。賊魁關鉅梁等。獻議於巴夏禮。請攻廣東。巴夏禮急欲覓機開釁。未幾亞羅事件起。禍機遂作。

方是時國家苦於洪氏之變。調兵籌餉。爲日不足。政令益廢弛。東南沿海諸省。鴉片貿易之禁。殆如虛設。奸商乘之。假英人勢力。恣謀巨利。而英人乘我內亂。欲大擴張香港貿易之利益。利用奸商。與以護照或國旗。使奸船得自由出入各港。故華船入英船籍。揭英國旗。往來沿海諸埠者甚多。爲地方官所深惡。咸豐六年

九月初十日。有中國船亞羅號者。揭英國旗自廈門來廣東。其中船員英人二名。華人十三名。巡河水師。探係奸商託英籍自護者。登艇大索。拔其旗投甲板上。執華人十三名。械繫入省。以獲匪報。巴夏禮聞之。大怒。據南京增補條約。責擅執華傭爲不當。道光二十三年八月十五日之南京增補條約第九條。不法。侮辱華民。逃匿香港或英船者。華官須照會英國官吏移取。侮辱國旗尤非禮。要求遣還所獲十三人。並具狀謝罪。名琛審察亞羅號雖入英船籍。然十日前已期滿。無再揭英國旗之權。遂以中國官吏捕中國海賊於中國船中。事屬正當。與英國無干答之。巴夏禮辯亞羅號雖於十日前脫英國船籍。然以在航海中不能脫卸。實際尙爲英船。且既揭英國國旗。便不能爲此不法之處置云。名琛不與回答。巴夏禮訴於總督寶林。寶林命爲嚴重交涉。名琛送十三人於領事館。巴夏禮不受。且提出條件四則。一、送還十三人於原船中。二、辯解拘獲之理由。三、誓此後不再出此等不法之舉。四、四十八時關內無確實回答。作爲談判破裂。名琛大怒。下十三人於獄。不回答。亦不爲戰備。巴夏禮請總督加派軍艦。總督以海軍中將西穆爾爲艦隊長。於九月二十六日。砲擊黃埔砲臺。名琛遣使詰辭。由巴夏禮請入城面議。拒之。請城外會議。亦不許。時英兵不滿千。我兵與團練赴援者數萬人。以畏敵砲火。不能力戰。二十八日。英艦擊毀虎門砲臺。二十九日至十月一日。砲擊省城。忽陷之。名琛逃遁。英軍焚總督署。及官吏邸宅。然英軍此舉。非奉本國政府之命。不過一時恐嚇。求達其入城目的而止。又兵數僅少。雖得廣州。不能實行占領。會印度有亂事。須兵赴援。西穆爾遂率軍退廣東。粵民見英軍退。爭起爲暴舉。不分黑白。舉英美法各國之

商館洋房及十三家洋行。悉焚燬之。於是巴夏禮等知覺端已成。馳書本國政府。請增兵決戰。退香港以待命。

英國政府接開戰之報。首相巴馬斯頓主張開戰。於咸豐七年正月一八五七年二月向議會宣告。最近十五年間。

自道光二十二年中國政府。凌辱外人之事。共二十八件。要求議會協贊軍費。上院他舉卿與下院急進黨首

領可布德等。以亞羅號實係中國船。不認中國處置之非。下院以多數否決。巴馬斯頓遂解散下議院。先向

大衆演說。力呈廣東野蠻人指樂名琛加無禮於英國國旗。背棄條約指廣州開埠。不可不糾懲其罪。以雪國辱。新選

議員多激烈派。遂決議先遣特使迫中國政府改訂條約。賠償損害之事。不可則以兵臨之。於是英政府以

合縱之利。說俄法美諸國。請共派大使往北京。俄美二國無與中國開戰之意。惟各派大使求改訂商約。法

皇擊破崑三世欲耀國威於海外。以收本國人心。值咸豐六年正月廣西濫殺法教師事。求償不獲。遂引爲

口實。與英連盟出師。

英國政府以額爾金爲全權大使。法國政府以噶羅爲全權大使。額爾金於咸豐七年六月。率先發艦隊抵

星加坡。會印度土兵起亂。分兵赴援。而自率艦隊以七月抵香港。時法軍尙未至。額爾金返印度。助勦叛黨。

越九月復至香港。先貽書名琛。請約期會議。賠償損害。重立約章。不然。以礮火相見。名琛惡其狂悖。不獲。法

美領事。亦移文索賠償。且告英法已發大軍將攻城。願居中調停。名琛謂係周比相脅。不聽。亦不設備。十一

英政府與
議會衝突
及英法聯
合出兵

月法大使鳴羅亦率軍至。同盟軍以基督誕降節，致最後通牒與名琛，限四十八時內，獻廣東城，出降。名琛置若罔聞。將軍巡撫司道等，相率就名琛商戰守。名琛安然若無事，衆固請，則大聲答曰：「過十五日必無事矣。蓋名琛之父志誥，好扶乩，名琛亦篤信之。一切軍機進止，皆於此取決。過十五日必無事云者，乩語也。衆無如何。同盟軍至期不獲覆，遂以十一月十二日，遣陸戰兵六千上陸。十三日天初曉，砲兵據海珠臺，用大砲擊城。千總鄧安邦死戰，以無後繼不能支。十四日同盟軍三面進擊，交戰一時半，城遂陷。將軍穆克德訥樹白旗於城上，乞降。巡撫柏貴、道紳士伍崇曜等，詣同盟軍乞和。久之議不成。英軍入城，括督署財貨，並藩庫銀二十萬兩。捕將軍巡撫都統等，大索名琛。卒以二十二日得之。當城破時，名琛倉皇匿在都統署。後匿市中小商家，被英兵發見，捲其辮於手，挾以登舟。名琛身體巨大。英人嘲笑爲中國人之特種。後送至印度加爾哥他。咸豐九年三月卒於其地。廣州既陷，總督將軍巡撫均爲捕虜。廣東陷於無政府。同盟軍駐軍北城，使英法二海軍大佐當市政，仍放免柏貴等，令復原職，執行政令。廣東自是成三國合治政體者三年。其時朝旨以乖謬剛愎，名琛職，仍放貴署總督，旋以待郎黃宗漢代之。同盟軍欲乘勝迫中國改訂約章，酌給償金，增開商埠。俄美二國大使，亦欲乘間增改通商條約。於是四國使節，以咸豐八年正月，聯合致書宰相大學士裕誠，請以西曆四月一日，派全權大臣至上海，協議善後事宜。其書遣員送至兩江總督何桂清，請其轉遞。桂清據以奏聞。廷議謂大學士參謀內政，無預聞外交之例。外交事當各就邊臣議之。乃用裕誠名，仍經桂清照會四國公使，告「英

聯合軍陷
大沽

法美三國交涉事。已派黃宗漢爲欽差大臣赴廣東會議。俄國交涉事。委黑龍江辦事大臣辦理。時英使類爾命、法使鳴羅、已赴上海。二月二十一日。接裕祿覆書。怒其不應要求。決議率艦北進。於是英艦十餘艘。法艦六艘。美艦三艘。俄艦一艘。次第由上海向天津進發。三月初旬。諸國軍艦雲集白河口。投書直隸總督譚廷襄。請轉樞臣。急派全權議和。廷襄奏聞。詔戶部侍郎崇綸肉閣學士烏爾棍泰與廷襄往大沽議和。英法兩大使以其非相臣。不足當全權之任。概不會見。惟俄美二使與之會見而止。四月初八日。英法聯軍。突駕小輪船數十艘。闖入大沽口內。猛攻大沽礮臺。官兵少抗即逃。陷之。英法二使。更率輕礮艦逕抵天津。北京聞大沽陷落。大懼。急命科爾沁王僧格林沁督兵馳赴天津。備敵深入。復命大學士桂良。吏部尙書花沙納爲媾和全權大臣。時朝臣多保已革大學士耆英。熟悉夷情。請棄瑕錄用。詔給侍郎銜。飭赴天津。耆英往拜英使。英使拒見。耆英懼。逕回京。上震怒。賜自盡。桂花兩全權至天津。英使持所擬新約五十六款。法使持所擬新約四十二款。要求照約劃押。桂花據情入奏。廷議雖多憤激。然戰守俱無把握。不得已允之。桂花兩全權。於咸豐八年五月十六日。會英法兩大使。無談判照所擬條款簽印。卽天津條約是也。其主要者分別記述於左。

中英天津和約

中英天津
條約

一 自後英國得派公使駐中國北京。中國亦得派公使駐英國倫敦。

二 英國使臣謁見中國皇帝。不得行有礙國體之禮。准用歐西各國使臣謁見皇帝之禮。又兩國官吏交涉。按品級用平等禮式。

三 耶蘇教天主教徒之安分者。中國官不得苛待禁阻。英國人民攜帶護照者。得往中國內地遊歷。

四 除廣東、福州、廈門、寧波、上海、五口通商外。更開牛莊、登州、臺灣、潮州、瓊州之五港。爲通商口岸。又長

江一帶。俟粵匪平蕩後。許選擇三口通商。後開鎮江九江漢口三處

五 英民犯罪。由英領事懲辦。中國民欺害英民。由中國地方官懲辦。兩國人民爭訟事件。由中國地方官與英領事官會同審辦。公平訊斷。

六 南京條約後。輸出入貨品。課從價值百抽五之稅。今以物品之價格下落。課稅亦宜減輕。由兩國派員另定新稅則。經此次協定稅則後。凡關於通商各款。每十年酌量更改。

凡商船滿百五十噸以上者。每噸課鈔銀四錢。百五十噸以下者。每噸課鈔銀一錢。

七 此次英商損害銀二百萬兩。英國所費軍費二百萬兩。悉由廣東督撫設法賠償後。英軍始退出廣東城。

中法天津和約

一 自後法國得派公使駐中國北京。中國亦得派公使駐法國巴黎。

二 兩國官吏辦公交涉。按品位准用平等禮式。

三 除廣東、福州、廈門、寧波、上海、五口已開放外，更將瓊州、潮州、臺灣、淡水、登州、江寧、六口一體開放。但江寧俟剿滅粵匪後開放。

四 各通商口岸。准法國派領事住居。准法商攜帶家眷租地建房。不立限制。並准法國派兵。船。停。泊。以資彈壓。並得遊弋中國各通商口岸。

五 天主教徒。得入內地。自由傳教。地方官必厚遇保護。法國人民攜帶護照者。得往中國內地遊歷。

六 法人與法人。或法人與別國人之爭執事件。由法國領事辦理。中國官不須過問。若法人與中國人爭訟。法領事不能調停者。移請中國官協力查核。秉公完結。

七 法商依此次新定稅則。輸納貨稅。但以貨值依時有低昂。稅則亦應有更變。自後每十年校訂一次。
原約七年校訂一次。於同年通商章程內改爲十年。

凡商船滿百五十噸以上者。每噸課鈔銀五錢。百五十噸以下者。每噸課鈔銀一錢。
若以後中國對他國許與特惠曠典時。法國享最惠國之例。

八 此次法商損害費與法國軍費共銀二百萬兩。悉由廣東海關賠償後。法軍始退出廣東城。

此二條約。爲我國之最大紀念者。即不平等條約之實質。完全由此二約實現於中國也。其最重要者。一爲

領事裁判權。一爲關稅協定。一爲最惠條款。一爲內河開放。凡國家對於領土內行使主權。外國人不能不服從之。卽國家之獨立權也。法權稅權。皆由國家主權發動之所制定。爲獨立主權之最重要部份。許外人以領事裁判權。則外人在我領土內。而不服從我國法律。不但華洋訴訟。我國人與外國人在法律上不能平等。而外人假領事裁判權之護符。對於我國國家。演出無窮之損害。關稅一經協定。則國家財政。國民經濟。國內產業。皆無整理與發展之希望。國家不鬧至民窮財盡不已。至最惠條款。非相互的。而片面的。彼可得利於我。我不能求償於彼。其失對等國之資格。固不待言。自有此規定。無論異日。中國或因戰敗。或因被壓迫。而予他國之經濟利益。法國無條件。坐享均沾。此例一開。有約諸國。援例享有。於是各國皆爲我之上國。皆爲我之坐享權利國。而我爲供給各國利益之國。爲專向各國盡義務之國。其不平等。至此無以復加。至內河開放。本約雖未明言。然鎮江、江寧、九江、漢口。皆爲內河重要之地。一經開埠。卽爲內河開放。既予外人以領事裁判權。又許其兵艦遊弋。則中國內河。殆非中國所獨有。而變成各國共有之局。獨立國家。對於領土內之主權。殆以此二條約約束縛而無餘。一部不平等條約之骨幹之主脈。完全於此實現。

約既定。英法軍艦。悉去白河、返廣東。清廷派桂良、花沙爾與兩江總督何桂清。赴上海。會同英法代表。協定稅則事宜。旋訂定中英中法同樣之通商章程十條。其重要者如左。

一 凡進口出口貨物。不在免稅之列者。均按時價照值百抽五征正稅。

- 一 凡洋貨再運銷內地。除征正稅外。按時價照值百抽二。五征子稅。
- 一 凡海口免稅各貨。若運往內地。仍按時價照值百抽二。五征子稅。
- 一 鴉片煙准其進口。每百斤納稅銀三十兩。

此即與中國有最大關係之關稅協定稅則是也。凡進出口貨正稅一律按價值百抽五。若再運往內地販賣。則再抽值百之二兩五錢。對於日用品、普通品、奢侈品、毫不區別差等。爲世界罕有之關稅制度。而反明定鴉片煙進口。雖出於英法之壓迫。亦實由於清廷官吏毫無經濟知識之所致。天津條約。雖規定新定稅則。與通商各款。得俟十年期滿修改。然此稅則。迄至今日。即民國十六年。未曾得各國承認修改。以四萬萬人消受外國貨物之大市場。而此等極不平等之協定稅則。行七十年如一日。亦世界歷史上罕有之事也。同時俄美二國大使。亦在上海與我國締結最惠國條約。而法使噶羅乘締結條約後。即分派教師赴各省設天主教堂。地方官不敢異視。

第二節 第二次開釁戰況及北京條約

當天津條約末項規定『本約調印後以一年爲期。經兩國皇帝批准。在北京交換。』然實爲我政府所不欲實行。又價格林沁抵天津後。目擊洋人跋扈。與議和欽差之過於柔順。知實由武備不足之故。同盟軍退

出白河後。價格林沁一方。勅直督譚廷襄議罪。一方急修武備。即於白河兩岸築堡壘。建礮臺。河中置三柵。第一柵以松檟繫束而成。第二柵河底基以石腳。石腳上裝置鐵鎖。鐵鎖上束以厚板而成。第三柵石腳上裝置二三十丈廣之筏船而成。皆橫斷河道。以備敵艦進入之計。

豐年咸豐九年

二月。英政府以額爾金之弟普魯斯爲公使。法政府以布爾布澹爲公使。普魯斯赴任時。新外務

大臣馬爾默斯伯里訓之曰。中國政府原忌外國公使至北京。若有別項妨礙時。毋狐疑躊躇。須完全達北京換約目的。同時電訓東洋海軍艦隊長阿布。以軍艦伴普魯斯至白河。英法二國公使。同以五月二十日抵白河。數日前英艦隊長阿布。以兩國公使不日即到之旨。照會大沽守將。守將答曰。以我等武官。不聞朝命。有外國公使通行之旨。請照會天津大吏爲要。阿布又告曰。請除白河妨礙物。使公使通行。守將答曰。已將艦隊到着之旨。遣使告上憲矣。至二十日。阿布又告曰。前請解除河中妨礙物。尙未實行。若果不實行。將重以兵火相見。守將不答。二十三日。兩公使伴艦隊前進。阿布試過第一柵。不見守兵一人。兩岸礮門皆以簾掩其口。直督聞警。急送書英艦。告已在北塘迎接。請由北塘入北京。普魯斯拒之。阿布指揮聯合軍破第一柵。溯航二十五日夜。用炸藥碎第二柵之厚板。礮艦迫近堡壘。忽兩岸礮聲齊發。彈丸雨下。斯時守備礮兵以熟練得命中。聯軍二艦斷其錨索。不克支。階梯被破碎。不能登岸。將卒多中彈子。阿布傷足。法艦隊長亦負傷。上陸之敵兵。多沒於陷穿。英兵死亡四百三十名。法兵負傷十六名。礮艦沈沒四艘。聯軍狼狽退走。

得美艦長之應援始退出。旋告急本國政府。退上海以待援軍。北京聞捷大悅。傳旨將力戰將卒分別保賞。朝野動色相告。謂外事自此有轉機。天津條約已歸無效云。時美公使後至。聽政府命由塘沽進京。以儀式不合議。不得謁皇帝。於七月十七日。在北塘交換條約歸國。

英法兩國。接白河事變之報。國論激昂。英國議會多主張非批准條約之後。無航白河之權。罪普魯斯輕率好事。此議蓋謂天津條約。明規定經皇帝批准後。在北京交換。則必條約批准後。公然普魯斯係實行首相訓令。故議會詰責政府。政府祇冷然答辯。其後議會亦不窮追。協贊出兵。英政府仍命額爾金爲特命全權公使。陸軍中將克靈頓爲海陸兩軍總督。率本國及喜望峰印度之兵一萬三千。復加香港駐屯兵五千東來。頗爾金將行。外務大臣訓之曰。此行使命。一問白河攻擊使艦之理由。二索英法軍艦損害之賠償。三實行在北京交換天津條約。額爾金以咸豐十年三月。由本國出發。法政府仍派噶羅爲特命全權公使。陸軍中將蒙他板爲海陸兩軍總督。率本國兵七千二百東來。蒙他板以咸豐十年二月一日抵香港。二月十六日。英使普魯斯法使布爾布隆向清政府送通牒。告以交換天津條約。賠償白河損害。可不再以軍火相見。先是香港月報。有英人將以明年大舉入犯之語。華洋巨商。懼妨貿易。議集白金二百萬兩。償英損害。阻其再犯。於是英法公使照會商務大臣何桂清。謂若遵天津原約。仍可罷兵。桂清入奏後。奉左之上諭。普魯斯輒帶兵船。毀我海口防具。首先背約。損兵折將。實由自取。所有八年議和條款。概作罷論。若彼自

知悔悟。必於前議條款內。擇道光年間曾有之事。無礙大體者。通融辦理。仍在上海定議。不得率行北來。再有兵船駛入。攔江沙者。必痛加攻剿。毋遺後悔。

及接英法公使通牒。政府知二國大軍將至。經桂清覆英公使。告兩公使不率軍艦至塘沽。仍可交換天津條約。至白河之事。覺不自我開。非我所知。二十日蒙他板至上海。急整戰備。二十四日。英將克靈頓亦至。三十日先派艦隊襲舟山列島。至定海灣。見毫無兵備。克靈頓遣士官數名至定海廳署。迫廳令降。廳令俯首至英船訂左之降約。

一 定海廳吏將舟山及定海之兵營兵需及衙署悉交與英法同盟軍。

二 島內戍兵全行解散撤去。

三 由英國派員三名法國派員二名處理島內一切事務。

四 廳內之現在官吏。受英法委員之統治。仍任行政司法收稅諸事。

五 同盟軍置警衛兵鎮撫島內。

定海廳降服後。聯合軍以舟山爲海軍倉庫。及軍需貯蓄所。英軍僅以三小隊與少數之海兵礮兵據守之。居民安堵大悅。克靈頓僅留三日。即返香港。此時法國以蒙他板爲陸軍司令長官。另換海軍中將謝爾尼爲艦隊司令長官。

聯合軍塘沽上陸

其時政府恃大沽礮臺毫無懼志。聯合軍決逼直隸灣。五月中旬。英法公使總督及艦隊司令長官會於上海。定進軍方略。決議英軍以大連法軍以芝罘爲集地。六月初九日。兩國艦隊及船舶共二百餘艘。相逐向渤海進發。司令官復會於芝罘軍艦中。議決懲前敗。不由大沽進軍。定十一日兩軍齊泊碇北塘左岸之附近。先探虛實。然後遣軍上陸。十一日。聯合艦隊投錨沙壘田島之西南。派士官偵探北塘之防禦。以連日大雨不上陸。十五日。令兵士各攜三日之食。各負彈藥五十封上陸。見河口堡壘。無一守兵。遂以翌日占領北塘街市。自是聯合軍全上陸。先是僧格林沁以北塘地勢扼要。不讓大沽。經營北塘防禦。已費國幣百餘萬兩。忽奉旨畱北塘一口爲通使議和地。令撤其防備。移就大沽。僧格林沁狙於大沽之捷。從之。御史陳鴻翊密疏爭於朝。不納。編修郭嵩燾在僧幕府。力爭之。不聽。辭去。至此敵窺北塘防疎。所以犯也。二十六日。聯軍攻新河。僧格林沁見敵兵少。率精兵三千禦之。交戰三十分間。僧軍如牆潰。僅餘七人免死。二十八日。聯軍攻塘沽。復陷之。是夕直督恆福遣使致書額爾金乞和。塘沽附近兵營。亦建休戰旗。并送還捕虜二名。乞休戰。額爾金遣巴夏禮數人往直督署議和。不諧。聯合軍仍議進軍方略。克靈頓欲先取塘沽北方第一礮臺。即塘沽近傍左岸礮臺然後以軍艦爲援。以取北岸下流第二礮臺。蒙他板以開戰以來。不遇雄敵。欲直擊僧格林沁大軍。以破清廷政府之頑夢。克靈頓仍主張已說。謂吾人目的。在使清廷改心與我修好。不在多殺彼我生靈。全軍左袒之。軍略遂定。七月初五日。聯合軍攻大沽北岸第一礮臺。守兵激烈應戰。午前六時。火藥庫

塘沽北岸
礮臺之陷

中開花彈。轟然破裂。礮臺遂陷。提督樂善死之。是役聯合軍在廣東募集中國人夫數千。礮戰中爲聯合軍架梯攀城。及一切進擊之援助。甚得力。按近時陸戰法規。交戰國不可強制占領地人民爲敵對本國之軍爲之。助敵國攻本國。助敵人殺同聯。合軍既得第一礮臺。旋攻第二礮臺。僧格林沁送書英將云。中國准同盟軍往天津議和。即請休戰。巴夏禮裂書還使者曰。本日午後二時。不將諸礮臺讓與聯合軍。則聯合軍自取之。午後三時。聯合軍攻第二礮臺。城兵不發一礮。如無一人者。聯軍進壕側。時三千守兵。投戈開城乞降。聯軍不費一礮占領之。

至此聯合軍遣巴夏禮數人至直隸總督署。議將白河南岸諸礮臺。交付與聯合軍。巴夏禮熟中國語。痛呈利害得失。恒福大驚。然躊躇不能決。及聞北岸礮臺悉陷。與僧格林沁退走張家灣之報。然後與巴夏禮結讓授南岸礮臺之約。

南岸礮臺
讓授條約

- 一 白河南岸諸礮臺陣營及附屬軍器軍需。均交付聯合軍。
- 二 中國派官至礮臺內。將火藥庫地雷所在地。指示與聯合軍。
- 三 白河設置之防禦。詳細指示與聯合軍。

然此條約締結之前一日。南岸三礮臺。已悉爲聯合軍攻陷。七月初七日。聯軍軍艦航白河。毫不遇抗。逕抵天津。英軍據天津左岸。法軍據天津右岸。城上悉懸英法國旗。出示令農商安堵。先是清廷命侍郎文俊。前

粵海關監督恒祺往天津議和。爲英法大使所拒。改命大學士桂良與直隸總督恒福爲欽差大臣。共襄夷務。七月十四日。桂良恒福與英法大使會晤。卽開媾和談判。至二十日。締結媾和條約如左。

天津
條約

一 咸豐八年天津條約之外。中國政府允開天津爲通商口岸。

二 中國政府賠償英法二國軍費八百萬兩。

三 英法公使各着帶數十人入北京交換天津條約。

和議復破

然清廷以要求過重。又恃僧格林沁尙擁大軍在張家灣。并桂良恒福亦無締約全權。因拒不批准。英法兩大使大怒。留少數兵守天津。將校以下共六千人。以七月二十四日進逼北京。清廷急派怡親王載恒兵部尙書穆薩爲欽差大臣。籌辦和局。怡親王旋送書聯軍乞和。聯軍不應。直進軍於西河務。怡親王又送書乞和。聯軍始遣巴夏禮赴通州會議。巴夏禮與載恒穆薩會見時。先證其全權文憑。然後談判。辯論八時間。約定「聯軍止於距通州三十里六十里之地勿再進。兩公使得從護衛兵入北京。巴夏禮以八月初三日再赴通州議殘務。」及期聯合軍撤西河務營。仍以一千兵前進。巴夏禮等亦以此日再赴通州。載恒與宴。酒數巡。巴夏禮謂今日之約。須面謁大皇帝。且二國公使。須各帶二千兵進京。載恒難之。談判不得要領。翌朝。或告額爾金衷甲將襲我。載恒無所措。急告僧格林沁。時僧格林沁擁三萬軍在張家灣。思彼寡我衆。欲乘機雪大沽之恥。遂以是日捕獲巴夏禮等。而與聯合軍戰於張家灣。交戰數時。僧軍大敗。死者無算。棄七十

四門大礮而潰。翌日聯合軍要求放還捕虜。不答。僧格林沁勝保瑞麟諸將。共屯兵八里橋附近。以扼聯軍進路。初七日午前七時。聯合軍大舉攻八里橋。副都統勝保統禁兵萬人失利。負傷墜馬師潰。僧瑞二軍亦敗。退據北京城外。是役爲開戰以來第一激戰。我軍死傷共一千二百。聯合軍死傷共四百五十名。蒙他板以此戰功封伯。稱八里橋伯爵。此時聯合軍本可乘勝犯北京。然以人馬彈藥糧食皆不足。不敢輕進。駐軍八里橋。爲諸般準備。

八里橋交戰之日。清廷以怡親王等辦理不善。罷其職。改派恭親王奕訢爲全權大臣。使便宜行事。先是七月二十四日。聯軍進向北京。畿輔大震。遂有駕幸熱河之議。都人洶懼。各謀遷徙。廷臣交章諫阻。適副都統勝保自河南來京。命率禁兵萬人。赴通州助剿。上心粗安。降旨「巡幸之說出於外間浮議。不可爲所搖惑」。及張家灣大敗後。旋下聖駕遷熱河之詔。初八日啟變。後宮貴嬪及鄭親王端華宗室尙書肅順、軍機大臣穆薩、匡源、杜翰等。皆扈從。畱恭親王當和局。大學士周祖培尙書陳孚恩等守城。恭親王住圓明園。城外故住初送書聯合軍乞和。聯軍以書中無背約謝罪語意。又不送還捕虜。拒之。恭親王再送書云俟和約成立。即還捕虜。斷無虐待之事。聯軍覆曰。不即還捕虜。直陷北京。移九鼎。恭親王不答。八月二十一日。聯合軍分路攻北京。翌日薄暮。法軍侵入圓明園。恭親王倉皇逃走。二十三日。英軍亦至。將園內所藏帝室之珍貴寶器。兩軍平分爲戰利品。圓明園在北京西北城外。爲帝室避暑宮殿。壯麗宏大。實康熙乾隆兩朝後傾累

代民力經營之處也。近時陸戰法規。國有財產。不供戰爭用者。不得沒收破壞。聯合軍爲此掠奪暴行。實與野蠻國之軍隊無異。

聯合軍陷
北京

圓明園之
焚火

當時扈從熱河之排外派。悉欲殺巴夏禮等以舒憤。恭親王與恒祺等知徒使事患增重。急放還巴夏禮。聯合軍以時漸入冬。決議「若有和局。則於即時協定。若無和局。則速迫郡城爲城下之盟。」二十六日。聯軍致書恭親王。告二十九日正午不開安定門。則以礮擊毀之。周祖培等相顧無策。如期開城。聯合軍狂歌進入。城上遍翻英法國旗占領之。然自聯軍入京後。恭親王等各自私匿。無一人談及和局。思以身肩巨難者。聯合軍一以無久滯北京之豫備。一以本年寒氣最早。北風凜烈。不能老師久持。兩國公使不得已復致書恭親王曰。陽曆十月二十三日和約不成。則聯合軍將灰燼皇宮。二者請擇其一。時與巴夏禮同執之人。監斃十餘名於獄。額爾金大憤。九月切五日。命放火圓明園。舉壯麗宮殿。付之一炬。蒙他板將軍不更提議中與此暴行。更提議中國政府。已無立國資格。不若依聯合軍之力。以洪秀全易中國皇統。時俄國公使伊格那提業福。鑒於時機。居中調停。先向英法二公使探和旨。且以百年舊交之政府。不可容易廢棄。以破額爾金易中國皇統之意。然後力勸恭親王出任和局。時恭親王年僅二十四歲。無經歷。深恐洋人與以不測。不敢面會。俄使誓以身擔保。恭親王始當談判。九月初七日。和局漸就緒。英法兩公使以僧格林沁瑞麟爲張家灣之淪盟者。請革職。又請監斃捕虜之遺族補助金五十萬兩。悉依其要求。咸豐十年九月十一日。中英條約。十二日中法條

約。相次簽押。其條約如左。

中英北京和約

- 一 天津條約。除今回改正條款外。皆實行。
- 二 中國政府。允增開天津爲通商口岸。
- 三 中國政府。准華民赴英國所屬各地。或外洋別地。工作。不禁阻。但中國得查照情形。會訂章程。以謀保護。

四 中國政府。割九龍司地方。一區爲英國領地。

五 賠款改增爲八百萬兩。總數還清後。英國始撤分屯中國各處之兵。

中法北京和約

- 一 天津條約。除今回改正條款外。皆實行。
- 二 中國政府。允增開天津爲通商口岸。
- 三 中國政府。准華民赴法國所屬各地。或外洋別地。工作。不禁阻。但中國得查照情形。會訂章程。以謀保護。

四 中國政府。准法國宣教師在各省租買田地。建造自便。

五 天津條約通商船滿百五十噸以上者。每噸課鈔銀五錢。茲改有滿百五十噸以上者每噸課鈔銀四錢。

六 賠款改增為八百萬兩。總數還清後。法國始撤分屯中國各處之兵。

中英條約中之最特別者。為九龍割讓之事。蓋九龍半島。為香港對岸形勝之地。中國若於九龍建廠。則香港在立碎之下。同年二月。巴夏禮與兩廣總督勞崇光交涉。以九龍司地方一部。為英租借地。至此時遂改為割讓。九月二十四日。新條約經熱河行在批准。以勅書公布北京街市。又飭各省督撫按照辦理。英法兩公使始率聯合軍次第退出北京。

俄公使之
報酬與烏
蘇里江以
東之割讓

英法聯軍退出北京之後。俄公使伊格那提業福。以調停和議。有保護清廷社稷之恩。索烏蘇里江以東至海之地。以為報償。咸豐八年愛琿條約規定白烏蘇里一面使木喇福岳福將軍實行占領。一面與恭親王開酬恩談判。時清廷有感謝俄國之情。不能拒。遂舉烏蘇里江與凱湖。白稜湖。布圖河。運春。圖們江。以東九十萬三千方哩地方。盡行讓與俄國。今俄國之沿海州南部。即咸豐十年十月初二日之中俄北京條約是也。詳條約

三章第
三節

初。清政府不以平等禮待歐西各國。凡關於外國交涉事宜。均歸理藩院統轄。自此國威日降。外交棘手。朝廷納恭親王奏疏。於咸豐十年十二月十一日。奉上諭新設總理各國通商事務衙門。命恭親王與大學士

新設總理
衙門與文
宗廟熱河

桂良戶部左侍郎文祥等管理一切事務。同時命侍郎崇厚爲辦理天津牛莊登州三口通商大臣。命江蘇巡撫薛煥辦理廣州、廈門、寧波、上海、潮州、瓊州、臺灣、淡水、及長江三口。時江寧爲洪秀全所據未開放通商事務。事寢後。恭親王等合疏請上回蹕。不納。北京政務。悉委恭親王等處分之。翌十一年七月十七日。文宗以病崩於熱河避暑山莊。穆宗毅皇帝以七歲卽位。怡親王載恆、鄭親王端華與肅順等。欲去恭親王圖握內外實權。新帝回北京後。恭親王等奉慈安皇太后與慈禧皇太后垂簾聽政。旋命怡親王、鄭親王自燼。肅順處刑。改元同治。

第三章 俄國侵略中國之東西國境

明萬曆四十一年
至清光緒八年

第一節 俄國經略黑龍江與尼布楚條約

俄國經略
西伯利亞
之概要

波雅爾古
之黑龍江
探測

十五世紀末。俄人漸侵略西伯利亞。明萬曆四十一年。一六一六年俄皇室始祖密給爾即帝位。先與瑞典結約。次與波蘭休戰。西方國境全平和。遂專意經營東方西伯利亞。一六二〇年頃。建葉尼塞斯克城。一六三〇年頃。建雅庫次克城。一六四七年。建鄂霍次克城。一六九七年。建堪查加城。此俄羅斯東方經略之大概也。西伯利亞東南方之黑龍江方面。土地肥沃。遠非東北荒漠沍寒之地比。久爲俄人所羨慕。明崇禎十六年。一六四三年。雅庫次克政廳。命書記官波雅爾古率兵二十名。向黑龍江探測。波雅爾古自勒拿河溯阿勒丹河。入喀那穆河。次捨船踰斯他諾波山。外興安嶺復由布連塔河入結雅河。達黑龍江。由黑龍江入海。縱渡鄂霍次克海。漂船至烏里雅河口。溯河踰山。入瑪雅河。順流入阿勒丹河。達勒拿河。歸雅庫次克府。時明隆武元年。一六四六年也。自出發之日至此。費三年一月之星霜。經七千吉羅米突之長程。實爲異日。俄國占領黑龍江流域之基礎。

波雅爾古告雅庫次克將軍。『得精兵三百。可使其地爲俄國版圖。』時有喀巴羅者。原從事製鹽業與紙

喀巴羅之
黑龍江占
領

寧古塔都
統恢復黑
龍江

俄人復據
雅克薩

業。沈毅有大略，富冒險性，聞新地易征服，大起遠征之志。上書俄皇，得其許可，又得葉尼塞斯克將軍之資助。募義勇兵七十名，於清順治六年一六四九年由雅庫次克出發，溯鄂列克瑪河，越斯他諾波山，即外興至順治七年，達黑龍江，破索倫會長江會龍及其附近諸部落。據雅克薩，置兵守之。而自返雅庫次克，謁將軍，請援兵。順治八年，得狙擊兵二十一名，大礮二門。另募義勇兵百十名，再攻黑龍江。至雅克薩，築阿勒巴金城，於雅克薩河口，置戍兵。順流東進，所至破索倫諸部落。過松花江口，至烏蘇里江會點之哈巴羅甫喀，略取之。會清有事中原，不暇顧東北，故俄人所至克之。烏蘇里江口，有部落曰阿槍者，憤俄兵暴戾，求援於寧古塔都統。都統率滿洲兵二千，進黑龍江岸，侵入俄塞。喀巴羅率兵奮戰，擊殺滿洲兵六百七十餘名，奪大礮二門。都統敗退，其時喀巴羅恐都統增兵再攻，則己孤軍難支，棄哈巴羅甫喀城，北歸。止於結雅河口，築布拉郭威什臣斯克城，使斯特巴諾代己守之，而已歸莫斯科，以功封貴族。

斯特巴諾勇敢過於喀巴羅，智慮不及，自代喀巴羅之任。統哥薩克兵，肆行侵掠。五六年間，前後三次下黑龍江，出松花江，侵略滿洲諸地。順治十五年，寧古塔都統沙爾瑚達率軍艦四十七艘，與斯特巴諾戰於松花江與瑚爾恰河之間。斯特巴諾戰死，殘兵分遁。尼布楚城與雅庫次克，喀巴羅經略黑龍江之成效，遂全歸烏有。

當斯特巴諾侵略之前後，指揮哥薩克兵經略黑龍江邊者，葉尼塞斯克將軍巴西古是也。順治十年，將軍

征石勒喀河畔。遂通古斯汗罕帖木兒。罕帖木兒奔滿洲求中國保護將軍遂建尼布楚要塞。以功補尼布楚將軍。兼統轄黑龍江地方。將軍以尼布楚城爲根據地。命斯特巴諾當前敵。及斯特巴諾敗滅之後。有波蘭人智爾尼哥斯克者。以罪放西伯利亞。欲恢復雅克薩。以贖罪。於康熙四年。募集同志進攻黑龍江。征服土人。奪回阿勒巴金城據之。以報尼布楚將軍。將軍嘉其功。赦前罪。

先是俄人侵略黑龍江。屢與中國兵起衝突。然不知中國國力何如。順治十一二年間。兩遣使節。賚方物以請互市爲名。至北京探虛實。時清廷視其使節爲朝貢使。視俄羅斯國與隣近朝貢國等。順治十一年。世祖與俄皇書云：『爾國遠處西北。從未一達中華。今爾誠心向化。遣使貢進方物。朕實嘉之。特賜禮物。卽令爾使人賚去。以明朕柔遠之至意。爾其欽承。永効忠順。以世守恩寵。』其自尊大如是。然俄人不解漢文。不知其所云。及康熙六年。通古斯汗罕帖木兒憤中國官吏待遇之薄。退去滿洲。渡額爾古納河。歸化俄國。會俄使復至北京求互市。於是聖祖以俄人連年寇邊。又納我逋逃。於康熙九年。一六七〇年遣使至莫斯科。令交付罕帖木兒。與約束邊人。毋許劫掠。俄國無解我書者。仍遣使與中國使節俱赴北京。以康熙十四年。要求割國境。開貿易。交換捕虜之三事。我政府以不先交付罕帖木兒。則所請皆無庸置議。俄使嫌其驕傲。談判不成而歸。其時尼布楚將軍孜孜從事東南侵略。於黑龍江沿岸。多健堡壘。黑龍江下流之地。實際已歸俄國占領。時清廷有三藩之亂。忙於內征。無兼顧東北邊境之暇。故俄國容易奏功。

中俄通使
起海與俄
國實深占
領黑龍江

康熙二十一年^{二六八}三藩之亂悉平。聖祖遂決戡定黑龍江方面。先遣副都統郎坦等以行獵爲名偵察阿勒巴金城之形勢。次遣戶部尚書伊桑阿赴寧古塔製軍艦。築墨爾根齊齊哈爾二城。置十驛。通餉運。以薩布素爲黑龍江將軍。駐愛琿城。又使外蒙古車臣汗絕俄國貿易。二十二年。俄雅克薩守將。率哥薩克兵。自雅克薩移營黑龍江下流。至愛琿附近。薩布素遣兵迎擊之。俘其全軍。二十四年^{一八六}都統彭春率水軍五千。陸軍一萬。野礮百五十門。攻城礮五十門。進攻阿勒巴金城。先遣使諭城將圖爾布青。命率軍退去。圖爾布青僅以四百五十人守城。不屈。五月二十五日。彭春以礮擊城。圖爾布青奮戰。以衆寡懸隔。不能支。敗奔尼布楚。彭春不進擊。亦不占據。毀其城。還愛琿。獻俘虜於北京。聖祖赦俘虜爲臣民。編俄羅斯近衛隊。圖爾布青之退尼布楚也。適陸軍大佐伯伊頓率哥薩克兵六百。自莫斯科來援。圖爾布青遂與伯伊頓復進阿勒巴金之舊址。築土壘爲防禦。康熙二十五年。愛琿將軍薩布素以兵八千。大礮四十門。進圍阿勒巴金城。城內兵僅七百三十六人。死抗禦戰。壘不可拔。及圖爾布青戰死。伯伊頓代之。督兵防戰。亦無屈色。薩布素遂定長圍之計。嚴冬。城兵皆穴居。侵濕氣。罹病者甚多。薩布素遣醫師請爲治療。伯伊頓辭不受。且饋麥以報。示城中無飢色。然城兵以死戰死病。僅殘六十餘名。城陷在旦夕。忽接兩國議和。解阿勒巴金圍之。上諭。薩布素遂以二十七年八月二十日撤阿勒巴金之圍。蓋其時俄帝亞歷克士於一六七六年^{康熙十五年}崩。諸子不和。彼得大帝雖在位。受制於異母姊索希亞。無實權。又以戰地遼遠。不能應緩急。故急欲與中國

議和。會聖祖於二十五年，介荷蘭人致書俄皇，論曲直。俄皇以此爲機會，連發兩使至北京。其覆書言：「前者中國數贈書本國無能通者。今已知邊人構釁，可即遣使臣詣邊定界。請先釋雅克薩之圍。」聖祖許之。故勅薩布素退軍。

兩國派使

康熙二十六年，俄皇遣費要多羅爲特命全權公使，以莫斯科兵五百及西伯利亞兵一千四百爲護衛。臨行訓令之要旨：「一、以黑龍江爲兩帝國境界。極端時限於結雅河。二、境界不能劃定時，此等地方，須開貿易。三、中國強硬不應時，一切俟異日解決。」費要多羅至色楞格斯克，遣使至北京，請以是地爲兩國使臣會合地。聖祖以二十七年五月，命內大臣索額圖、都統佟國綱、尙書阿爾尼等爲大使，宣教師法人張誠、荷人徐日昂爲譯員，使赴色楞格斯克。索額圖呈對俄意見：「若俄使許將尼布楚以東黑龍江上下流域劃歸我版圖，又送還罕帖木兒族屬，則與定界通商。否則請毋與和。」聖祖許之。臨行復諭之曰：「俄失尼布楚，則東通之途塞，汝等初議可主張以此爲界。極端時可定以額爾古納河。」索額圖等啟行。逾月至喀爾喀界。會準噶爾與喀爾喀^{外蒙}古構兵。道塞不能進，遣使告費要多羅，約以明夏會商。

翌二十八年，費要多羅遣使至北京，告已由色楞格斯克赴尼布楚。聖祖復命索額圖就之。同時命愛璉都統郎坦發一萬兵向尼布楚，爲索額圖後援。尼布楚將軍烏拉索聞我使率大軍至，恐出不測，飛書拒之。索額圖不應。於八月初二日抵尼布楚，屯軍城外。費要多羅後至，見中國大軍隨從，氣大阻。二十四日，兩國公

使於尼布楚城外四百二十七米突地，張天幕爲會場，各列護衛兵於兩側。第一次會議，俄使提議以黑龍江爲兩國國境。江北爲俄國領，江南爲中國領。索額圖則主張東自雅克薩，西至尼布楚，及色楞格斯克，均爲中國領土。即以自後背爾加湖，沿外興安嶺爲界也。俄使拒之。第二次會議，索額圖稍讓步。主張以尼布楚爲兩國國境。俄使仍嫌其不當。爾後遂不開正式會議。專依二宣教師之斡旋。索額圖最終主張以額爾古納河與外興安嶺爲兩國境界。俄使仍不應。索額圖即停止談判。大整軍備。將圍尼布楚。俄使不得已承認之。時罕帖木兒已於前二年赴莫斯科。受希臘教洗禮。更姓名。索額圖知不可致。遂不復言。以康熙二十八年九月九日。結左和約。即中國唯一獲勝利之尼布楚條約是也。

- 一 自黑龍江支流格林必齊河。沿外興安嶺以至於海。凡嶺南屬中國。嶺北屬俄國。
- 二 西以額爾古納河爲界。南屬中國領。北屬俄國領。
- 三 毀雅克薩城。凡俄國住民及用物。盡行遷往俄境。
- 四 兩國獵戶人等。不得擅越國界。違者擊獲送該管官處罪。上十人十五人之團犯禁者。奏聞正法。
- 五 兩國人民。帶有往來文票者。許其貿易不禁。
- 六 兩國彼此不得收留逃人。

右約以滿漢俄蒙古羅甸之五體文字。勒界碑於格林必齊河東岸。與額爾古納河南岸。於是中俄國界明

北京通商
條約

定。即自額納爾古河沿大興安嶺以南之地皆爲中國領土。即現在俄國阿穆爾省與沿海濱省皆爲中國所有也。依此俄國近五十年來波雅爾古喀巴羅斯特巴諾巴斯古等冒險捐軀經營黑龍江流域之事業。全歸水泡。西伯利亞通東洋捷徑之黑龍江航路亦被中國封鎖。後四年^{康熙三十二年}俄國復遣大使至中國請得派遣商隊至北京。聖祖許之。規定俄國商隊三年得至北京一次。每隊以二百人爲限。得在北京俄館駐留八十日。貿易免稅。此條約雖出俄國懇請。實出於聖祖澤及遠人之意。俄人進內地通商之規定自此始。其後六十餘年。俄國對中國專以和平遵守條約爲宗旨。多派宣教師與學生至北京。以維持兩國之交誼。雖彼得大帝以發揚國威擴張領地爲主義。然僅行其主義於歐西。不稍施之於極東。故東西兩英主。得^以干戈相見於黑龍江方面。然聖祖知黑龍江地方不施殖民長策。難免俄人南下。特於精奇里河畔置屯田兵守之。惜後世不能繼其政策。卒使俄人侵占之也。

第二節 恰克圖條約

尼布楚條約締結之後。東北邊境之紛議漸定。然自康熙三十九年以來。聖祖迭舉大軍征準噶爾。未幾喀爾喀三汗內附。於是外蒙古主權歸中國所有。俄國素與喀爾喀土謝圖部有貿易關係。至是北方中俄之互市與境界問題遂起。康熙五十八年。俄皇彼得一世遣正使義斯麻伊兒副使蘭給齋國書來北京。請改

北方中俄
交界開始
通商問題

訂商約初以覲見禮節起紛議。清政府以他日華使至俄，當從俄俗爲詞，卒屈服之。然所請仍不得要領。義斯麻伊兒憤歸國，清政府留蘭給駐京，蘭給屢請議約。政府以貿易事小，不足左右兩國交誼答之，卒不得達其目的。蓋中俄貿易，雖云互市，其實不過俄國一方之利益。西伯利亞所產之皮毛，以中國爲最大消費場，而皮毛輸出，係俄國政府之專賣業，私人不得販賣。商隊皆爲俄國政府所派遣，收入卽爲國庫財源。中國全反是，故俄國孜孜求之，而我國常停止互市以制之也。其時彼得大帝與瑞典英傑加羅羅十二世開戰，無顧極東之暇，故對於中俄交涉，不抱積極之目的。未幾聖祖崩，世宗卽位，雍正三年^{一七二五年}，彼得大帝亦崩，皇后加他鄰一世卽位，遣拉克青斯奇爲大使，以雍正五年至北京，申前請，且請劃蒙古西伯利亞疆界。我國亦認北方劃境之必要，欽派郡王策凌、內大臣四格理藩院尙書圖理琛爲全權大臣，於北京開談判。既，世宗不欲俄使在蓋下協議，中途命往國境布拉河上^{恰克圖}會商，於雍正五年九月初七日，締結恰克圖條約，其主要如左。

一 於恰克圖小河溝、俄國卡倫、與鄂爾懷圖山、中國卡倫之中央地方，建立界碑，作爲兩國疆界貿易地方。自此界標，迤東至額爾古納河，迤西至沙畢訥伊嶺，此間如橫有山河，則橫斷山河爲界。如空曠地，則於適中地立標爲界。陽面作爲中國，陰面作爲俄國。

二 貿易人數，仍照原定不得過二百人。每間三年進京一次，疆界零星貿易，亦毋庸取稅，但祇准依正

道行走。如繞他道者。沒收其貨物。

三 俄國於北京設立教會堂。中國與以補助。聽俄國教徒住居。並得依本國法規在堂內誦經禮拜。

四 烏得河地方。作有兩國共有之地。彼此不得占據。烏得河在外興安嶺北。東流入鄂爾次克海之烏得灣者。

五 彼此咨行文件。如有攔延不覆。或留難差人。是與兩國和好之道不符。則暫爲停止行商。

六 嗣後彼此不容隱逃亡。所屬之人有逃走者。於拿獲地正法。持械越境殺人行竊者。亦如之。軍人或

竊主人物逃走者。華人斬。俄人絞。越境竊牲畜者。初犯罰所盜物價十倍。再犯二十倍。三犯者斬。

自是兩國往復文書。彼此不用皇帝之名。中國以理藩院。俄國以薩那圖衙門。元老院。司之。此條約維持中俄

兩國國交者。殆百二十年。雍正五年至咸豐元年。自此內地商民。運煙茶緞疋雜貨往庫倫。恰克圖貿易者。日增盛。俄

之貿易。茶輸入增加。皮輸出減少。因此北京貿易漸衰。乾隆二年。監督俄館御史赫慶奏請停止北京貿易。

令統歸於恰克圖。於是恰克圖貿易益盛。爲漠北繁富之區。政府因命土謝圖郡親王臺吉等董理其事。二

十七年。始設庫倫辦事大臣二人。一由在京滿洲蒙古大臣內簡放。一由外蒙古札薩克內特派。使專理邊

務。凡中俄交涉。悉歸該大臣之手。至二十九年。以俄人渝約私課貨稅。又邊人互失馬匹。俄人輒以少報多。

移文責償。高宗命封鎖恰克圖市場。時辦事大臣與土謝圖郡王舞弊。私與交易。高宗震怒。三十年削土謝

圖郡王桑齊多爾濟爵。誅辦事大臣丑達。厲行閉關。三十三年。新辦事大臣慶桂以俄人恭順情形入奏。上

高宗禁止
恰克圖互
市

命理藩院與俄全權大使修正恰克圖條約。嚴定返還罪人懲治盜賊之事。始許互市如初。其後四十四年。以俄邊吏庇護罪人。不即會審之故。飭閉關者年餘。五十年以俄屬布哩雅特人烏喀勒咱等入邊劫掠之故。飭閉關者殆七年。至五十七年。辦事大臣報俄人誠實俊過。再四哀請之結果。高宗命與俄官新訂恰克圖互市條約五款。其全文如左。

一 恰克圖互市。於中國初無利益。大皇帝普愛衆生。不忍爾國小民困苦。又因爾薩那特衙門籲請。是以允行。若再失和。罔希冀開市。

二 中國與爾國貨物原係兩邊商人自行定價。爾國商人應由爾國嚴加管束。彼此貨物交易後。各令不爽約期。即時歸結。勿令負欠。致啟爭端。

三 今爾國守邊官皆恭順知禮。我遊牧官羣相稱好。若爾從前守邊官皆能如此。又何至數次失和以致絕市乎。嗣後爾守邊官當慎選賢能。與我遊牧官遜順相接。

四 恰克圖以西。十數卡倫。爾之布哩雅特。哈哩雅特。不法。故致有烏喀勒咱之事。今爾國當嚴加約束。杜其盜竊。

五 此次通市。一切仍照舊章。已頒行爾薩那特衙門矣。兩邊民人交涉事件。各就近查驗。緝獲罪犯。會同邊界官員審訊明確後。本處屬下人。由本處治罪。爾處屬下人。由爾處治罪。各行文知照示衆。其盜

稱之物。或一倍或幾倍罰賠。一切皆照舊例辦理。

右條約以乾隆五十七年正月。由庫倫辦事大臣松筠普福等。與俄官色勒裴特在恰克圖交換。其時俄國女皇加他鄰二世在位。專意分割波蘭。與擴張領土於黑海方面。不暇遠顧東方。而邊人以閉關日久。急欲回復市利。故聽命惟謹。毫無反抗之意。松筠等以俄人感激皇仁倍申誠敬等語入奏。遂以同年四月開市。會西藏以貿易事件與廓爾喀啓釁。騷亂屢歲。高宗深以爲誠。諭辦事大臣勿致內外商販惹起事端。松筠等因飭商民嚴禁重利賒買之習。又議改良外交文書。務以公誠信義爲主。自是兩國商民得保平和互市。自嘉慶初年至道光末年之半世紀中。兩國國交得確守恰克圖條約無恙。

第三節 俄國占領黑龍江以北與烏蘇里江以東之地

尼布楚條約媾和之後。俄人數十年經略黑龍江之事業。悉歸烏有。實非俄人所甘心。伊利薩伯在位之時。自乾隆六年以堪察加人口增加。欲開黑龍江航路謀便利。卒恐開中國戰釁終止。加他鄰二世即位。乾隆二十七年至嘉慶元年。繼先帝擴張國境之志。於黑龍江附近殖民。且事測量。高宗遣使詰責。告將杜絕恰克圖貿易。亦遂中止。亞歷山大一世。嘉慶六年至道光五年。染於梅特涅維持現狀之主義。西伯利亞之利益。幾置不顧。與中國益表和親。尼哥拉斯一世即位。自道光五年至咸豐五年多放謀逆貴族於西伯利亞。黑龍江回復之價值。漸爲俄國所公

尼布楚條約後俄皇對於黑龍江之狀態

木喇福岳
福奧尼伯
爾斯克之
東方經略

認。又因鴉片戰爭之結果。中國除與俄國有條約關係之外。另與英國開五口通商。致歐洲各國羣開太平洋上之利益。大與尼哥拉斯以刺激。一八四七年九月六日。道光二十七年八月尼哥拉斯一世於夜行汽車中。過秋拉州。命其知事。將木喇福岳福至車站謁見。遂拜東部西伯利亞總督之命。

木喇福岳福於俄土戰爭。及高加索之役。有偉功。前年任秋拉州知事。年僅三十八歲。尼哥拉斯一世素認其行政上有非凡技術。故特授以經略東方之任。木喇福岳福至莫斯科。研究新任地諸問題。則以為欲開西伯利亞富源。必利用黑龍江航路。欲得黑龍江航路。則江口及附近海岸。不可不使為俄領。欲此等地歸俄領。不可不有海軍協力。尼哥拉斯帝遂派海軍中將尼伯爾斯克為貝爾號艦長。使視察堪察加。鄂霍次克海。兼當黑龍江探險之任。尼伯爾斯克亦素抱經略黑龍江之志者。與木喇福岳福攜手大喜。木喇氏駐伊爾庫次克一年。洞察情勢。見英吉利擴張太平洋商務。恰克圖貿易。受其影響。年加退減。遂以經營太平洋為不可緩。而以先視察黑龍江口與堪察加為必要。翌年五月。木喇福岳福至鄂霍次克港。轉向堪察加。見百特羅波甫羅甫斯克之形勢甚佳。遂定為太平洋海軍根據地。八月就歸途。橫渡鄂霍次克海。過樺太島北方。入亞占灣。遇尼伯爾斯克以探檢黑龍江口深入韃靼海峽。發見樺太係脫離大陸之一大島。相見大驚喜。蓋十八世紀末。與十九世紀初期之航海者。皆以樺太為半島。不知其與大陸無關係之孤島也。若係半島。則由海上達黑龍江口。勢必北航鄂霍次克海。而是海每年長期結冰。因之黑龍江口。亦多損價。

俄人占領
佛哥來伊
斯克

值。今發見非半島。且韃靼海峽毫不結冰。又得入吃水十五呎之大船。於是黑龍江口之價值愈增。俄人經營此地之志亦愈切。時木喇福岳福奏請將鄂霍次克軍港移於百特羅波甫羅甫斯克。又請於尼伯爾斯克指定之休嗒斯加灣。黑龍江北建冬營。皆得勅許。翌年同治十三年一八五〇年尼伯爾斯克於休嗒斯加灣建冬營。以六月至百特羅波甫羅甫斯克港。則冰尚未解。甚不滿足。欲另選良港充之。遂以一己之見。自黑龍江口溯航至二十五俄里建基地。樹俄國國旗。命名尼哥來伊佛斯克。留戍兵五名守之。而自歸伊爾庫次克報總督。總督據以入奏。時俄國外務大臣尼塞勞。染梅特涅維持現狀之外交派。反對木喇福岳福之侵略主義。又俄廷一般。以尼布楚之餘威。多懷恐懼中國之念。皆主張撤退尼哥來伊佛斯克之國旗。以避紛爭。木氏強頑持之。終得尼哥拉斯帝發布『俄國旗樹立之地。決不可下』之勅令。羣議悉靜。然俄廷終恐中國抗議。假俄美公司之名。照會中國政府曰。俄美公司以事業之便宜。於黑龍江上建築一舍。以軍艦一艘守之。以備他國侵入。時我國認爲不足重輕。竟不力抗。於是尼布楚條約後。俄人第一次占領黑龍江成功。木喇福岳福以第一着既成功。更請擴張東部西伯利亞軍隊以爲防禦。亦得勅許。木氏遂以從前編成之哥薩克軍隊。與通古斯族。布哩雅特族之軍隊。爲騎兵。新編尼布楚附近農夫爲哥薩克步兵。共十二大隊。各隊皆千餘人。西伯利亞之軍備一新。同時尼伯爾斯克以得志之餘。更鼓勇探檢樺太島。與黑龍江北畔。咸豐二年春。其部下波休尼亞發見黑龍江北緯五十一度三十分處之克基湖。與韃靼海峽之德喀斯勒。

俄、占領
樺太島與
黑龍江下
流

木喇福岳
乘機克復
米戰爭之
運船

灣兩地相距僅隔一小山脈。爲戰略上扼黑龍江上流之重要地。尼伯爾斯克決意以獨斷實行佔領。卽於德喀斯勒灣建築冬營。爲翌年置亞歷山大羅夫斯克之基礎。同時佔領克基湖畔。置馬隆斯克之基石。波休尼亞更進探南方海岸。發見北緯四十九度之一港。卽命名爲尼哥拉斯灣。以乏糧食。返於德喀斯勒灣。旋奉尼哥拉斯帝詔勅。令實行占領德喀斯勒灣。克基湖。及樺太島。尼伯爾斯克奉詔由樺太島北端回航。沿樺太島東海岸而南。轉入韃靼海峽。於島西岸楠內河口設營置守兵。於對岸哥尼拉斯灣置君士坦丁斯克塞。更至亞歷山大羅夫斯克與馬隆斯克二處。爲正式占領。此咸豐三年一八五三年六七月間事也。於是樺太島。韃靼海峽。與黑龍江下流之地。全歸俄國領有。斯時我國內有洪秀全之亂。邊吏苟安。毫不察敵人之舉動。竟不稍行干涉。木喇福岳福利用之。屢溯黑龍江三百俄里之遠。自由通航。

咸豐三年一八五三年俄國與土耳其開戰。將起英法二國之干涉。木喇福岳福乘機歸聖彼得堡。論東方形勢。說占領黑龍江爲必要。結果於四月二十二日。開御前會議。決議自海岸至結雅河之地。與中國開交涉。疆界。外務大臣尼塞勞原反對木喇福岳福之侵略主義。乘其病致書中國政府。大意謂「格爾必齊河上流兩國境界尙屬未定。請派員協定界標」。卽一八五三年六月十六日我國政府直應之。木喇福岳福之素志。一時爲政敵所齟齬。翌年正月。卒以土耳其問題與英法聯合軍宣戰。木氏痛論東方防禦之必要。遂得尼哥拉帝將極東問題之全權委任之。有直接與中國開談判之權。於是木喇福岳福勇氣百倍。卽向伊

爾庫次克省出展。至即發表航行黑龍江之命。蓋防聯合軍攻堪察加與太平洋海岸。須使此等地方與西伯利亞本部聯絡。不可不利用黑龍江之通航也。

四月木喇福岳福遣使送公文至北京云。『俄國現與英法土諸國交戰。爲防禦太平洋岸之俄國領土。由黑龍江通航輸送兵士與糧食。須與貴國定邊境。請派大使會議。』使節至恰克圖。接我國政府不准使者至北京之報。木喇福岳福恐遷延時日。遂決計自由通航進行。五月十四日。率步兵一大隊。哥薩克兵一分隊。山礮兵一支隊。輕舸小艇二十五艘。滿載糧食。由石勒喀河出發。十八日入黑龍江。二十日過雅克薩城。與士官上陸弔古遠征軍之靈。二十八日將達愛琿。先遣使訪愛琿副都統。告以航行黑龍江之旨。都統見大軍已至城下。惶恐無措。默認其通行。六月二日過松花江口。五日達烏蘇里河口。十二日抵馬隆斯克。至此木喇福岳福步行至德喀斯勒灣。再南赴尼哥拉斯灣。始北向尼哥來伊佛斯克。時各塞之守備兵多者三十名。少者十名。乃至五名。木喇福岳福遂以援兵分配各塞。而於百特羅波甫羅甫斯克分配尤多。以備英法攻擊。時滿洲將軍送中國政府答書至。請定界委員至松花江會議。木喇福岳福以現與他國有戰爭。約以來年會商。八月歸伊爾庫次克。

木喇福岳福分配援兵之後。英法聯合艦隊。果於西曆八月十八日礮擊百特羅波甫羅甫斯克。守兵苦戰之後。終得擊退。當時歐洲戰鬥。概歸俄國敗衄。聞東方勝利之報。全國鼓舞。木氏之聲價頓高。黑龍江經營

政略。漸爲俄國所公認。既聞聯合軍將以來夏再攻堪察加。木以孤軍難支。一面撤退百特維波爾羅甫斯克之營。一面準備第二回航行黑龍江。遣使至北京。請派大使劃國境。並告『爲備英法聯合軍來夏攻擊。將由黑龍江運送援兵。』翌咸豐五年四月一八五五年五月。率兵三千。分三軍。第一軍二十六艘。第二軍五十二艘。第三軍三十五艘。以次進發。值中國政府送公文至。告兩國全權會於庫倫。劃定格爾必齊河國境。木喇福岳福於航行中覆公文云。本使送援兵至黑龍江口。請貴國大使至同地會商。航行數日。遇我國往庫倫劃境大臣於河上。木氏申明前意而別。至愛琿遣使告副都統曰。本將軍爲備黑龍江英法之攻擊。率汽船及百四艘舟筏。載馬三百頭。牛羊三百頭。男女八千人。大礮小銃與其他軍備下本江。願勿遮礙。副都統知俄人有永住意。大驚。不敢禁其通航。木喇福岳福遂得安抵馬隆斯克。至則定本營於該處。自任海陸兩軍指揮官。尼伯爾斯克爲參謀長。中將薩波哥爲水師總轄。同時定黑龍江右岸四部落。左岸一部落爲殖民地。使新移民住之。此間英法聯合軍屢出入鄂霍次克海。探索俄國艦隊。卒以無東方地理知識。不得逼進黑龍江口。木氏之防備設置。毫未被其損害。

九月八日。我國劃境大臣至馬隆斯克。翌日兩國境界談判開始。木以病命中將薩波哥代理。第一次會見。提出要求二款。『一爲黑龍江有防禦之必要。已經佔領之諸地方。及海岸一帶地方。應歸俄國領有。二爲維持黑龍江口俄塞與內地俄領之交通。必於黑龍江左岸設聯續殖民地。則兩帝國應以黑龍江爲天然

境界。庶東部西伯利亞可免敵攻。兩帝國之紛爭。亦可盡消。我國大使請其將要求作為文書提出。第二次會議。木喇福岳福病愈出席。我大使提一八五三年咸豐三年六月十六日之俄國樞密院劃界文案。認黑龍江左岸為中國領土者。駁詰之。木不能答。轉機求黑龍江通航。以保江口俄塞與內地俄領之交通。請大使告北京政府而止。境界問題。遂無所決定。談判中止。木以計畫為政敵所齟齬。甚恨之。仍於尼哥來伊佛斯克建三礮臺。以固防禦。十二月歸伊爾庫次克。

第三次下
黑龍江與
岸之占領

時尼哥拉斯一世崩。新帝亞歷山大二世即位。木喇福岳福知與新帝信任不確實。以第三次航黑龍江之一切準備。委任大佐哥爾薩哥夫。而自歸聖彼得堡。探究中央一切事實。時中國大使至俄都。抗議俄國占領黑龍江之不當。俄國外務省大表同情。木之素志不能申。遂自請為中俄劃境全權大使。既。巴里條約成。克里米之戰爭告終局。然第三次航黑龍江之準備已成。哥爾薩哥夫仍以咸豐六年四月一八五六年率大小船隻一百十艘。及士卒千六百六十名下黑龍江。於黑龍江左岸扼要地。建設屯營四所。各置二十四名。或五十名之守衛兵為防禦。於是黑龍江左岸。遂有全歸俄國掌握之勢。時木喇福岳福在俄都奏請將堪察加半島。與鄂霍次克海沿岸。及黑龍江口地方。設沿海州行政區。自是黑龍江下流地域。俄國始共認。為本國領土。

咸豐七年一八五七年木喇福岳福歸伊爾庫次克。其時英法聯軍與中國開釁。俄政府乘英國合縱出兵攻北

京之請求。派布恬廷爲公使。與中國協議疆境及通商事宜。布恬廷來北京。途經伊爾庫次克。與木喇福岳福協商後。至恰克圖。乞由蒙古至北京。我國以斯時與俄國無特種事件。拒之。布恬廷大怒。勸木喇福岳福不待政府之命。占領愛暉。木不聽。布恬廷遂下黑龍江。由海道進廣東。與英法美公使合致書大學士裕誠。請中國派全權大臣至上海與各國議善後事宜。我政府答以英法美三國交涉事。由廣東總督辦理。俄國交涉事。由黑龍江辦事大臣辦理。布恬廷不得已與三國公使進上海。以俟英法聯軍之動靜。木喇福岳福與布恬廷分別後。於黑龍江左岸。大擴張殖民地帶。兼築多數營舍。我國政府遣使詰責。木以俄公使在上海。一切可與公使協商答之。仍經營不怠。蓋其時知我國內有洪秀全之亂。外有英法聯軍之寇。無顧黑龍江方面之力也。咸豐八年。木喇福岳福聞中國政府有俄國交涉事。由黑龍江辦事大臣辦理之提議。即使布恬廷中止交涉。而已先移一萬二千哥薩克兵於黑龍江口。次遣使告黑龍江將軍奕山曰。總督以緊急歸本國。將過愛暉。貴國若欲以境界事件與總督商議。可就歸途之便。但總督以急遽。亦不切望協商等語。我國遂墮其陰謀。命奕山爲全權大臣。迎木喇福岳福至愛暉會議。五月十一日。談判開始。木以黑龍江口爲俄國戰勝英法所獲領土爲口實。要求以黑龍江爲兩國國境。提出豫定草案六條。逼奕山於翌日回答。

一 兩國國境。黑龍江左岸至江口爲俄國領。右岸至烏蘇里江爲中國領。沿烏蘇里江之源。南走至朝鮮國境。以東爲俄國領。以西爲中國領。

二 兩國國境河流之通航權。限於兩國船舶。

三 國境諸河流。許自由貿易。

四 黑龍江左岸之中國居民。於三年內移居右岸。

五 兩國派全權委員更正舊條約。

六 本約爲從來條約之附約。

次日木稱病不出。使譯官伯羅代之。奕山固執尼布楚條約爲根據。談判不易進行。伯羅威嚇之曰。中俄兩國所以不破和親者。以俄皇大度寬容之故。一六八九年之尼布楚條約。實中國以大軍迫壓。並非雙方願意之約。且首先破約者。實爲中國。征域外土人之貢稅。燒俄人之工場。破俄人之商館。晚近阻俄國大使之通行。其暴狀久爲俄國所難容。願速了結。以免破裂。奕山無強拒之膽。重加交涉後。俄少讓步。於咸豐八年四月十六日締結愛琿條約。

一 黑龍江北岸。全爲俄羅斯領地。但原住精奇里河以南之滿洲人民。仍得永久在原地居住。歸中國官吏保護。俄人不得侵犯。

二 自烏蘇里江至東海岸之地。作爲中俄兩國共管之地。

三 黑龍江烏蘇里江松花江限於中俄兩國船舶通航。准兩國人一同交易。

此約。依。奕。山。之。手。將。康。熙。朝。尼。布。楚。約。所。獲。大。興。安。嶺。以。南。之。廣。大。領。域。割。爲。俄。有。而。雍。正。朝。恰。克。圖。約。規。定。兩。國。共。有。之。烏。得。河。流。域。更。無。論。矣。且。烏。蘇。里。河。東。之。廣。大。區。域。俄。國。並。無。實。際。之。經。營。竟。無。故。作。爲。公。管。遂。開。讓。予。之。端。故。此。約。不。僅。割。讓。黑。龍。江。以。北。區。域。是。爲。斷。送。滿。洲。之。初。步。庸。臣。誤。國。蓋。至。於。是。時。英。法。聯。軍。已。於。四。月。初。八。日。陷。大。沽。礮。臺。欽。差。大。臣。桂。良。於。斯。時。與。英。法。公。使。締。結。天。津。媾。和。條。約。俄。國。公。使。布。恬。廷。隨。英。法。艦。隊。入。天。津。循。英。法。美。三。國。之。例。於。咸。豐。八。年。五。月。三。日。與。桂。良。結。天。津。條。約。十。二。條。其。著。者。如。左。

- 一 嗣後兩國不必由薩那特衙門及理藩院行文。由俄國外務大臣逕行文中國軍機大臣。或特派大學士。其兩國中央政府與地方官之一切往來照會。俱按平等禮式。
- 二 除從前所定邊疆陸路通商外。允俄國得由海路至上海寧波福州廈門廣州臺灣瓊州七處通商。若別國再有在沿海增添口岸。准俄國一例照辦。稅則亦一律辦理。
- 三 俄國在中國海口通商處得設領事官。又得派兵船停泊該處。以資保護。
- 四 通商處所中俄兩國人若有事故。中國官員須與俄國領事或代理員會同辦理。
- 五 自後陸路通商處所。與商人數目。不必示以限制。又俄人在北京學習滿漢文。亦不限定年分。不由中國補助。

六 准俄國人得由通商處所進內地傳教，得置買土地，蓋建房屋。

七 所有未定邊界，由兩國派員秉公查勘。

八 日後中國若有優待他國通商等事，俄國一律享有。

此條約之精神，即俄國援最惠國之例，悉得享受英法二國於天津條約所獲中國之各項權利是也。翌年

咸豐九年五月，英法各派大使進北京換約，俄國亦派伊格那提業福爲駐北京公使，公使赴任途過伊爾庫次

克，與木喇福岳福會晤，攜手至恰克圖，公使由陸路進北京，時木喇福岳福熱心經略中俄共管之烏蘇里

河以東地域，由黑龍江向該地出發，至則派探檢隊視察沿海各處及其內地，結果發見朝鮮境上一大灣，

命名爲彼得大帝灣，而定灣內海參威德補鹽斯港與波斯得灣，爲俄國將來太平洋海軍根據地。翌年六月

派軍艦至海參威港，同時屯步兵於波斯得灣，爲實際占領。

伊格那提業福至北京之後，值我國與英法再開戰，聯合軍陷北京，文宗狩熱河，北京陷於無政府，恭親王

年少不敢任和局，聯合軍急欲議和而苦無對手人，方欲以洪秀全更易中國皇統，伊氏乘千載一時之機，

慨然出任調停，一方勸英大使勿出過激之舉，一方勸恭親王出主和議，而自以身擔保無禍患，恭親王始

與英法大使會於禮部衙門禮部衙門與俄公使館鄰近，伊氏以此保英法不生禍患，訂北京媾和條約，聯軍退出北京之後，伊氏乘

清政府有感謝之情，請將兩國共管之烏蘇里江以東至海之地域讓與俄國，以爲報償，恭親王等欲拒不

木喇福岳
福占領海
參威

北京條約

能於咸豐十年十月初二日與俄公使增訂北京續約十五條其重要者如左。

一 兩國沿烏蘇里河、松阿察河、興凱湖、白琳河、瑚布圖河、琿春河、圖們江爲界。以東爲俄國領。以西爲中國領。此等交界各處。准兩國所屬之人。隨便貿易。并不納稅。

二 西疆未勘定之界。此後應順山嶺大河及中國常駐卡倫等處。立標爲界。自雍正六年所立沙賓達巴哈之界碑未處起。往西直至齊桑淖爾湖。自此往西南。順天山之特穆爾圖淖爾。南至浩罕邊境爲界。

三 俄商由恰克圖到北京。經過之庫倫、張家口地方。亦准爲零星貿易。俄國得設領事於庫倫與喀什噶爾。中國人亦可往俄國內地行商。亦得設領事。如兩國商人有犯罪或爭訟事件。各按本國法律治罪。

四 中國許開喀什噶爾、伊犁、塔爾巴哈臺。試行貿易之例。一律辦理。

愛璉條約。舉黑龍江以北。大興安嶺以南之廣大區域。割讓與俄國。之後。不數月。依此條約。復舉烏蘇里河。東九十萬三千方哩之地。全行讓與俄國。於是木喇福岳。福十餘年。對中國侵略之大抱負。至此悉告成功。不與我國交一敵。損一兵。徒憑技倆。得阿穆爾、東海濱兩省之大區域。而我國回顧尼布楚、恰克圖締約時之國威。已成隔世之夢矣。

第四節 伊犁事件

伊犁方面
中俄交涉
之沿革

俄羅斯侵略主義。不僅行於極東方面。對於中央亞細亞亦如之。自彼得一世以來。常乘機應變。收攬中央亞細亞沙漠蠻民之心。更移民住居。令各地聯絡。漸使俄國商人。經巴爾喀什湖。來往於伊犁河畔。欲於新疆邊境。開通商要路。乾隆二十年。準噶爾歸化俄國。高宗洞察俄人將爲後患。先遣兵驅逐喀什噶爾之俄商。令除恰克圖外。不許俄人通商。俄人不得已。常優遇浩罕人。經浩罕人之手。轉售俄貨於新疆方面。道光三十年。俄國再請開喀什噶爾爲貿易場。我國不許。咸豐元年。一八五一年伊犁將軍奕山。卒與俄國於伊犁結約。以試行貿易爲名義。開伊犁、塔爾巴哈臺、二處爲互市地。喀什噶爾開放之事。仍不准所請。至咸豐十年。中俄北京條約。始亦以試行貿易之名義開放之。至伊犁方面之中俄國境。亦於北京條約第二條。規定『自雍正五年所立之沙賓達巴哈界碑末端起。迤西至齋桑淖爾湖。自此西南行順天山之特穆爾圖淖爾。南至浩罕邊境。爲兩國國境。其間設立界碑。由兩國另派大員查勘。』同治三年九月初七日。中國西北勘邊大臣伊犁將軍明誼與俄國勘邊全權大臣雜哈勞會於塔爾巴哈臺。因新疆回教徒起亂。明誼須急歸伊犁。遂不獲明定界碑。僅規定『境界不明之處。由異日兩國派員勘改。』而止。斯時中俄之國界既不明。而新疆之回亂復大起。其結果遂起俄人占領伊犁之口實。爲中俄衝突之原因。

同治三年六月。清廷克復南京。洪楊黨徒將悉平定。而陝甘之回教徒。應時謀亂。黨魁阿渾安明一名安得燭出關至烏魯木齊。與參將索煥章乘機殺提督。據烏魯木齊。黨徒四起。旋下奇臺。綏來。昌吉。阜康。古城。諸縣。未幾哈密。土魯蕃。呼圖壁臺。庫爾喀喇烏蘇。等亦歸其所有。同時回教別派。起於天山南路。陷喀喇沙爾。阿克蘇。烏什。葉爾羌。諸城。官軍僅保有喀什噶爾。英吉沙爾。之二漢城而止。翌四年。回教徒陷伊犁諸城。五年正月。陷伊犁大城。二月塔爾巴哈臺亦失守。將軍明誼死之。當阿渾安明起亂之時。浩罕乘機遣將阿古柏帕夏率兵入喀什噶爾。陷之。次取英吉沙爾。葉爾羌。和闐。諸城。六年。自稱喀什噶爾王。八年九年大破阿渾安明之軍。代領烏魯木齊以西至瑪納斯河之地。斯時阿古柏帕夏已有天山北路之半。及天山南路之全部。欲聯合中央亞細亞回教徒。建一新興國於中英俄三國領域之間。中國以遠征軍費不足。難謀剿討。英國有利用之色。俄國則甚惡之。先是回教徒攻伊犁之時。俄兵一隊由西北利亞進據博羅胡吉多爾。別遣一隊進伊犁之特克斯河上流。據穆羅爾特卡倫以阨天山南北路之交通。及阿古柏帕夏軍勢日振。俄於同治十年五月。以維持邊境治安爲名。令土耳其斯坦將軍率兵六百進軍伊犁。回酋阿布拉特拉降之。俄軍遂占領伊犁。同年冬。俄軍更以通商爲名。欲奪烏魯木齊。進軍至綏來縣境。被民軍將領徐學功破之。遂不復進。同年七月。駐北京俄國公使。以俄國暫時佔領伊犁。告知總理衙門。清政府大驚。詰問其理由。俄政府答以出於維持邊境安寧之必要。決非併吞土地之意。若中國威令再行於伊犁。可保國境安全之時。俄國即

將伊犁返還云。返復辯論。不得要領。清廷遂決以收回回疆爲急務。

左宗棠克復新疆

光緒元年三月。任左宗棠爲欽差大臣。督辦新疆軍務。烏魯木齊都統全順副之。全順部四十餘營。左宗棠部百四十一營。年須軍費約八百七十八萬兩。廷議以軍費過大。多主張棄南八城。封阿古柏帕夏爲外藩。英國公使威妥瑪亦向總理衙門要求之。左宗棠上奏云。臣以一介書生。極高位顯爵。今年已六十有五。豈尙有功名之念。惟是俄據伊犁。阿古柏帕夏據喀什噶爾。若付之不問。後患將不可知。上嘉納之。光緒二年閏五月。劉錦棠由巴里坤進軍古城。敵軍阨古牧要塞。二十八日。錦棠逼古牧。屠城兵六千。敵軍寒心。翌日遂克復烏魯木齊迪化府及僞王城。昌吉。呼圖壁臺。瑪納斯北城。以次第下。於是天山北路略定。至此左宗棠命劉錦棠與張曜共攻南路。十二月二日。克瑪納斯南城後。大雪封山。不克南進。翌年三月。冰解。錦棠張曜等分兵攻土魯蕃。克之。土魯蕃爲南八城之門戶。阿古柏帕夏以此城不守。知事不可爲。飲藥自殺。當時英國公使復向總理衙門有所要求。廷議動搖。左宗棠上疏云。英人欲爲阿古柏帕夏之子孫立國。宜割印度之地以與之。至天山南路。錦棠以三十二營直可收復之。英公使若欲有所言。請來肅州本營會議。英公使遂不復言。九月初一日。錦棠收復喀什噶爾。初三日。余虎恩收復庫爾勒。十三日。錦棠破白彥虎於庫車。十五日降拜城。十八日降阿克蘇。二十日降烏什。天山南路之東四城悉回復。十一月。錦棠分兵三路。使黃萬鵬等由烏什。桂錫楨等由阿克蘇。蘇共向喀什噶爾。而自扼葉爾羌和闐之要衝。十三日。余黃兩軍進略什

噶爾敵軍悉遁入俄領。漢城之兵相應。攻回城。擒敵將王元林。翌日收復喀什噶爾。錦棠以十七日收復葉爾羌。二十日收復英吉沙爾。董福祥以二十九日收復和闐。天山南路西四城俱下。索阿古柏帕夏之妻子孫及其黨小虎馬元。麻木里。金相印父子以下。一千一百六十人悉誅之。新疆全平。

當我國平定天山南路之年。俄國欲囊括巴爾幹半島。與土耳其開戰。我國於此時迭要求返還伊犁。俄政府答以「若中國能保護國境將來之安全。又賠償俄國占領伊犁之軍政費。則俄國可應其要求。」我國遂於光緒四年。派侍郎崇厚爲全權大臣。往俄國交涉還付伊犁之事。崇厚至俄國。則值俄國戰勝土耳其。所獲巴爾幹半島之特殊利權與領土。被英澳干涉。爲同年六七月間之柏靈公會所制限。憤無從抒。遂有失之東歐求之中亞之意。故崇厚與俄政府之談判。甚不易奏效。至光緒五年秋。始於克里米離宮。締結返還伊犁條約十八條。則規定「中國償還俄國占領費五百萬盧布。伊犁南部。特克斯河流域之廣。大平原割讓爲俄國領土。又修改同治三年塔爾巴哈臺界約。所規定齋桑湖方面之國境。及通商事務。」先是我國政府本俄國政府之回答。僅以保護國界安全。與賠償俄國占領軍政費二條件。委崇厚往俄國交涉。毫不思俄國有要求割讓土地之事。崇厚擅將特克斯河流域。讓與俄國。實爲權限外之行爲。且該流域。地味肥沃。適農牧。爲伊犁惟一之富源地。又穆雜爾特卡倫。阨。天山南北之交通。俄國據此。則將來伊犁以南。不能爲中國所有。實新疆全部之憂。條約案至北京。朝野議論沸騰。皇太后大怒。不僅不批准。俟崇厚歸國。即

曾紀澤使
俄

下之獄。議處死。俄政府大怒。兩國國交將破。我國主戰派甚熾。朝廷派左宗棠爲欽差大臣。往新疆修軍備。六年四月。左宗棠由肅州出發。五月初八日至哈密。嗣聞俄國派艦隊向黃海進發。復命左宗棠入京備顧問。以劉錦棠代理新疆軍務。命直隸總督李鴻章嚴天津海防。德人漢納漫築旅順黃金山砲臺在此時兩國之戰機。既不容一髮。時英將戈登以助勦長髮有功。博清政府信用。力勸「依平和交涉。修正前約。勿開戰端。」清政府納之。俄政府亦認可。於是「一方修戰備。一方遣駐英公使曾紀澤爲使俄欽差大臣。命改訂還付伊犁條約。曾紀澤先請赦崇厚之罪。以和俄國感情。卽向聖彼得堡出發。主張破棄前約。另從新議。俄外務大臣吉爾斯與駐北京公使布策主張以前約爲基礎。折衝多次。彼此讓步。於光緒七年正月二十六日。西一八八一年二月二十四日改締還付伊犁條約。其重要者如左。

伊犁條約

- 一 中國賠償俄國。自同治十年至今。代伊犁所費之軍政費九百萬盧布。
- 二 自伊犁西部別珍島山。順霍爾果斯河過伊犁河。南至烏宗島山。廓里札特村。沿此等地劃一線。其以西之地。割讓爲俄國領土。
- 三 同治三年。塔城界約。規定齋桑湖方面之國境。尙有不妥。應自奎洞山過黑伊爾特什河至薩烏爾嶺。劃一直線爲境。
- 四 俄國照舊約在伊犁。塔爾巴哈臺。喀什噶爾。庫倫。設立領事外。亦准在肅州。卽嘉谷關及土魯番兩城。設

立領事其餘如科布多烏里雅蘇臺哈密烏魯木齊古城五處俟商務興旺由兩國陸續商議添設但土魯蕃非通商口岸而設領事他處不得援以爲例又張家口雖未設領事准俄民建造鋪房行棧他處亦不得援以爲例。

五 蒙古各處各盟均准俄人貿易照舊不納稅並准俄民在伊犁塔爾巴哈臺喀什噶爾烏魯木齊及關外天山南北兩路各城貿易暫不納稅俟將來商務興旺由兩國議定稅則即將免稅之例廢棄。

六 俄國人民在中國沿海通商者照各國通商總例辦理在中國關內外陸路通商者照此約及所附章程辦理此約所載通商各條及所附陸路通商章程每十年商議酌改。

七 咸豐八年愛璦條約已准兩國人民在黑龍江松花江烏蘇里江行船并准與沿江一帶地方居民貿易特再申明。

此次條約異於崇厚原約之點爲爭回特克斯河廣大流域而僅割讓霍爾果斯以西之小部份是也崇厚以全權資格與俄訂約其所行爲即代表國家之行爲本不能無效惟割讓土地實出朝廷委任權之外按國際法『國家對於代表者權限外之行爲不受其拘束』則當時我國拒不批准其主張實爲正當然對於敢越權之使臣公然派遣亦不能無責任紀澤當兩國國交將破裂之時以俎豆上之折衝旋轉大局卒收回已經割讓之重要地方可謂能全國家之體面又同時根據同治八年中俄陸路通商章程重爲訂定

如左。

中俄陸路
通商章程

中俄稅則
之奇例

- 一 兩國邊界貿易，各百里內，均不納稅。
 - 二 俄國商民，前往蒙古及新疆貿易者，祇能由章程指定之卡倫經過。
 - 三 俄國貨物，由陸路運至天津或肅州者，照值百抽五正稅，三分減一交納。若由天津運往各通商口岸時，則補交原免三分之一之稅銀。若由天津或他口再運入內地時，則納值百抽二・五之子稅。
 - 四 俄國由中國內地販買土貨，陸路回國者，照各國例，除納出口正稅外，照納子稅。其在天津通州肅州所買土貨歸國者，僅納出口正稅，其在張家口所買土貨歸國者，僅納子稅。
- 按中國對於俄國歷來優待。尼布楚條約，准其貿易，而不徵稅。恰克圖條約，明定毋庸取稅。及五口通商。俄國一律照辦。而陸路貿易，仍不納稅。咸豐十年北京條約，更規定烏蘇里江方面，彼此交界各處，皆不納稅。及同治八年，陸路通商章程，更規定兩國邊界百里內貿易，不納稅。夫中俄貿易，惟俄國有利耳。而中俄國境，自新疆以至奉天，亘一萬數千里之長，此等廣大區域之免稅，實為世界各國所不有。然該章程更規定內外蒙古全部，概准俄國貿易，而不納稅。至伊犁條約，更新定新疆全省為免稅區域。雖定明俟商務興旺，由兩國議定稅則，然未得俄帝國政府之承認。迨至俄國革命後，民國十三年，所定中俄協定，始彼此承認關稅自主，不可謂非世界希奇事也。

伊犁條約成立之後，清政府認新疆有設行省之必要。於光緒八年，闢爲行省，以烏魯木齊，即迪化爲首府。

第四章 雲南殺瑪加理事件

光緒二年

英人派探
測隊進雲
南

自咸豐八年中央天津條約之結果。英國大擴張中國內地之商權。貿易額逐年增大。至此英人更欲從緬甸至中國內地。開一陸上通商路。同治十二年。印度政府欲派遣探測隊於雲南印度間測量商路。經英公使威德與總理衙門交涉。要求中國認可。清政府甚不願。以英公使固請。乃許之。印度政府又欲得一精通中國言語。與熟達中國事情者。爲探測隊之隨員。再請英公使於館員中選任一人。公使遂派書記官瑪加理當其任。瑪加理持總理衙門護照。於同治十三年八月。由上海經漢口向雲南出發。十二月末。至緬甸國境之八莫。與探測隊長大佐布羅相遇。此行經湖南貴州雲南各內省遠程。毫不遇困難危險之處。

瑪加理被
漢民殺害

自是大佐布羅率探測隊印度人十五名。緬甸兵士百五十名。與瑪加理於光緒元年正月起程。至雲南邊境。聞風說土民肆起。將要探測隊於途。大佐等不敢進。遂滯緬甸邊上。瑪加理以來時毫無危遇。力言風說不足信。主張進行。大佐以下悉有懼心。瑪加理遂請先行探虛實。至雲南騰越。不見異狀。遣使告大佐促進。大佐等踴躍起行。至騰越。不聞瑪加理之聲息。翊朝被土民大眾來攻。旋接瑪加理已被殺害之報。大佐等且戰且退。以武器精良之故。得安全退於緬甸八莫。土民亦不越境進攻。蓋騰越土豪黎西臺者。聞英人侵入邊境。甚惡之。遂集土蠻一團爲防禦。擒瑪加理及從人數名悉殺之。更集衆於騰越附近。俟探測隊深入

時將一舉擊殺之。以絕英人之侵入內地也。

瑪加理殺害之報達北京。英公使向總理衙門要求大賠償。且強請速行適當處分。政府以不得詳細情形。不與切實回答。至五月始飭湖廣總督李瀚章赴雲南調查事實。英公使亦派委員三名同行。八月李瀚章尙滯漢口。英公使甚憤之。與李鴻章開數次談判。亦不獲要領。至年末瑪加理之死狀悉明。捕縛土蠻魁首十餘名處死刑。處官吏數名革職留任。以謝英人。乃英公使意不在嚴懲土民暴動。而在嚴懲地方官不嚴加保護。迫政府速行適當處分。不然則國交不能繼續。清政府以要求不當。漠然視之。英公使大怒。旋退出北京。往芝罘。命英國東洋艦隊進逼直隸灣。至此清政府恐釀大釁。派李鴻章爲全權委員。指天津爲談判地。英公使不從天津談判之請。李鴻章不得已就芝罘會議。於光緒二年七月二十六日結左之條約。

一 中國政府納賠償銀二十萬兩。爲被殺人員家屬之卹款。

二 派大使往英國謝罪。並將謝罪賠款之告示。張貼各省。並須張貼兩年之久。

三 雲南邊境通商事宜。由英國特派員與雲南巡撫派員會同商訂。

四 湖北之宜昌、安徽之蕪湖、浙江之温州、廣東之北海、四川之重慶、開爲通商口岸。安徽之大通、安慶、

江西之湖口、湖北之武穴、路溪口、沙市、准輪船停泊。但上下客商貨物。由民船起卸。

五 因兩國法律不同。各口岸審判案件。以後祇視被告者爲何國人。卽依何國官吏審判。各按本國法

律判罪。其原告本國官員。祇可赴承審處觀審。並得逐細辯論。

以一書記官被土人殺害。既索重大賠償。乃再要求多開商埠。加重領事裁判權。是世界罕聞之事。然此條約外。且以附約規定中國政府許英人進西藏探測一事。批准之後。派禮部侍郎郭嵩燾爲英國謝罪大使。自是英國商務愈擴張。領事裁判權愈加重。各國援最惠條款。一體均霑。而中國之獨立權。愈加重大之損害。

領事裁判
權之加重

第五章

琉球之喪失

自秦漢中日交通
至清光緒五年

第一節 中日交通之原委

中日交通
之始

日本遣使
始入中國之

中國遣使
始往日本之

日本遣使
最盛時

中國人通日本。始於秦之徐福。日本人通中國。始自漢代。中國古史稱日本爲倭奴。或稱倭國。至唐始稱日本。日本國王遣使至中國。始於東晉安帝義熙九年。以前雖有朝貢記事，實日本應神天皇遣阿知使主至江南。求縫工女。時我國都江南。彼國所遣使。至我國者。皆自稱吳使。宋齊梁亦如之。隋煬帝即位三年。日本推古天皇慕其威望。遣小野妹子來聘。兼遣學生來遊學。翌年。煬帝遣裴世清送歸國。日本覆書。有日出國皇帝致書日入國皇帝之語。煬帝不悅。唐太宗之世。政教修明。德威遠被。日本遣唐使最盛。其使節分執節使、大使、副使、判官、錄事、諸階級。執節使由天皇賜節刀。監督大使以下之隨員。每奉國書方物。求謁天子。當發遣時。日天皇必先以其幣奉於神。一祈海上平安。一祈唐帝賜拜謁宴饗之榮。以爲例。自太宗至文宗之世。二百年間。日本遣唐使共十餘次。每次多派僧侶學生隨行。僧侶留中國研究佛典。歷訪高僧。以養其道德。學生研究中國之典章制度。擴充其智識。務探採中國文明。以貢獻於己國。其後唐室失政。遣唐使或遭海賊戕身。交通遂絕。宋神宗時。彼此交通復盛。南宋以後。復絕。元世祖統一中原。遣使責日本修臣貢。日

元世祖征
日本日本足利
氏稱臣奉
正朔

倭寇之編

本誅其使者。世祖激怒，發大軍合高麗兵共十四萬戰艦四千艘，攻日本九州。遇颶風，悉被覆沒，遂不再起兵。日本自是知元易與，商民僧侶多密與元通。既元衰，日本僭商屢焚掠沿海各處，倭寇之禍自此起。元亡明興，倭寇如舊。明太祖數遺書日本九州太宰府，責禁海賊，且勸其歸服。日本多不答。太祖大怒，然鑒於元之失敗，卒不起軍，斷絕日本交通而止。成祖之世，日本室町將軍足利義滿遣使上書，自稱日本國王，願受中國封冊稱臣，欲博中國歡心，多捕海賊誅之。兩國貿易一時頗盛。至足利義教復上書稱臣，奉明正朔，及足利義政因本國財政困難，遣使至明，乞中國救助銅錢。斯時足利氏幕府恐中國因海賊絕貿易，發商券與航海者。於是大收貿易之利，未幾日本有應仁號年之亂，國是一變。海賊大起，彼國僭悍商民屢與海賊於沿海各處大肆奪掠。時日本組織瀨戶內海水師。海賊叢集。其首長自稱海賊。奪掠中國船舶。英宗以後，歷代嚴沿海之防備。日本則以入貢爲名，博商利。此間無倭寇者九十年。嘉靖十年，令絕日本交通，於是倭寇復起。閩浙之奸商流民，且誘導之，以助其掠奪。而本國海賊多依倭寇衣服，揭倭寇旗幟，寇掠內地，其勢殆不知所底止。嘉靖三十二年，中國海賊汪直誘倭寇率艫艘數百，逼黃海沿岸，東南海濱數千里，一時告警。昌國衛以下諸衛悉被焚掠。三十四年，倭寇一大隊合閩浙奸民進攻南京，剽掠其附近，明兵被殺傷者至四千餘人。四十二年，倭寇且陷興化府，略平海衛，賴勇將俞大猷威繼光屢次激戰，海警始靜。蓋斯時明廷政教不修，軍備廢弛，奸民引虎入室，故倭寇以少數人得肆其蹂躪，雖不過一時之邊患而止。然中國人性質之柔弱。

己盡爲日本人所深悉。由是豐臣秀吉遂有滅韓侵明之志。先是豐臣秀吉以萬曆十四年爲日本大政大臣。統一國內。欲侵明。命朝鮮王爲嚮導。拒之。秀吉怒。先決攻韓之策。萬曆二十年。起陸軍十三萬。水師九千。侵韓國。韓王乞援於明。明發大軍往救。日軍大破之。明廷震駭。請和。秀吉破和議。復起兵侵韓。將有乘勝攻明之勢。遇病歿。乃班師。德川家康代豐臣氏執政。外修鄰好。萬曆三十八年。遣本多正純致書福建總督陳子貞。請援足利氏故事。給商券於商民求通商。明政府不答。家康下令「廣東商船之來日本者。無論何處。准其自由貿易。」於是江浙閩廣商人之往日本經商者。逐年增加。日本之長崎、鹿兒島、博多、五島、平戶、諸港。多中國船出入。德川家光以外國人多犯天主教禁。實行鎖國主義。僅許中國人與奉新教之荷蘭人在長崎一港互市。時明祚垂亡。遣臣鄭芝龍父子。數乞援於日本。日本不應。清朝定鼎。與日本亦無正式交涉。但中國商船往長崎互市者。如舊。此後日本恐金銀多出海外。漸制限貿易額。康熙二十七年。元_年定中國商船每年七十艘入港。二十九年。定加十艘。三十一年。減爲三十艘。雍正十二年。享保十_年減爲二十五艘。乾隆四年。元_文減爲二十艘。八年減爲十艘。此後中國對日本之貿易。非常衰落。至同治六年。應_慶三日本王政復古。國勢大變。明治政府。鑒於中國迭失敗於英法俄諸國。大啟維新之志。與西洋各國。結開國通商條約。中國人亦援例得雜居開市場。時中國已大開海口。日本亦欲享通商利益。同治九年。明_治日本派柳原前光爲正使。花房義實、鄭永寧爲副使。來我國修好。總理衙門應之。翌年日本復任伊達宗城爲

特命全權大使來北京與直隸總督李鴻章締結中日修好通商條約十八款規定日本得置領事於中國各開港場是爲中日兩國締約之始。然條約尙未批准交換而臺灣生蕃戕害琉球難民事件以起。

第二節 日本之合併琉球

琉球國在福州正東一千七百里之地合附近多數島嶼而成國依中山世系。琉球王稱中山王琉球自天孫氏開

琉球之臣服中國

國傳二十五代至宋清熙十三年而絕國人奉浦添按司舜天氏爲主三傳而衰仍傳位於天孫氏別裔是爲英祖英祖五傳至察度即遣使貢方物通中國之始王也。先是隋煬帝使朱寬至琉球招入貢不屈宋元亦如之明太祖初定中原遣行人楊載奉表招琉球王臣服即察度在位時也洪武五年察度王遣使稱臣獻方物明太祖待之恩禮有加賜善操船者三十六姓以便往來自此習法度奉明正朔按歲朝貢不缺其子武寧王以下歷世皆受明之封冊清順治十一年世子尙質來朝繳明故印請封重給康熙元年遣正使張學禮副使王核齋詔勅新印往其國冊封尙質爲王兼定二年入貢之例是爲清廷冊封琉球國王之始自此每新王即位必來請封我國亦必遣使齋冊往封故琉球恭順異常稱我國爲父國。

先是舜天即位之前琉球已與日本有交涉舜天之世日本以島津忠久爲海南島之首長琉球遂與日本絕往來後琉球通中國特大國之後援有傲睨倭鄰之意明萬曆三十七年日本將軍德川秀忠命島津家

日本之侵略琉球

久侵琉球。虜尙寧王。隸琉球於薩摩藩。干涉其財政。且定世子滿十五歲必遊鹿兒島之例。自此琉球與日本之關係甚密。事實上。成爲中日兩國之屬邦。及中英鴉片戰爭之後。歐美各國。羣向東洋謀交好。斯時西洋諸國。皆認琉球爲獨立國。直接與琉球開通商談判。美法荷三國。次第與琉球結通商條約。日本明治政府成立之後。即以帝國主義爲國是。先定實行統治琉球之方針。適同治十年。琉球民六十六名。遭颶風漂落臺灣。其中五十四名。爲生蕃牡丹族所掠殺。僅全十二人。由臺灣地方官保護歸國。明年。鹿兒島知事。以事實報告本國政府。日廷議論沸騰。時琉球王子往日本賀親政。日廷一方先向琉球行果決處分。以琉球爲藩。封尙泰王爲藩王。列華族。賜藩王邸宅於東京。賜新貨幣三萬元。派外交官四人駐藩。代辦一切外交事宜。同時照會各國公使。申明琉球已歸屬日本。將琉球與美法荷三國所締條約。收爲日本政府之條約。一方決向臺灣出兵。征討生蕃。蓋其時日本外務大臣副島種臣持侵略主義。不僅欲收琉球。且欲奪臺灣生蕃地爲己國屬地。清廷征服臺灣。僅得西牛部歸化。東牛部生蕃之地全屬化外。恐中國有阻害。於同治十二年二月。明治六年三月。副島種臣奉全權大使命來中國。三月至天津。會直隸總督李鴻章於山西會館。交換前年修好通商條約。四月至北京。值我國政府與歐美各國公使。以謁見皇帝禮式起紛議。副島種臣乘機調停解決。我國政府。欲帝行叩頭禮。公使視爲侮辱。拒不謁見。種臣調停其間。廢叩頭禮。創行立禮之例。又中國慣例。不論大使公使與辦理公使。皆以赴印之先後定席次。種臣勸依公法以資格高下定席次。於是種臣得以頭向總理衙門提出琉民被害事件。問生蕃是否屬中國版圖。總理衙門大臣毛昶熙等。獨謂式謁見皇帝向總理衙門提出琉民被害事件。問生蕃是否屬中國版圖。總理衙門大臣毛昶熙等。

答以琉球係我屬邦。其民被害。不煩貴國。且臺灣生蕃地。政教不及。其殺人劫掠。與我國政府無關係。云云。種臣得此回答。毫不再辯。逕歸國。

日本侵臺

副島種臣歸國之後。直報告生蕃非中國版圖。日本遂起侵臺灣之師。同治十三年三月明治七年四月。日本政府命陸軍中將西鄉從道爲臺灣事務都督。率海陸軍逕向臺灣。全軍由瑯瑤灣上陸。十八蕃社內之七社。望風降服。獨牡丹社不降。再進軍由竹社、風港、石門、三路攻擊。斬酋長阿祿父子以下多人。於是南部十八社悉歸順。風港山後之三十九社。亦次第投降。日軍即定龜山爲本營築寨建屋。爲永久占領之計。

先是我國政府。聞日本侵臺之舉。知前言之非。即翻前議。以生蕃係版圖之地。何故不照會即遣兵。詰責日本政府。同時遣沈葆楨爲欽差大臣。由閩浙總督發一萬軍爲援。協辦大臣潘蔚等先至臺灣。頻促西鄉從道撤兵。不應。駐北京日公使柳原前光與總理衙門交涉。亦不得要領。兩國國交日迫危急。日本政府忽派

臺灣問題
突之中日衝突

參議大久保利通爲全權專使來北京。攜帶同治六年中美談判文案。同治六年。美國商船於打狗附近坐燬。船員悉被生番虐殺。美公使向總理衙門要求損害賠償。總理衙門以生蕃化外。不負責任。其後合剿生蕃。結及中國歷史地圖等。論生蕃地非中國版圖。恭親王等力辨之。談判數次不調。大久保利通遂棄版圖論。提出損害賠償。恭親王奕訢以賠償有損中國體面爲辭。拒之。大久保利通怒。將與公使捲國旗歸國。英公使威德恐中日開戰。有害東洋商務。居中調停。恭親王聽其勸告。與大久保利通締結左之中日和約。

一 日本此次征臺灣。係保民義舉。中國不認為不是。

二 中國賠償撫恤難民銀十萬兩。賠償臺灣修道建屋費四十萬兩。

三 約束生蕃自後不加害航民。

此條約第一款。即我國以琉球為日本版圖之默認證據也。日本奪臺灣生蕃領域之志。雖不得達。而我國已依此暗昧條文。斷送琉球矣。同年日本政府移琉球藩於內務省。從前轄於外務省與內國郡縣同例。光緒元年。明治八年。日政府禁琉球向中國派慶賀使。與朝貢使。且禁用中國正朔。命改用明治年號。時琉球王尚泰。以與中國有五百年歷史關係。不忍隔絕。哀求寬免。日政府旋置熊本鎮臺分遣隊於琉球。次遣內務大臣松田道之往琉球。恩威並用。然尚秦王不具遵願書者。亘數年。或哀訴於中國政府。或倚仗於外國公使。其時我國亦不認已將琉球讓與日本。左宗棠主張寧以伊犁一部讓與俄國。時有伊犁事件不可使倭奴橫恣於琉球。然朝廷優游不斷。不敢抗議。日政府則持果決處分。於光緒五年。明治十年廢琉球藩為縣。使藩王上京。另設縣知事統治之。於是琉球全併合於日本。雖英國公使干涉。向日本提出琉球曩係中日兩國屬邦。望兩國同為保護之議。然我國無利用之實力。遂以緘默承認之。

第六章 安南之喪失

自秦以交趾爲內領
至清光緒十三年

第一節 中國與安南之關係

秦以降安南與中國之略歷

安南爲中國屬國

黎室之衰

安南古交趾地。自秦封國爲三十六郡。安南爲象郡後。兩漢三國兩晉南北朝隋唐元。皆爲中國版圖。宋明清爲中國屬地。宋眞宗之世。豪族李公蘊者自立爲交趾郡王。建都大羅。即今河內地其孫日尊襲南境占城國。南北統一。以奪廣南布政諸州。建大越國。稱帝。宋仁宗承認其疆域。封爲安南國王。安南國號自此始。明永樂之世。破安南。設交趾布政使統治之。及宣德三年。大越太祖黎利起自清華州之土豪。據藍山抵抗明軍。脫明獨立。改建大越國。定都河內。滅占城爲廣南州。於是國境南拓。至嘉靖時。權臣莫登庸篡國。據河內稱王。黎氏偏安於南。據清華州。稱西都。嘉靖十九年。莫登庸降於明。明復置都統使治之。至清順治十六年。官軍定雲南。安南王黎維祺遣使至於軍。康熙五年。封其子維禱爲安南國王。十三年復下詔。定六年二次進貢之例。自是安南爲中國屬國。

先是黎室衰微。攝政鄭氏擅政權。順化、廣南、統長阮氏者。不欲立於鄭氏下。遂據順化自稱廣南王。領地漸擴大。兼有下交趾支那。今法領與東浦寨王國。今法保之大半。時攝政鄭棟欲弑世子自立。而忌廣南王之

安南王族
奔中國

中國征討
軍之勝利

強大。誘西州土豪阮文岳舉兵。文岳與其弟文惠文慮遂起兵。稱西山黨。攻廣南王。鄭棟亦起兵。據北部廣平、廣治、廣德、三州。廣南王阮定走據下交趾。至其姪阮嘉隆王之世。下交趾亦被陷。嘉隆王奔暹羅。阮文岳遂據廣南中部。稱大帝。鄭棟自稱鄭靖王。阮文惠稱泰德王。黎氏危於累卵。

乾隆五十一年。鄭棟卒。其子鄭宗鄭幹相鬪。阮文惠乘機破鄭氏。自爲黎氏之攝政。左右政權。此黎維瑞南安王之世也。既維瑞王卒。文惠立其孫維祁即位。使其黨貢整守都城。而已悉奪其財寶歸廣南。已而聞貢整將爲黎氏謀。遣將阮任誅貢整。盡毀王宮。維祈王逃匿於野。高平府督阮輝宿奉王族二百人奔廣西之龍州。兩廣總督孫士毅廣西巡撫孫永清先後奏報。高宗爲黎氏百餘年奉貢不怠。命將王族安置南寧府。代興討賊之師。

乾隆五十三年。使兩廣總督孫士毅提督許世亨率兩廣兵一萬。進安南討阮文惠。十月出鎮南關。至諒山鎮。分路進軍。沿路兵民簞食壺漿相迎。敵兵奔竄。僅保三江之險。十一月十三日。廣西兵克壽昌江。十七日渡市球江。十九日全軍臨富良江。即河內府隔江之險要也。敵軍悉陣富良江之南岸。提督許世亨乘夜奪敵舟。渡兵二千襲敵營。大破之。翌朝全軍渡江。黎氏宗族百姓大爲歡迎。孫士毅許世亨以下悉入河內城。維祈王初潛伏民間。聞報。以是夜詣軍營。與孫士毅會晤。初士毅奉命出征之際。帶安南王封冊。得於軍中便宜行事。至此士毅宣詔。封黎維祈爲安南國王。遣使至廣西迎歸王族。安南一時平定。高宗以單軍窮治遠邊爲不利。

接東京捷報後。卽分賞諸將士。命班師。乃孫士毅貪功。欲獲阮文惠以歸。滯軍河內。且信其來降不設備。遂終受其惑。

中國征討
軍之大敗

阮文惠多放間諜。探河內動靜。揚言卽日詣降。實則起兵潛進。翌年正月初一日。大舉襲河內。時城中置酒高會。樂新年。至夜忽被敵兵猛襲。官軍倉皇不克整戰。軍士無紀律奔竄。黎維祈攜王族先渡富良江。孫士毅隨之。恐追騎相迫。急漸浮橋。許世亨以下諸將卒不能渡。溺死數千。黎維祈母子復投廣西。士毅奔回鎮南關。悉撤關外兵站。士卒還者不及出征時之半。高宗怒士毅違詔致敗革職。而以福康安往代之。

阮光平之
來朝

阮文惠既威服安南。恐中國再舉大軍進剿。改名光平。遣其兄子光顯奉表入貢乞降。時我國亦不願再出遠征軍。以黎維祈既失國器。慰留北京。編歸漢軍旗。而允阮光平之請。乾隆五十五年。阮光平祝高宗八旬萬壽來朝。受封歸國。後二年卒。其子光纘嗣位。與伯叔不和。弑伯父文岳奪其地。又弑叔父文慮。自是國勢漸衰。遂爲阮嘉隆王所滅。

先是阮嘉隆王之奔暹羅也。苦志謀恢復。乾隆五十三年。得法國援軍之助。大破西山黨。數年後。阮光纘退保東京。嘉隆王據順化。南北二阮皆稱王。阮光纘時伺嘉隆王之隙。嘉慶七年。舉兵攻順化。順化兵善戰。破之。追擊至東京。光纘僅保守河內。六月。嘉隆王親督諸軍長驅向河內。沿途諸壘。倒戈相迎。數日河內陷。光纘自縊。嘉隆王悉復黎氏之舊封。遂自稱大南國皇帝。嘉慶七年。十二月。遣使至北京。陳爲黎氏復仇之願。

阮嘉隆王
之恭順

法國經營
安南之始

法安同盟
約與法軍
助嘉隆王
恢復

未請改國號爲越南。仁宗許之。嘉慶九年封阮福映爲越南國王。且定二年一貢。四年一朝之制。自是安南全定。

第二節 法國侵略安南第一期

十六世紀東洋航路發見以來。開交通貿易之端。起羅馬舊教傳教之漸。然其初葡西英法諸國之派宣教師。送測量隊。其範圍僅限於印度而止。印度以東。尙不爲各國所注意。獨法蘭西有先各國經營安南之志。十七世紀之初。數次派宣教師入交趾。一六一五年與一六二四年又派測量隊入交趾平順府。乾隆十四年。一七四九年路易十五世遣博物學者智巴布爾爲全權大使。至順化府。說阮武王訂法安同盟互市條約。阮武王不聽。法人亦不強求。及阮嘉隆王奔暹羅。收拾舊臣。襲交趾。復敗奔暹羅。自是孤立無援。獨法國宣教師畢尼約始終從王謀恢復。勸嘉隆王往法國求援軍。嘉隆王納之。任畢尼約爲全權太師。使世子景叡從之。赴法國。乾隆五十二年。一七八七年於法維薩里府。與法國全權大臣蒙摩稜西結法安同盟草約。約中安南所獲之利益。『一、法國援助安南王恢復舊領地。二、敵兵步兵軍艦軍器均由法國借入。』法國所得報酬之權利。『一、割化安島爲法國領地。二、康道爾島租借與法國。三、法督在安南領土內。得自由住居來往。』其時法國大革命起。本條約不獲簽押。由法國將校數十人。以私人志願。欲助安南王恢復舊領。率軍艦二艦。與畢尼約

往安南。寄航印度。與法印度總督協議。得其贊助。出援兵。時嘉隆王自以小軍恢復河遷、廣茂、西貢、諸府。畢尼約率法國援軍至。軍氣大振。連破西山黨。數年後。嘉隆王據順化府稱王。嘉慶七年。督軍入河內。滅阮光纘。悉復黎氏舊封。稱皇帝。

法安積怨
與法西極
兵伐安南

常法軍援助之時。嘉隆王對於法國將校與宣教師。均以優禮待遇。至嘉慶四年。畢尼約死。嘉隆王國基亦漸固。待遇法人遂異於前日。嘉慶十五年。太子景叡死後。漸起放逐宣教師之意。時法國拿破崙一世在帝位。歐洲大陸戰爭無休時。亦無遠伐安南之意。嘉慶二十年。拿破崙一世幽於聖希尼亞島。路易十八世即王位。與歐洲列國恢復平和。於嘉慶二十三年。遣古爾加留至安南。修舊好。且尋一七八七年維薩里之盟約。時嘉隆帝以援軍將校猶有存者。以禮款大使。而維薩里盟約。則不與回答。嘉慶二十五年。嘉隆帝卒。次子福敏即位。改元明命。愈不優待法人。大使古爾加留空歸國。道光十一年。法國復遣畢尼約之徒色尼約為公使。奉國書至安南。明命帝拒之。國書不得奉呈。終下驅逐基督教徒之詔。道光二十一年。明命帝卒。其子福璇即位。為紹治帝。仇教愈甚。下法國宣教師六人於獄。自此法人仇恨安南漸深。道光二十七年。法海軍大佐伯爾率軍艦至安南。捕獲安南兵船五艘。要求履行維薩里之約。安南政府謀誘殺法將。事洩。法艦破擊廣南。紹治帝激怒。下獎殺法人令。同年十一月。帝憤死。其子福峙嗣之。為嗣德帝。排外政策愈烈。咸豐二年。懸賞銀粒三十。購殺宣教師之頭。時法國路易拿破崙以是年改共和政體為帝政。欲顯海外戰績。以

收國內民心。將派全權大臣至安南開談判。偶逢克里米戰爭起。不果。咸豐六年。克里米戰爭結局。拿破崙三世遣海軍少將爾略與外交官蒙齊尼奉國書至安南。要求履行舊約。割讓廣南港。兼請保護基督教徒。安南政府不僅不受使節。兼令擊其船舶。少將大怒。砲擊廣南港。毀其堡壘。以孤軍無援。亦不占領而去。嗣德帝見法軍去。愈仇教。殺其教正。咸豐七年。又殺西班牙教師。與他國基督教徒。拿破崙三世乘機宣布安南之罪。決興軍。西班牙亦有報怨之意。咸豐八年。遂起法西聯軍。遠伐安南。

法國支那艦隊司令長官哲魯一里。率軍艦二艘。與西班牙軍。於咸豐八年六月抵南海岸。攻廣南港。克之。未幾安南大舉來襲。復大敗之。時哲魯一里以廣南距安南首府順化僅十五哩之遙。孤軍不便長守。而下交趾距順化遠。又西貢爲安南第一商務地。欲占領之。爲永久根據地。翌年正月。置少數守兵於廣南。而已率大軍侵下交趾。未幾陷之。下交趾民大沮喪。既而哲魯一里以事歸本國。少將巴秋代之。時英法聯合軍與中國開戰。安南之法軍無援。巴秋以兵力集中爲合宜。於咸豐十年二月。悉撤廣南守兵。集於西貢。安南政府見法軍退廣南。益虐殺教徒。頻增兵南進。謀驅逐法軍。大將阮知方集大軍於西貢城下。築壘爲長圍之計。時法守城兵僅七百。衆寡不敵。勢甚危迫。值英法聯合軍與中國之戰爭結局。自中國凱旋之法國軍隊。道過安南。於是西貢被圍之聯軍頓增勢力。二月下旬。法軍與阮知方激戰於西貢城下。安南軍二萬。棄壘而退。既法少將巴秋率水軍出邊和州。以斷安軍後路。阮知方軍背腹受敵。不戰而潰。法軍更南進。四月。

攻湄公河畔府城陷之。十月安南大軍再迫西貢城下。聯合軍復擊破之。翌年同治元年五月。奪邊和、嘉定、定祥、三州。二月更陷永隆州。占領康道爾羣島。斯時安軍大沮。無再戰之勇。而黎氏後裔乘機起亂。糜爛東北。安南政府調兵籌餉。惟日不足。不得已與西法聯軍求成。同治元年五月一八六二年六月五日。結西貢條約如左。

一 安南國王、准基督教自由傳教。准安南人民自由信教。准法西二國人民對於安南國王行基督教禮節。

二 安南政府。將邊和、定祥、嘉定、三州、與康道爾羣島。割讓爲法國領地。

三 自後安南有割讓土地與他外國之時。須得法國之認可。

四 法西安三國人民。自後彼此自由通商。法商船舶。得在湄公河自由來往。又爲監視一切起見。法國軍艦。亦得在該河內自由來往。

五 安南賠償法西二國軍費四百萬元。

六 因安南暴徒未靖。法國仍暫屯軍隊於永隆城砦。以爲防護。俟平和恢復之後。仍返還安南。

先是東京人民。以阮嘉隆王不復立黎氏。大失望。至阮明命王施苛政。百姓益思黎氏。嗣德王卽位後。東京有黎興者。自稱黎氏支屬。於咸豐七年。嘯集黨徒。據南定、興定、二州。黎興之黨。多基督教徒。聞法西聯軍奪廣南港。大喜。謀得西法軍之援。然以官軍征討之烈。一時平定。官軍去後。再嘯集舉兵。時官軍忙於下交趾。

法國不履
約撤兵條

法領下交
趾

法西聯軍之戰爭。無顧東北之力。安南政府。遂欲與聯軍媾和。俾官軍得集中討黎興之黨。及西貢條約成。無南顧憂。將軍阮知方率大軍入東京。剿討黎興。時黎興既取廣安、海東、北寧、宣光、大原、五州。其衆殆二十萬。聲勢大振。然阮知方大軍既至。官軍頓增勢。連戰連捷。捕黎興斬之。其衆悉散。東京方面遂全歸平靖。至此安南政府遣使至西貢。報暴徒悉靖。請撤退永隆城砦之軍隊。法國不應。同治三年。安南遣大使至巴黎。願償還行政費一千萬弗郎。求返還永隆州。拿破崙三世許之。命駐暹羅領事哈巴列至順化協議。同年五月。哈巴列以本國政府命。與安南政府協商。約定邊和三州以外之地。悉返還安南。時代理三州都督海軍少將克蘭智爾。以返還下交趾爲失策。建議於本國政府。法政府遂飛報哈巴列。命中止結約。時新約尙未簽押。哈巴列接本國飛報。急倡異議。歸盤谷。不復言順化盟約之事。

同治六年。東蒲寨南部暴民起叛亂。下交趾亦動搖。克蘭智爾見安南政府一時不能平定。乘機以恢復秩序爲名。舉兵襲取永隆、安江、和仙等地。悉占領之。自是安南政府亦不敢強求永隆以下三州之返還。下交趾六州。并西貢條約割讓三州悉爲法領。卽今日法蘭西交趾是也。

第三節 法國侵略安南第二期

法國占領下交趾之後。多派測量隊往新領地四隅探測。以爲必有水路通中國內地。爲將來通商上之大

法人注意
北安南之
始

利便。結果發見湄公河不適舟航。全爲無用。水流大失望。於是法人轉注意於北安南富良江流域。富良江發源中國雲南省。有舟楫之便。東京府位於河之南岸。土地肥沃。有安南府庫之稱。法人經路北安南之野心自是起。

法人之經
略富良江

同治七年。法人秋畢伊者。與雲南提督馬如龍爲征雲南回匪。締結供給兵器糧食之約。苦無輸送之便。聞富良江可通雲南。秋畢伊於同治十年三月。自雲南府出發。探測富良江上流。至蠻耗。見一大船。舢船溯航。大喜。歸國。說紅江水運之利於海軍大臣。得礮艦一艘。更於香港購礮艦二艘。汽船一艘。又雇中國船一艘。率船員百七十餘人。於同治十一年九月。至海防府。不顧地方官民之反抗。溯航紅江。抵河內府。其時紅江水量大減。不許汽船溯航。秋畢伊致書東京府總督。告以馬如龍之命入雲南。求輕舟數艘爲供給。總督以上流黑旗黨跋扈恐嚇之。更以不得順化政府之許可。拒其要求。秋畢伊於山西地方。得舢舨船四艘。恐因人衆惹黑旗黨之爲難。僅率三十九人前進。餘衆悉留止軍艦中。以待其歸。航行中不遇黑旗兵妨害。安抵雲南。以所運軍需。全賣於馬如龍。翌年三月歸河內府。自此秋畢伊以商利之巨。欲大起紅江航運業。既購巨額食鹽。欲依紅江航送雲南。然食鹽輸出。原係安南國禁。東京總督阮知方厲行禁令。秋畢伊堅欲達其目的。軋轢益甚。安南政府。遣使至西貢訴秋畢伊之暴狀。法領下交趾總督秋布列。命秋畢伊退去安南。然秋布列部下海軍大尉加爾尼伊者。頗與秋畢伊表同情。以東京之經營不可忽。乞率兵赴援。亦得秋布列

之許可。加爾尼伊遂率步兵七十名人河內。向總督阮知方要求紅江通航權。總督堅拒之不應。

先是中國長髮黨魁吳琨者。率敗軍攻東京。安南官軍與戰。破走之。吳琨死後。餘衆分爲二黨。一據雲南東京境上。紅江江畔之勞開府。稱黑旗黨。一據東京之興安府。稱黃旗黨。黑旗黨魁劉義字永福。廣西錦州人。曾與吳琨轉戰安南東北。至是據勞開。安南政府招撫之。劉永福亦恐安南與中國政府協力謀己。誓不亂邊。黃旗黨則不然。以無正當首領。屢爲東京東北之亂。加爾尼伊要求紅江通航之時。正黃旗黨以黎氏爲魁。大起叛亂。見加爾尼伊至。欲倚之以拒安南政府。數日集於加爾尼伊旗下者。達二萬人。加爾尼伊以安南政府不服人心。又以總督拒其要求。與秋畢伊謀。於十月率軍艦攻河內城。礮戰二時許。總督阮知方負傷遁。城忽陷。守兵死傷達三百六十名。法兵死者僅一人。加爾尼伊遂下東京三角洲中之北寧、海陽、南定、寧平、興安、諸鎮。惟山西鎮爲王室駙馬黃維炎。與精銳之黑旗兵相結。固守之不能下。十一月加爾尼伊大舉攻山西。忽以順化政府遣使求和。遂休戰。加爾尼伊單身與使節議和。談判中接黑旗兵攻城之飛報。加爾尼伊始知陷計中。急起歸陣。被黑旗兵殺於城外。秋畢伊代理率殘軍退守河內。

初。法領下交趾總督秋布列。欲對安南行威壓政策。故利用加爾尼伊等之私戰。以開經略北安南之端緒。次得加爾尼伊占領河內三角洲諸要地之報。更派將校可斯克。書記官希拉特爾。往東京籌善後策。希拉特爾素有智略。爲秋布列所信用。至東京。全反從前之威壓。而代以懷柔政策。立收獲安南全國之計。畫先

發。布。法。兵。占。領。之。各。城。池。悉。還。復。安。南。翌。年。正。月。同治十三年東京地方之法兵全撤退於海陽府。安南官民大悅。西三月十五日。安南刑部尙書黎循禮部尙書阮文祥與下交趾總督秋布列於西貢締法安和親約二十條。其重要者如左。

安南保護
國條約

- 一 法蘭西以王禮待遇安南國王。且承認安南國爲獨立國。
- 二 安南有內患外寇須援助時。法國不問難易。不問賠償。盡力與援助。
- 三 法國贈呈軍艦五艘。礮百尊。扇底銃千尊。與安南王。
- 四 安南需海陸軍教練及其他工匠。或各種學校用員之時。法國政府。不問人員多寡。必遴選應聘。不敢辭謝。又或需用軍艦。軍器及其他軍需之時。法國政府。必應其供給。
- 五 一八六二年西貢條約之賠款殘額。悉減免之。
- 六 自後安南之外交事務。悉由法國監督。
- 七 下交趾六州之地。悉割讓與法國。
- 八 安南政府。開河內。東奈。寧海。三處爲通商口岸。且沿紅江至中國國境蒙自縣之河道。許通航。
- 九 法國於各開港地。得置領事及特派員。並得置百名以下之守備兵。
- 十 在安南之法。人與法人。法人與他外國人。法人與安南土人。他外國人與安南土人之爭訟及犯罪。

均由法國領事審判之。

此條約安南之外交權全歸法國。所有司法權大受制限。軍隊權雖無明文規定。然軍需教練悉仰給於法國。且有內患外寇時。法國即可出兵。雖名義上承認爲獨立國。其實質已成法國之保護國。然安南歷受中國封冊。爲中國屬邦。法國既與安南結保護條約。自不得不探中國政府之意旨。於翌年四月命駐北京法國公使以該條約全文通告總理衙門。我國政府殊不喜法國承認安南爲獨立國之語。蓋以其有犯中國屬邦之義。其覆書大要云。法安兩國和約之副本。謹收領矣。然約中有承認安南爲獨立國之語。爲中國所不能解。安南自古爲中國屬邦。故中國政府不能公認此條約。時北京法公使譯員對於該覆書。僅譯法安兩國和約之副本。謹收領矣之一語。以下悉刪之不譯。法公使以爲中國政府既承認之。遂通知本國政府。巴黎政府亦以爲然。遂着着期條約之實行。我國政府反對意旨。一時葬於模糊之間。同年八月。法國更爲安南結通商條約。翌年光緒二年七月。其條約經法國國會批准。爾後我國政府屢與法政府抗議。法政府固執前文不動。時我國以伊犁事件。始忙於新疆之征討。繼與俄國起紛議。又以英法聯軍入北京之寒心。不敢與法國開積極之談判。兩國紛議。殆亘十年。

第四節 法國侵略安南第二期與中法戰爭

同治十三年之安南保護國條約。法國以侵略主義。不認安南爲中國屬邦。翌年以條約全文。照會中國。亦不過形式上之通告。無論中國政府承認與否。必期實行。然亦將窺中國之動作如何。以謀臨時之對付耳。後數年。見中國政府不爲積極反抗。遂於光緒六年。援條約權利。於河內、海防、二府。各置守兵百名。於順化、廣南、二府。亦分派守兵一中隊。自是法人多派測量隊深入安南內地。視察鑛脈。探測河流等事。安南政府亦漸悟前約之不利。排法熱度稍高。一面遣使至北京。仍請爲中國保護國。一面獎助黑旗黨。爲驅逐法人之計。

安南之排
法

先是劉永福據勞開府。娶安南王女爲妻。黃旗白旗之人。漸多集於旗下。當時旗下人數達二十五萬。儼然東京西北部創成一獨立國。至是劉永福惡法人跋扈。親至順化府見安南王。願任驅逐法人之勞。請安南出軍費爲援助。安南政府大喜。約每年補助軍費六萬元。自此法人於紅江之航運業。在在被黑旗黨妨礙。法領下交趾總督勃爾。請於本國增加東京護衛兵。將乘機有所爲。光緒八年。法人欲以獨力築壘於紅江上流沿岸。爲保護通航之便。二月。海軍大佐黎威爾率小船四隻。滿載兵士兵器。自西貢至海防。更溯紅江進河內。先具文告東京總督。至河內時。總督嚴兵備。閉城拒之。黎威爾大憤。礮擊府城。忽拔之。順化政府聞警大怒。命黑旗黨抗戰。黎威爾以駐在東京法兵五百人。分屯河內海防二府。專事防禦。光緒九年二月。援兵自西貢至。恐黑旗兵絕河內海防之交通。急遣援軍奪南定。至此劉永福遂與法國宣戰。疊逼河內。黎威

劉永福與
法國宣戰

爾不待援兵。欲一舉驅逐之。突出猛擊。遇劉永福伏兵。黎威爾戰死。兵卒死者甚衆。殘兵急退保城內。紅河艦隊司令官波留代黎威爾之任。

初。法國於安南通商口岸置兵備之時。曾紀澤爲伊犁事件在俄京。兩次致書法國外相。申言中國對安南有宗主權。並聲明一八七四年同治十年之法安條約。爲中國政府所不承認。及光緒八年。黎威爾瞰擊河內。曾紀澤對法廷大伸抗論。然法國主張安南爲獨立國。毫不顧忌。既黎威爾占領河內之報達巴黎。曾紀澤大難法廷之舉措。時中國亦派兵入安南。法公使布連與李鴻章爭論。李以保護邊境爲詞不動。兩國平和將破。偶逢法新首相秋克勒爾兼外相任。取平和主義。使布連與李鴻章協議。李鴻章草兩國平和案四條示布連。

一 中國在東京諸州之兵。悉撤退雲南廣西。法國亦撤退進東京之師。

二 紅江通商。萬國自由。中國設稅關於勞開府。

三 中法二國。自今各負責任驅逐東京浮浪賊徒。因之兩國境界。尤宜畫清。由兩國即日協妥。

四 境界畫定之後。各任保護管地之責。有爲保護之妨害者。則可任意防禦。

布連公使接此草案。亦無異議。雙方申告本國政府。兩國政府皆無異論。李鴻章遂命曾紀澤本此草案。與法國外相締結中法和約如左。

中法和約

一 自後使安南自爲守。法國不假道安南越中國疆界。中國亦不踰界侵害法人。

二 自後法國若有事於安南。必先照會中國。

三 法國若必有保護安南之意。則中國亦同保護之。其經費各自擔任。所得之利。兩國掌握之。

和約之破

法國之決戰

此約之精神實以安南之保護權爲中法兩國所共有。即我國對於一八七四年之安南保護條約不承認。之承認也。然本約尙未批准之時。法國政變。內閣全更換。有名過激派蘭克爾爲外相。持極端侵略主義。兩案皆不承認。且罪駐北京公使布運過於緩和。召歸國。而以駐日本公使脫里固代之。屢開閣議。議決增加東京援兵。設置東京理事。三月。向議會提出遠征軍費五百三十萬弗郎之案。要求協贊。偶逢黎威爾戰死之報達巴黎。議員憤激。議會一致協議。即命駐暹羅法國總領事嚇爾曼爲東京理事官。總轄東京文武政務。命西貢司令官陸軍少將波也也急赴東京指揮陸軍。五月大軍至河內府。中國聞之。主戰派甚激昂。然廷議不一致。卒不出大軍與宣戰。僅派鄰近少數兵助黑旗兵而止。遂使法國經略安南。更開一大局面。

清廷之苟且

是年一八八三年春。雲貴總督岑毓英陰遣提督黃桂蘭率五千兵往安南探事實。安南政府大喜。以三萬兵託黃桂蘭統率。熱望其與劉永福協力破法軍。清政府以岑毓英之報告。知東京之法兵不多。起李鴻章於母喪。命督辦越南事務。兼節制兩廣雲貴四省軍務。時劉永福以北寧山西二城爲根據。出沒紅江三角州。同法軍動靜。探知南定之守備可乘。自西五月三十一日圍攻南定。至六月二十六日。守將突出奮戰。擊

法軍分攻
順化山西

順化政府
之乞和

退之。七月，劉永福轉攻海防，卒不能下。李鴻章於上海會法國公使脫里固二次，以左宗棠、彭玉麟等主戰論甚占勢力，卒無所協議。忽廷議一變，命李鴻章北上。七月十三日，任李鴻章爲直隸總督，安南經略之任全解。其時法國政府已派海軍少將孤拔率援兵二千向東京。七月十九日抵海防，東京理事官嚇爾曼亦於是月二十三日抵海防。其議軍略，嚇爾曼頗悉安南情勢，以順化政府全依賴黑旗兵拒敵，若先拔北寧、山西二府，則順化政府大失勢。若兼出兵攻順化，則其抗敵力必不及黑旗兵之強。軍略遂決。八月上旬，陸海軍之部署悉定。十四日，嚇爾曼與孤拔率軍由海防出發，攻順化。十五日，波也率法兵一千八百，黃旗兵五百，由河內出發，攻山西。波也之兵雖衆，然黑旗兵甚雄健，卒被破退。而在海防方面之黑旗兵，尤大得勢，奪回海防、廣安二城。

此間安南政府和戰論不決。大學士阮文祥爲主戰派首領，嗣德王傾於和議，忽以憂慮死。其弟朗國公即位，改元合和。新王亦傾於和議。八月十六日，嚇爾曼之軍抵廣南灣，翌日率軍艦七艘，運送船七艘，碇泊於順安半島礮臺之前面。距順化僅十二里，吉羅米突之地。連日礮擊不絕。十九日天初曉，率兵由順安半島上陸，要塞皆被法軍占領。順化政府大懼，主戰派大落膽，遂遣密使至法艦求和。結二十四時間休戰約。二十三日，嚇爾曼等進順化府，於法國公使館，與安南全權辦理大臣鄭丁德副使阮仲合結媾和新約二十八條。其主要者如左。

- 一 安南政府自承認爲法蘭西之保護國。雖與中國交涉亦必由法國紹介。
 - 二 割平順府永合於法領交趾。
 - 三 法國於安南國之諸要地。皆得置軍隊。於紅江沿岸。得置營哨。於順化江口。築港築堡。皆隨法國之意。
 - 四 法國於順化府置高等理事官。統理外交事務。有獨自謁見安南王之權利。於河內海防及各大小都府。皆置理事官。
 - 五 安南國之國際外交事務。與一初關稅事務。及土人以外之民事刑事司法事務。均歸法國理事官全權處分。
 - 六 安南國各市府稠密地之警察與稅務。及全國之各府州大小官吏。均受法國理事官之監督。其官吏有對於法國謀不軌者。由理事官之請求革職。
 - 七 安南政府派遣東京之軍隊。全數召還。
 - 八 歸仁廣南奇修安三港。開爲萬國通商口岸。
 - 九 自河內至西貢。由兩國出費。修通行大路。架設電綫。
- 此條約之精神。安南主權全移歸於法國。所有原同治十三年之西貢條約。尙爲我國所不承認。何況此約。

中國欲戰
不戰之狀
況

安南政變
與法國再
出兵

我國開法安締結之新條約。皇太后大怒。諸大臣亦多欲訴之干戈以謀解決。又聞在東京法國將官不和。欲乘機破之。蓋斯時法國在東京之外交關係。係共和黨。將校多係王黨。與拿破崙黨。互不相容。九月。嚇爾曼令波也歸國。以大佐畢削代之。且奏請孤拔兼東京海陸軍司令長官。孤拔就任後。嚇爾曼不獲參與軍機。亦陷於失意之境。清廷一怒。新約成立。一乘其將校不和。詔雲貴總督岑毓英兩廣總監張樹聲。辦邊防。統大軍入安南。任劉永福爲越南經略大臣。命廣西巡撫徐延旭進軍諒山。雲南巡撫唐炯進軍北寧。任彭玉麟爲欽差大臣。總理廣東軍務。南海大小軍艦均嚴戰備。時曾紀澤與法外相之折衝。則主張『東京秩序。歸中國回復。法國撤退進東京之兵。至紅河通航之件。中國政府必竭力副法國之希望。』然法國政府不認中國對東京有發言權。直拒絕之。且電催孤拔占領山西北寧與安諸地。曾紀澤大怒。電告本國政府。外交上已無挽回。然廷議不決。竟不以此時宣布開戰。至西十一月二十二日。總理衙門向各國宣告曰。法國若攻北寧。則爲我國宣布開戰之期云。時法外相蘭克爾辭職。首相悅理兼外相任。稍變從來之激進方針。忽接安南政變。順化條約歸於無効之報。國論復激烈。

初。順化條約。原爲安南排外黨所不喜。仍密通黑旗兵以拒法人。駐順化法公使謁安南王。要求實行條約。王許之。排外黨首領輔政大臣阮文祥。兵部大臣尊寶說等。竊議廢立。西十一月二十九日。逼王飲鴆。使讓位於浪國公沅福昊。改元建福。建福王年甫十五。依權臣左右。遂不認順化條約。下驅逐法人令。法政府接

安南新政府不認順化條約之報。大怒。要求議會增添軍費三百七十萬弗郎。更要求翌年之東京事務費二千萬弗郎。皆得議會協贊。

四 法軍陷山

先是法國雖與順化政府訂休戰約。然東京方面與黑旗兵之戰鬥不絕。西十一月一日。法國援軍至東京。合孤拔所募集安南土兵共約八千。以同月陷興安城。將攻山西北寧。清廷得報。命徐延旭唐炯嚴諒山北軍軍備。十二月十一日。孤拔自河內率水陸軍並進。攻山西。十四日陸軍進天祿村。定本營。十五日與黑旗軍激戰。進軍山西城下。十六日陷之。黑旗兵退據興化。安南兵竄走山間。光緒十年西二月。法新任司令長官陸軍中將密約率援軍七千至東京。孤拔悉以陸軍軍務委密約。而自就艦隊司令長官之職。時法國在東京兵之總數。共一萬六千五百。我國巡撫徐延旭唐炯統率之大兵。與黑旗兵守北寧者。共三萬餘人。總兵王德榜以五千兵守大原。總督岑毓英督兵一萬二千。合黑旗兵三千。安南兵四千。共一萬九千守興化鎮。三月初旬。海防河內之法軍。次第向北寧進軍。十一日兩軍尙無大激戰。十二日午前。法軍猛攻北寧城。巡撫徐延旭與提督黃桂蘭先走諒山。黑旗兵多走大原。城中殆無人影。午後六時法軍入城。十五日法軍分一軍向大原。一軍向諒山進擊。向大原之軍。以十九日達大原城下。總兵王德榜稍試戰。即棄城遁。法軍從容入城。向諒山之軍。於出發日下諒江城。旋被本營召還北寧。四月法軍以全軍攻興化鎮。興化鎮。位於山西之西北。東京重鎮也。雲貴總督岑毓英以重兵鎮之。十二日法軍未渡江之先。守兵於城內外放火皆

法軍陷北
寧大原興
化鎮

遁。法軍不損一彈一卒占領之。自是紅江下流諸要地全翻三色旗。

山西北寧陷落之報達北京。皇太后大怒。以諸大臣無力辱國。於中三月十三日。先貶軍機大臣恭親王寶鋆。李鴻章翁同龢景廉等。而以禮親王孫毓汶額勒和布閣敬銘張之萬代之。十七日命醇親王代恭親王之任。十九日巡撫徐延旭唐炯提督黃桂蘭均革職。而任潘鼎新爲廣西巡撫。張凱嵩爲雲貴巡撫。此政變論者紛紛。其近因實出於懲敗之意。

自中法開釁以來。李鴻章絕對主張和議。至是皇太后以諸大臣無實力。仍以李鴻章所見爲穩。又因廣東稅務司德人德特林克調停勸和。遂排滿廷主戰論。而以李鴻章爲全權大臣。法政府亦以德特林克之調停。信李鴻章真保平和。命海軍中佐布爾尼伊爲全權大臣。布爾尼伊以中四月十二日抵芝罘。與德特林克預議媾和條件。翌日至天津。與李鴻章會晤。十七日。兩全權締結豫定媾和草約五款。其文如左。

中法媾和
條約

- 一 法國不侵犯中國之邊境。
- 二 中國承認法國與安南之前後條約。現屯北安南之中國軍隊悉撤歸本國境內。
- 三 法國不要求賠償軍費。中國許南境一帶通商。
- 四 自後法國與安南或結新約。或改正舊約。不插入有犯中國國威之字句。
- 五 由兩國再派全權委員。於本約決定各項詳細審定。

預定和約
之破壞

此預定條約。中國對於前兩次法安之保護條約。一概承認之。則舉安南全讓爲法國所有。主戰派督辦南疆軍防事務彭玉麟爲首。主張反對條約。一時彈劾李鴻章奏疏至四十七封。法國輿論。以該約第四條尙留中國保護安南之虛名。不喜。首相要求議會批准。竟爲議會所不決。且東京撤兵之期。彼此相違。布爾尼伊則謂以三週間爲期。李鴻章則謂以三個月爲期。蓋出於布爾尼伊以本國不滿足。故意發難。以期條約無效也。

諒山衝突

法人欲實行三週間撤兵之約。於中五月初六日。先命中佐德森率軍收復宣光府。時宣光府之黑旗兵已遁。得無衝突占領之。次即進軍諒山。二十八日。於北黎附近。遇中國兵。要求撤退。時我國軍隊。尙不接本國政府撤兵之命。且不知和議已成。總兵請延緩十日。以俟本國政府之命。德森不聽。督兵前進。時法兵僅六百人。中國兵約八千。彼此爭鬥。法兵戰死十三名。負傷四十名而退。是爲諒山衝突。即中法開戰之原因也。按戰時國際法。休戰開始。始於條約成立。而始於全軍隊受休戰照會之時。若嚴格辦理。則以雙方軍隊交換照會。然後休戰開始。法軍有意開難。故違法啓釁也。

法國接諒山衝突之報。全國大怒。以中國違三週撤兵之約。要求賠償金一千萬磅。我國於閏五月初九日。批准豫定草約。即命撤退駐屯北安南軍隊。而對於諒山衝突。不負責任。閏五月下旬。法公使巴特納與我國全權委員兩江總督曾國荃。會於上海。迭開談判。各固執本國所主張不讓。巴特納迫國荃於西八月一

上海之議
政與法軍
基礎

日爲確實決答。清政府命駐法公使李鳳苞面會首相說理。要求延期答覆。首相拒絕之。即電訓巴特納公使。占領中國一要地。以行威壓。於是法東洋艦隊司令長官克爾伯奉公使密訓。遂定砲擊福州。占領臺灣之計略。時我國內外大臣主戰派甚激昂。且英德後援亦有可望。遂任船政大臣何璟督辦沿海軍務。警備臺灣海峽。任劉銘傳督辦臺北軍務。先是同治十三年。日本侵臺。自是我國注意於臺灣。劉銘傳往任軍備。光緒二年。新設臺北府。至此任劉銘傳往任軍備。傳以閏五月二十四日赴基隆。方事部署。而法海軍少將禮士卑士以六月十五日率軍艦三艘至臺灣。砲擊基隆港。守兵發砲應戰。少時即停止。法軍以砲臺停砲。少將馬爾坦即率步兵上陸。進迫砲臺前面。以綿火藥炸砲臺。提督曹志忠。章高元。蘇得勝。鄧長安等。邀擊之。獲大勝。法兵死傷百餘人。遂以翌日開艦返上海。

六月十八日。禮士卑士率軍艦回上海。以擊砲基隆之事告巴特納公使。公使以告曾國荃。且催和戰之決答。二十七日。法政府宣言拒絕列國干涉。二十九日。法代理公使斯美向總理衙門發最後通牒云。『賠償金減爲三百二十萬磅。四十八時間內無回答。即作爲國際破裂。』清政府怒。命曾國荃中止談判。歸南京。至此兩國國交已破。然清政府尙不決心開戰。僅向各國公使發左之宣言書。

中法交涉。中國政府飽持平和主義。百方盡力。然法公使固執非理之論。不辭開釁。故我國政府命全權委員退去上海也。

此宣言之意。蓋希望列國之調停。然法政府已決志開戰。三十日不接中國回答。即於六月初一日。電命斯美公使撤國旗退出北京。同時命中國公使李鳳苞退去巴黎。於是福州之海戰起。

福州之形
式與當局
之苟且

福州距海口三十四海里。位閩江左岸。道光二十二年開港以來。其繁盛亞於上海。城外南臺下流三十里地。有馬尾村。福建船政局所在。左宗棠任閩浙總督。與沈葆楨爲船政大臣時。用法人日意格費五千萬銀所建造。初用日意格爲總監督。曾賞賜黃馬褂。次中國人熟習工事。船政局遂無法人足跡。法艦隊長孤拔自中法開戰以來。即以破壞船政局爲目的。船政局附近。有礮臺二座。對面灣中羅星島上。有羅星塔礮臺一座。下流閩江河口。有金牌、閩安、二峽。金牌峽有金牌、長門、二礮臺。閩安峽有北岸、南岸、新閩安、舊閩安、四礮臺。馬尾分配兵數共三十營。每營兵五百。共一萬五千。金牌閩安二峽之兵。亦各配一萬五千。且配置艦隊十一艘。爲船政局之保護。六月下旬。法軍率鐵甲巡航艦二艘。一等巡航艦三艘。三等巡航艦一艘。礮艦三艘。運送船一艘。水雷艇三艘。均投錨閩江口。我國數萬兵士與各艦長對之。無不切恥欲戰。然我國軍士無一人能知此次開戰之原因者。又艦隊長雖決死戰。於十五日連署請會辦海防事宜欽差大臣張佩綸司全艦隊之指揮。張佩綸遂巡不答。久之告斷無開戰之事。閩浙總督何璟。向各艦隊長各礮臺守備隊發號令。則祇准防禦。不准進擊。李鴻章數次與何璟張佩綸之電報。亦如之。於是我國軍隊。全立於待死之地。

七月初三至初五，皆大風雨。初六日早，天氣清明。法艦隊長孤拔於是朝向各國領事及各外國船，告本日正午，與中國開戰。此時我艦隊皆不知戰機在即。午後一時，法艦開砲，頓轟碎我艦一艘。我艦應戰，須臾煙霧彌天。我揚武號中敵水雷破碎，諸砲臺發砲應戰。法巨艦數艘，沂江且擊且進，轟碎船政局與羅星塔之一壘。我伏波振武諸艦之將卒，皆乘小艇奔竄。惟艦長許壽山以下數名憤戰倍前，急航欲衝法艦同沒。復中砲不及即沈。許壽山等死之。先是許壽山豫裝大砲一門未發。苦戰至斯。見船體大半已沈。從容不動。終向敵艦轟然一聲而沒。為是役艦長名譽戰死惟一之人。

二時至四時，敵艦擊沈我小船無數。入夜船政局起火，沿岸村落，悉被燒燬。翌日在上流敵艦，擊破船渠。下流敵艦，擊破金牌崗安二峽砲臺。初八日，敵陸軍上陸，炸裂羅星塔砲臺。又自後面擊閩江沿岸諸壘。我砲臺祇能向江身下流發射，不能左右轉回，不克應戰。沿岸砲臺，悉破壞。是役法兵戰死十二名。我軍戰死依總督報告僅一千五百名。其實出三千以外。南洋艦隊二十二艘，與福州諸砲臺，悉被破碎。

敗報至北京，朝廷大驚駭，始發布宣戰詔勅，以戰時國際法戰爭開始期而論。當法軍砲擊基隆之日，即為我國宣戰時期。乃政府優柔不斷，俟南洋艦隊全滅然後宣戰。其誤國實甚。然法國竟不認臺灣福州之役為正式之交戰。宣言『此次出於法國之膺懲，討伐野蠻國使悟文明之價值。是文明國之責務所宜然』云。則視此次出兵，與征伐阿弗利加之蠻人同等。後經英國抗議，法始認為正式交戰。

南洋艦隊既滅，孤拔始專事臺灣。八月十三日，率軍艦八艘攻基隆砲臺，忽奪之。同時率軍艦四艘攻淡水

法軍奪諒山

礮臺旋以步兵上陸。遇總兵孫開華之伏兵。大敗而退。開艦向基隆。與孤拔之艦隊合。封鎖臺灣西岸。然以劉銘傳揚岳斌防禦之力。法軍隊除占領基隆街市外。不能擴張一步。十二月東京援兵至。孤拔遂犯眉山。提督曹志忠林朝棟苦戰退之。光緒十一年正月一日。孤拔聞南洋殘艦欲解臺灣之封鎖。游弋石浦。率七艦襲之。追至黃海。擊沈馭遠鏡清二艘。順路入揚子江口。封鎖寧波。同時擊破鎮海礮臺。正月十八至二十一日。在臺灣之法軍。大舉進攻。連日苦戰。我國擁八倍大軍。卒不能支。基隆東南之堡壘。與淡水河上之要地。皆為法軍占領。二十四二十五日。孤拔之艦隊占領澎湖島。此間法國政府乘機欲我國割讓基隆。不納償金以和。我國拒絕之。先是孤拔欲占領旅順芝罘威海衛三要港。首相悅里不同意。屢命占領基隆。蓋注意於基隆附近之炭鑛也。至此法國政變。孤拔躊躇南方。不得政府之援助。於西六月十一日憤死澎湖島。諒山方面之我國軍隊。自接宣戰上諭後。復與法軍交戰。兩次敗北。其後廣西巡撫潘鼎新自統大軍駐諒山。使蘇元春陳嘉以十八營守諒山中路。距諒山前百二十里地楊玉科方友升以九營守西路。距諒山百三十五里地王德榜以十營守東路。距諒山百八十里地十二月二十日。法軍攻中路。我軍苦戰三日。礮傷甚多。廿三日。陳嘉蘇元春董履高先後敗北。退據諒山前三十五里之威坡。廿八日。法軍進攻威坡。葉家詳先奔。董履高中礮折足。軍潰。潘鼎新聞警。棄諒山。奔鎮南關。東西兩軍聞調赴援。至則本部已遁。三十日。法軍奪諒山。獲糧餉器械無算。翌年正月九日。法軍攻南關。勇將楊玉科中砲死。十一日。法軍焚關退軍諒山。初。潘鼎新既退鎮南關。旋退

馮子材克復諒山

府。距關二退憑祥。距關五又退海村。距關百里退龍州。關內民大譁。衆軍皆潰。淮軍大掠龍州。運糧軍多擄餉。匿逃。游勇肆掠。難民避官軍。蔽江而下。沿江南寧梧州桂林。無不驚擾戒嚴。至此官軍已不成一營。時廣西臬司李秉衡提督馮子材總兵王孝祺先後至龍州。秉衡有清望。靜鎮不搖。子材威惠素著。得桂越人心。衆情粗安。子材收集潰勇。新創十八營。言於潘撫。召蘇元春回中路。時法軍於文淵州築礮臺據守。二月初五日。子材孝祺兩軍。夜襲文淵州。初六日破其二壘。我軍多死亡。初七日法分三路進攻。東嶺三壘。爲法軍所奪。馮王殊死戰。至申刻蘇元春援軍至。得不敗。彼此死傷相當。初八日法軍大犯中路。馮蘇誓死決戰。宣告諸統領。凡敗逃者。不論何軍皆誅之。於各隘設卡。截殺逃者。子材年踰七十。帕首持矛出戰。諸將士咸感動。王孝祺手斬退兵數十名。各軍肉薄激戰。奪還東嶺三壘。西嶺之法軍亦敗退。是日法兵死傷衆。我軍死傷雖多。軍氣大振。初九日馮督諸軍出關攻文淵州。法軍退走諒山。分守諒城。及對河之驅驢墟。十二日諸軍攻驅驢墟。克之。十三日早六時。子材督軍攻諒山。法軍悉遁。正午克復之。至此子材與諸將定軍略。進規北寧。安南兵聞之。願竭力助。忽接停戰撤兵之旨。子材憤甚。班師。時雲貴總督岑毓英之軍。亦同時大捷。初岑毓英命丁槐何秀林圍宣光府。法軍死守。襲擊十八回不拔。正月十五日。法援兵至。激戰解圍。法兵戰死六十名。負傷百三十三名。二月初八日。大破法軍於臨洮。克廣威承祥二府。軍勢大振。二十三日。逼興化府。安南官民皆應之。將進逼山西。以和議成。不果。初。東京未激戰之先。中國稅關總理英人赫德居間調和。

岑毓英大破法軍

法國政變
與和議成
立

中法續和
條約

赫德代表中國政府與法首相交涉三度。皆主張中國無條件^{無賠價}執行前約締和。法政府拒之。至岑瀾兩軍大振勢力。東京敗報至巴黎。悅里內閣瓦解。形勢一變。先是中法開戰之際。悅里首相向議會要求軍費三千二百萬弗郎。雖得大多數協贊。然右黨議員於決議時悉反對退出會場。其後悅里要求增加軍費十六萬弗郎。又告翌年軍費四千三百萬弗郎。議會以既開戰。不得已承認之。及接東京敗報。悅里請議會增援兵一萬。軍費二億。大受議會反抗。西三月三十日。議會對於首相爲信用投票。結果得最少數。悅里內閣遂倒。以布理損組織新內閣。仍任布勒西尼爲外相。至此註北京英公使巴夏禮。見二國之和機已熟出爲調停。於法代理公使畢罷與中國稅務司赫德之間。議成媾和草約數條。尋法公使巴特納與李鴻章會於天津。以該草約爲基礎。於光緒十一年四月二十七日。議成媾和條約十款。其主要者如左。

- 一 中國承認法國與安南所訂之一切條約。無論已訂。或將來所訂。均聽其辦理。
- 二 中國擇開以上。諒山以北。二處。開爲通商口岸。
- 三 法國撤退基隆澎湖之軍隊。
- 四 中國將來築造鐵道時。可雇用法國工程師。
- 五 兩國另派員勘定中國與安南之邊境。協定通商細則。

此條約中國完全承認安南爲法國之所有。且擴張法國勢力於中國內地。而幸未賠款。兩國之戰爭。以此

告終局。而與中國有二千餘年領屬關係之安南。至此與中國絕緣。光緒十二年三月二十二日。復締安南邊境通商章程十九款。其主要者如左。

一 法國得派領事住勞開以上。諒山以北。之二通商口岸。中國得派領事任河內海防二府。彼此皆以最惠國領事待遇。

二 安南各地方。聽中國人置地建屋與開設棧行等事。其身家財產。均受安全保護。與最惠國人民同等。法人至中國邊境行商。照中法天津條約待遇。安南人至邊界行商。亦一體優待。

三 國境通商處所。中國人與法人。或與安南人有刑事財產案件時。由中法二國官吏會審。混合裁判僑居安南之中國商民。有刑事財產案件。歸法國官吏審訊。至法人與安南人。在通商處所。有何案件。由法國領事辦理。

四 新開二市場之關稅輸入稅按照海關稅減五分之一征收。輸出稅按照海關稅減三分之一征收。

五 禁止鴉片煙賣買。

法國自向東京出兵以來。所費軍費。共達二億五千萬弗郎。當赫德調停和議之時。法政府要求媾和條件有三。一賠償軍費。二築造內地鐵道權。三課安南華商之人頭稅。至此皆無所獲。僅得南部二處通商而止。甚為法人所不滿足。光緒十三年。法公使再與總理衙門。協議安南國界。與擴張商務二事。於同年五月初

中法界務
商務專條

六日締結中法界務專條五款。與商務專條十款。關於界務者。東京灣沿海之白龍尾島。法國承認爲中國領土。前爲法使爭爲法有關於商務者。如左。

一 中國開廣西之龍州雲南之蒙自與蠻耗爲通商口岸。

二 稅率比十二年規定者尤須減輕。凡由安南入滇粵之洋貨。其進口稅照海關稅則減十分之三徵收。中國土貨運往安南。其出口稅照海關稅則減十分之四徵收。

三 中國允准土藥運出安南。對於輸出土藥一擔。課稅銀二十兩。

四 異日中國南境西南境與他國結通商條約時。無論何等利益。法國一律享受。

依以上數條約。法國不僅獲完全之安南。且駁駁向中國內地侵入矣。而光緒十二年安南邊境通商章程。本規定中國得派領事駐河內海防二府。然等於虛設。法人不准實行。至陸路關稅。比海路關稅減輕。本爲俄人獨享之權。因由二百餘年之慣例所致。今法國亦得此利益。遂爲後來英國要求施用於滇緬。日本要求施用於滿鮮之張本。

中國放棄
安南領事

法人得
稅減輕之
權利

第七章

緬甸之喪失

自元明緬甸屬中國
至清光緒二十年

第一節 中國與緬甸之關係

印度支那半島中，暹羅之西，有緬甸國。在伊洛雅底江之流域。其上游珂瓦，即緬甸本部。下游爲擺古部。太古時諸部落之情形不能知。有若干之小佛國分領其地。爭霸權。忽必烈統一中原。緬甸爲元版圖。明時伊洛雅底江上中流沿岸之部。卽雲南諸土司之一。萬歷中此部落有莽體瑞者起。征服附近木邦、蠻莫、龍州、干崖、孟密、孟養諸土司。自稱國王。明廷不能討。自是貢使漸絕。清初桂王逃緬甸。圖恢復。緬人輕之。遣臣李定國。白文選分據孟艮、木邦。以攻緬甸。及吳三桂征緬甸。檄緬人獻桂王自効。緬人盡殺桂王遺族以獻。自後緬甸恃獻桂王之功。亦不貢。及雲貴總督阿爾泰經略雲南。緬甸方與景邁交戰。兩國皆欲依中國之保護。以自壯。雍正九年。景邁遣貢使至普洱。爲阿爾泰所拒。緬甸遂亦絕意朝貢。

乾隆十九年。緬甸王莽達刺爲錫箔諸夷所滅。木疏土司壘籍牙者起兵克復阿瓦。盡臣諸部。建新緬甸國。乾隆二十五年。壘籍牙死。其子孟駁卽位。繼父志稱雄。當壘籍牙之崛起。東北邊境諸部悉臣之。惟桂家與木邦二土司。舉兵相抗。然皆先後敗走。桂家卽明桂王官族之遺裔也。世據波龍之銀廠。以富裕聞。當桂家

雲南官軍
之經略緬甸明瑞征緬
甸之失敗

會長宮裏雁之敗走也。孟連土司刀派春乘機悉奪其妻子與財產。宮裏雁之妻殺刀派春而降於雲貴總督。緬王孟駁遂遷怒中國。即舉兵襲雲南屬之耿馬土司。且侵普洱。不克。退復糾合木邦之兵。進擊雲南。總兵劉得成等三路皆敗。總督劉藻自殺。時乾隆三十年也。明年楊應琚爲雲貴總督。以瘴癘大作。緬兵漸退。官軍遂乘間占領孟艮車里等地。置土目。時孟連土司係舊王朝支屬。不服新王朝。孟駁舉兵攻之。孟連土司遂求援於楊應琚。楊應琚至永昌受降。騰越州吏陳廷獻等貪功。誘孟密土司所屬之孟欽土目。使獻孟密。更誘木邦土司之子弟在孟坑者。使獻木邦。總督楊應琚遂以新得二地上奏。然二地非可以虛式獲取。使副將趙宏榜將兵奪蠻莫之新街。其地臨伊洛雅底江上游。形勝地也。緬甸直進軍回復之。且侵龍川之虎踞關。提督李時升戰守關外。勝敗不決。緬甸更分兵一隊。由萬仞關侵入。掠永昌騰越之邊境而歸。然楊應琚等終欲得二土司之地。以實前奏。李時升使哈國興等進擊新街。楊應琚使朱崙等伐木邦。皆不能克。楊應琚復奏請棄新附之地。時高宗不知南方實情。以應琚欺飾之罪逮問。另起征緬之師。乾隆三十二年三月。詔伊犁將軍明瑞爲雲貴總督。兼征緬將軍。使率二萬三千兵入緬甸。參贊額爾登額自孟密老官屯攻北路。明瑞親由木邦孟良攻東路。以九月二十四日發。十一月八日明瑞軍至木邦。緬甸兵望風遁。明瑞入木邦城。置兵守之。旋渡錫笮江攻蠻德勒。克之。又自象孔向孟籠。以北路軍無消息。欲退軍木邦。緬甸兵悉衆來追。明瑞軍退至小猛育。敵兵數萬蟻集遮前路。陷於窮途。乃令軍士乘夜遁走。親殿與觀音保札拉

豐阿以下諸將皆戰死。先是額爾登額之軍被阻於老官屯之敵軍，不得進。其後接明瑞赴援之令，亦不急赴。故老官屯之敵兵得依間道襲木邦，破其守兵，回復之。即以全軍集中甌明確，所以致此。時三十三年二月也。高宗接報震怒，處額爾登額死刑，另起遠征軍。時緬甸見明瑞之勇懼，還其俘虜求和。副將阿里袞奏上。高宗不許。

三十四年春，以大學士傅恒爲經略大臣。阿桂、阿里袞爲副將軍，增發滿洲蒙古之兵。傅恒以四月一日至騰越，定進軍之路。七月二日，率大軍出發，渡伊洛雅底江上游之曼鳩江，威服孟拱、孟養兩土司。阿桂率偏師出虎踞關，進取孟密。九月下旬，於蠻莫之野牛壩造戰艦，以通兩軍聲勢。十月一日，傅恒渡江抵蠻莫，由蠻莫出伊洛雅底江，會敵軍水陸來犯。阿桂、阿里袞分兩岸進擊，哈圖與海蘭察將舟師進擊，三路皆勝。時以傅恒與阿里袞皆罹病，不向阿瓦而攻老官屯之敵城。老官屯臨伊洛雅底江，即前年額爾登額進軍被阻之堅城也。城將以我軍攻擊急，大恐，請和。時阿里袞已病死軍中，傅恒病亦不愈，諸將皆主和，遂與緬甸議定和約二條。

一 緬甸對於中國行貢獻禮，返中國俘虜，與土司侵地。

二 中國以孟拱、孟養、木邦、蠻莫諸部，返還緬甸。

傅恒奏聞，高宗以國威既張，詔班師，遷孟拱土司於關內，棄關外之地，留阿桂溫福於雲南，仍講邊備。

緬甸服屬
中國

先是緬甸與暹羅有隙。乾隆三十六年。金川叛。阿桂溫福等皆赴四川征討金川。緬甸乘機出兵攻暹羅。不能克。時緬王孟駁死。其子贅角牙立。四十一年。聞金川平定。懼。請入貢。然不如約還捕虜。阿桂李侍堯等復赴雲南整軍備。四十四年。緬甸酋孟魯弑贅角牙自立。國人又殺孟魯。立璽籍牙之季子孟隕爲王。孟隕幼爲僧。不好戰爭。見暹羅國勢漸盛。懼。遂有通好中國之志。四十六年。暹羅王遣使至北京。與中國交好愈密。孟隕益懼。五十一年。暹羅國王受高宗册封。孟隕遂決意入貢。五十三年。遣使至北京。還捕虜。五十五年。緬王賀高宗八旬萬壽。受封册。約十年一貢。自後爲中國屬國。

第二節 英國之侵略緬甸

英緬衝突
之原因

英國與緬甸之交涉。自十八世紀之末已啓端。乾隆四十九年。緬王孟隕孟隕王依同國史家之批評。東方征服暹羅境上之馬爾達邦。與地那悉林兩州。西方占領阿刺干。而與英領孟加拉部接壤。然阿拉干人民。不心服。舉兵謀獨立。不克。多遜英領之孟加拉。緬甸政府。向英領印度總督。請送還亡命者。總督以國事犯爲詞。不應其請。且遣使至阿瓦。欲與緬甸政府有所協商。孟隕視英人不過一種商人。不應。且催返還罪人。又爭國境上島嶼所有權。幾至出兵。嘉慶二十四年。孟隕繼孟隕爲王。守前代政略不變。道光二年。遣軍攻西北諸小國。征服阿薩密。曼尼波。兩國。又侵西查爾。進入英領。殲印度土兵一隊。英國大怒。遂起兵攻緬

軍。

道光四年，英國政府任印度總督甲麥爾爲伐緬將軍，甲麥爾依海路徑抵南緬之仰光府，緬甸兵築木柵防禦，悉爲英兵破壞，直上陸，市民悉逃藪澤，時值雨季，又緬民悉收家畜食物，英軍不能追擊，暫屯仰光，初緬人以南方天險，不設備，以全力防禦孟加拉境，見敵兵突現海上，大驚，命大將溫資拉拒戰，溫資拉率陸軍六萬，赴仰光，大敗，沿伊洛雅底江退距仰光四十哩之地，以爲防禦，明年，被英兵圍擊，溫資拉中彈死，緬兵無統率，全軍潰亂，英兵進迫阿瓦。緬甸國都緬甸政府大懼，求和，道光六年，一八二六年二月二十四日締結下之媾和條約，「緬甸賠償英國軍費一百萬磅，割阿薩密、阿拉干、地那西林三州爲英領地。」是爲第一次緬甸戰爭，右媾和條約，償金及割讓三州之外，豫約日後另締通商條約，而關於設置理事官及保護商人之件，以特筆記明，道光十年，英政府遣大佐布爾尼伊爲阿瓦理事官，緬甸政府以外交官爲偵探，不表敬禮，道光十七年，緬王弟孟坑弑王自立，遷國都於阿馬拉普刺，布爾尼伊知新王嫉視外人，不欲受辱，恥退去國都，印度總督怒，另遣新官赴任，然以不堪辱待，亦假疾退仰光，道光二十年，孟坑王背約拒理事官駐國都，印度總督亦不強與之抗，翌年孟坑王親率大軍赴仰光，欲英人返還阿拉干、地那西林二州，然回憶昔年之敗，卒恐啓戰端而還，道光二十五年，孟坑王爲叛徒所弑，長子巴干麥即位，國事愈混亂，在仰光之英商，被地方官虐待，訴於印度總督，咸豐元年，總督遣使赴仰光調查，且向緬甸政府發詰問書，緬政府詎仰光知事。

英國第二
次攻緬甸第二次割
地和約法緬密約
與英國宣
戰

更任新官。然新官與前官無異。約與英使會見之日。定正午爲期。英使如時往訪。則稱在睡中。而實倚窗望。英使苦於炎暑中爲快。英使受此屈辱。大怒。即奪河上之王船。且要求賠償金。與知事謝罪狀。知事亦怒。即令緬兵據木柵礮擊使艦。使艦應戰。直破木柵。封鎖仰光港。印度總督聞警。急令少將哥德珊率陸兵五千八百。水兵二千四百。汽船十九艘。抵仰光。先鋒船揭休戰旗。溯伊洛雅底江而上。要求緬王爲切實回答。忽受緬兵礮擊。全軍上陸激戰。遂占領仰光及附近諸都市。緬兵敗走上緬甸。時緬王爲革命黨所弑。其義弟墨多默即王位。求和。九月於仰光結媾和條約。『割擺古州爲英國領地』。自此南緬全爲英領。英政府即以仰光爲英領緬甸之首府。是爲第二次緬甸戰爭。

第三節 英國之併吞緬甸

英國經營緬甸。由南部侵入。既如前節所述。原印度支那半島。英法二國。互爭勢力。法國以英國既得緬甸南部。則亦由東京地地方向緬甸東部侵入。遂開緬甸滅亡之局。先是南緬割讓之後。緬王甚埋恨於英。法首相德羅克爾欲乘機扶植法國勢力於緬甸。於光緒八年遣大使至緬甸。其目的欲於馬來半島克刺峽。開鑿運河。其運河所有權歸法國。後被英人妨害。不達目的。大使遂入緬甸國都。光緒十年。與緬王結法緬攻守同盟密約。『法國代緬王拘禁覬覦王位之王兄。緬王以湄公河以東之領土。割讓與法國。』翌年一月。

法政府公然將該密約發表。英國政府大驚。遂定併吞緬甸政策。值緬王與孟買緬甸商業會社有紛議。印度總督達發林爲之調停。緬王不應。達法林乘機發最後通牒。要求『受英國保護與否』之確答。緬王七一波爲消極之回覆。達發林遂宣戰。

光緒十一年十月。一八八五年十一月十三日。英陸軍中將布連達加德率步兵三旅團。砲兵一聯隊。水兵一旅團。溯伊洛雅底江而上。緬甸第一防禦要寨。爲秦崖模遙。距寨前四十四哩之地。夾江右岸有米拉。左岸有奇爾康二堡。各備砲防禦。西十一月十七日。英軍砲擊二堡。占領之。更進奪秦崖模遙。十九日。英軍溯航向蒲甘。二十二日占領之。時緬兵數千屯禦緬絳。英軍突擊之。緬兵悉遁。英軍逕向緬都蠻德勒進發。將抵阿瓦。緬甸舊都見緬船一艘。揭白旗自上流下。卽緬甸乞和大使內務大臣宓約五是也。至英艦前。乞休戰。布連達加德答曰。『獻國王首都軍隊。則應其請。』是夜英軍進阿瓦。翌日乞和使復至。悉應英軍之要求。阿瓦附近城寨。悉揭白旗。英軍進阿瓦市內。悉收緬兵戰器。是夜卽向蠻德勒進航。城內兵民約十五萬。悉無戰意。英軍整隊入城。外交官謁見緬王。略談數語。限緬王以二十四時出國都。翌日布連達加德入城。緬王求再展期。布連取懷中鏡視曰。『十分。』緬王大哭。旋與王妃及少數從者。乘英船南向仰光出發。後被禁於印度之麻打拉薩。是役英軍自向征途。不出二週。不遇激戰。而獲緬甸全土。緬甸不一血戰而亡。東洋國如此容易征服。實出歐洲人意想之外。自是布連達加德監督緬甸官吏。改革行政事務。緬民雖屢起反抗。然卒被鎮壓。

光緒十年二月合併上下緬甸。五月以緬甸編入英領印度之一部。緬甸國全亡。

第四節 中英中法英法諸協約

乾隆五十五年。緬甸受中國封冊。爲中國藩屬。光緒十年。法國與緬甸結攻守同盟之約。已如第一節及第三節所述。中法二國。與緬甸有如此關係。乃當英併緬甸之時。中法二國。皆束手任英國自由處分。不加干涉者。一則當時以安南事件。中法構釁。彼此無他顧之暇。一則英將軍自出師。不二週占領全緬。以迅雷不及掩耳之軍略。令人欲援不得。故英政府不遇第三國干涉。得達合併緬甸之目的。雖是年中法戰爭告終。然我國自與法國開戰以來。兵勞財困。朝野寒心。將士無再戰之勇。朝廷亦外交謹縮。不敢輕啟釁端。除將緬甸拱手讓與英人外。別無長策。而法國乘機另擴利權於中國南部各省。遂起英法協商。與中英再協約之機。英法二國。僅依談判而獲無限權利。我國亦僅依談判喪失屬國。且遺腹地無限之憂。茲順序述其情狀於左。

英國自併緬甸。遂與中國接壤。又緬甸之保護權。中英易位。則英國自不得不與中國協商。時我國政府。對於此問題。除承認外。別無抵禦之策。自不得拒其協商。光緒十二年六月二十三日。兩國全權會於北京。結

左之協約。

- 一 英國仍承認緬甸照常例十年遣使進貢中國一次。但其使節限於緬甸種族。
- 二 中國承認英國對於緬甸有最高主權。
- 三 滇緬境界。由兩國派員會同勘定。邊境通商事宜。另立專約協定。
- 四 光緒二年芝罘條約許英國派員入西藏一件。茲以中國諸多窒礙。英國允將該件停止。

右條約第四項。與緬甸問題無關。先是光緒二年芝罘條約之附件。規定中國政府許英國派使進西藏探測。光緒十年。印度民政廳吏員瑪苛烈欲進西藏刺薩府。至北京交涉。由總理衙門發給護照。瑪苛烈得護照後。大變初志。始意由中國本部進西藏。後變由印度進西藏。始意少數人同行。後變爲攜多數學者視察西藏之礦脈。我政府聞之。大不懌。而西藏人反抗尤烈。有不辭訴之干戈之勢。斯時政府不威壓西藏人。則必取消總理衙門之護照。二者皆不易行。偶以緬甸問題之機會。得於此解決之也。

右條約第三項劃境通商之事。遲數年未履行。至光緒十七年。英兵至雲南省騰越附近。與居民大衝突。於是滇緬劃界問題更迫切。光緒二十年正月二十四日。駐英中國公使薛福成與英外務大臣羅斯伯里。於倫敦締結滇緬境界及通商條約二十四款。其主要者如左。

甲 關於境界者。

一 自北緯二十五度三十五分起。由格林尼址東經九十八度十四分。即北京西經十八度十六分之尖高山起。東南行至北緯二十一度二十七分。格林尼址東經一百度十二分。即北京西經十六度十八分之湄公河岸。爲兩國境界。

二 北緯二十五度三十五分以北之邊界俟異日勘定。

三 永昌騰越邊界外之隙地。歸於英國。木邦、科干、及從前中緬共屬即湄公河左岸之孟連、江洪、二地。歸於中國。但孟連、江洪、二地。若不先與英國議定。不得讓與他國。

四 境界綫十英里之內。兩國皆不得建設礮臺營寨。

乙 關於通商者。

一 中國於緬甸之仰光。英國於雲南之蠻允。各設領事館。

二 兩國之交通。暫定蠻允蓋西之兩路。

三 英國承認中國人在伊洛瓦底河自由航行。

四 中國對於緬甸輸入之英貨或緬貨。照海關稅則減十分之三。征收進口稅。對於中國土貨輸出緬甸者。照海關稅則減十分之四。征收出口稅。

五 接連兩國之電線。

右條約雖爲實行前約第三條之結果。然英人。一欲擴張權利於中國西南部。一欲對峙法國南部各省之侵略。其以孟連江洪二地讓與中國而下。不准讓與他國。一語尤非我國時外交家所能測蓋法國日與緬甸結密約以來。其野心毫無所逞。斷非其甘心湄公河左岸領土。卽緬王許割讓與法國之地。英以該二地與中國者。所以避己國與法國衝突。中國若不能依約保守。則得索別項之賠償也。

及中英條約發表。法國政府見緬甸主權全歸英有。而湄公河畔孟連江洪之地。又歸中國領有。於是法政府將前對於緬甸之野心。一轉而用之於中國。駐北京法公使哲拉爾與總理衙門嚴加折衝。要求修正光緒十三年五月初六日之境界與通商條約。總理衙門不能堅拒。慶親王奕劻與法公使另結新約。卽光緒二十一年五月二十八日中法境界及通商續議專條是也。

中法協約

甲 關於境界者。

一 法國領土由紅江擴張至湄公河上流東岸之地。江洪河畔。確認爲法國領土。

乙 關於通商者。

一 光緒十三年北京條約。中國允開龍州蒙自蠻耗三處爲國境地商口岸。自後以河口代蠻耗而加開思茅一處。

二 中國將來開雲南廣西廣東三省之礦山時。礦師人員等。須聘用法國人。

三 越南鐵道得接至中國境內

四 中國之思茅與越南之孟阿間接續兩國電綫

五 廣東邊界與越南芒街相對之東興街法國派領事駐紮以任邊界捕務

依此約法國於法領印度西北部大擴張領土於中國。又增加通商利益。且斯時各國對於中國之經營。尙正開採掘鑛山。建築鐵道。架設電綫之端緒。而法國首先着鞭。立經營南部各省之基礎。然光緒二十年之中。英協約規定。『江洪地方非英國認可不得讓與他國。』今中法私相授受。正落英政府之外交圈套。中法條約發表後。英國輿論大激昂。英政府先與法國談判。卻不爭江洪之地。而乘此機會。以解決湄公河上游二國之各懸案。且對於中國南部各省利權。欲與法國并享之。英外務大臣與法公使協商於倫敦。兩國領地境界及邊境裁判權。與暹羅獨立之事。悉規定外。而對於中國雲南四川二省之一切權利。規定兩國同樣享受。且得扶助勢力進行。即一八九六年光緒二十二年一月十五日之英法協約是也。

英國政府既與法國協約。旋責中國政府背江洪不割讓之約。要求特種權利。更正前約。以爲賠償。清廷無辭拒絕。不得已命李鴻章與英國公使於光緒二十三年正月。締結中英新協約。即更正光緒二十年滇緬境界及通商條約之新約是也。茲述其改正之點於左。

甲 關於境界之規定

一 中國於光緒二十一年將江洪界內之地讓與法國。英國不再追問。惟現在仍歸中國所有。湘江左右岸之江洪土地及孟連等處。自後不先與英國議定。不得將全地片土讓與他國。

乙 關於通商之規定。

- 一 前約定於蠻允設英國領事館。茲以騰越或順寧代之。而英國更得於思茅設領事館。
- 二 將來中國於雲南築造鐵道時。須與英國之緬甸鐵道相接。
- 三 前約定兩國交通。限於蠻允蓋西路。自後若發見他處便於貿遷之路。仍一律開放。
- 四 廣西之梧州、府、廣東之三水、梧州、江、根、墟、開為通商口岸。英國派領事駐紮。
- 五 沿香港廣州之三水梧州間水路之江門、甘竹灘、肇慶府、德慶州、四處。開為碇泊場。按照長江碇泊場辦理。

光緒二十年英外務大臣羅斯伯里以江洪孟連讓與中國之政策。早知為異日收大效之基礎。至此以英法中英二協約於印度支那方面。則斷英法將來之衝突。於廣西廣東雲南各省之經營。則與法國并駕齊驅。其外交政策。至此大成功。而我國於不知不覺中。既斷送藩屏。復貽腹地。無限之憂。

第八章

中日戰爭

白爾箕子封朝鮮至
清光緒二十一年

第一節 韓國與中日二國之關係

註 韓國古時。多稱高句麗。又稱高麗。自明太祖二十五年。改國號曰朝鮮。至清光緒二十二年李熙時。改國號曰大韓。

。此書自中日戰爭以前所有一切事實。應稱朝鮮。著者爲謀劃一起見。除第一節叙古史外。統以最後國號爲標準。

統稱韓國。免致混淆。

箕子封朝
鮮

韓國與秦
漢之關係

周武王滅殷。封箕子於遼東。爲朝鮮王。後次第東南侵。其子孫遂建都平壤。大振勢力。半島北部。悉歸箕氏版圖。至箕準之世。燕人衛滿由遼東渡鴨綠江。逐箕準。奪其地。自立爲朝鮮王。其孫被滅於漢武帝。自是漢江以北之地。悉爲漢版圖。當此時。半島南部。有三韓鼎立。馬韓。辰韓。弁韓是也。馬韓係箕準避衛滿難南遷所建之國。奄有現時全羅忠清二道。與京畿道之南部。辰韓係秦時中國人民避苦役。由山東渡海至半島南部所建之國。奄有現時慶尙道之大半。弁韓多係中國南部人民由山東渡平安道所建之國。奄有現時慶尙道西南隅之地。至西漢之末。三韓悉衰。

先是辰韓地有新興國曰新羅。滿洲松花江流域之扶餘種族。亦於鴨綠江上流建高句麗國。而高句麗之

韓國與日本關係之始

韓國與南北朝及唐代之關係

韓國與宋遼金元明之關係

另一部於馬韓地建百濟國。自是三國鼎立皆強盛。而高句麗與百濟兩國互結怨不解。其時弁韓加羅者遣使獻貢於日本。乞其保護。日本崇神天皇賜以國號曰任那。遣鎮將治其國。於任那置日本府。其後日本神功皇后用兵新羅。漢獻帝建安六年自是新羅爲日本屬國。未幾百濟亦貢於日本。於是任那之日本府爲南韓全部之政廳。然斯時據北韓之高句麗國。西略遼東。南破百濟。雄視北方。終不降日本。中國南北朝時。納貢稱臣。大示南侵之勢。新羅百濟二國同盟當之。其後高句麗與百濟結合。新羅大恐。頻遣使求援於唐。唐太宗親征高句麗。終不勝而還。高宗之世。先遣師破百濟。次李勣以大軍滅高句麗。唐既滅二國。置安東都護府於平壤。此時新羅之武烈王有勇略。頻遣兵侵唐領地。其子文武王終遂安東都護府。是爲韓半島最初之統一者。

文武王後二百年。女主眞聖王寵佞臣。紊朝政。弓裔甄萱二人各據一方稱王。韓地復三分。其後鐵原之衆逐弓裔。擁王建爲王。都松岳。京城畿道開城府國號高麗。王在位十八年。滅新羅。號令全半島。是爲高麗大祖。建國以後。世世朝貢中國。及遼盛。受遼册封。稱臣。遼滅後。臣事於金。高宗卽位。權臣崔瑀擅政。大失信用於元。被元征討。降之。遣官駐其國。干預政事。及元世祖欲招致日本。命高麗元宗遣國書與日本。怒日本不答。世祖舉兵伐之。高麗起兵四萬。戰艦九百爲應援。卒被颶風破壞。敗歸。高麗自是國庫日空。國王世世娶元室之女爲妻。朝覲不絕。全奉元室命令。忠烈王曾孫恭愍王無道。國政日非。又加倭寇猖獗。藉名將李成桂之力。得

鎮定之恭愍王無子。倭臣僧**遍照**之子**辛禰**承遺命爲王。遣使修貢於明。乞封冊。明太祖以辛禰非王統。不准所請。辛禰怒。合蒙古兵侵遼東。李成桂諫之不聽。成桂與諸將謀廢辛禰。立王族恭讓王。然恭讓王柔懦。不服民心。李成桂英邁有謀略。國人擁之爲王。改國號曰朝鮮。徙都漢陽。京城。遣使告明。受明太祖之封冊。是爲朝鮮太祖。即韓國最後王家。以宣統二年。亡於日本。

韓國與日本豐臣秀吉之關係

恭讓王之時。與日本對馬島守主宗氏結通商條約。定釜山浦。乃而浦。鹽山浦。爲兩國通商口岸。至昭敬王時。遂被日本豐臣秀吉之侵略。初。豐臣秀吉將侵明。先欲招致朝鮮。朝鮮馳以報明。大修城池。以待日軍。明萬歷二十年。豐臣秀吉起兵侵朝鮮。逕由半島上陸。逼漢陽。朝鮮王棄都逃。乞援於明。明發大軍援之。次第敗北。不半載八道悉爲日軍占有。二王子被擒。明廷震駭請和。秀吉拒之。於萬歷二十五年復攻朝鮮。翌年秀吉卒。始退兵。

韓國與日本德川家廢之關係

日本德川家康執政。欲修鄰好。遣對馬島主宗義智往朝鮮。明萬歷三十年。朝鮮遣使往日本議和。自是兩國再開交通。萬歷三十四年。昭慶王遣使奉國書往日本。是爲朝鮮聘日本之始。以後德川幕府有吉凶。朝鮮必遣聘使。光海君在位時。設日本館於釜山。歲定貿易船額。兩國通商始復舊。

韓國與清之關係

憲文王繼位。值清太祖崛起滿洲。明天啓元年。太祖破明與朝鮮之同盟軍四十七萬於赫圖阿拉之西。是役爲明清決興亡之戰。自是朝鮮大懼滿軍。太宗卽位之年。(明天啟七年)卽遣將伐朝鮮。越二年太宗

親率八旗精銳圍北京。虜明將卒還軍瀋陽。令朝鮮歲貢。崇禎九年。太宗定國號曰清。翌年親征朝鮮降之。自是朝鮮爲清朝屬邦。受封冊。奉正朔。朝貢按歲不缺。

第二節 日韓衝突與天津條約

韓國自降服於清。與日本貿易亦日盛。顯義王以後。與日本使聘交通不絕。熙倫王之頃。日本尊王攘夷論起。不遑議鄰好。兩國使聘中斷。同治二年。熙倫王薨。立興宣君之子熙爲王。年方十二。興宣君爲大院君攝政。固執鎖國主義。嚴禁耶穌教。同治五年。法國宣教師被殺。法軍艦七艘進襲江華島。失利退卻。同治九年。美國商船溯大同江。船員悉被殺害。美軍艦五艘。溯漢江進軍。亦無功退還。自是大院君益驕傲。輕侮外人。日本明治元年。遣對馬島守吏宗重正往韓國修舊好。且告王政復古。韓廷以爲惟中國可用。皇帝尊稱。見日本國書中有大日本皇帝及皇勅字樣。不肯接受。宗重正返國。報韓國冥頑。非口舌可爭。須以兵力懼之。於是征韓論漸起。既韓廷對於東萊釜山兩府。撤日韓兩國官吏接見所。大院君以日本開國。與西人交好。目爲禽獸。不可與交。於國內發布「與日本人交際者處死刑」之條例。時日本外務大輔上野景紀以韓廷暴慢。不可不問。參議西鄉隆盛主張自任使節往論。如不聽然後與問罪師。先是日本外務大臣副島種臣以臺灣事件赴中國。以韓廷對日本暴慢。問中國之責任。總理衙門答以「中國對於高麗。雖與封冊及

大君之
排日主義

日本征韓論

正朔。然其內治與和戰。皆高麗自主。與中國無關係。一種臣返國報告。日政府遂定以獨立國待遇。韓國爲方針。副島種臣與西鄉隆盛爭任韓使。日廷擬決任西鄉往。時岩倉具視大久保利通木戶孝允視察歐美各國歸朝。悟文明進步之次序。主張改良內治。以立國家之基礎。大反對征韓論。西鄉隆盛固執不動。岩倉以下之平和論者。悉提出辭表。西鄉亦不得已退內閣。日廷尋任岩倉爲臨時大政大臣。征韓論全失敗。時同治十二年也。明治六年

江華事變

光緒元年明治八年九月。日本軍艦雲揚號以測量韓國沿海及中國牛莊等處。過韓國月尾島。泊江華灣。下小艇溯漢江。被礮臺守兵礮擊。雲揚艦應戰。旋破其礮臺。奪永宗城。報達東京。日廷卽利用此機。遣黑田清隆爲全權大臣。井上馨爲副使。往韓國。以陸兵一隊軍艦六艘爲護衛。翌年二月抵韓國。與韓國欽差大臣申櫛副官尹滋承會見。責前年拒絕國書與礮擊軍艦之無禮。且要求結修好條約。限十日內與確答。當時韓廷主張開國主義之閔族。雖漸得政權。然大院君之勢力尙大。廷議不能決。日使遂退去艦中。更與四日遲延。時右大臣朴圭壽以下七八人。排羣議。論開國之利益。周旋朝野。衆論漸一。國王及王妃亦納之。於是日韓修好條約成。卽江華條約是也。其最重要者如左。

- 一 韓國爲自主之邦。與日本有平等之權。
- 二 韓國於沿海二處開通商埠。光緒六年開咸鏡道之元山津。十六年開京畿道之仁川。

江華之好條約

三 韓國沿海任日本人自由測量

右條約第一款如法國與安南第一次條約認安南爲獨立國同一筆法蓋斯時日本政府對中韓兩國已定絕對之方針自認韓國爲獨立國以後便可直接與韓國交涉斷絕中國一切干預又使韓國以獨立自主之名義漸與中國分離以破中韓宗屬關係且乘其開國之初以獨立之名代爲紹介於世界以破各國之中韓宗屬觀念此其外交略也

初江華灣事變起日廷將遣使問罪之時對於中韓兩國之宗屬問題有所顧慮遣森有禮爲特命全權公使往北京向總理衙門告日本政府對韓國之意見恭親王以中日修好條約有所屬邦土不相侵越之語則主張日韓有問題宜先與中國交涉不應直與師問罪森有禮以韓國外交悉由自主則日本應以自主國待之爲言談判不得要領及江華條約發表我國應極端反抗不辭訴之干戈迫日本取消該條約之第一款庶足以固中韓宗屬關係乃斯時我國政府竟默認之毫不反抗於是日本以後對韓國之一切跋扈可不認我國之發言權我國斷送韓國與日本實以此時爲第一步也惟中韓之前例關係全然繼續而韓國亦實認中國之宗主權光緒六年美國政府使水師提督修說德求日本政府紹介與韓國結通商修好約韓廷拒絕之提督轉至中國求李鴻章紹介韓廷始受美國大統領國書許修好光緒八年於仁川港結美韓通商條約是爲韓國與歐美人開商埠之始此條約案係李鴻章所起草美韓條約成德英俄伊法奧

六國。競派使臣往韓國。皆得締結修好通商約。中國亦於光緒八年。與韓國訂商民水陸貿易章程。特開京城、義州、會寧、三府爲商埠。其章程序言云：『今回所結水陸貿易章程。係中國優待屬邦之意。非與各國一體均霑之例。』斯時韓國外交。依中國指導。優待屬邦之語。明記約章。則韓國仍實認中國之宗主權。西歐各國。亦默認中韓之宗屬關係無疑。而俄韓陸路通商。及英國占領巨文島事件。全與中國開交涉。尤爲公認中韓宗屬關係之確證。

註一 自咸豐十年。中國以烏蘇里江圖們江以東地。讓與俄國之後。俄韓兩國自此接壤。韓民移住俄領者日多。光緒十年。俄國派大使章貝入韓京。與韓廷締結通商條約。及特別議定書後。更要求陸路通商。時李鴻章之幕賓德意志人程麟德爲韓廷外交顧問。爲章貝周旋頗力。（初。李鴻章聘程麟德爲幕賓頗器重之。以韓廷聽日本開放海禁。遂聽程麟德爲韓廷外交顧問。乃程麟德狡黠。以韓廷積弱。不足立國。視爲奇貨可居。說韓廷『中日兩國不利韓之獨立。不若引俄國爲援』。俄韓兩國交關端自此始）。李鴻章聞之。草問答錄七條送韓王。極言與俄國陸路交通之不利。韓王納之。其議暫止。乃程麟德不謀之韓廷。用韓國政府之名。與俄使訂陸路通商條約。至光緒十二年。俄公使公然逼韓廷履行條約。韓廷始疑程麟德。李鴻章自悔羅其欺詐。召還之。更以幕賓美國人鄧儀爲韓廷外交顧問。鄧儀亦移麟德之流亞。抵韓國後。即忘李鴻章之舊誼。著中韓關係論一篇。極言韓非中國屬邦。併攻擊中國對韓態度。蓋亦欲倚俄國以成其志也。俄使乘機與鄧儀結託。復提出條約。迫韓廷實行。光緒十四年。韓廷奉

與俄使締陸路通商約。翌年開慶興府爲商埠。是約比章貝最初之要求。大爲縮小。李鴻章牽制之力也。

註二 英國占領巨文島事件。在光緒十一年。(一八八五年)當時英以阿富汗境界問題。與俄起爭端。英政府欲得韓國

之巨文島爲海軍根據地。爲東洋海面牽制俄國之策。以韓國外交。由中國指導。先向中國政府求承諾。總理衙門命曾紀澤與英外務大臣協商。尋以「占領期間十二個月。及不損中韓兩國之權利爲條件」許之。俄國聞之。迫總理衙門「若許英國占領巨文島。則俄國亦占領他之島嶼。或韓國之一部」中國大困難。告英國前約不能簽印。然駐韓英總領事謁韓王。得韓王之許可。英國遂占領之。同年十月。阿富汗境界問題解決。英國依然占領之。俄公使向總理衙門爲強硬談判。總理衙門命曾紀澤與英政府交涉。英政府要求「中國政府爲巨文島不讓與他國之保證。然後放棄之」其後我國政府。得俄公使「若英國放棄巨文島則俄國永不占領韓國領地」之言。以示英政府。翌年二月。英遂撤巨文島之兵。

歐美各國既公認中國於韓國有宗主權。則日本以韓國爲獨立國紹介於世界。亦不甚得效果。於是日本一方扶勢力於韓國。一方企朝鮮脫中國之宗屬。壬午大院君之亂。日本遂得達一部之目的。先是江華條約後。大院君陷於失意之境。開化黨漸得勢力。光緒七年。開化黨之有力者。金玉均徐光範十數名。遊日本。察其維新政化。返國。愈倡進步主義。乘大院君謀廢立之嫌。大院君謀以他子李載先更李熙王位大排斥守舊派。奉外戚閔族爲中心。建設新政府。力圖新政。聘日本堀本陸軍中尉爲新軍訓練。日韓關係漸密。斯時大院君退隱。見

壬午暴兵
之亂與日
韓起釁

國勢日趨向於日本。又同志退朝，閔氏專政。陰謀糾合與黨，恢復勢力。

是年京城有兵營合併之事。掌軍政之金輔鉉、閔鍊鎬等多吞軍餉。軍吏亦侵蝕口糧。兵士大怒，有毆打軍吏至死者。閔鍊鎬嚴行軍令，捕殺亂兵。亂兵激昂，欲殺諸閔，以洩積憤。訴諸大院君。大院君欲乘機顛覆閔族。陽撫慰之，陰使心腹煽動亂兵入宮，殺閔妃與諸閔，告大院君將爲後援。時七月二十三日也。翌朝兵士先殺大政大臣李最應，犯王宮。王妃逃。大院君長子入宮退衆，稱閔妃已戕於亂兵。逼國王自收政權。同時大院君喚兵士殺日本陸軍中尉堀本禮造等七名。又襲擊日本公使館。日公使花房義實與書記等二十八人突圍赴王宮。以城門閉鎖不得入，乃冒夜奔仁川。翌日受仁川府吏殷勤接待。安之。忽被亂兵追襲。巡查及通譯四名死之。公使等奔濟物浦。巡航長崎。以事變告本國政府。外務大臣井上馨即自赴馬關。以韓廷問罪處分。授花房公使。八月十六日。花房公使與陸軍少將高島鞞之助、海軍少將仁禮景範率海陸兵一千二百名入京城。二十日。花房公使謁韓王。提出要求數件。限三日爲最後決答。時大院君已恢復勢力。大政大臣照會日公使云：『別有王命。將往山陵。本件請候歸後再議。』花房公使大怒。即去京城歸艦中。時中國駐韓公使馬建忠追花房公使至仁川。告居中調停之意。花公房使嚴拒之。馬公使空歸京城。先是韓參議金允植校理魚允中在中國。聞暴兵之亂。請直隸總督李鴻章出兵鎮壓。韓王亦竊請救援。李鴻章命北洋水師提督丁汝昌、廣東水師提督吳長慶等率四千兵赴韓國。是等軍隊自南陽灣上陸入京。

日本之出
兵中國對韓
出兵

李鴻章對
韓斷處分

日韓濟物
浦條約

城之時。正花房公使去京城入仁川之後。此間李鴻章命駐日公使黎庶昌。會日本外務大臣井上馨。告中國調停之意。井上答曰。貴國雖視韓國爲屬國。日本視韓國爲獨立自主國。自有明治九年日韓兩國直接協定條約以來。爾後無須依賴貴國調停。其後黎庶昌以總理衙門之命。復與井上交涉。井上峻拒之。至此李鴻章以爲日韓開戰。或中日開戰。皆非中國之福利。乃命馬公使斥變亂張本人之大院君。馬公使於二十五日。督軍圍王宮。捕大院君送南陽灣。命丁汝昌擁送至天津。同時捕其黨百七十餘人。而關於日韓之善後策。亦陰有所斡旋。於是韓廷局面一變。韓王旋命李裕元。金安集爲全權正副使。與日公使結濟物浦條約六款如左。

- 一 捕究兇徒嚴懲渠魁。
- 二 償死者恤金五萬元。
- 三 償兵費五十萬元。
- 四 自後日本以軍隊駐北京衛護公使館。
- 五 兵營設置之費用歸韓國負擔。
- 六 遣大使往日本謝罪。

右條約締結之後。同年光緒八年十月。韓國政府派朴泳孝。金晚植爲全權謝罪大使往日本。徐光範。閔泳翊。金

韓維新
之趨勢日本對韓
市恩政策

王均等隨行。徐金二人夙抱進步主義。視察日本學藝施政諸要務。返國大唱改革國政。奏請採日本維新模範。以圖振興國勢。旋聘日本人牛場卓造井上角五郎爲韓廷顧問。又糾合同志組織獨立黨。期實行維新政治。日本政府多與協助。駐韓公使竹添進一郎以步兵二中隊爲護衛。多與金玉均等畫策。

自壬午亂後。中國政府見日本對韓勢力日增進。亦漸定干涉韓國內政之方針。李鴻章遣商務總辦陳樹棠及德人穆麟德爲韓廷顧問。任袁世凱爲駐韓全權委員。留二千兵屯京城。與閔氏一族相結託。贊助其守舊政策。時日本政府見中國對韓政策愈緊。則一轉從前之強硬主義。而定收韓廷歡心之策。時濟物浦條約償金五十萬元之內。韓國僅償還第一年額之十萬元。爾來國力疲敝。無舉行新政經費。愈有依賴中國之傾向。日本政府遂以償金殘額四十萬元。盡還付韓國。以供改革新政之資。其時韓國分守舊獨立二黨。守舊黨亦稱中國黨。獨立黨亦稱日本黨。互相軋轢。至此獨立黨得日本政府之實力援助。意氣愈昂。其結果遂釀光緒十年之京城變亂。

日公使之
陰謀

光緒十年。中國以安南事件。與法國起釁。駐韓日使竹添進一郎乘機煽動日本黨。日本黨與中國黨之爭鬥愈激烈。其時中國黨之勢力猶優勝。欲處朴金等流罪。朴金之徒先與竹添公使謀。計欲先發。竹添公使具甲乙二案告本國政府。甲案主張中日二國到底不能兩立。則寧乘韓國內亂。援金朴。擊退中兵。以抑中國。乙案主張若爲保全平和起見。則保護日本黨不受禍而止。然已意注重甲案。日本政府以不欲急開釁。

甲申 金朴
之亂

袁世凱之
活動

日公使白
英公使館
退仁川

主持乙案。乃電訓尙未達韓京。金朴之亂已作。

光緒十年十一月陽曆十二月四日韓國京城舉行郵便局開業式。各國公使與韓廷高官皆臨之。金朴等與日公

使謀既定。於午後八九時。晚餐將終。放火鄰屋。乘屋外騷亂。主客驚散之際。刺客刺右衛大將閔泳翊於門

外。閔泳翊與其父閔台鎬同爲中國黨首領也。金朴二人馳赴王宮告變。遣使請日本公使率兵援王宮。同

時廷臣聞變。皆急赴王宮。金朴黨要擊之。殺中國黨領袖後營大將尹泰駿。外衙門督辦閔泳稔。內衙門督

辦閔台鎬。吏曹判書趙寧夏。前營大將韓圭稷。左衛大將李祖淵等於途。竹添公使以王命率日本兵一中

隊守王宮。翌日。國王更換大臣。以從兄李載元爲大政大臣。金朴等皆入內閣。政權全歸日本黨。新任左議

政洪英植。呈革新國政案於國王。國王以大政一新之詔。敕布告國中。時王宮東門方面銃聲隆隆。則中國

全權委員袁世凱以閔妃一族之請求。亦以護衛韓廷爲名。率二千兵來討亂徒。竹添公使督軍應戰。以衆

寡不敵。使巡查背負國王逃入林間。布毛敷地設御座。至夜更奉王至北廟。時王妃依閔族在袁軍。國王以

日本勢力不足倚。又以王妃之故。私逃袁世凱營中。至此竹添公使失護衛王宮之口實。不得已自焚其公

使館。率護衛兵退仁川。告急於本國政府。於是韓國新內閣僅二日頓覆。中國黨再恢復勢力。沈潤澤爲大

政大臣。洪英植被誅。朴泳孝金玉均徐光範徐載弼避難奔日本。是役日本大尉磯林眞三以下三四十人

被殺害。

日本井上馨渡韓

中國吳大澂往韓

日韓談判與吳大澂之干涉

日韓克復平和條約

日本政府接竹添公使之急報。即派外務大臣井上馨爲全權大使往韓國。陸軍中將高島鞞之助海軍少將樺山資紀率步兵二大隊伴之出發。以光緒十年十二月明治十八年一月三日抵京城。中國亦派欽差大臣吳大澂率陸兵及海艦向韓國。此時亦既抵京城。井上馨旋謁韓王。呈國書。直請開談判。先是韓國政府。以此次變亂。係日本公使之教唆。非僅出於金朴。將遣徐相兩爲全權大使。往日京實詢日本政府。會井上馨已至京城。其議中止。韓廷任左議政金宏集爲全權。與井上馨會商。金宏集全權文憑中有「京城不幸有逆黨之亂。日本公使誤聽其謀。進退失據。致館焚民亂」之文字。蓋韓廷欲究變亂之始末。責罪日公使。以輕韓國之責任也。井上馨反抗之。謂不刪除是等文字。則談判不能開始。韓廷不得已改其文憑字句。漸入談判。井上馨提出要求案中。有韓國代建公使館之項。金宏集主張係日公使自焚。韓國不負責任。彼此論辯時。吳大澂排闥而入。請見井上。井上以「本日係與韓國全權會商。不便與貴官會談之旨」。申告。吳大澂固請與聞。本日日韓談判。井上固稱「事係韓國者。與韓國全權商議。事係中國者。與中國全權商議。不可混同」。吳大澂出一書與金宏集而出。井上馨見文意。示「韓國係中國屬邦」之旨。詰金宏集不得受第三國干涉。遂結左之條款。

一 韓國修國書致日本。表謝意。

二 韓國對於此次遭難之遺族。出恤金十一萬元。

三 殺害磯林大尉之兇徒嚴正典刑。

四 賠償新築公使館費二萬元。

五 護衛兵營舍。建設於公使館之側。

同年二月韓國派徐相雨穆麟德爲全權大臣。往日本。呈國書。表謝意。日韓兩國始克復平和如初。

此次。變亂之真相。雖爲日韓衝突。其實爲中日兩國之衝突。當日政府派井上馨渡韓國之時。中國政府照會日廷。亦派全權往韓國與日大使協商兩國對韓之善後策。日政府許之。故中國亦派吳大澂與續昌爲

欽差會辦大臣渡京城。井上見吳大澂氣盛。恐在韓國開中日談判。爲己國不利。於日韓談判結了之後。即歸國。中日交涉遂擱置。然日本欲保護本國對韓之權利與利益。卒不得不與中國協商。翌年光緒十一年正月。

日本派宮內卿伊藤博文爲特派全權大使。農商務卿西鄉從道爲副使。來中國。中國政府不欲日使入北京。命直隸總督李鴻章爲全權。迎日使於天津會商。伊藤必欲捧國書呈皇帝。然後開談判。卒入北京。總理衙門王大臣以皇帝幼冲爲口實。拒其謁見。伊藤向總理衙門說中日兩國之利害。證明李鴻章之全權。再返天津。三月。與李鴻章開談判於總督署。第一次會見。李鴻章對於伊藤之主張。不爲強硬駁辯。及中法媾和草約成立後。李鴻章之態度一變。辯論毫不屈。第六次會見。伊藤以談判不諧。整歸裝。李鴻章始容其一部要求。於光緒十一年三月締結天津條約如左。

一 中日兩國駐紮韓國之軍隊，四個月內各全數撤歸。

二 中日二國皆不派員教練韓國軍隊。

三 將來韓國有事，兩國或一國認必要出兵之時，必先行文知照。

此條約成立，中日兩國對於韓國之勢力歸於平等，是為吾國斷送韓國與日本之第二步。

第三節 中日開戰之原因與開戰前之形勢

日本欲扶持勢力於韓國，不可不使韓國脫中國之宗屬關係，欲韓國脫中國之宗屬關係，不可不正其名。為獨立國。中日開戰之根本原因，即韓國獨立問題是也。中國依歷史關係，以韓國為屬邦，日本依明治九年之日韓條約，目韓國為獨立國，冀以此與中國開釁，藉藉戰勝之力，以奪中國對韓之地位。此明治政府夙昔之隱謀也。然其開戰之趨勢，於遠因近因之區別，遠因有三：一為天津條約後，中國對韓宗屬關係進步。二為咸鏡道防毅事件。三為金玉均刺殺事件。近因惟一，即韓國東學黨之亂是也。

天津條約之明年，光緒十年中國遣還大院君歸國，任袁世凱總理韓國交涉通商事宜，欲實行屬邦之待遇。

光緒十三年，韓國政府為與締盟列國修好，將派公使往歐美諸國，先派協辦內務府事朴定陽為美國全權公使，袁世凱以其不請中國政府之命詰責之，韓廷以遣使臣往締盟國，無請中國協贊之必要，即夜命

日本政府
之陰謀

中國對韓
宗屬關係
之進步

朴定陽由京城出發。袁世凱大怒。一方命領事陳同書往朴定陽旅舍。促其歸京。一方電稟李鴻章請訓。斯時李鴻章電訓袁世凱之要旨。『韓國公使至任地之時。必先至中國公使館。由中國公使介紹訪問。駐在國之政府。而後韓國公使得任便訪問。又駐在國宮殿內之祝賀公席饗宴等。韓國公使必坐中國公使之下位。有重要事件時。韓國公使必先問中國公使意見。以養成宗屬之誼。』袁世凱奉此旨。即面呈韓王。猶極力阻止派遣公使。韓政府終屈。其狀經中國政府認可。然後朴定陽向美國出發。乃朴定陽至美國。不先詣中國公使館。駐美中國公使遂與之起紛議。中國政府詰責韓廷。韓廷苦於答辯。不得已罷朴定陽以釋中國之怒。斯時日本政府。命駐韓公使。凡不關於日韓條約上之權利利益。皆不干涉。故袁世凱得實行其宗屬政略。

光緒十五年。明治二十二年咸鏡道發布防毅令。日本持日韓貿易規則反對之。日公使謂在元山之日本商人。因此禁令。損害至四十萬元。要求賠償。韓廷不應。袁世凱從中主持。歷四年經三公使皆不協議。至光緒十九年。明治二十六年日本新簡大石正己爲辦理公使。大石氏對韓廷開嚴厲談判數次。不獲要領。即撤國旗歸國。韓廷大驚。急派委員與大石公使會商。終納賠償金十一萬元結局。

光緒二十年。韓國刺客洪鐘宇刺殺金玉均於上海。日本輿論騷然。先是韓國日本黨領袖金玉均朴泳孝徐光範徐載弼等。以京城變亂失敗。相率奔日本。韓國政府以金朴亂黨在日本。不快。光緒十一年。韓國謝

罪大使徐相兩穆麟德奉呈國書後。要求日政府將金朴諸人歸還韓國。日政府假口日韓無交換罪人條約。又以國事犯公法不交還之例。拒絕之。光緒十二年。韓國政府密派刺客池運永渡日本。圖暗殺金玉均。金得韓人密報。以訴日本政府。日政府命駐韓公使與韓廷交涉。告日本命金玉均退出國境。韓國亦召還池運永歸國。其時適值朴泳孝與日本人大井憲太郎小林樟雄等。謀顛覆韓國政府之事。被發覺。韓政府益不安。日本政府以金玉均等妨礙日韓交誼。遂令金玉均退出國境。金玉均臨期不出發。哀訴駐日列國公使。鳴日政府處己之不當。日政府以不聽命令爲辭。放之於小笠原島。韓國政府亦遂召還池運永。至光緒十五年。日政府復許金玉均歸東京。此時朴泳孝由美國返日本。設立親隣義塾於東京。教育韓國子弟。嘗與金玉均有所計畫。韓國政府復遣李逸植謀暗殺金朴。光緒十八年。李逸植托營商渡日。遇洪鐘宇自法國歸。過日本。李逸植見其有智慧。與之謀。動之以恩賞。洪鐘宇遂傾心與李逸植盟。李逸植先紹介洪鐘宇於金朴二人。言其人物之足交。自後李洪定計。將金朴二人。引一人出他方。便同時舉事。一日洪鐘宇謂金曰。『故國革命。非獨力所能達目的。余曾流寓中國十四年。與李鴻章之男李經芳最相親善。若賴李經芳得其父之一諾。則大事成矣。』金玉均大喜。決意與洪鐘宇渡中國。光緒二十年正月由神戶出發。西二月二十七日抵上海。寓東和洋行。翌日午後三時。金玉均橫臥旅床。洪鐘宇突出手鎗擊殺之。翌日洪鐘宇就縛。上海列國領事。經駐北京列國公使。請於總理衙門。要求『處洪鐘宇相當之罪。而勸韓國政府對金

玉均遺體不加陵辱爲條件送還韓國。然李鴻章不認洪鍾宇爲非行，遂將金玉均之死體及洪鍾宇以軍艦送歸韓京。韓國政府得金玉均死體，擬大逆不道罪，斷其四肢，梟於漢江楊華鎮。而大賞洪鍾宇之功。先是李逸植送金玉均至神戶，即返東京，與權東壽權在壽李泰源等謀刺朴泳孝。李泰源洩其計畫，李逸植反被朴泳孝所捕。權兄弟潛伏韓國公使館，日政府請韓公使俞箕煥將罪人交出，終得館外任意捕縛。審判之結果，發見韓國公使同謀，又發見韓皇勅書，日本國論囂囂，及聞處金玉均解體極刑，國論愈不平。蓋金玉均爲日本黨有力人物，其被虐殺，爲日本對韓勢力之大被損害無疑。斯時日本卒不與韓國起交涉者，則避中日之紛爭也。然至此日韓之感情益惡，中日之衝突亦有積薪近火之勢矣。

以上所述，皆爲日韓中日衝突之遠因。其直接近因，則韓國東學黨之亂是也。東學黨云者，對於中國稱東方之學，卽韓國國學之義。其時韓國政教陵夷，民不安命，東學黨以明人倫，誅污吏，匡政府之稅政，救生靈於塗炭爲宗旨。光緒二十年四月，起於全羅道古阜縣，黨魁全瑋率衆擊敗全羅道官軍，到處破州兵占領其地。韓政府大狼狽，一方派重兵拒賊，一方向袁世凱請中國出援兵。五月，李鴻章派直隸提督葉志超率兵六營，由海路赴韓國，先鋒聶士成以五月初四日抵牙山海口，初五日兵悉上陸。葉志超率本隊，以初七日入牙山定本營。先是東學黨之起也，日本派少壯軍人策士一團，後名天祐渡韓國助東學黨。猖亂密與本國通消息，天祐挾圍之目的，在糜爛韓半島，以啓中日兩國開戰之端。竭其智勇，大得東學黨之歡心，漸

跋扈。爲全臻準所不能制。官軍正領官洪啟燾於兩軍疲戰之時。遣軍使至東學黨議和。東學黨動之。天祐俠團恐事靖不達最大目的。斬軍使以激彼此之戰。卒使韓國糜爛。致中日兩國出兵。

東學黨之起也。李鴻章與袁世凱交馳電報。彼此皆以韓國政府請中國政府出援兵爲得策。又李袁電詢駐日公使汪鳳藻探日本情實。汪鳳藻告『日本衆議院與內閣大衝突。無外顧之暇。』李袁大喜。政略一決。其時日本之國論。亦全注於韓國問題。對外硬派屢促政府出兵。保護居民。而衆議院以伊藤內閣不信用。與政府衝突。四月二十六日通過『政府內治外交俱誤』之奏案。及接中國出兵之報。形勢一變。二十七日。日本政府開內閣會議。決議二件。『一、解散衆議院。二、維持中日兩國之均勢。派相當軍隊渡韓國。』

蓋斯時。日本外務大臣陸奧宗光。以『不派軍隊渡韓國爲非常準備。則日本從來主張韓國獨立之主旨。全歸空文。』因此內閣全體皆協贊之也。

五月二十三日李鴻章依天津條約。以出兵照會。由駐日公使汪鳳藻送日本外務省。照會中有『我朝保護屬邦慣例』之語。日陸奧外務直以『日本未認韓國爲貴國屬邦』之公文覆汪鳳藻。旋命駐北京公使小村壽太郎以日本出兵照會致總理衙門。總理衙門卽於翌日覆日公使云。中國以韓國政府之請求出兵。非日本所比。若日本爲保護公使館領事館及商民起見。則無須派大軍。且日兵毋入韓國內地。免中日兩國生衝突。日政府覆云日本依濟物浦條約出兵。出兵多寡。日本政府自決之。且日兵紀律嚴肅。縱與

貴國兵相遇。不至生事云云。蓋日本自認韓國爲獨立國以來。早決定與中國開戰。而結天津條約以後。岌岌整理內政。擴張軍備。冀以一次戰爭。驅逐中國勢力於韓國之外。至此認爲時機已至。故答辯甚強頑也。時日本駐韓公使大鳥圭介歸國。日政府即授以韓事臨機處斷全權。五月初一日。大鳥公使復向韓國出發。海陸軍隊約七千六百餘人。同時至韓京。而當時中國葉志超統率之六營兵。亦於初七日定牙山爲本營。東學黨以中日兩國皆派大軍進國內。恐懼悉散亡。十一日袁世凱以「亂徒已散。中日兩國。可同時撤兵」。照會大鳥。大鳥不應。其時駐韓京列國外交官。皆認韓國爲中國屬邦。又以中國出兵。係依韓王之請求。皆不以日本出兵爲當。大鳥恐增中外疑惑。電請本國政府勿增派軍隊。然斯時日本政府已決意與中國開戰。則命大鳥所率之軍隊。步步立於制先機地位。

初日本政府之政略。軍事則務立於主動地位。外交則稍立於受動地位。及東學黨已歸鎮靜。兩國軍隊。猶對峙。不撤。飛言流語。起於其間。日本之閣議。則主張外交上亦進一步。而立於主動者之地位。即陸奧宗光提出對韓共同改革案。付閣議是也。其案之內容。『一中日兩國兵協同平定韓國內亂。二韓國內亂平定後。兩國設委員於京城。調查其財政。淘汰其官吏。設警備兵。保持其國內安寧。三整理韓國財政。募公債與一切公益』等。閣議悉贊成之。翌日陸奧新添二條件。求閣僚協贊。一爲無論中國政府贊成提案與否。日本軍隊決不撤回。二爲中國政府不贊成提案之時。日本政府以獨力迫韓廷實行改革。蓋陸奧逆料中國

政府不贊成提案。故付此二項俾異日外交立於自動者之地位也。亦得閣僚全體協贊。伊藤總理直上奏得裁可。五月十二日。陸奧招中國公使汪鳳藻至外務省。以前閣議決定之三項。除次日閣議之二項。悉與汪公使言。令其照會本國政府。汪公使則主張兩國先撤軍隊。然後徐圖韓國之善後策。陸奧極言撤兵不可。汪鳳藻不得已應其請求。然陸奧恐汪公使避責任。不果向本國通知。翌日電令小村公使。將提案送總理衙門求回答。更電令駐天津荒川領事。將提案送直隸總督李鴻章。

總理衙門
之回覆

總理衙門接日本政府之提案。即研究三項理由。不能表同意。『一韓國之內亂既平靜。無須兩國兵力協同鎮壓。二日本政府之提案雖美。然韓國之改革。應由韓國自行之。中國尙不干涉其內政。日本素認韓國爲自主國。則無干涉韓國內政之權利。三天津條約規定事變平定後。各撤軍歸國。此際韓國叛亂已平。兩國各自撤兵無疑。』總理衙門命汪公使將以上理由回復日本政府。告對韓共同改革案。中國不表同意。五月十七日。汪公使以公文送致日本外務省。翌日陸奧復以公文與汪鳳藻。大旨謂韓國事變屢起。缺獨立要素。若不代謀匡救。非但有戾鄰邦友誼。且非日本自衛之道。本大臣披胸襟吐誠意。縱令與貴國政府所見不同。帝國政府斷不能撤去。現屯韓國之軍隊。云云。陸奧此宣言。蓋表示中國政府既不協同改革。韓國內政。則日本以獨力擔任之。蓋即宣戰之言也。

日本不撤
兵之宣言

陸奧既向汪公使宣告日本不撤兵。同時大島圭介以兵力迫韓廷。五月十九日大島電命大島率混成旅

團全軍入京城。二十二日大鳥面謁韓王。呈甲乙二案。甲案「摘錄汪公使保護屬邦與聶士成檄文中愛恤屬國保護藩屬之文字。詰問韓廷承認與否。謂如此派來之中國兵。侵害韓國獨立。并蔑視日韓條約。不可不使撤退國外。」乙案「日本政府勸告之改革案。促韓廷決答。若不應勸告。則用脅迫責其實行。」韓國政府不敢斷然峻拒。逡巡數日。國王下罪己詔。擇選重臣申正熙金宗漢曹寅承三人爲改革委員。與大鳥協議改革事項。六月十四日。韓國政府承認大鳥之改革案。至十六日。袁世凱令韓廷取消之。且要求日本撤兵。蓋斯時中韓二國。皆恃有外國干涉。故出此也。

先是五月十八日。李鴻章接日本政府對韓共同改革案。意外驚愕。一方增兵派往韓國。一方請歐美各國出爲調停。其時駐北京俄國公使喀西尼歸國。過天津。李鴻章與之審議。喀西尼待本國政府之命。滯留天津。五月二十一日。駐日本俄國公使稱本國政府之命。訪陸奧外務。問曰。若中國撤兵。日本亦同意撤兵否。陸奧曰。若中國政府。願與日本政府協同改革韓國之內政。或中國政府不贊成協同改革。而日本以獨力擔任。中國政府無論直接間接皆不妨害。二者之一。能具保證。則中國撤兵。日本亦撤兵。五月二十六日。俄公使送公文一函致日本外務省。大旨謂韓國政府以內亂既鎮。靜告駐韓各國公使。且要求各國援助。促中日兩國皆撤兵。故俄國政府特勸告日本政府撤兵。若日本不肯與中國同時撤兵。則日本自負重大責任。陸奧接此公文。直訪伊藤。二人熟議之後。即夜電訓駐俄國日本公使西德二郎。命告俄國政府。非不承

教實撤兵之時機未到。五月二十九日覆俄公使之公文亦如之。且云日本對韓國出兵實出於不得已。決無侵略領土之意。內亂絕滅之時即行撤兵。希貴國政府信此誠意。六月十一日俄公使復致公文與日本外務省。大旨以日本不侵略韓國。與亂靜即撤兵。心甚滿足等語。即暗示日本對韓舉動不能逸出此範圍外之意。其後日本對韓國舉動日進步武。俄公使復以公文送日本外務省言『日本對於韓國之要求。苟有違背韓國與列國條約之項。則俄國政府決不承認。爲避將來紛爭。乞爲注意。』此公文送到後。未幾。中日之平和破裂。列國無干涉之機。俄國遂注意於戰爭結果。以候機會。

英國對中
日之調停

與中國有密接利害關係者爲英國。中日開戰。則英國對於極東之商務。大受影響。駐北京英公使哈康納爾見俄公使有所調停。亦直訪總理衙門。勸告中日兩國平和結局爲得策。時總理衙門王大臣。以爲李鴻章與俄公使之協議。可望成功。無十分依賴英公使之意。而舉朝大吏。以中日之事。皆歸罪李鴻章一身。李鴻章增派大軍渡韓之議。亦被斥。及事勢危迫。總理衙門忽有請英公使調停之意。英公使照會駐日本英公使巴色德云。『中國政府對於日本之提案。有附條件再開商議之意。未審日本政府承諾否。』巴色德即照會日本外務省。日本政府覆云。『若中國政府承認中日兩國共同改革韓國之內政。本此主義。再有所協商。日本亦不拒絕。』英公使接此報告大喜。周旋於總理衙門與日公使小村壽太郎之間。且向小村告中國政府有轉機。六月初七日。小村往總理衙門會商。則王大臣以俄國干涉可望成功之故。無新案提

出。惟堅執原議「兩國撤兵後再謀韓國善後策」而止。小村責英公使所言不實。英公使之周旋全歸失敗。既俄國之調停。亦不奏效。英公使復遣譯官往天津。與李鴻章有所議。其結果駐日英公使巴色德曾陸與外務。傳北京英公使之意曰：「日本政府若有平和之意。則中國政府亦有再開談判之望。願聞其旨。」先是陸奧宗光以六月初七日。北京談判不得要領。英公使周旋失敗之時。即電訓大島圭介「苟可不蒙外國大干涉。無論用何項口實。即施自由行動。」至此大島既對韓廷提出最後通牒。已成用兵力威迫韓廷之勢。故斯時陸奧對英公使之答詞。迥異前日。謂「今日日本政府既以獨力着手改革韓國內政。已不能依前次與中國會商之約爲條件。縱令中國政府贊同日本提案。而日本政府已不能允許。且今日日本大臣之提議。若五日內不與確答。則日本不再應接。若五日內中國有增派軍隊之事。即作爲脅嚇運動。依以上條件。中國政府再求會商。日本政府不拒絕。」陸奧此段回答。蓋經英公使對中國之開戰宣言也。當時英國政府以日本該提議爲不當。於六月十九日照會日本政府云：「日本對中國之要求。與前議矛盾。逸出範圍之外。且日本對韓獨力着手。不許中國協議。是背天津條約之精神。以此宣戰。日本政府不可不獨負責任。」日本政府辯之曰：中國政府當初若容日本之提議。則依英公使之調停。事有轉機。事至今日之重大。皆中國政府陰險與因循之所致。日本不當負責任云云。英國政府接此回示後。不久中日之戰端已開。

美國向日
本忠告

美國向愛保全平和者。六月七日美政府遣駐日美公使忠告日本政府云。美國政府對於日韓兩國。皆篤友誼。希望日本政府。尊重韓國之獨立及其主權。若日本與無名之師。危殆小國。則合衆國大統領深爲惋惜。陸奧向美公使極言中國對韓國譎詐陰險。日本若遽撤兵。非所以保東亞之和平。其時美國政府。不深悉極東情實。誤信陸奧之言而止。

先是六月初七日。北京談判不得要領之時。日陸奧外務一方命小村送決絕書與中國政府。一方命大鳥乘英國調停失敗。列國皆處旁觀地位之時。用強硬手段迫韓廷。六月十二日。小村公使以『中國政府之舉措。徒爲好事。將來有不測之變。日本政府不負責任』之意。通告總理衙門。十七日大鳥以中國政府因袁世凱取消十四日之承諾案。即向韓廷提出左之極端照會。

日本對韓
照會之極端

- 一 日本政府自行架設京城釜山間之軍用電信。
- 二 韓國政府依濟物浦條約速爲日本建設兵營。
- 三 在牙山之中國兵。原以不正名義派來。速令撤退。
- 四 中韓之水陸章程及其他抵觸韓國獨立之中韓諸條約。均一切廢棄。
- 五 以上各項。回答之期。以二十日爲限。

韓廷接此照會。頻開會議不能決。至二十日送漠然無要領之回文。大鳥即照會韓外務督辦趙秉稷。告日

本不得已依兵力解決。二十一日晨混成旅團長大島率龍山本營二大隊之兵向王宮進發。王宮護衛兵發礮拒之。日本兵應戰擊退。直入宮城。閔族之事大驚。皆狼狽遁逃。開化黨顯得意之色。大院君依王命總裁國政。尋以詔勅招大島協商改革內政案。然是時袁世凱見事機已非。即退出京城歸國。中國在京城之勢力。忽然掃落。韓廷狼狽無所依賴。不得已遂全依大島之要求。二十三日韓廷公然將中韓歷年締結之一切條約。宣布廢棄。又託日本以軍力驅逐中國駐屯牙山之軍隊。同日午前。日本海軍聯合艦隊礮擊中國軍艦於豐島。尋運送船高陞號載兵千二百各向牙山。被日艦擊沈之。兩國之戰局遂開。

第四節 中日交戰

初葉志超駐軍牙山。兵僅六營。見日本海陸大軍并進。迭向本國催派援兵。李鴻章決意派遣大兵。爲反對派所沮。至六月十九日。僅派運送船十艘。分載八千六百援兵。由大沽向牙山出發。先是六月十七日。陸奧經英公使與中國之照會。有『五日內若中國增派援兵。則視爲威脅運動』之語。然斯時中國已於六月十二日。下派遣援兵之令。十九日援兵由大沽出發。日政府悉探聽之。即命混成旅團向牙山攻擊。更命聯合艦隊游弋黃海方面。二十三日我國軍艦濟遠廣乙二艘。向豐島前進。遇日本軍艦吉野、浪速、秋津州三艘。濟遠先向日艦發礮。日艦應戰。須臾。我廣乙艦體大受損傷。向南方奔航。艦長林國祥自放火毀之。率衆

奔牙山。濟遠向西方逃走。吉野追擊之不及。時我國礮艦操江號與雇英商船高陞號在西北方海面。日艦秋津州欲巡擊操江。操江旋揭白旗。艦長王永發以下八十二人悉束手降之。浪速號先令高陞號投錨。不應。時日艦派大尉往高陞號詢情實。船長英人告船係英國籍。爲中國所雇。載千二百兵將往牙山。初不知已宣戰。故應顧云。大尉命隨日艦行。船長諾之。乘兵不許。船長再請於大尉。顯反太沽。浪速艦長浪速發礮。中高陞船機關千二百兵之號聲與濤聲相撼。頃之人船皆沒。是役日艦一萬一千一百零六噸。中艦僅三千九百十噸。日艦少受損傷。不失一兵。中國失操江廣乙高陞三艦。損失兵力一千一百七十二名。

成歡之戰

在牙山之中國軍隊。其主力在成歡。築五堡壘。以爲防禦。六月二十三日。日將大島率混成旅團攻牙山本營。分全軍爲左右二翼。夜半進軍。遇轟士成之伏兵。激戰三十分間。轟兵辟易潰走。同時敵左翼兵用榴霰彈爆裂轟營。第一壘遂陷落。敵兩翼相合。進攻益烈。轟軍氣沮。第二第三第四諸壘。悉次第陷。轟士成以成歡堡壘既失。牙山不可守。率敗軍奔洪州。是役葉志超率守兵千名在天安。不與戰。轟軍實兵約三千五百名。每營銃數僅三百五十枝。其餘爲攜矛戟之無用戰卒。其兵力遠劣於日本。日本兵死傷八十二名。中國兵死傷五百人。

兩國宣戰

以上二役。爲海陸軍開戰之始。其勝敗實將來軍氣消長之所關。於全戰役結果之影響甚大。我國若早依李鴻章派大軍進朝鮮之議。則豐島之禍。成歡之敗。皆未必有。至此朝廷震怒。於光緒二十年七月一日。下

上海中立
與日韓新
協約

平壤大戰

宣戰詔勅。日本亦於是日宣戰。兩國公使各歸國。

兩國戰端既開。各國次第宣告中立。法俄墨不宣告英國請以上海為中立地。中國許之。日本以上海不為戰鬥準

備為條件。亦許之。當此時韓國政府全落日本掌握中。日公使大島乘機與韓國政府結左之新協約。

一 韓國政府實行改革內政。

二 京仁京釜鐵道許與日本敷設。

三 日本所設京釜京仁間之電線。依然保存。

四 全羅道開一通商口岸。

五 兩國不追究六月二十一日之事變。

六 將來兩國派員協議韓國獨立自主。

此七月二十日之條約也。旋於二十六日結日韓攻守同盟條約。即協定日韓兩國合力驅逐中國軍隊於韓國外。以鞏固韓國之獨立自主為名者是也。依此二條約。韓國遂變成日本之屬國。

我國牙山援兵由太沽出發之際。同時遣大軍由大連灣向北韓出發。六月二十八日。軍渡鴨綠江。七月四日。達平壤城。提督馬玉崑統毅字軍。衛汝賢統盛字軍。左寶貴統奉軍。豐陞阿統奉天盛字營。李鴻章初起劉長佑為總帥不出。及葉志超迂迴江源道來會。遂以葉充總帥。諸將以平壤負山臨江。為不可失之險。利

用城內外地勢。共築二十七壘。分四軍守之。日軍總指揮野津道貫知中國將官。有據險要之癖。必無南進攻擊之勇。則定策包圍攻擊。使我軍彼此不能援應。令大島率混成旅團攻平壤正。朔寧支隊與元山支隊之半攻平壤北面。師團本隊則由平壤西南各路進攻。又令元山支隊之他半。扼甑山以斷我軍後路。定八月十六日午前四時起決戰。至期大島之混成旅團。猛攻馬玉崑防禦之橋頭堡。馬軍奮戰。至正午日軍死傷甚衆。遂退軍水灣橋。馬軍亦不出壘追擊。攻平壤西南之師團本隊。雖破衛豐兩軍。迫進壘下。然壘堅。至正午不能克。亦遂退兵。攻平壤北面之朔寧元山二軍。用榴霰彈攻牡丹臺。左寶貴中彈死。兵氣大沮。潰走。日軍陷牡丹臺。旋用榴霰彈攻破元武門。日軍湧進。城內遂懸白旗乞降。時午後二時。天暮大雨。約翌日獻城。是夜葉志超。率全軍遁義山。日軍扼甑山之元山支隊。截殺葉軍四百餘人。平壤遂失。是役日軍戰勝。多係榴霰彈之力。爲我軍所未有。日軍死傷五百三十五人。我軍戰死二千人。惟馬玉崑軍全師退歸。自是我軍悉退鴨綠江西岸之九連城鳳凰城一帶。

豐島海戰之後。我國艦隊。毫不敢取攻擊之勢。八月十三日李鴻章派劉盛休統銘字軍十二營。乘運送船六艘往平壤。命海兵提督丁汝昌率北洋艦隊定遠、鎮遠、靖遠、致遠、來遠、經遠、威遠、揚威、超勇、廣甲、廣丙、平遠、十二艘軍艦。及水雷艇六艘。護送之。十五日。安抵大東溝。士卒糧礮均運送上陸。軍艦泊碇於大東溝西南十三海里之處。先是日本聯合艦隊護送山縣大將至韓國。八月十三日抵仁川。聞中國大軍自大連

出發。日本海軍司令官伊東祐亨率聯合艦隊進大同江。爲陸軍之援。十七日平壤陷落後。伊東令第一游擊艦隊吉野、高千穗、秋津州、浪速、四艘爲先鋒。已率本艦隊橋立、千代田、嚴島、比叡、扶桑、赤城、松島、西京丸、之八艦向北黃海游弋。見東北海面有縷縷淡煙。搖曳波上。知係中國艦隊。令備戰。先鋒隊與本隊均以同一之陣形前進。提督丁汝昌見敵艦至。命作翼梯陣。人字陣決戰。以定遠鎮遠二巨艦居中央。餘艦列左右兩翼前進。零時五十分。距敵艦六千米突。即發砲開戰。日艦不應。進三千米突內外。日艦始應戰。至此兩艦隊激烈交戰。日先鋒艦突過我艦隊右翼。殿後艦突貫鎮遠經遠之間。我艦大亂陣形。而日先鋒艦與本艦夾擊之。此間我艦超勇早起火。未幾沈沒。濟遠稍受損。艦長方伯謙即掛旗告傷。圖遁。誤撞揚威。沈之。致遠被重傷。艦長鄧正卿欲與敵艦同沒。疾航未及而沈。經遠誤中水雷。破碎。廣乙初戰即向陸地逃走。誤坐礁。來遠起火。一時撲熄。鎮遠受彈甚多。艦長林泰東苦戰。定遠丁提督所在。迭中巨丸。苦戰時齊放巨砲數門。全艦大震。丁提督墮自艦橋。一時悶絕。蘇時復糾合鎮遠及餘艦拒敵。時際日沒。日艦停戰。召還先鋒隊。丁提督亦率殘艦歸威海衛。是役我艦沈沒四艘。殉艦兵將約七百人。餘艦皆受重損。死傷兵約五百人。日艦雖比叡赤城西京三艘受重傷。然皆未沈沒。日軍戰死共九十四名。傷二百名。此次戰敗之原因。一由軍艦之速力與准彈命中。概不及日軍。而將卒恐懼臨戰慌亂。致陣形不保。進退失措。日艦隊則臨危不驚。得始終維持陣形。兵卒勇敢。不顧一身生死。其精神點全相反。蓋由平日訓練之所致。自是我北洋之艦隊。不敢

復出。黃海之制海權。悉歸日本所有。奉天南部、黃海西岸、日軍可以處處侵犯矣。

李鴻章之國防配布

平壤黃海戰敗之後。朝廷且驚且怒。概奪李鴻章黃馬褂。葉志超革職。任四川提督宋慶幫辦北洋軍務。黑龍江將軍依克唐阿從事遼陽兵站事務。悉受李鴻章節制。李對於鴨綠江之防禦。命宋慶統諸將。嚴防安東、葦子溝、大東溝、大孤山一帶。命依克唐阿防禦鴨綠江上流。及長甸、安平江各要地。又增加東三省及河南山西兵共五十餘營以厚國防。而對於海上之防禦。初請南洋艦隊數艘。與北洋殘艦合併防禦。爲軍機處所拒。李鴻章於九月初十日請求軍機處。軍機處至不得已命丁汝昌率修繕殘艦。嚴防渤海灣口。另處所拒。九月二十四日。始與南洋大臣劉坤一商議。以防禦國境之大同軍二千。及天津徐邦道之拱衛軍五營。以厚旅順大連之陸地防禦。又集各省大兵九十五營。分紮天津、大沽、山海關、營口、通州之間。以護衛北京。

日本於平壤黃海戰勝後。新組織第一第二兩軍。第一軍以陸軍大將山縣有朋爲司令官。由義州渡鴨綠江。第二軍以陸軍大將大山巖爲司令官。由海路攻大連旅順。九月二十七日。第一軍攻虎山。九連城。先夜架橋隊冒險於鴨綠江架軍橋。我軍昏昧不知。翌日天未明。日軍渡江攻虎山。虎山鎮守馬金叙激戰二時許。馬玉崑軍出九連援之。未至。馬金叙軍向靉河亂走。敵軍夾攻馬玉崑軍。馬軍不能支。亦退九連。虎山遂爲日軍所據。翌日日軍乘勝收九連。安東。自是分軍爲二。一追鳳凰城。一向大東溝。鳳凰城係元帥宋慶所據地。當時以諸軍瓦解。不克復集。幫辦營務諸人。亦率先私逃。宋長嘆曰。不料事終至此。馬齒垂八旬。敢復

偷生。惟決死戰。報朝廷。及日軍迫近。終為懦兵所誘。悉燒城外街市。率軍退走奉天。十月初一。被日軍占領。向大東溝之日軍。乘勝經大東溝。收大孤山。更進擊岫巖。駐防將軍宗室嘉善與敗將豐陞阿等。不戰退走。自是奉天東南部。悉歸日本第一軍占領。

日將大山巖所率第二軍。由花園口貓子窩附近上岸。旋迫金州。金州副都統連順與總兵徐邦道以重兵據守。十月十九日。日軍分三路夾逼城下。以爆發彈。破碎城門。金州遂陷。明日日軍更分三路大舉攻大連。迭擊和尚島大藍山之砲臺。不應戰。日軍進近探之。則守兵於先夜聞金州陷。遁遁旅順矣。日兵狂喜入大連。自是日軍視旅順守兵。如籠中鳥。先以書招降。不答。二十日。日軍分三軍攻之。時我旅順防禦艦隊已逃威海衛。船局總辦龔照瑛以二十四營兵守旅順。徐邦道之援兵副之。二十四日。日軍分兩翼進。右翼先攻陷椅子山。次運大砲於山巔。俯擊旅順背面諸壘。悉陷之。同時日軍左翼攻陷二龍山黃金山砲臺。時我軍力。此處陷落。更無救矣。龔照瑛由海上逃芝罘。其他遁金州方面者多被日兵截殺。日軍狂歌入旅順。屠殺無戰鬥力兵卒及平民四日。按倭戰法規。非戰鬥員與無戰鬥力之兵卒。不可殺害。日本出此。是等野蠻橫行。殊堪痛惜。且斯時日美改正條約將調印。美國以日本之野蠻拒絕之。自是東洋第一要塞。變為日本海軍根據地。是役日本死傷約二百餘名。中國死傷約四千五百名。敗報至北京。朝廷大懼。起恭親王奕訢為軍機大臣。任兩江總督劉坤一為欽差大臣。總轄軍務。

江瓦寨之戰
蓋平陷落

日軍榮成灣上陸與
威海衛陷落

日第一軍陷岫巒後。休養士卒。以備前進。十一月十五日以來。日桂中將轉戰摩天頂附近。占領析木城海城各處。我軍分退遼陽牛莊方面。閱數日。宋慶劉盛休馬玉崑率六十餘營。自蓋平向遼陽。逼海城。二十三日。遇日軍於缸瓦寨。馬玉崑軍當日軍大迫之隊。大迫不能支。日桂軍與大島軍急赴援。混戰五時間。日軍人馬死體如山。卒不屈。三次吶喊而進。我軍退向牛莊營口方面。是役日軍死傷四百二十人。我軍全勝無戰死者。爲開戰以來所僅有。日軍經此役。頗起戒心。遂由第二軍撥乃木之軍。與第一軍相合。十二月十五日。分三軍攻蓋平。守將章高元負傷。提督楊壽山副將李仁黨以下二百人戰死。蓋平遂陷。自後依克唐阿與吉林將軍長順及湖南巡撫吳大澂所率新軍等。屢圖恢復海城。皆不利。

旅順陷落之後。北洋殘艦。潛伏威海衛不敢出。然以此殘艦尙存。日艦不得由海路侵犯渤海沿岸諸地。時山東巡撫李秉衡與道臺戴宗篤竭全力營威海衛西北方之防禦。登州東南之守備甚疎。日軍乘機派第一游擊隊侵榮成灣。榮成灣東西北三面繞山。南面控海城灣。灣內水深可入大艦多艘。時僅有鞏字三哨兵任該灣守備。十二月二十五日午前五時。日軍艦七艘入灣內。以小艇運兵上陸。守兵發礮拒之。日兵急退艦上應戰。時大雪。守兵乘雪急走。榮成縣附近副將閻得勝參將趙同發各營。以爲大敵追迫。各望風潰。雪止後。日軍以守兵停礮。復操短艇進。始知守兵已遁。旋進榮城縣。休兵三日。不遇襲擊。始向威海衛進軍。日將佐久間率左縱隊。黑木率右縱隊。分南北二道進。正月初五日午前二時。右縱隊由柳家莊進軍。道路

險惡。崖雪冰結。前後隊不能接行。兵各銜枚匍匐單進。天曙時已抵孤山後。摩天頂之守兵大驚。激戰之後。下山逃走。日軍遂占領摩天頂礮臺。旋據摩天頂高壘。俯擊各砲臺。不踰時。南岸鹿角嘴、龍廟嘴、謝家所、趙北嘴、諸礮臺。次第陷落。逃兵多被截殺。同日日軍左縱隊分軍爲五。轉戰溫泉湯、鳳林集、虎口村、楊家灘。各方面。戴宗憲率諸軍次第退卻。日軍悉占領之。正月八日。日左縱隊更窺威海衛。城兵早遁。日軍從容入城。斯時我軍僅保殘艦隊。及留公島、日島、二礮臺而止。軍勢再危急。先是丁汝昌接榮城敗報。知陸軍不可恃。欲破壞南岸諸砲臺。使不爲敵用。以全艦隊。戴宗憲反抗之。至是北岸守兵。望風潰。丁汝昌急勸戴破壞北岸諸礮臺及火藥庫水雷營等。正月十一日夜。敵水雷闖入港內。定遠被轟壞。次夜敵水雷再由東口襲進。來遠威遠及水雷布設船悉被擊沈。兵氣愈沮喪。將卒皆不欲戰。煽動留公島居民。向提督乞生命。兵勇亦結黨爲同一之請求。所雇外國人悉勸提督暫乞降。丁斷然拒絕。慰以援軍即至。稍安衆情。會芝罘道劉含芳之密使至。丁遣密使告劉。『十六十七援軍不至。則船島諸不可全。』十六日日兵由威海衛北岸礮擊留公島。島內陸兵潰亂。不可制止。十七日得芝罘密書。報李乘衡走萊州。援兵不可望。丁提督遂決計率全艦突出港外一戰。諸將皆不應命。次請盡毀軍艦軍器礮臺無條件乞降。諸將亦不應。且報諸機關爆藥等。皆已毀損。雖欲破軍艦礮臺而不能。丁提督大憤。退船室。寄李鴻章。『始意船沈人盡而後已。奈衆心潰亂。無可如何。』電報一通。即服藥自殺。總兵劉步蟾張文宣以下斃死者七人。道臺牛昶昫等。祕其喪。命英人

北洋艦隊
覆滅

張爾齊巴伊假提督名作降書。遣廣丙艦長陳璧光送致日司令官伊東祐亨。求勿傷害中西水陸官兵。而以現在船艦礮臺軍械等獻納之。伊東大喜。即覆書許之。牛昶昞等接覆書後。報告提督於接日本司令官回文後自殺。衆情大哀。仍遣陳璧光以此情實報知伊東。伊東命以他官代行降服一切事務。牛昶昞於十一日與日委員訂降服條約十一條。伊東准以康濟輪船送丁提督等之柩返芝罘。水陸將卒悉使宣誓。後亦由康濟船運出港外。日軍始入威海衛。自是北洋水師全滅。渤海南北關門。皆被日軍占領。

註 丁汝昌降服自盡一節。當時朝野上下。皆認爲先降服。後自盡。日本參謀本部所編日清戰史。則謂丁始終無降服之意。初以繼沈人盡爲主義。繼以將卒潰亂不可爲。於發李鴻章電報後即飲藥自殺。其乞降書實出於提督死後牛昶昞與所雇外人等偷生濟變之所爲云。按劉公島降服之時。將卒官吏。悉爲俘虜。則日本參謀本部所調查。較爲確實。而當時中外皆傳丁汝昌投降者。實以投降書係丁汝昌之名與提督之印所致。其實出於牛昶昞等數人所爲。故著者敢依日本參謀本部之所主張也。

遼東方面。宋慶以正月二十六日。由營口窺太平山。部署五十九營於南北太平山村。及東西七里溝爲陣。三十日。日軍先擊我東七里溝之軍。姜桂題宋慶次第退卻。西七里溝之馬玉崑軍。卒因敵礮猛擊。潰亂退走。其時湖南巡撫吳大澂之新軍。先後至牛莊。銳氣方新。魏光燾李光久等兩次率湘軍擊海城之敵。牛莊之防備疎。二月初七日。日將桂太郎自西北。奧保鞏自東南。夾擊牛莊。魏李兩軍。急返牛莊。與劉樹元所率

牛莊激戰
與營口田
莊臺陷落

日軍占領
澎湖島與
戰爭結局

吳大澂之撫標十五營，任城東北防禦。忽被日軍所包圍，失其退路，不得已爲激烈之街市戰，敗兵分數十團，據城內家屋抗戰。日兵多被狙擊，旣而日軍爆裂民屋，殘兵失所據，或殪或降。牛莊遂陷。是役我兵力約五千，敵兵力共一萬二千。我軍戰死一千九百，俘虜七百。所失軍需無算。日軍將校以下死傷約共四百人。牛莊陷後三日，十日敵將乃木攻營口。時遼河左岸有營口礮臺，得射擊東南北三面。西方與西南方布設地雷二百餘件。又守兵二千三百。統領蔣希夷聞敵至，不戰退走。自是遼東半島悉爲日軍占領。二月十三日，日桂將等率步兵二十一大隊，騎兵四中隊，於遼河東岸，列大礮七十三門，猛擊田莊臺。交戰三時間，宋慶六十餘營大軍全潰，退向雙臺子。此後兩國休戰條約成。奉天直隸山東方面皆停戰。北方大戰門，以此役終。

威海衛陷落之後，北洋水師全滅。自是黃海制海權全歸日本所有。至此日本一欲割臺灣爲己，一欲得澎湖島爲南海海軍根據地。且並欲殲滅南洋艦隊，使中國毫無海上勢力。於是另編一艦隊，先行規取澎湖列島。以窺臺灣。二月十九日，海陸軍向澎湖出發。二十七日，礮擊澎湖島東南端礮臺。同時陸軍由裏正角上陸，陷拱北砲臺，略馬公城。圓頂半島管帶郭潤馨率兵將六百名出降。漁翁島守兵自毀砲臺遁。澎湖列島遂全歸日軍占領。斯時休戰條約雖成，日本欲割取臺灣，強臺灣澎湖置休戰約外，戰鬥仍繼續。然未幾日軍疫病大起，又未幾和約成，兩國戰爭遂以此役終。

第五節 中日媾和

英國調停
和議之失
敗

派德權
琳議和之
失敗

美公使調
停和議

中日開釁以來。我國軍事外交。皆任於李鴻章之一身。旅順未陷之前。朝廷尙無休戰意。李鴻章百方請各國出爲調停。英國政府欲連合各國周旋。光緒二十年九月初旬。駐日英國公使。以各國擔保韓國獨立。與中國賠償日本軍費二條件。勸日本休戰。其時日本政府。以爲英國之提議。已經各國協贊。頗深籌慮。乃未幾德政府首斥英政府之議。俄國外務亦申言中國不直接與日本乞和。則非干涉之時機。日本政府遂乘機拒英公使之勸告。時我國既不得各國之援助。即決意直接向日本探媾和條件。任天津海關稅務司德人德瑾琳爲媾和使。授以頭品頂戴。令携李鴻章致伊藤博文之照會。往日本議和。德瑾琳以十一月二十日抵日本神戶。經兵庫縣知事求見伊藤。并呈李鴻章之照會。伊藤以德瑾琳爲李之私備。無代表交戰國資格。又以李鴻章之照會爲私書。不足代表中國政府。拒德瑾琳會見。德瑾琳不得已空反上海。對於中日兩國。不偏不黨。全爲友誼之調停。啓媾和端緒者。美國也。美國政府恐中日戰爭。事局彌大。於光緒二十年十月十日。命駐日美公使達五訪陸奧外務云。『美國大統領以真正友情。希望東方平和。依於中日兩國。均不毀傷名譽。願執調停之勞。』其時日本朝野以本國軍隊有破竹之勢。皆不欲和。陸奧復美公使云。『中國尙未直接向日本求和。則中國尙無休戰之意。』此回覆語外。含中國若直接請和之時。願

美國斡旋其中也。十月二十五日，駐北京美公使鄧畢寄電駐日美公使達五曰：『中國政府以直接開媾和談判之任務，委託本公使，其媾和條件，則爲韓國獨立及賠償軍費，願以此旨達日本外務省。』日本政府以此廉價條件，不肯議和。於十一月一日，覆美公使達五，轉鄧畢云：『如貴公使所告中國政府之提議爲媾和基礎，非日本政府所能承認。中國若誠實求和，須派全權委員，與日本全權委員會合時，日本始得提出休戰條件。』其時我國政府急欲探詢媾和條件，復經兩美國公使求日本開示，而日本政府以事前提出，恐起第三國干涉，嚴申前議，清政府不得已從其要求，請以上海爲媾和地，日本復拒絕之，決認於日本內地選媾和地。十一月二十四日，清政府派總理衙門大臣戶部左侍郎張蔭桓及署湖南巡撫邵友濂爲議和全權大臣，往日本。日政府定以廣島爲兩國全權會合地，而以總理大臣伊藤博文、外務大臣陸奧宗光爲議和全權大臣。

日本講和內議，陸奧外務初欲將對中國要求案，預向歐美列強公示或暗示，以防異日誤解。伊藤則以爲媾和條件，預向國外開示，是誘其干涉，寧專向中國要求。事後若有第三國異議時，再爲臨時應機處置。廷議遂決，諭廷臣嚴守秘密，以防洩漏，及與中國全權會合之日，二人又熟商非詳察和使之才能及權限，後不開談判。正月初七日，光緒二十一年兩國全權會於廣島縣廳，中國全權呈左之國書。

大清國大皇帝問大日本國大皇帝之好，我兩國誼屬同洲，素無嫌怨，近以朝鮮事彼此用兵，勞民傷財，

豈真出於不得已者。現經美國調處，兩國派全權大臣會商結局。茲特派尙書總理各國事務衙門左侍郎張蔭桓頭品頂戴署湖南巡撫邵友濂爲全權大臣。前往貴國商辦。願大皇帝接待俾該使臣得盡職務。是所望也。

中國是任
全權文憑
之不實

右國書性質係平時外交官就任他國由本國元首授以信憑呈之於接受國元首俾接受國認此人爲可信用之國書而非委任全權之文憑也。國際上國交斷絕兩國交戰之時公使捲國旗歸國非恢復平和之後一國君主無向敵國君主紹介使臣之理。敵國君主亦無受對敵國君主紹介使臣之理。日本全權詳閱該書之後不認爲委任全權文憑。即返還不受。中國全權又提示左之上諭一封。

尙書銜總理各國事務大臣戶部左侍郎張蔭桓頭品頂戴署湖南巡撫邵友濂。茲派爾爲全權大臣。與日本派出之全權大臣會商事宜。爾仍一面電稟總理衙門請旨遵行。隨行官員歸爾節制。爾其殫竭精誠。慎謹將事。勿負朝命。

右。上。諭。係。對。於。張。邵。二。人。之。命。狀。亦。非。正。式。之。全。權。文。憑。所。謂。全。權。文。憑。者。其。文。憑。上。記。明。爲。何。項。事。件。又。記。明。該。大。臣。有。締。結。條。約。及。調。印。之。全。權。者。也。茲。上。諭。中。既。不。明。載。事。件。又。有。一。面。電。達。總。理。衙。門。請。旨。遵。行。之。文。字。則。張。邵。二。人。之。職。務。實。無。全。權。資。格。伊。藤。陸。奧。更。欲。得。張。邵。二。人。自。己。之。證。明。則。以。照。會。令。其。確。答。權。限。如。何。張。邵。回。書。自。明。無。專。對。專。決。之。權。是。日。午。後。第。二。次。會。見。伊。藤。全。權。爲。拒。絕。談。判。之。演。說。其

日本拒絕
使之談
列

張蔭桓部
友謙怡然
歸國

李鴻章頭
等全權派
遣

大旨謂中國慣以孤立猜疑爲政策。外交上缺公明信實之例。不一而足。今兩閣下帶來之信憑。既不明載。談判之事項。又無全權結約之權限。不過貴國政府之通信員而止。貴國若誠實求和。非委確實全權有名爵資望堪擔保條約實行之資格者。則談判不能進行云云。張邵兩全權。請由本國政府改換全權文憑。仍續談判。日本全權復拒絕之。張邵二人不得已退去長崎。馳電北京。我國政府卽由兩美國公使。致意日本政府。願更換確實全權文憑。仍依張邵兩全權議和。日本政府亦經美使。決不認已經拒絕之全權續和議。於是張邵兩全權之派遣。全歸失敗。講和條件。絲毫不獲聞知。十二日。悄然由長崎開輪歸國。是役之敗。雖由日本故意爲難。亦實我國政府不諳國際公法之所致。

張邵兩全權之拒絕。日本國論大贊本國政府之英斷。歐洲列國。一面憫笑中國政府之失體。一面對於日本之舉動。大加注意。俄英駐日公使。均忠告日本政府對中國要求不可失之大奇。日本見歐洲形勢。將不利己。急望中國速派媾和大使。恢復平和。以新列國之視聽。則媾和條件。前之秘隱不宣者。至此經美國公使。以賠償軍費。認朝鮮獨立外。尙須割讓土地。與得最惠國利益之條項。通知中國政府。時正月二十三日也。二十四日。我國派內閣大學士李鴻章爲頭等全權大臣。經美公使告日本政府。日政府旋經美公使。問李全權有執行二十三日日政府所開各條件之權限與否。總理衙門以確有是等全權答之。於是日本定馬關爲兩國全權會合地。

兩全權第一次會見

李鴻章以二月十八日由天津出發。二十三日抵馬關。二十四日兩國全權爲第一次會見。交換全權委任文憑。彼此查閱無異議。李全權即要求先議休戰條約。日本兩全權約以明日正式之會合畢。李與伊藤叙舊交。羨慕日本進步。贊伊藤之功績。又論東西洋大勢。說中日同盟之必要。談論風生。亘數時。翌二十五日。第二次會見。日本全權提出休戰條件如左。

兩全權第二次會見與日本提出休戰條件

一 大沽天津山海關均歸日本軍隊占領。

二 右各處中國軍隊之軍器軍需。全繳與日本軍隊。

三 天津山海關之鐵道。歸日本軍務官管轄。

四 休戰中日本軍隊之軍費。全由中國負擔。

李全權接此案。連呼條件過酷。謂天津大沽山海關皆北京鎖鑰。若歸日本軍隊占領。則帝都安固之基已壞。豈中國所能堪。要求另提寬大別案。日本全權斷言祇可修正本案。不能另提別案。李全權復謂兩國主要目的在克復平和。不在休戰。請暫置休戰問題。直入講和談判。日本全權則謂非撤去休戰問題不可。若休戰問題不先決撤否。斷不論及講和問題。李全權請延緩三日。以資熟慮。

二十八日第三次會見。李全權決言撤去休戰問題。要求即時開示講和條件。日本全權約以明日兩全權分散。李由會議所春帆樓歸旅館。出門不遠。一暴徒日平民小山六之助者。以短銃刺擊李全權。左頰負重

兩全權第三次會見與李全權之遭難

傷。日本全權聞警，馳赴旅館問慰。日天皇旋賜御醫診治。皇后賜御製繡帶，待遇頗鄭重。李全權被刺之號外一出，中外皆驚。斯時若李全權以負重傷爲辭，使事半途中止歸國，一方咎日本之行爲，一方動歐洲各國之感情，巧誘干涉。則日本對中國之要求，有不得不讓步者。故日本兩全權以爲儀式優隆待遇之外，尙須與中國以實際之利益，以滿足李全權之心。即主張無條件休戰。廣島行在閣僚及大本營諸將皆不認可。伊藤即夜赴廣島，終得勅許。三月三日，陸奧就李病床，告勅許無條件休戰之事。李全權大喜，即請於病床協議。半日間議成休戰條約如左。

一 奉天直隸山東三省地方，兩國海陸軍休戰。

二 兩國休戰軍隊，各有保持現在駐屯地之權利。但休戰期限內，不得出進現在駐屯地之外。

三 兩國政府，於休戰期限內，不得對於敵之方面，準備進擊，及增派援兵。與一切增加戰鬥力之事。然非爲現時戰地從事戰鬥之目的，而爲新兵之配布運送，則爲無妨。

四 海上運送兵員軍需及一切戰時禁制品等，仍依戰時法規捕獲之。

五 休戰期間，自本約調印之日起，以二十一日間爲限。即以明治二十八年四月二十日，光緒二十一年三月二十六日之正午爲止。若期限內和議不成時，本約即歸無効。

右休戰約第一條之規定，則休戰地域，僅限於東北三省、臺灣澎湖列島方面。依然繼續戰爭，與本條約毫

無關係。李全權苦口爭之。不得。蓋斯時日本政府決冀割讓臺灣全省也。休戰條約既成立。媾和談判開始。陸奧全權案談判順序方法。定甲乙二案。甲案將媾和條件之全體。一時提出協議。乙案將媾和條約分條提出次第協議。是也。招李全權之子李經芳自擇便宜。李經芳要求甲案。三月初七日。日本全權提出媾和案全體。送附李全權。要求四日內回覆。其概要如左。

日本媾和
要求案

一 中國確認韓國爲完全無缺之獨立國。

二 中國割讓盛京省南部及臺灣澎湖列島與日本。

甲 盛京省南部之地。以自鴨綠江口至三叉子。由三叉子北至榆樹底下。更正西至遼河。下至北緯四十一度之地點。更沿同緯度至東經百二十二度^{張家屯}止。沿該二經緯線以內之地。及遼東東岸與黃海北岸之諸島嶼。均爲割讓地域。

乙 臺灣全島。及澎湖列島。與其附近諸島嶼。均爲割讓地域。

三 賠償日本軍費三億兩。

四 以現時中國與歐洲各國所有諸條約爲基礎。結中日新條約。即歐洲列國對中國所有之利權。日本皆得享有之。此外中國更讓與左之七項。

甲 開北京、沙市、湘潭、重慶、梧州、蘇州、杭州、爲通商口岸。

乙 揚子江上流宜昌重慶間，西江下流廣東梧州間，自揚子江湖湘江至湘潭，自上海入吳淞江入運河以達蘇州杭州間，之四航路，准日本汽船自由航行。

丙 中國對於日本人所輸入之貨物，除納原價百分之二之抵代稅外，其餘一切稅金，皆免除之。對於日本人在中國內地購買之輸出貨物，無論何項稅目，皆免除之。

丁 日本人輸出入之貨物，有借貸倉庫之權利，免除入倉稅。

戊 日本國民對中國所納之諸稅及手數料等，得以日本銀貨代納。

己 日本人得在中國內地從事各種製造業。

庚 浚濮黃浦河口之吳淞淺灘。

五 爲擔保條約之實行，日本軍隊暫時占領奉天府威海衛二處，俟賠款償還，及通商條約批准交換，然後撤回軍隊。且占領中之軍費，由中國負擔。

李全權接此提案，於三月十一日，草長文駁辯書，分朝鮮獨立，割讓土地，賠償軍費，通商權利之四大綱，分段辯論之。要求輕減條件。翌日日本全權逼李全權勿徒爲怨言哀訴，須速覆全案，諾否或分條諾否之決答。同日我國政府以李全權負傷，恐礙和局，任李經芳爲全權大臣，由美公使照會日本政府，十二月伊藤招李經芳至旅館，謂『休戰期間，僅餘十四日，期以明日與確答。』李經芳以割地償金二問題，過於重大。

請再經兩國全權會商之後。提出回文。伊藤嚴拒之。謂「貴使。臣。須。熟。慮。今。日。兩。國。之。地。位。即。日。本。為。戰。勝。國。中。國。為。戰。敗。國。是。也。戰。爭。結。果。之。要。求。不。可。以。通。常。談。判。為。比。例。不。幸。談。判。破。裂。六。七。十。艘。之。連。漕。船。以。一。令。之。下。載。大。軍。向。戰。地。北。京。之。安。危。不。可。知。故。此。已。非。遷。延。日。子。之。時。」李經芳歸與父協議。翌十三日。李全權向日本全權提出修正案如左。

李鴻章
提出之修正案

日本全權
最後修正案

- 一 中日兩國共認韓國為獨立國。彼此不侵犯其獨立主權。
 - 二 割讓地。奉天省限於安東縣寬甸縣鳳凰廳岫崖州之四處。南方限於澎湖列島。
 - 三 償金為一億兩。分四年半作五次還清。無利息。
 - 四 中日通商條約。以現時中國與歐洲列國之條約為基礎。自後兩國彼此皆以最惠國待遇。
 - 五 為擔保條約實行。日本暫以軍隊占領威海衛。
 - 六 將來兩國間有紛爭。或條約上有誤解。起異議時。請第三友國為仲裁者。
- 日本全權接此案。即於十五日與李全權為第五次會見。伊藤強辯之後。提出最終修正案與李全權。
- 一 韓國獨立。不能更改原案第一條之字句。
 - 二 土地割讓。臺灣與澎湖列島如原案不變。更。奉天省南部則改為湖鴨綠江至安東河口。由該河口自鳳凰城海城及營口以南之地。并遼東灣東岸黃海北岸之諸島嶼。

三 償金減爲二億兩。分七年八回還清。每年付百分之五之利息。

四 通商條約。如原案不變更。但新開市場。減爲沙市重慶蘇州杭州四處。自由航路。改爲宜昌沙市間。與自上海入吳淞江入運河至蘇州杭州間。

五 不認設仲裁者處理兩國紛爭之條件。

李全權力爭營口不割讓。且以日本軍隊並未占領臺灣。力駁臺灣割讓無理由。然伊藤切言此係最終提案。一字不能更改。限三日送確實回答。李以俟北京回電。請延期。伊藤祇許延長一日。此間休戰期間將滿。日本運兵船陸續過馬關。李迭發電報與總理衙門。陳形勢迫切。總理衙門覆電「可爭轉一分則爭一分」。十九日李全權致總理衙門電云。「本日三十餘艘運兵船已過馬關。向大連。明日小松親王等督隊次進。明日午後爲最終會議。過期和議不成。則京師不可保。故不得已擬不俟電訓。將條約蓋印。」三月二十日。十四日。兩國全權爲第六次會見。李鴻章竟不爭一語。全認日本之要求。結構和條約二十一款。其主要如左。即光緒二十一年馬關媾和條約是也。

一 中國確認韓國爲完全獨立自主國。所有該國向中國修貢獻典禮等。自後全行廢絕。

二 中國將左開之地域。及在該地域之城壘兵器工廠及一切官有物。永遠割讓與日本國。

甲 奉天省南部。即自鴨綠江口溯江至平安河口。從該河口劃至鳳凰城海城及營口而止。所有折

線以南地方及遼東灣東岸黃海北岸屬於奉天省諸島嶼概爲割讓地。

乙 臺灣全島及其附屬諸島嶼。

丙 澎湖列島即英國格林尼址東經百十九度起至百二十度及北緯二十三度起至二十四度間之諸島嶼。

右割讓地方之中國人民願遷居割讓地方以外者准於二年內任便變賣產業遷居界外但二年期滿後尙未遷徙者即認爲日本臣民。

三 中國賠償日本軍費庫平銀二萬萬兩內一萬萬兩自本條約批准後十二個月內分二期交還餘一萬萬兩自本條約批准後七年內分六次交還未納銀每年付五釐利息。

四 兩國從前之條約一概作廢中國以與歐洲各國現行約章爲基礎速與日本結通商行船及陸路通商章程又遵行以下諸項。

中國現今已開通商口岸之外爲日本國臣民新開沙市重慶蘇州杭州爲通商口岸日本得置領事官且享有中國已開市場之一特典與便宜。

自宜昌至重慶自上海入吳淞江入運河至蘇州杭州間之航路准日本汽船自由通航。

日本臣民在中國內地購買貨品及生產物又向中國內地輸入之運送品皆有租棧房存貨之權並

免除稅鈔及一切派徵諸費。

日本臣民在中國各通商口岸得自由從事各種工業製造。又各種機器。僅納進口稅。便得自由裝運進口。

日本臣民在中國內地製造之貨物。其一切稅課。及租借棧房之利益。均照日本臣民輸入貨物之例辦理。并享受一切之優例豁免。

五 爲擔保本條約實行。日本暫以軍隊占領威海衛。俟第一第二兩次賠款交清。所餘賠款之元利。以關稅作抵。又通商行航條約批准交換之後。日本始得撤退威海衛軍隊。

本條約締結之外。更訂別約二條。規定日本占領威海衛之軍隊。不得越一旅團。駐屯地域。限於威海衛灣沿岸四十里之地。週年軍費。由中國津貼庫平銀五十萬兩。和議既終。李鴻章於三月二十三日歸國。日本旋命內閣書記官伊東已代治爲換約全權大臣。與中國換約全權大臣伍廷芳聯芳於四月十四日。在芝罘交換。

右條約。割臺灣。與擴張通商權利二事。皆在日本戰勝。應得權利之外。日本既不認韓國之獨立。又割遼東。以斷中韓之聯絡。則韓國明落日本掌握中。以後日本據旅大爲海軍根據。以制黃海渤海之海權。即扼中國北部數省之命運。據澎湖爲海軍根據。以制南海海權。即扼南部數省之命運。又大擴張商工業於中國。

內地。並。享。片。面。的。最。惠。國。條。例。以。收。永。久。利。益。則。我。國。之。損。害。實。不。可。思。議。而。尤。以。准。日。本。臣。民。得。在。中。國。各。通。商。口。岸。任。便。從。事。各。項。工。業。製。造。為。我。國。最。大。之。損。害。蓋。我。國。工。業。尚。為。手。工。時。代。不。能。與。機。器。工。廠。競。爭。茲。日。本。得。設。大。工。廠。於。中。國。各。地。任。便。製。造。則。將。我。國。人。民。手。工。之。生。計。完。全。奪。盡。又。我。國。內。地。所。造。出。之。貨。物。釐。稅。重。重。而。日。本。在。中。國。各。口。所。造。之。貨。物。准。照。由。外。國。運。入。之。貨。物。一。律。僅。納。值。百。抽。五。之。稅。或。再。納。內。地。子。稅。值。百。之。二。兩。五。錢。而。止。比。中。國。手。工。所。造。出。之。貨。其。稅。猶。少。此。中。國。工。商。業。無。由。振。興。國。民。經。濟。無。由。發。展。之。最。要。致。命。傷。也。况。以。後。各。國。援。最。惠。條。款。一。律。在。中。國。開。設。工。廠。此。為。中。國。國。民。生。計。日。促。一。切。日。用。物。品。皆。取。給。於。外。貨。之。重。大。原。因。故。此。一。點。實。比。割。地。賠。款。之。關。係。尤。重。大。尤。要。害。也。當。時。廷。臣。章。奏。數。十。件。皆。反。對。和。議。而。臺。灣。人。民。不。肯。為。異。族。羈。囚。宣。言。為。獨。立。民。主。國。哀。求。政。府。與。各。省。及。列。國。之。贊。助。朝。廷。以。無。力。挽。救。勵。行。和。約。四。月。十。七。日。諭。中。外。臣。工。不。必。再。行。論。奏。五。月。初。旬。欽。派。李。經。芳。為。交。付。臺。灣。大。臣。初。九。日。李。經。芳。會。日。將。樺。山。總。督。於。澎。湖。舟。次。舉。行。臺。灣。授。受。式。臺。民。大。失。望。

交。付。臺。灣。之。後。復。於。次。年。六。月。十。一。日。總。理。衙。門。與。日。公。使。林。董。依。馬。關。和。約。所。規。定。另。締。中。日。通。商。行。船。章。程。二。十。九。條。其。主。要。者。如。左。

中日通商
行船章程

權利相待遇。

一 日本得派全權公使駐中國北京。中國得派全權公使駐日本東京。各照公法上公使應享之一切

日本得派總領事領事副領事及代理領事駐中國之各開埠場。中國亦得派是等領事駐日本。日本領事駐中國者。享領事裁判權。及一切優例豁免之利益。中國領事在日本者。除無領事裁判權外。得享通例之權利優例。

二 日本臣民得攜家屬駐中國已開或日後約開諸通商口岸。從事商業工業。其賃買房屋。租地起造禮拜堂醫院等。享最優待。國臣民之例。

日本臣民得持執照前往中國內地各處遊歷。

三 中國現准停泊之港。如安慶、大通、湖口、武穴、陸溪、吳淞、等處。及將來准停泊之港。日本船照現行各國通商章程辦理。

日本船進中國通商各口。按噸數納船鈔。滿一百五十噸以上者。每噸納鈔銀四錢。百五十噸及以下者。每噸納鈔銀一錢。

四 凡日本臣民。向中國輸出入貨物。其所納進出口稅。照中國與各國現行各稅則。及章程辦理。比相待最優。國臣民。不得加多。或有殊異。

凡貨物係日本臣民。由別處或由日本運進中國。照章由此口運至彼口時。無論貨主及運貨者係何國人。亦無論運貨船隻係屬何國。所有稅賦鈔課釐金雜派各項。一概豁免。

日本臣民欲將貨物進售中國內地。願一次納子口稅時。准其一次完納。如係免稅之貨。而運售內地時。亦照值百兩徵二兩五錢完納。此外內地各稅。一概豁免。

日本臣民在中國通商口岸以外。購買中國貨物土產。運出海外時。除納出口正稅外。再納一子口稅而止。所有內地稅課釐金等。一概豁免。若在通商各口岸購買之中國貨物土貨。運出海外時。則不納子口稅。僅納出口正稅而止。所有內地稅課釐金等。一概豁免。若在中國各處購買之貨物。由此口運彼口時。准現行章程辦理。

此次所定稅則。及本約通商各條。以後十年酌改一次。

五 在中國之日本人民及財產。歸日本領事管轄。日本人自相控告。或被外國人控告。歸日本領事訊斷。與中國官無涉。中日兩國臣民起財產訴訟時。歸被告國之官吏訊斷。

被告國官吏。審出被告人犯罪時。準本國法律懲治。

六 日本人在中國犯罪。潛逃中國內地或船屋。經日本領事照會。中國官吏即將該犯交出。中國人在中國犯罪。潛逃在中國之日本臣民家。或中國水面之日本船上。經中國官照會。日本領事即將該犯交出。

七 中國將來對於別國國家或臣民。給予優例豁免利益時。日本國家及臣民一律享受之。

第六章 三國干涉與遼東返還

俄國干涉
之原因

法德加入
干涉之原
因

俄羅斯經營極東。欲於太平洋岸。得一自由通路。已非一日。海參威浦鹽斯 每年長期結冰。又易爲日本海軍所制。多感不便。當時俄國雖尙無占領旅順大連之意。然此地一旦爲日本所有。則俄國永絕東海之希望。日本未將媾和條約發表之前。俄國不料有割讓遼東之事。故英國連合調停之議。與李鴻章之要求干涉。俄國悉拒絕之。及馬關議和。日本提出要求案。李鴻章一方求日本減輕條件。一方將過大要求。通告駐北京各國公使。俄國政府接割讓遼東之報。遂決意實際干涉。光緒二十一年三月十五日。西四月九日 俄國開陸海軍委員會。討議以俄國之力。可否妨止日本軍隊進北京。決議「陸上無制日本軍之力。然聯合俄法二國之東洋艦隊。足制日本於海上。」遂依議實行運動。先是以歐洲政略上。有德伊澳三國同盟。牽制俄法。因此俄法亦結二國同盟以相對峙。於光緒十七年西一九一一年 俄法二國同盟愈加鞏固。故遼東事件。法國有不能拒絕俄國之關係。德意志則三國同盟之主位。與俄法對立。不易牽合者。又對於中日戰爭。首先拒絕英國連合調停之議。與日本表同情者也。至此忽一變加入俄國干涉遼東之盟。蓋斯時德意志之政略。對於歐洲方面。見俄法二國。日加親密。欲乘機與俄國相接。以薄俄法二國之感情。對於東洋方面。見日本大擴張商工業於中國。有損德國貿易利益。欲乘機挫日本。以伸勢力於東方。故此舉也。三國干涉之連

三國忠告
日本返還
遼東

動既成。三月三十日。西四月二日。駐日本俄法德三國公使。先後訪日本外務省。告以本國政府之命。勸日本政府放棄遼東半島。其詞令皆謂日本若占領遼東半島。則不僅中國之國都日危。即韓國之獨立。亦歸於有名無實。是極東平和之大障礙。應特以誠實之友誼。勸日本政府。放棄該半島之領有權。以保全平和云等語。

俄國開戰
準備

俄國原爲干涉遼東之主動力。既與德法二國對日本提出抗議。即着着準備軍力。以爲最後之對付。時俄海軍中將智爾多福統俄國太平洋艦隊。共二十九艘。約七萬三千噸。在東洋方面。而當時停泊於中日兩國各港者。同受本國政府命令。限時刻退歸本港。以示戰鬥迫於頃刻之勢。又東部西伯利亞總督統轄之現役兵預備兵共五萬。全集於海參威。該港軍務知事。以公文通知日本領事云。『奉本國政府之命。本處爲臨戰地境。』日本居留人民。多倉皇退去。俄國之決心如斯。而此時日本之形勢。全國精銳之師。悉屯駐遼東半島。又優勢之軍艦。悉向臺灣澎湖出發。本國沿海各方面。海陸軍備。全然空虛。伊藤總理急往廣島行在所。開御前會議。提議三策。『一。斷然拒絕三國勸告。二。遼東問題。附列國會議議決。三。依三國之要求。返還中國。』閣員以內外形勢。不能新增一敵國。決議行第二策。時陸奧外務養病於舞子。伊藤即夜奔舞子。徵其意見。陸奧極反對之。謂『招請列國會議。則俄德法外。必另請二三強國。到會是等強國肯參與列國會議。與否不可知。即肯參列。此種問題。一附列國會議。則各國主張自己之利益。必不能限論遼東半島。』

日本政府
之苦狀

一事而止。倘議論橫生。則馬關條約不至全體破壞。不止。伊藤以爲然。遂決行第三策。陸奧又恐中國政府乘三國干涉。不批准馬關條約。則主張對三國與對中國之政策。全然割別。卽對三國讓步。對中國絲毫不讓是也。同時陸奧電訓駐俄公使。以『日俄兩國永年親密。勿傷善鄰關係。求俄國政府再加深慮。』又電訓駐英公使。以『滿韓關係。英國有特殊利害。日本以如何報酬。始可望英國援助。問英國政府。』又電訓駐美公使。以『中日媾和。係依美國調停之力。請其勸止俄國干涉。以全調停有終之美。』逾日駐俄公使回電。『俄政府嚴拒請求。且嚴整軍備。』駐英美公使回電。『英美兩國。限於局外中立之範圍內。可與協力。』則英美二國之最後援助。已不可望。斯時惟伊太利政府。以德俄相親。恐破歐洲列國之平衡。有連

今英美以助日本之意。然勢已不能。日本政府除對三國讓步外。別無長策。

四月初七日。西四月三十日日本政府。復命駐俄國公使。以『日本除留金州廳外。其餘遼東半島。悉依俄國勸告。放棄其占有權。但日本得向中國索相當報償。』之照會。送俄國外務省。然俄國政府以日本領有旅順。與領有遼東全半島無異。毫不變其初志。其時中國政府。以三國干涉爲口實。由美公使介紹。要求日本展限條約批准與交換期間。至此。陸奧以對中國對三國之兩問題。錯雜不決。恐招不測之患。旋與閣員會議。主張全聽三國勸告。以截外交難局。而速行條約批准交換之事。閣議一決。四月十三日。陸奧外務電命駐俄德法三國公使。向俄國政府提出下之照會。『日本帝國政府。依俄德法三國政府友誼之忠告。願將遼東

還付遼東
條約

半島永久占有權。全然拋棄。』十七日駐日本俄公使向日本政府。稱本國政府之命。贊揚日本政府爲宇內謀平和。述祝詞。德法二國公使。亦次第向日本政府爲同意之宣言。其時日本換約全權大臣已向芝罘。三國政府已無他意。於是中日兩國全權大臣。遂將條約交換。日本政府旋發布返還遼東詔勅。日本國民。唏噓憤恨。痛嘆不堪。旋任林董爲駐北京全權公使。命與中國交涉還付遼東之事。至北京與李鴻章談判。數次後。於九月二十二日。西曆十一月八日締結還付遼東條約。即日本將馬關條約第二款奉天省南部割讓地。全行返還中國。而中國納庫平銀三千萬兩與日本。以爲報償。是也。至此中日戰爭全然結局。

第九章 列強分割中國之開端

光緒二十二年
至一十六年

第一節 俄國之勢力範圍劃定

方中日戰爭尙未結局之時。甘肅回匪蜂起。斯時全國軍力。專任東方防禦。回匪乘隙蔓延全省。陝甘總督楊昌濬陝西提督雷正綰等。剿討皆不奏功。及中日媾和成。喀什噶爾提督董福祥雲南巡撫魏光燾西寧辦事大臣奎順等。以大軍會剿。至光緒二十二年七月。關內外及青海全境始一律肅清。當此外患內亂交迫。國步益蒞艱難。而斯時朝廷一欲籌借日本賠款以收回威海衛。一欲整修軍政以備後患。國庫空虛。共需募外債三億兩。軍敗之餘。各國銀行皆不應募。清政府實陷於十分窮境。俄皇尼哥拉斯二世揮其偉略。下俄國政府擔保之詔。勅命俄法銀行以四分之利息。應中國初期公債一億兩。以救中國之窮困。並不向中國索何項報酬。其對於我國友誼。可謂隆厚之甚也。

然俄國對於我國此等舉動。全係市惠政策。其野心正不可懸揣。先是俄國自干涉割讓遼東以來。將大向我國索報償。因李鴻章自馬關議和歸國後。不立於中央有力地位。於是俄公使喀西尼不得依李鴻章達索償之目的。蓋李往馬關議和時。與喀西尼私約『俄國若能干涉。則中國當與俄國以何項報償。』其後

俄皇加冕
與李鴻章
使俄

中俄攻守
國密約

俄國干涉割讓遼東。雖全出於己國之極東侵略政策。然對於李鴻章之詞令。則謂實行當日之約束。以李退出中央政府。不得實行前約。於是喀西尼百方盡計。謀恢復李之勢力。及一八九六年五月二十六日。光緒二十二年四月。爲俄皇尼哥拉斯二世加冕大典。清政府派王之春爲奉賀使。光緒二十年曾派王之春往俄國。先帝崩御。賀新帝即位。至俄月十四日。爲俄皇尼哥拉斯二世加冕大典。清政府派王之春爲奉賀使。國中先帝崩御。賀新帝即位。至此復喀西尼乘機謂王之春位卑言輕。非列國信用人物。不足當俄皇加冕重典之使節。必李鴻章之人物。然後可云。且謂遼東事件。俄國有力於中國甚大。不可不確定報償條件。又日本以還付遼東之恨。將捲土重來。中國欲保全疆土。不可不與俄國爲協同防禦。故須與李鴻章全權俾得協定一切。云。清政府悉應其要求。李鴻章奉使命於三月十八日至聖彼得堡。謁見俄皇。呈國書後。俄政府恐列國大使窺破中俄密約之故。外務大臣羅拔諾甫避當談判之局。命大藏大臣德魯與李鴻章會議於莫斯科。訂結左之中俄密約。

一 日本國如侵占俄國亞洲東方土地。或中國土地。或韓國土地。即牽礙此約。應立即照約辦理。如有此事。兩國約明應將所有水陸各軍。屆時所能調遣者。盡行派出。互爲援助。至軍火糧食。亦盡力互相接濟。

二 中俄兩國。現經協力禦敵。非由兩國公商。一國不能獨自與敵議立和約。

三 當開戰時。如遇緊要之事。中國所有口岸。均准俄國兵船駛入。如有所需。地方官廳盡力援助。

四 爲俄國將來轉運俄兵禦敵。並接濟軍火糧食。以期安速起見。中國國家。尤於中國黑龍江吉林地方。接造鐵路。以達海參威。惟此項接造鐵路之事。不得藉端侵占中國土地。亦不得有礙大清國大皇帝應有權利。其事可由中國國家交華俄銀行承辦經理。至合同條款。由中國駐俄使臣與銀行就近商訂。

五 俄國於第一款禦敵時。可用第四款所開之鐵道運兵運糧運軍械。平常無事。俄國亦可在此鐵路運過境之兵糧。除因轉運暫停外。不得借他故停留。

六 此約由第四款合同批准舉行之日算起照辦。以十五年爲限。屆期六個月以前。由兩國再行商辦展限。

然當時世界喧傳之中俄密約。與此全異。卽所謂喀西尼密約者。其主要如左。

一 俄國西伯利亞鐵道。得由布拉郭威什克斯克。渡黑龍江。經愛琿、齊齊哈爾、伯都拉、吉林、琿春、接海參威線。

二 俄國經黑龍江吉林二省之鐵道。全由俄國出資築造。準用俄國鐵道規則修理。中國不得干與。滿三十年之後。中國得出相當資金買收。

三 自山海關至奉天之鐵道。俄國代中國出資築造。滿十年之後。由中國買收之。

四 自山海關、經牛莊、蓋平、金州、至旅順之鐵道。雖由中國自修。爲謀兩國通商便宜起見。准用俄國鐵

道規則築造。軌道與俄鐵道之廣狹同。

五 俄國爲保護鐵道財產起見。於各處車站。得駐屯步兵騎兵特別大隊。以資防衛。

六 黑龍江、吉林兩省。及長白山脈之鑛產。中國雖禁止開採。然此約批准後。准中俄二國人民開採。

七 滿洲之中國軍隊。聘俄國士官將校訓練。

八 俄國於東洋方面。尙無不結冰良港。爲防近時有戰爭。便俄國太平洋艦隊自由運動之故。中國以

膠州灣租借於俄國。十五年返還。

九 旅順大連及其附近地方。爲軍事上之要害地。中國須速築堡壘。嚴防戰備。俄國爲保護此二港灣。

無論何國侵略。必竭力援助中國。若事勢切迫。中國爲使俄國易於攻守起見。准俄國海陸軍得於該

二港集中。

以上二密約之性質。前者爲防日本之侵略。略似中俄攻守同盟。而俄國利用此名義。使西伯利亞大鐵道。得避迂繞。西伯利亞東部之線。俄國西伯利亞大鐵道。原擬經黑龍江北岸。更沿烏蘇里江南下。至海參
利。益。而更爲廣。貫黑龍江、吉林二省。半時無事。亦可由此鐵道。運過境之兵糧。以逞其侵占滿洲之志。後
者則全假援助中國防禦別國侵略之名義。使滿洲全立於俄國勢力範圍之下。當時各國相傳驚愕。然以

後來實際觀察之。則前者之密約較爲確實。其時李鴻章尚在歐洲漫遊中。喀西尼直持密約要求總理衙門奏請批准。恭親王以下悉不應。皇上亦拒不批准。喀西尼以間接直接之運動。清政府卒承認之。於是華俄銀行不得不實行設立。是爲俄國窺入滿洲境內之始。

初俄國貴族鄔多穆斯契倡辦華俄銀行。一爲東洋各國與俄國交通貿易設金融機關。一爲扶植經濟勢力於中國。及中俄密約成。俄國遂派鄔多穆斯契來北京。以報加冕使之禮。多攜珍貴品物。廷貴皆有所獻貢。及提設立華俄銀行之議。不稍生制礙。清廷遂於光緒二十二年七月二十日。命駐俄公使許景澄與俄國結華俄道勝銀行契約如左。

一 中國政府出庫平銀五百萬兩。與華俄道勝銀行合同營業。自此款交付該銀行之日起。其一切贏虧照股金分派。

二 每年俄曆一月一日。該銀行爲總決算。依中國政府之股金以定準率。至年末核算中國政府之總贏虧。依此準率以庫平銀計算。

三 該銀行章程所得利益。先提若干爲各總辦之酬勞金外。其餘之利益。照中國政府與該銀行之股金分派。但此分派之利息。各出一分爲存款。作資本計算。

四 該銀行之月報年報。經股東總會審議。由中國駐該銀行管理人遞交。稟清鐵道之中國總辦查閱。

五 若該銀行因事故或損失閉鎖時。清算之後。中國政府之股金。除損失外。所餘之資金。由銀行交還。此條約之內容。毫不能發見有損害我國之處。蓋各國對我國之慣用手腕。常於正約上爲寬大之文語。而於附約或別項條例中。以簡單數言。規定其權利。俾我國不及注意。俄政府既與我國結此契約。旋草華俄銀行條例九章。共數千言。其第二章銀行業務之第十項規定對於中國之業務如左。

華俄銀行
對於中國
之業務

一 領收中國內之諸稅。

二 經營與地方及國庫有關係之事業。

三 鑄造中國政府許可之貨幣。

四 代還中國政府募集公債之利息。

五 布設中國內之鐵道電線。

華俄銀行
略之政治侵

此數語之精神。卽以一銀行之名。義。實行政治上之侵略。凡中國之財政事業。經濟事業。無不壟斷之。殆與本國之國立銀行無異。政府昧於遠見。卒承認之。於是俄國實際侵略我國之基礎。得十分作成。是爲俄國侵入滿洲及內地之始。

東清鐵道
會社條約

華俄道勝銀行契約成立之第三日。駐俄公使許景澄復與銀行訂結東清鐵道會社條約。蓋中俄密約。俄國所獲築造滿洲之鐵道權。不能發表。至此遂假由中國政府之命。委任兩國共同出資之華俄銀行承辦。

也。該條約爲後來滿洲問題大有關係。特錄全文如左。

中國政府現定築造由俄國赫塔城。接續南烏蘇里河之鐵道。其築造。經理之一切事務。全委任於華俄銀行。使其承辦。特約定左之各條。

一 華俄銀行爲建造經理該鐵道。別設一會社。名中國東三省鐵道會社。該會社之印章。由中國政府製造給付。該會社之章程。照俄國鐵道會社之成規定之。總股票准華俄兩國人民購買。該會社之總辦。由中國政府選任之。其公費由該會社支出。總辦之責任。隨時查察該銀行及鐵道會社果實力奉行中國政府委任之事務否。該銀行及該會社與中國政府及地方官交涉事宜。歸該總辦經理。該銀行與中國政府往復之計算書類。該總辦得隨時查察。該總辦住北京。該銀行亦派管理人住北京。便就近商辦一切事務。

二 勘定該鐵道之線路。由中國總辦所派之員。與該會社委員及鐵道經過地之地方官。共同和衷辦理。但遇有墳墓村落城市之時。須設法迂繞。

三 本約批准之日起。十二個月以內。該會社即應着手工事。勘定線路。及將敷地交與會社之日起。六個月以內。一切工事即應竣成。至鐵軌之廣狹。與俄國之鐵軌同一。俄尺五幅地。即中國尺四尺二寸半。

四 中國政府諭令各處地方官。關於該會社建造鐵道必要之材料工夫僱入及水陸運送之船車夫馬四馬糧等。須竭力補助之。皆依市價。由該會社自行買取。至其運送事項。中國政府應設簡便敏捷之法。

五 鐵道及鐵道使任人員。中國政府應設法保護之。凡因經理鐵道僱用內外國人均由該會社之便。鐵道關係之地方有人命盜案爭訟等件。地方官照條約辦理。

六 該會社認建造鐵道與經理防護之必要地方。又鐵道附近開採砂土石塊石灰之必要地方。此等地方若係官有地。由中國政府給付不納地價。若係民有地。由該會社依時價向地主買收。而該會社之所有地概免地稅。准該會社一手經理。建造各種家屋并電線。以專供鐵道之用。除開礦地方別定辦法外。凡該會社之收入。即由轉運乘客及貨物之收入概免稅釐。

七 凡該會社建造鐵道或修理鐵道之必要物件。皆免除各種稅釐。

八 俄國海陸軍隊及軍械通過國境之時。該會社直任運送之責。除沿途暫時停車外。不得託他事逗留。

九 外國乘客由此鐵道入中國內地者。必持有中國之護照。若無護照者。概不准進入中國內地。

十 貨物及手提物。自俄國經鐵道至俄國境內者。如自西伯利亞至海參威。一切概免釐稅。但此種貨物除

手提物之外。須積載於別之車輛。入中國邊境之時。由其地之中國稅關固封之。至出國境時。亦由其地之中國稅關檢查之。若查驗途中未開封。許其通過。若查有開封之事。則沒收該貨物。

自俄國經此鐵道運送至中國。或自中國經此鐵道運送至俄國之貨物。各照本國通商稅則徵輸出入之正稅。但中國對於此稅照海關進口正稅減三分之一徵收。若運送至中國本部之時。則再照海關進口正稅減二分之一課通過稅。以後通關過卡。概不重徵。若不納通過稅者。逢關徵稅。遇卡抽釐。中國於此鐵道交界之兩地點。設置稅關。

十一 乘客之車價。貨物之運價。及起卸貨物之運搬費。由該會社定之。但中國公用文書等類。免納稅金。中國海陸軍及軍械通過之時。祇納運價半額之通過稅。

十二 該會社自鐵道開車之日起。八十年內。鐵道所得之總利益。歸該會社所專有。若有損失時。該會社自彌補之。中國政府不為保障。八十年期滿之日。鐵道及鐵道之一切財產。無條件全歸中國所有。中國不納償金。又自開車之日起。三十六年後。中國政府有收買之權。即該鐵道使用之資本。及所負債務。並利息。通盤合計之額。中國照數給與。而會社以所得利益。按股分派。尚有賸餘之時。則全歸中國所有。中國即於償金內扣除之。中國政府將該償金存於俄國銀行之後。始得收管該鐵道。又鐵道開車之日。該會社即將中國政府之庫平銀五百萬兩交還中國。

此條約之最大注意點。所規定中國權利全屬虛文。所規定俄國權利則甚廣大。而後此俄國所發實權更逸出此約範圍之外。如總股票准華俄兩國人民購買。其實爲俄國獨有。而最後一條且規定開車後將中國庫平銀五百萬兩全數還清。則兩國合營華俄銀行之契約被一筆勾消。又第十條中國於鐵道交界之兩地點。有設置稅關徵收關稅之權。然該鐵道竣工後徵收稅課之事不能實行。該鐵道以光緒二十九年竣工。中國於光緒三十三年始與俄國議定試辦北滿稅關章程大綱。規定各車而俄國則除享本條約規定權利外更享條約外之無稅貿易權。後日且假本約第六條之文字爲爭哈爾濱行政權之張本。尤不僅此。俄政府於締此條約之後。旋於同年十一月發布東清鐵道條例三十條。悉得清政府之承諾。此條例爲異日滿洲問題之最。大關係者。一爲開採礦山。一爲置警察隊之事。其第一條規定採礦條文如左。

會社經中國政府之許可得採掘與鐵道連帶或與鐵道無關係之炭礦。且同時得營中國之別礦業及商工業。

其第八條規定警察條文如左。

爲保護鐵道及附屬地段內之安寧秩序。會社委任警察部執行其事。因此會社得制定鐵道之警察規則。前者規定會社之探礦權不設限制。無距鐵道左右若干里。遂起後來無窮之損害。後者之警察權更起不。

可。思。議。之。問。題。即。準。此。條。例。俄。國。於。鐵。道。沿。線。僅。得。設。警。察。而。止。然。俄。自。鐵。道。竣。成。之。後。於。鐵。道。沿。線。或。置。本。國。軍。隊。或。設。華。俄。護。勇。變。警。察。而。為。軍。隊。其。違。反。條。約。之。處。實。誠。不。可。思。議。則。俄。國。無。設。軍。隊。之。權。
要。之。俄。國。陽。假。干。涉。遼。東。之。報。償。與。共。同。防。禦。日。本。之。侵。略。為。口。實。而。陰。定。攫。取。滿。洲。為。己。有。之。政。略。清。廷。當。局。昧。然。不。知。一。誤。再。誤。步。步。趨。入。於。俄。國。之。網。羅。中。俄。政。府。遂。得。以。一。合。立。銀。行。與。私。立。會。社。之。名。義。奪。北。滿。洲。置。於。己。國。勢。力。範。圍。之。內。至。此。俄。政。府。對。於。北。滿。洲。之。侵。略。政。策。全。告。成。功。

光緒二十三年十月。德國以宣教師被害。占領膠州灣。俄以德占膠州灣為口實。於十一月二十五日。命西伯利亞艦隊入旅順口。旋以防禦他強國侵犯滿洲為詞。要求租借旅順大連二港。且要求築造自哈爾濱至旅順之鐵道權。時英國政府雖不反抗俄國租借旅大。然以俄國對於旅大若為軍事上之占領。則開瓜分中國之端。勸其將旅大開作商埠。然俄政府以各海軍國皆於中國有海軍根據地。俄國不應獨無。拒絕之。光緒二十四年三月初三日。駐北京俄公使巴布羅福與李鴻章張蔭桓結旅順大連租借條約。其主要者如左。

- 一 中國將旅順口大連灣二處及其附近一帶之地以二十五年為期限租借與俄國。但期限滿後得由兩國會商斟酌續借。
- 二 旅順口作為俄國海軍港。祇准中俄兩國船舶出入。大連灣開為商港。各國船舶皆得出入。

旅順大連
租借續約

中俄勘定
大租界

三 俄國自備經費於大連旅順建築砲臺營壘中國軍隊不准在界內住居
四 自哈爾濱至旅大之鐵道與自牛莊沿海濱至鴨綠江之鐵道由俄國築造
此條約締結月餘更於聖彼得堡締旅大租借續約如左。

一 自遼東西岸亞當司港起穿亞當山背至遼東東岸貓子灣劃一線其以南之水陸為租借區域
金州城之行政權及警察權雖歸中國所有然中國舊屯軍隊悉撤退金州之外代以俄兵
中國民無使用海岸之權。

二 自遼東西岸蓋平河口經岫巖沿小洋河至大孤山港劃一線其以南至租借線界以內之地為中立地。

非俄國許可凡中立地及沿岸與中立地內鐵道礦山商工業等不得讓與他人。

以上二條約締結之後俄國政府向各國宣告大連為自由貿易港至此三國干涉遼東半島一變而為俄國所有俄國積年所望東洋方面之不凍港得全達其目的此後惟着着經營旅大之防備是務
光緒二十五年三月二十八日兩國專派委員勘定租借地境更約左之數項。

一 租借地內東西岸附近水面諸島嶼歸俄國享用
二 中立地東西岸附近冰面諸島嶼依中立地辦理。

俄改遼東
租地爲關

俄國侵略
南滿洲之
成功

俄國攫取
京漢鐵道

三 遼東半島以南之廟列羣島。雖不編入租借地內。然中國不得讓與他國。或他國人享用。又不得開爲通商口岸。該島內礦業及工商利益。亦不得讓與他國人民。

同年八月。俄政府以遼東租借地改建關東省。置總督治之。以旅順爲首府。原俄國除本國本部外。如高加索。中央亞細亞。西伯利亞。諸領地。皆設總督治之。以短期之遼東租借地。亦行領內之制度。其視二十五。年之租借期。爲虛設之具文。已可想見。夫俄國對於北滿洲之侵略。尙用柔滑浸潤之術。其對於南滿洲。則純出強暴橫奪之策。不顧逼日本返還遼東之口實。不辭開瓜分中國之端緒。惟依鯨吞之慾望。將囊括滿洲爲己有物。而我國羸弱無力。拒寇不能。惟有束手以待其宰割。於是南滿洲之廣大區域。旅順之東洋第一要塞。悉劃歸俄國勢力範圍之內。

中日戰敗之後。中國自悟交通不靈。致軍事政治上多生缺憾。而認南北貫通之路爲尤急。於是築造京漢鐵道之議起。然該鐵道築造費。共須五千萬兩。本國僅籌得一千三百萬。餘三千七百萬兩。不可不仰資外國。戰敗之後。財政上之信用大失墜。各國對於該鐵道貸款。皆付過酷之條件。不能成議。俄國陰誘比利時合股公司。僅以鐵道擔保借款之輕條件應之。光緒二十三年四月初六日。鐵道督辦盛宣懷與比國合股公司。先後訂借款契約二章。比公司於第一期繳款之時。忽倡條件過輕之故。不能履行。要求更改條約。我國不得已。於翌年五月。命盛宣懷復與比公司訂第三次契約。約中規定「自保定至漢口之鐵道建築費。

俄國攫取
山西鐵道
權

關外鐵道
借款之英
俄衝突

英俄協約
劃蒙古爲
俄國勢力
範圍

由華俄道勝銀行出資，而該銀行即得承辦該鐵道之權。於是江北大幹線之鐵道權歸俄國。所有同年山西省商務局倡修正大鐵道，借華俄道勝銀行六百八十萬兩，附六分息，限二十五年償還。並規定：「如期內不能還清，則銀行有代管該鐵道之權。」山西煤礦足供全球一年之用。俄國既得蘆漢鐵道，復擴勢力於山西，政略上之計劃，乃覺完美。先是英國聞俄假比公司之手，獲蘆漢鐵道之實權，恐其蹂躪揚子江之利益，揚子江爲英國勢力範圍向總理衙門質問虛實。王大臣力辯其妄，及契約成立之後，英亦無可如何。英公使遂急與我國結關外鐵道借款契約，即以二百三十萬鎊，借與中國修山海關至新民屯與牛莊之鐵道。而以前內外鐵道作抵，是也。英之此舉，所以斷俄國滿洲鐵道與蘆漢正大鐵道相聯絡，且阻俄國馳騁北部數省之勢也。俄公使甚憤之，迫總理衙門破棄關外鐵道借款契約。英公使嚴拒之。英俄衝突甚激昂。英外務大臣巴爾忽爾招駐英俄公使烈斯薩至外務省，爲嚴峻談辯。曰：「俄國若干涉英國純然商業上之業務，與侵害英國條約上之權利，斷非容易之事。烈斯薩別出一案，規定英俄對中國之鐵道範圍，即『俄國承認揚子江爲英國鐵道築造範圍，英國承認滿洲爲俄國鐵道築造範圍。』」巴爾忽爾雖大致同意，然主張關外鐵道，英國之既得權，不可不保有。結局於一八九九年光緒二十五年四月十六日，俄國之外務大臣穆拉威福與駐俄英公使查爾斯可德於聖彼得堡，結有名英俄協約，即規定：「揚子江流域爲英國之鐵道築造範圍，長城以北爲俄國之鐵道築造範圍，互相承認，不相侵害。」於是滿洲蒙古之地，俄國居然明認爲己。

之勢力範圍。我國亦不能如之何。此協約不經我政府之認可。僅由英俄二國自爲議定。相互承認其在中國之勢力範圍。以視十九世紀列強之處分亞弗利加。祇爭一間耳。

第二節 德國之勢力範圍劃定

德意志自十九世紀後半期以來。商工業日隆盛。人口益增殖。急圖擴張殖民地。以發展國力。於是對於亞弗利加、南洋各處。力索殖民良地。而東洋貿易。以中國爲最太利益場。又值極東問題發生。德遂注意中國海灣。而欲求一貿易上軍事上之根據地。頻遣人測量中國海岸各港口。於四十年前。德地理學者某、研究膠州灣爲最有望之地。光緒二十一年。俄促日本返遼東。德意志爲有力之援助。翌年俄皇對中國斡旋外債。獨與法國協同。不謀於德。又翌年中俄密約成。俄國對於遼東之干涉。得最大報償。而德毫無所獲。非其所能甘心。然以歐洲政略上之關係。亦不肯顯怨俄之情。斯時德外交家出雙全之策。遣密使德璫琳李鴻章顧問與俄密使伯爾諾福會議。唆俄國乘日本海軍尚未擴張之前。占領旅順口。而德先占領膠州灣。以資俄國占領旅順之口實。此議爲俄政府所歡迎。於是二國方俟機以決實行。不數月有山東暴徒殺德國宣教師之事。德遂借此爲占領膠州灣之機會。

曹州教案

德俄密議

光緒二十三年十月初七日山東曹州府鉅野縣暴民鬧教殺德國教師二名。暴徒多係山東巡撫李秉衡

解散之遊勇。被殺二教師。係山東南部牧師長。德國高僧安守之弟子。安守以光緒五年入山東傳教。光緒十二年被羅馬法王任爲山東南部牧師長。先是咸豐八年。中法天津條約。法國得保護在中國天主教徒之權。凡各國之天主教徒。皆由法公使保護。德相畢斯麥自一八八三年以來。認本國殖民政策。有利用宜教師以行政治上目的之必要。於是對於在中國天主教徒。屢欲破壞法國獨力保護權。一八八七年。光緒十三年。安守歸柏林。畢斯麥優遇之。告以後布教事業。由德國政府懇勸保護。勸將山東南部之天主教會。改置德意志帝國管轄之下。安守牧師欣然承諾之。自是山東南部天主教會。與法國公使無關係。故曹州教案之起。德遂直接出兵。

德國之出兵
 初。教師被殺之報。至柏林。德皇即命海軍少將齊德黎。率鐵甲巡洋艦一艘。二等巡洋艦三艘。先赴膠州灣。旋任皇弟顯理親王爲極東巡洋艦隊司令長官。率大艦隊。續向膠州灣出發。齊德黎以十月十九日抵膠州灣。逼青島礮臺守將高元章退出礮臺。直占領之。翌日占領膠州府城。駐北京德國公使海靖。以膠州府城占領之次日。始向總理衙門交涉。要求左之六款。

賠償及德公使之罰案

- 一 巡撫李秉衡革職。永不叙用。
- 二 給教堂建築費。六萬六千兩。賠償盜竊物品銀三千兩。
- 三 巨野河澤潭城單縣曹縣魚臺武涉之七處。各建教師住房一所。共給工費二萬四千兩。

四 擔保以後永無此等事件發生。

五 以兩國入資本設立德華公司。築造山東全省鐵道。并許開採鐵道附近之礦山。

六 德國因辦理此案所費之數百萬兩。均由中國賠償。

總理衙門數次折衝。將第一款刪除永不叙用四字。第二第三兩款全承諾之。第四第六兩款全削除之。第五款許以自膠州灣至濟南府一段鐵道。由德國築造。議漸就緒。忽曹州復有驅逐教師殺害洋人之說。德公使復翻前議。時顯理親王率大艦隊抵膠州灣。忽向總理衙門要求租借膠州灣九十九年。王大臣驚愕無措。因教案之結果。要求築造鐵道。開採礦產。已超越本問題以外。而非情理之正。况租借地域耶。然大軍已抵膠州。非恃口舌所得空爭。我政府不得已。於光緒二十四年二月十四日與德公使另訂租借條約三章。

第一章 膠州灣租界

一 灣內各島嶼及灣口與口外海面之羣島。又灣東北岸自陰島東北角起。劃一線東南行至勞山灣。止。灣西南岸自齊伯山島對岸劃一線西南行至笛羅山島止。又灣內全水面以最高潮為標之地。為租借區域。

二 租借區域德國得行使主權。建築廠臺等事。但不得轉租與他國。中國軍艦商船來往均照德國所

膠州灣租
借條約

定各國往來船舶章程一例待遇。

三 租借期限以九十九年爲期。如期限內返還中國。則德國在該灣所用款項。由中國償還。另以相當地域讓與德國。

四 自膠州灣水面潮平點起。周圍一百里_{中國}之陸地。爲中立地。主權雖歸中國。然中國若備屯軍隊。須先得德國之許可。但德國軍隊有自由通過之權。

第二章 鐵道礦務辦法

一 中國准德國在山東築造自膠州灣經濰縣青州等處。至濟南。及山東界。又自膠州灣至沂州。經萊蕪。至濟南之二鐵道。

二 鐵道附近左右各三十里_{中國}內之礦產。德商有開採之權。

第三章 山東全省開辦各項事務之法

一 以後山東省內開辦何項事務。或須外資。或須外料。或聘外人。德國有儘先承辦之權。

此條約之性質。租借地域。於租借期限內。德國除不能租與他國之外。有完全主權。租借地外之中立地。雖承認中國主權。然中國不得駐兵。而德國則有軍隊自由通過之權。不稍受制限。又許與鐵道礦山權。與全省開辦事務之優先權。則山東全省悉劃入德國勢力範圍_{行使政治與利益範圍。掩商工業優之。內本條}。

山東全省
劃入德國
勢力範圍

約締結之後。翌年一八九八年西四月二十七日。德皇對於國內發布左之勅令。

依一八九八年三月六日朕之政府與中國政府在北京締結之條約。其所指定之膠州灣領土歸德意志帝國之所占有。茲朕以帝國之名。置該領土於朕保護之下。

註 德國保護領法第一條「德意志保護領之保護權。以帝國之名。由皇帝行之。」蓋德意志殖民地之保護實權。無論軍政民政。全集中於皇帝。故稱置該領土於朕保護之下。

依此勅令。德意志政府直以有期租借之膠州灣與德意志獲得之殖民地同一待遇。遂改其名稱爲「膠州灣保護領」。然其統治膠州灣之制度。則與統治他殖民地之制度絕不同。卽德自一八九〇年以來。凡殖民地之中央行政機關。統歸於外務部之殖民局轄理。獨對於膠州灣。則令其歸海軍部所轄理。一八九八年一月二十七日之勅令其用意。蓋以經營膠州灣之目的。全重軍事上之施設也。其知事以海軍少將充之。其行政之組織。區分軍務民政二項。民政分內務部長。與華人事務部長。華人事務部長之下。置華人事務長官一人。劃全區爲青島市街與李屯二區。青島區長。專任華人訴訟事務。李屯區長。除任華人訴訟事務外。兼辦警察及其他行政事務。蓋現時各國對於殖民地人民之司法制度。與對於殖民地本國人民之司法制度。判然劃別。卽對於本國人民。司法與行政分離。對於殖民地人民。司法與行政混合。李屯區長。除掌訴訟外。兼任行政事務者。蓋視華人與未開化之土人等。無區別行政司法之必要也。監獄亦白人與華人不同至其經營鐵道礦山

德華公司
之經營鐵
道令

德華公司
之經營鐵
山令

- 之事務。則德政府於結約後。命本國商會組織德華合股公司。其關於鐵道對該公司之命令條文如左。
- 一 自青島經濰縣。至濟南之幹線。及博山支線。公司於五年之內。便應建設開業。
 - 二 軌道準普通廣軌。為一米突四三五。暫用單線。俟將來改為複線。
 - 三 公司分派利益上五分之時。對於膠州灣修繕港灣費。及一般行政費。有負擔其一部之義務。
 - 四 德意志帝國於六十年後。有買收該全部鐵道之權利。
 - 五 膠州灣知事有監督公司一切之權。
- 其關於鑛山對該公司之特許及命令條文如左。
- 一 五年以內。公司若能發見鐵道兩側三十華里以內之一切鑛產。准其有鑛山所有專權。
 - 二 為實行上條之權利。公司於三個月內。創立一個或數個之殖民地公司於膠州灣保護領內。
 - 三 公司資本金為千二百萬馬克。開辦費資為三百萬馬克。資本由德華兩國人募集。每股為三百馬克。
 - 四 前期經過後十年間。尚不能完全開採。則取消其鑛山所有權。
 - 五 鑛山公司分派利益上五分之時。對於膠州灣之修繕港灣費及一切行政費。有負擔其一部之義務。

六 公司依帝國政府之希望。以所採掘之石炭。先充帝國海軍之所需用。

觀以上德國政府對於膠州灣及鐵道鑛山之勅令法令。不僅視膠州灣租借地爲德領。且鐵道所通之處。鑛山隨之。使皆爲實際之開設。其對於山東全省爲積極之侵略。實可概見。及英德協約成。光緒二十四年八月爲津鎮鐵道之自天津至山東南境之鐵路。又歸德國所有。於是德國勢力所及。且超過山東範圍之外。要之以殺害二。宣教師之故。爲此重大之結果。實國際上所罕見。當時與東洋有利害關係諸國。皆默爾不干涉者。則因俄德早有密議。法惟俄意是從。美國對中國無政治上之勢力。日本則內政尙未清。對於俄租旅順。尙不能干涉。更何力及此。英則與德之交誼頗深。先年協同應中國外債一億兩。而顯理親王率艦隊向膠州灣時。寄航英國。訪女皇。與訂「英征蘇丹德守中立」之約。故英政府亦默然也。

第三節 法國之勢力範圍劃定

干涉遼東返還之三國中。對中國似索報償。而得利益最早者。法國也。中日和約以光緒二十一年四月二十四日在芝罘交換。同年五月二十八日。駐京法公使智拉爾。與慶親王奕劻結中法境界及陸路通商續約專條二章。其關於境界者。法國領土擴張至湄公河上流東岸江洪之地。關於通商者。新開思茅河口爲貿易場。得兩廣雲南鑛山權。安南鐵道延至中國境內權。陸路關稅減輕權。思茅至安南。接續電線權等如第

海南島不
割讓與他
國之許可
龍南龍百
之鐵道權
與兩廣雲
南礦山權
之許可

七章所述該條約之權利。法公使於中日戰爭時。早向總理衙門要求。至此時成功。類似干涉遼東之報價。其實遼東報價。非可以此輕廉條件了局也。法國自伸勢力於雲南廣西以來。多派商工業團體。組織調查委員會。深入兩廣雲貴四川諸省。考察農工商鑛之實狀。與英國經營各省之程度。均作詳細報告。以啓發國人。於是法國對於我南部數省商業上之經營。與政治上之方針。益確定。光緒二十二年。法公使勸我國再興福州船政局。訂擔任再興契約。自是福州船局實權。仍歸法人之手。同年十二月之英法協約。即一八九六年一月十五日之英法協約詳第七章法國所獲我國南部數省之利益。被英國同樣享受。於是法國再求發展權利於中國。光緒二十三年二月。法外務大臣伊穆哈多命駐北京公使伊穆哲拉向總理衙門要求左之二款。

一 海南島不割讓與他國。

二 延長龍州鐵道。開採兩廣雲南鑛山。修繕滇安間通商道路。

前項總理衙門以二月十三日覆公文。誓海南島不割讓與他國。後項於五月初十。覆下之公文。『鐵道。俟諒。山。龍州。線。修。成。後。可。更。延。龍州。至。南寧。與。龍州。至。百色。之。線。開採兩廣雲南之鑛山時。依前約法國有儘先商辦權。紅江之航路。與由河口經蠻耗蒙自至雲南省城之道路。中國即時起工修繕。』
光緒二十四年。列國對中國之形勢一變。即正月十八日英結揚子江不割讓與他國之約。二月十四日。德結租借膠州灣之約。三月三日俄租旅順大連。三月四日日本約福建不割讓與他國。列國之宰割如斯。法

兩粵雲南
不割讓與
他國之許
可

滇越鐵道
橋之許與

廣州灣租
借條約

政府豈能袖手傍觀。斯時法外相伊禮哈多。以保均勢爲詞。命駐北京代理公使伊禮秋貝爾。先後向總理衙門提出左之要求案。

一 廣東廣西雲南三省不割讓與他國。

二 自東京至雲南府之鐵道。由法國築造。

三 租借廣州灣九十九年。

四 郵便事務由總稅務師。英人分下時。用法人承辦。

右案第四項。以英國之反抗。不能成議。第一第二兩項。總理衙門於三月二十日覆公文承認之。第三項之廣州租借。總理衙門雖大體承認。然租借區域與期限問題。兩相抗議。不易協定。翌二十五年。法國派提督克爾若爾。中國派廣西提督蘇元春。爲劃境委員。彼此強硬不相讓。動有國際破裂之勢。此間法公使與本國政府之往復公信。前後至四十九通。其談判困難情形。亦可想見。忽廣州灣附近遂溪縣法國士官二名。宣教師一名。被地方殺害。法新任外相德爾喀色。向克爾提督。下嚴厲訓令。克爾提督遂以勦暴徒爲名。率艦隊直逼港內。蘇元春不得已讓步。法亦縮小區域。於二十五年十月十四日。兩提督締結租借廣州灣條約如左。

一 陸地。南。自。遂。溪。縣。所。屬。通。明。港。沿。官。道。北。至。志。滿。墟。東。北。轉。至。赤。坎。更。東。進。調。神。島。北。部。復。東。至。吳。

川縣。屬西礮臺後面之間。水面自吳川縣之海口外三海里。中國之水面起沿岸西進至南通明港口外三海里之間。又東海島。卽礁州島之全部。皆爲租借區域。

二 租借期限爲九十九年。

三 期限內全屬法國管轄。得爲軍事上設備。又對於人民得發布法令。但不妨害中國之主權。

四 中國船舶往來。準中國各通商口岸同一待遇。

五 赤坎至安鋪之間。法國得設鐵道電線。

廣州灣內水尋深。東口南口共逼狹。足妨外敵。法據此爲海軍根據地。一足以爲安南方面之防衛。一足以扶殖兩廣之利益。且與香港對峙。欲與英國保平衡之局。至此法國對於中國所獲之勢力範圍。與利益範圍。比之各國。不稍有遜色。又同年四月。法宣教師伯爾德勒被殺於廣西。法政府更要求南寧北海間之築造鐵道權。以爲賠償。總理衙門亦承認之。

第四節 英國之勢力範圍劃定

光緒二十二年八月。喀西尼密約現於字林日報也。各國驚駭。英國尤大注意。斯時英政府暫以中國割江洪地與法國。爲背光緒二十年之中英協約爲口實。先於英法協約中。規定得與法國同享雲南四川之權。

馬子江
或割讓
及其他
承認項

總稅務
司
永聘英
人之
原因

利。次於光緒二十三年正月爲中英新協約。規定中國開騰越、思茅、梧州、三水、甘州等處爲通商口岸。又許滇緬鐵道相聯絡。詳第七章同年十月德海軍突然占領膠州灣。英國方籌反抗。忽德皇弟顯理親王於東侵途次親訪女皇。許以英征蘇丹。德守中立之約。女皇政府一時不能伸反抗之意。然對於極東之政策。卽以斯時確定。其時中國募第三次外債。將落於俄人之手。英公使與德公使相提攜。仍於英德銀行募集一億兩。其條件之一。英公使要求開大連灣爲通商口岸。以制俄國於機先。俄公使巴布羅福極力反抗之。其議遂不成。至十一月二十五日俄西伯利亞艦隊忽然占據旅順。英公使瑪德納特遂於翌年二十四年正月。以本國政府之命。向總理衙門提出左之要求。

一 揚子江沿岸各省之土地。不得租借割讓與他國。

二 開放內河。參觀內港行輪章程。

三 二年後開長沙爲通商口岸。

四 中國總稅務司。永久雇聘英國人。

總理衙門接此要求案。次第承認之。英公使要求第四項總稅務司。襲任英人之件。淵源頗深。初康熙年間。於寧波福州上海廣東設四海關。課外國商稅。委幫商經理其事。弊竇百端。誅求頗苛。英商屢請減輕稅額。不達目的。至鴉片戰爭。南京條約第十條。規定『進口出口貨稅餉費。均秉公議定則例。』於是洋商希望

之新海關得成立。自是稱原其課稅方法。由各國領事接貨課稅。交與中國政府。因各領事各徇其私。我政府遂於咸豐元年廢其制。改由本國官吏直接課稅。咸豐三年。洪秀全之兵占領上海街市。關吏逃走。稅關閉鎖。託英美二國領事。照洋商貨單徵從價值百抽五之稅。轉交上海道。咸豐四年正月。仍以上海道。避居租地。為稅關長。以其貪婪無智。英美法三國領事。遂請改良稅關之組織。時稅關全在各國保護之下。我國不得已命上海道於同年六月與三國領事協商。約「以三國領事推舉之代表人為稅務監督官」。於是三國各派代表入上海稅關。為稅務司。是為我國稅關。染指於外人之始。三稅務司雖立於平等地位。然矣稅務司徵德者。後為北京公使富才氣。善華語。又海關事務大部分皆係英商貿易。故徵德名譽特高。實權漸歸其手。徵德在任一年。讓其職於譯官勒伊。勒伊才學。不劣於徵德。在職中稅關大發展。稅額大增加。我政府甚喜之。然外商多嫌其稅重。屢欲改輕稅則。咸豐八年。英法軍入寇。天津條約中特規定改訂稅則。同年十月。我國欽差大臣桂良花沙納何桂清與各國公使會於上海。協商新稅率。結果我國任勒伊為總稅務司。總攬海關稅務。當時隸屬於理藩院咸豐十一年。勒伊請假歸國。以廣東海關副稅務司英人赫德赫生於道光十五年。咸豐四年為香港英國監督貿易官之書記官。咸豐九年。我政府以外人為稅務司較本區官吏為優。於是廣東海關亦任外國人為稅務司。赫德遂獲廣東副稅務司之職。理其職。及同治二年。遂任為總稅務司。赫德就任後。統一事權。誠實盡職。海關業務大發展。英國商務亦於隱隱中受大利益。至此時列國以犄角之勢。競爭中國之權利與利益。總稅務司之要職。遂亦為列國窺覷。

之一。其後任問題。非僅爲個人問題而止。實爲國家問題所關。此英公使向總理衙門要求。讓任英國人之所以也。

英政府聞俄人租借旅順之說。一方勸中國拒俄要求。一方忠告俄國開旅順爲通商口岸。勿爲軍事上設備。俄政府拒其忠告。申明旅順爲軍港。於是英國政府援均勢之例。命英公使向總理衙門要求。以俄租旅順之條件。英亦租借威海衛。其口實則謂俄以旅順爲軍港。則中國異常危險。惟以威海衛租與英國。庶足制俄國之跋扈云。斯時我國北洋海軍根據地之旅順。已被俄國占據。威海衛尙以擔保賠款爲日軍所占領。王大臣多設口實。希圖拒絕。然英公使強硬不屈。表最後之決心云。『能毀俄租旅順之約。則英不租威海衛。』王大臣愕然。廟議遂決。以光緒二十四年五月十三日。命慶親王與英公使瑪德納特締結威海衛租借條約如左。

威海衛租
借條約

一 威海衛灣內之水面。全部灣內。劉公島。及諸島嶼。與沿灣濱岸。達內地十哩。合中國之地。爲租借區域。

二 以俄租旅順二十五年爲期限。

三 租借地歸英國管轄。但限於不妨礙租借地之兵備。中國官員仍可在城各司其事。灣內水面。中國兵船仍可使用。

四 格林尼址東經一百二十一度四十分以東之海岸。即粵海州以東至榮成角之北海岸及附近。爲中立地。歸中國管轄。但英國得於城內擇地戍兵卒。築砲臺。爲一切防護。與適用諸事務。如修道路設醫院諸事。又域內除中英二國兵外。不許他國兵進入。

同年四月三月。中法談判時。中國政府對法公使許不割讓兩廣雲南三省與他國。又廣州灣之租借。亦大體承認之。英政府以己國對於中國南部數省之勢力。將被法國蹂躪爲口實。遂要求租借九龍地方。以爲抵制。九龍半島。北方高巒層起。俯瞰香港。巒上若建砲臺。則香港街市。瞬刻可碎。故英政府乘機要求之。然中國對於香港之軍備。早已悉心。况擴張至大陸耶。又以兩廣地早與法約不割讓與他國。故總理衙門對於此要求。始爲嚴行拒絕。既以英公使強硬之故。不得已欲以九龍山上不築砲臺爲條件承認之。然英公使毫不讓步。憤然曰。『中國租廣州灣與法國。以危香港。故英租九龍以爲抵制。其爲軍事之設備。固不待言。若中國能拒法不租廣州。英亦不租九龍。』斯時法租廣州之事。大體已經承認。不能反齒。九龍租借之議遂定。光緒二十四年五月十八日。李鴻章與瑪德納特締結九龍租借條約如左。

一 自大鵬灣之西角起。沿大鵬灣北岸。以一直線橫貫九龍半島。沿深州灣北岸。與西方小半島。出外海。以一直線南下。至南大澳島（大嶼）西南海面。東折。橫過香港南端。而東與大鵬灣南下直線相會。合凡線內。九龍半島全部。香港附近大小四十餘島嶼。又大鵬深州二灣。及香港附近水面。悉爲租

借區域

二 租借地以九十年為期。歸英國管轄。以不妨礙兵備為條件。中國官員。仍可在城內司事。居民依舊樂業。大鵬深州二灣水面。中國兵船仍可使用。

依以上兩租借條約。英國對中國之勢力。北與俄國均勢。南與法國平衡。且大鵬深州二灣面寬水深。足資大軍艦自由操縱。比之廣州灣之形勢。遠過之。英國東洋海軍大根據地。至此已十分完備。

然英國對於中國內部擴張之利益。猶有足驚者。同年四月二日。英福公司與山西商務局締結山

西探礦附設鐵道條約。名義上山西商務局借福公司銀一千萬兩。為採礦之資。其實不啻福公司以一千萬兩。自行開採。蓋契約中規定「六十年間。採礦全權歸福公司承辦」是也。五月初三日。福公司復以山

西探礦同樣條件。與河南豫豐公司結河南探礦契約。黃河以北即懷慶左右諸山同時盛宣懷與比公司結第三次京

漢鐵道借款契約成立。英公使瑪德納特嚴責總理衙門背信欺英。蓋第三次京漢鐵道借款契約未成之

前。總理衙門對於英公使質問。力辯該鐵道與俄國無關係。至此該契約發表。明載自保定至漢口之線。由華俄道勝銀行出資。而法文別約。規定委該公司以築造全權。故英使大怒。面責李鴻章親俄損英。背信食言。提出左記各鐵道。亦以築造全權為條件。要求由英國築造。以為賠償。

一 天津鎮江間

五權取權
英德協約

關外鐵道
與英俄衝突

二 山西河南襄陽間。山西河南二探續契約中所規定之運鐵道

三 九龍廣東間。

四 上海南京間。浦口信陽間。經安徽接京漢鐵道

五 蘇州杭州寧波間。

總理衙門接此要求公文。反覆辯明。不克收効。李鴻章以此時免先後或以草約。或以正式承認。二。三。四。五。各。路。之。築。造。權。惟。津。鎮。鐵。道。以。英。德。兩。公。使。激。爭。之。故。我。國。政。府。無。認。許。之。權。經。兩。公。使。憐。濟。交。涉。後。於。同。年。八。月。為。英。德。協。約。規。定。自。天。津。至。山。東。南。境。之。路。由。德。國。築。造。自。山。東。南。境。至。鎮。江。之。路。由。英。國。築。造。

然後兩公使同以築造全權為條件。要求由英德兩國築造。我國政府悉承認之。
先是關內鐵道成後。光緒十四年開採開平炭鑛。十二年創築塘沽天津鐵道為運炭之政府漸認鐵道之利益。決築關外鐵道。自山海關至新民。設立關內外鐵道總局。即起工事。適際皇太后萬壽。鐵道築造費。全被消散。又以中日戰敗後。國幣空乏。不能填充。工事不克繼續。至蘆漢鐵道。假比公司歸俄國承辦之約發表。後英公使乃令英匯豐銀行巧與鐵道督辦胡燏棻交涉。於光緒二十四年八月二十五日。結關外鐵道借款契約。由鐵路總局借匯豐銀行二百三十萬磅為築造關外鐵道費。及還付關內鐵道舊借洋款之用。即以關內外鐵道之一切財產及運貨利益為抵當。並由總理衙門向英公使以證書申明。決不以該鐵

英俄協約
劃揚子江
流域爲英
國勢力範圍

福惠不租
借割讓與
他國之約

道讓與他國」之旨。英國此舉。蓋斷俄國東清鐵道與盧漢鐵道之聯絡。俄公使雖極端反抗。然已無可如何。爲防將來兩國對中國之勢力衝突。駐俄英公使查爾斯可德與俄外務大臣穆拉威福。於光緒二十五年三月十九日。在俄京締英俄協約。規定「長城以北。爲俄國築造鐵道範圍。揚子江流域。爲英國築造鐵道範圍。彼此不相侵害。」又申明不侵害現存條約。於是俄國亦承認山海關至牛莊之鐵道爲英國之已得線。依此協定。英國遂公然認揚子江流域爲己國之勢力範圍。與利益範圍。同年英國外務次官在衆議院答議員質問。謂英國勢力範圍之揚子江流域。其所轄之地。括雲南貴州四川湖北河南江西安徽江蘇河南浙江之十省云。

觀英國此次對於我國之侵略。不爲戎首。僅以均勢抵制之名。義爲要求我國之口實。而其所定之勢力範圍。與利益範圍。北與俄國均勢。南與法國平衡。合俄法二國所獲之權利。利益。英國兼取之。於是舉吾國精華富裕之區。全括之於其範圍之內。其外交辣腕。蓋如此之兇。

第五節 日本之勢力範圍劃定

中日戰爭之後。日本松方正義內閣映統一外交方針。不能確定。俄租旅順時。日本不能向俄國施干涉遼東之報復。英租威海衛時。日本尙以兵屯駐該地。不能以抵制俄租旅大爲辭。以拒英國之要求。至光緒二十

四年春。明治三十一年初。伊藤博文內閣成立。於三月初二日。命駐北京矢野公使以福建省與臺灣相接。利害關係甚大爲辭。要求總理衙門以公文申明福建省及沿海一帶永租借割讓與他國。總理衙門備文承認之。

第六節 伊太利之要求

當各國齊向中國提出要求時。伊太利政府亦欲援均勢主義。於中國海面得一海軍根據地。光緒二十五年一月。伊國外務大臣喀尼滑諾。於議會演說。發明斯旨。旋派地中海軍艦數艘。向中國海出發。同時命駐北京伊國公使瑪爾七諾。向總理衙門要求租借三門灣爲伊國東洋海軍根據地。總理衙門嚴拒之。返其要求書。先是伊政府以三門灣在福建舟山之間。於提議之前。先照會日英兩國政府。日英兩國政府皆無異議。但英國政府附言希望勿用兵力。及中國返還要求書。瑪爾七諾公使。不待本國政府之訓。直向總理衙門發最後通牒。要求四日內爲確答。勉備兵力迫壓。本國政府聞之。以背英政府之附言。直取消其最後通牒。命瑪爾七諾公使返國。其後伊國新公使。雖與總理衙門開數次談判。卒無所成功。

第七節 美國開放中國門戶之宣言

伊國要求
租借三門灣

俄德法英日伊諸國對中國之情勢儼如十九世紀初列強對阿非利加之狀況勢力範圍利益範圍之名辭不同或直接迫中國政府認可或間接列強協商中國全局已十分危險列強之利益衝突亦在在含伏斯時之中國問題亦在列強疑難之間將不知所底止美國大總統領麥荊來以超然第三者之地位僅時美國於光緒二十四年三月與我國公使伍廷芳締結粵漢鐵道借款契約以謀世界公共之平和於光緒二十四年八月至十一月先後命國務卿赫伊向關係中國之英德俄法日伊六國宣言開放中國門戶先是中國開放政策係英國倡導英外務次官特於上年三月一八九八在議會為此演說然英政府不以中國開放政策向各國交涉者以己國處嫌疑之地恐各國猜忌不贊成之故至此美國國務卿赫伊審察時機作左之開放中國門戶宣言書

合衆國政府為欲除去各國將來衝突諸原因與謀各國商工業同等之利益希望對於中國要求勢力範圍與利益範圍之諸國承認左之三條件

- 一 各國對於中國所獲之利益範圍或租借地域或別項既得權利互不相干涉
- 二 各國範圍內之各港無論對於何國入港商品皆遵中國現行海關稅率賦課自由港不在此例其賦課關稅歸中國政府徵收

三 各國範圍內之各港對於他國入港船舶不課本國船舶以上之人港稅各國範圍內各鐵道對於

他國貨物不課本國貨物以上之運賃費。

各國贊成美國之宣言

列強對中國保商工業之新局面

美國宣言之裏面

國務卿將右宣言書命本國駐六國公使先後向駐在國政府交涉。英國政府首先贊成。餘五國之贊成覆書。以翌年一九〇〇年光緒二十六年西三月中旬悉至。國務卿更於同年西三月二十日。以『各國皆贊成美國提議。本問題確定』之旨。通告各國政府。自是中國之形勢一變。各國以相互之利益為相互之約束。從前對中國單獨競取之利己主義。一變而為列強統一合議之緩和行動。中國之保全與商工業利益均霑之新局面。至此為列國所公認。蓋所謂利益範圍勢力範圍其結果不外壟斷範圍內之一切權利利益不准他國政治權之侵入更進一步。即促中國瓜分之局。開放門戶之宣言實救出中國於瓜分場中。而開為世界之公市場。中國保全依此利益均霑之新主義而定。於是列強斂步息爭。中國問題一時息焰。

美國為此宣言之原因。固出於公平正義謀世界公共之平和。然亦係謀本國利益之所出。蓋美國農商業異常發展。而製造業尤增進。有四億人口之龐大中國。為將來之大消費場無疑。倘列強各據要港。占中國貿易之特權。不與他國均霑。則美國將大受其影響。况自合布哇領菲律賓以來。們羅主義之國是早移轉於帝國主義之趨向。乘機調和列強之衝突。希擴張本國經濟勢力於中國。是其裏面之原因也。

第十章 八國聯軍入京之禍

光緒二十三年
至二十八年

第一節 拳匪得勢之原因與宣戰之形勢

拳匪自稱義和拳，原出於白蓮教。白蓮教之名，始於元朝之韓林兒。至明末魁首徐鴻儒率黨起事，明廷目爲教匪，剿討之。及清朝入關，教中徒黨，遂有抱恢復明朝之宗旨者。乾隆末年，白蓮教紛起四川湖北。蔓延河南陝西甘肅各省。剿撫經八年，始平定。至嘉慶十八年，魁首河南滑縣李文成直隸大興林清等，以恢復明祚爲名義，起於直隸河南。一時震駭京畿，及敗，白蓮教被嚴禁，其教遂分天理教、八卦教之二派。義和團之名，亦起於其時，爲八卦教之一分派。稱八卦教義和門。復因朝旨嚴禁，遂避義和拳名目，改稱梅花團。大刀會、紅燈會等名目。其黨仍蔓延各省，而山東爲最多。黨中性質，不歸統一，或利用宗教迷信，以惑愚民。或利用黨徒，以拒暴吏，而潛圖不軌。欲乘機肇亂者亦間有之。然歷無殺外人仇外教主義。至此忽標扶清滅洋之宗旨，起自山東，震動京畿，蔓延各省。其殺外人與教徒數千，釀成八國聯軍入京之大禍者，實由二大原因之所致。一則戊戌變政之失敗，二則列強威壓過甚，與天主教徒橫行內地是也。


中日戰爭大敗之後，割臺灣，輸賠款，未幾俄據旅順大連，德據膠州，英據威海衛，法索廣州灣，又各國要求

義和團之
略歷

拳匪得勢
之第一原因

各省之鐵道敷設權與鑛山探掘權紛紛如麻。不可究竟。國是日非。朝野驚駭。清德宗英年親政。急思發憤圖雄。適廣東南海康有爲以布衣衣上書。痛論變法維新。當二十三年十二月德人占領膠州灣之時。德宗擬召見康有爲。諮詢時事。恭親王以本朝成例。非四品以上官不召見。諫止之。德宗乃命王大臣進達康之意見書。所進皆大悅。翌二十四年春。德宗密與大傅翁同龢謀。決計變法。適恭親王以四月十日薨。德宗遂於四月二十三日下更新國是之詔。五日後召見康有爲於頤和園仁壽殿。諮詢革新政略。五月五日廢入股取土制。天下耳目一新。先是康有爲於召見之前。開保國會於北京。士大夫熱心集合者數百人。其時御史蔣慶瀾、黃桂鋆等。屢加彈劾。召見之後。彈者益多。德宗不動。且擢康有爲同志楊銳、林旭、劉光第、譚嗣同四人爲四品京卿。參與新政。凡奏章皆經四人閱覽。上諭皆依四人起稿。維新詔勅。日如雨下。又許天下士民皆得上封奏。維新政論。日益增勢。而各省督撫熱心改革者。以湖南巡撫陳寶箴爲首。一時治績大可觀。既而德宗欲效康熙乾隆之例。設懋勤殿。選英才。聘外人。共議興革制度。先草一詔。求皇太后諭允。乃事變莫測。未幾遂有太后垂簾。窮治黨人之事。蓋改革過急。其主義與利益皆相反對之守舊派王大臣等。厭德宗之所爲。竭力妨礙之。勸皇太后訓政。先以榮祿爲直隸總督。次黜翁同龢職。八月七日。皇太后垂簾訓政。十三日。捕楊銳、林旭、劉光第、譚嗣同、楊深秀、康廣仁六人戮於市。政府實權。全歸守舊派之手。詔天下萬事俱復舊。康有爲梁啟超逃海外。自是守舊派以德宗在位。恐與己不利益。陰謀廢立。八月十一日。詔天下

名醫診帝疾。當時中外物議沸騰。兩江總督劉坤一對於廢立。電爭死不奉詔。英國公使向總理衙門忠告。『萬一皇帝有意外之變。影響所及。歐西各國。將與中國以不利益。』自是德宗日在憂鬱中。翌二十五年十二月二十五日。忽下『謹遵慈訓。立端郡王載漪之子溥儀爲穆宗毅皇帝之子。以繼皇緒。』之上諭。初穆宗崩御無嗣。依順序繼嗣。當立醇親王之子端郡王載漪爲皇帝。然斯時之廟議。以『德宗繼文宗之統。異日德宗生子。撫爲穆宗之子。爲皇儲。』卽光緒元年正月十二日之詔是也。端郡王敢怒而不敢言。惟埋



怨以俟時機。至此德宗以維新招尤。端郡王巧爲運動。諸王大臣遂勸皇太后仍依順序繼嗣之例。以端郡王子繼穆宗之嗣。太后允之。此大阿哥溥儀冊立爲皇儲之原因也。斯時德宗居閒散。端郡王以皇太子生父之故。勢力俄然增大。且性剛愎有膽略。素富排外精神。而軍機大臣剛毅徐桐榮祿等。皆與之深相結託。端

郡王遂隱然爲北京排外派之大首領。適義和團起自山東。東撫毓賢極言義和團忠君愛國。有驅逐洋人能力。端郡王與剛毅等迷信之。奏請保護。於是朝廷不僅不剿義和團。一時政府且化爲義和團之一體。拳匪得勢之最大原因。實由於此。

拳匪得勢
之第二原因

義和團之祖法。原非以排外尊君爲宗旨。至此忽標扶清滅洋之旗幟。由是各省無論匪不匪。皆以殺洋人爲快。排外風潮。如響之應。不數月蔓延全國。蓋自中日戰爭之後。各國對於中國割地租地。採鑛築路之要求。爲日不息。早發起一般人民愛國嫉外之思。又在內地之天主教徒。乘中國國權衰弱。逞其仇視外教之祖傳性質。凡關於教徒與平民爭訟。其宣教師不問教徒之曲直與否。直與極力援助。屢不經地方官。顛倒情實。訴於駐北京本國公使。使直接與總理衙門交涉。不達其所欲不止。總理衙門避煩累。屢飭地方官關於教徒爭訟。須保護其利益。免貽累於中央政府。因之地方官雖明知曲在教徒。不能依理判決。屢歸教徒制勝。而地方奸民。且故投教會爲護身符。以欺害平民。因此各省士大夫及平民。無不視外國宣教師與教會堂如蛇蝎。義和團至此。遂以扶清滅洋爲宗旨。而殺教士焚教堂之風。一時風靡各省者。此其第二之原因也。

拳匪退潮
之始

先是光緒二十三年。山東曹州教案。袁州教案。與二十五年沂州教案。實義和團分子所爲。同年夏秋間。義和團囂集平原縣。公然與官軍對仗。此間前後巡撫排外派李秉衡。溫和派張汝梅。皆不嚴加剿討。至毓賢

爲東撫與匪首李中來甚相契合。陽雖剿討，暗爲庇護。私致書剛毅，稱義和拳實係義民，其神技可大用。若保護之，可用以驅逐山東之洋人云。其時朝廷冊立大阿哥之謀方熟，端郡王剛毅徐桐等大占勢力，其悅毓賢之說，竊定利用義和團之計。然德國公使以毓賢有縱匪情實，迫總理衙門更換東撫。時政府亦恐遽激事端，旋開毓賢缺，命入京。毓賢面呈義和團義勇情實於當路，且介紹李中來於端王。端王大悅，旋任毓賢爲山西巡撫。義和團得窺政府意旨，山東之匪禍愈熾。及袁世凱爲東撫，前後七回剿討。自二十五年至二十六年春拳匪悉流入直隸境。直督裕祿初雖不信其爲義民，然見北京王大臣有庇護之意，不敢出果斷處置。匪愈猖獗。二十六年三四月間，天津京畿一帶到處設壇練拳，以妖言惑民，從者益衆。官紳助資，直督漸加崇信。凡以義和團三字名片進謁者，直與分庭抗禮。漸至北京王宮貴宅亦延聘太老師入宮，設壇教拳。斯時拳匪聲勢洶湧，遂毫無忌憚。

當拳匪設壇練拳，氣勢最盛之時，值易州鄉水縣民某與天主教徒訟敗，大惹起拳匪之憤，將出焚殺之暴舉。教堂告急，總督急派兵隊往鎮壓。至則教堂已焚，教徒六十餘人被殺害。統領楊福同諭以大義責其狂暴。匪直與交戰，福同擊斃匪十八名餘衆悉散。此四月十九日也。翌日匪復來襲，斃十餘名。至二十三日，匪變裝束，悉衣紫衣，頭腰皆裹紅帶，惡罵官軍挑戰。福同追擊之。至一村，伏匪悉起。福同所率之騎，悉被壓殺。拳匪乘勝進北京，二十九三十等日，連焚琉璃河鎮、長辛店、蘆溝橋豐臺諸車站，并破壞其鐵道電

各國水兵
犯北京

線。北京保定間之聯絡全斷絕。在長辛店保定之外國人，悉依官軍保護。倉皇逃北京。北京各公使強請招近海諸國之水兵。入北京護衛公使館。總理衙門不得已許之。五月初四初五。英日美俄法伊德七國之水兵。其五百餘人次第進北京。端郡王大怒。謂如此誤國之總理衙門。不若廢除。免使洋人跋扈。大倡利用義和團以張國威之議。時軍機大臣榮祿在病假中。連上七奏請剿匪。端郡王、剛毅、徐桐、與軍機大臣刑部尚書趙舒翹、禮部尚書啟秀等。皆反對之。榮祿入朝面爭。太后不得已派趙舒翹剛毅赴涿州。諭解匪徒。此時拳匪四起。黃村之車站被焚。京津鐵道全破壞。聶士成率武衛全軍。拒匪於落岱。殪匪四百八十人。端郡王等大怒。旋下旨責聶士成過激。命返蘆臺。十三日召董福祥率甘軍移紮京城。十四日總理衙門溫派慶親王奕劻、廖壽恒俱退職。而以端郡王啟秀、徐桐、溥興等代之。政權悉落排外派手。初董福祥爲甘肅提督。於光緒二十四年入京。其部下曾加害外國人。至此各公使要求董軍屯於距北京五十里以外地。董深恨之。同氣相求。遂爲端郡王剛毅等所倚重。至此甘軍之排外性質。與拳匪無甚區別。十五日董福祥之兵。殺日本公使館書記生杉山彬於永定門外。同時拳匪焚北京內外各教堂洋房不絕火。正陽門繁富街市三千餘戶。付之一炬。朝廷知事局瀰大。召王公以下。六部九卿等。會議剿撫義和團之利害。時王公宅內。多聘太老師設壇教拳。實信拳民忠憤。有挽回國運之力。而剛毅歸自涿州。力奏拳民忠憤可用。趙舒翹亦附和之。廷臣多數。遂主張撫循說。惟內閣學士聯元、大常寺卿袁昶、兵部尚書徐用儀、戶部尚書立山、吏部左侍郎

政府混化
義和團

大沽陷落
與廷議決
戰

東南各省
不奉宣戰
詔

郎許景澄等冒死痛呈拳匪應剿。外憂不可開。然頑固派跋扈專橫。皇太后亦不能制。終決議三事。一保護義和團。二不攻公使館。三拒絕洋兵上陸。其時各國軍艦集大沽口。以京津鐵道電信皆斷絕。不知公使之安危。又英海軍中將西摩亞所率救援軍。被拳匪困於楊村廊坊間。天津租界亦有攻圍之勢。各國軍艦將校。遂決議先占領大沽礮臺。二十日夜。礮擊開始。二十一日午前七時陷之。政府聞警。急開御前會議。頑固派遂決議開戰。榮祿請先保護各國公使出北京。啟秀祇准限二十四時逼其退出。各公使要求遲緩二日。總理衙門不與回答。二十四日。德國公使林德克自往總理衙門有所要求。途中被董福祥之兵戕殺之。事勢至此。戰局愈開。端郡王率虎神營。董福祥率甘軍。皆與義和團合拒聯合軍入京。二十五日。頑固派矯發宣戰詔勅。命莊親王載勛與剛毅。統率義和團勇。左翼總兵工部侍郎英年。右翼總兵輔國公載瀾。爲會辦。共發米二十萬石。銀五十萬兩。以獎激義軍。

北京之戰局既開。東南各省之總督巡撫。洞悉大局者。維保全本省之安寧秩序。不與聞戰鬥。山東爲拳匪發源地。巡撫袁世凱素持剿討主義。凡頑固黨所奏請。視爲僞政府命令。不奉行。部下武衛左軍在直隸者。悉召歸本省。任保護外人勦討拳匪之務。兩江總督劉坤一。湖廣總督張之洞。兩廣總督李鴻章。閩浙總督許應騷。互相協議。視五月二十四日以後之上諭爲僞詔。不應命。各督一致。以正式公文通知上海領事團。告以『無論北京成如何形勢。本省內之平和秩序。與外國人條約上之權利。保護不怠。』領事團欣然承

排外風之
憂新

認爲中立地。於是東南各省，居然成新聯邦組織之勢。當時管內居民，雖私人暴動，虐殺外人之舉，尙不能免。然真正排外團體，終不發見。外國宣教師與商民領事等，安之若素。而南海、黃海、揚子江一帶，亦不受外國兵輪所蹂躪。此外則殊不然。北京、天津、大沽爲戰場，不俟論。其他直隸、灤、平、縣、生、埋、宣、教、師、一、名、掘、教、師、墳、投、水、中、景、州、教、民、多、被、攻、殺、京、正、鐵、道、之、技、師、與、家、族、大、受、拳、匪、襲、擊、大、名、元、城、南、樂、諸、縣、之、宣、教、師、大、受、虐、遇、山、西、以、毓、賢、爲、巡、撫、故、排、外、特、甚、太、原、殺、外、國、男、女、四、十、名、汾、州、殺、教、師、以、下、十、名、河、津、殺、教、師、家、族、七、名、大、寧、殺、女、教、師、三、名、孝、義、殺、女、教、師、二、名、忻、州、殺、外、人、十、餘、名、歸、化、殺、教、師、以、下、十、四、名、隰、州、殺、教、師、一、名、曲、沃、殺、教、師、一、名、教、師、家、族、三、名、和、林、格、爾、城、托、克、托、城、共、殺、外、人、與、教、民、一、千、五、百、餘、名、此、外、大、谷、寧、遠、呼、蘭、皆、有、殺、害、盛、京、省、殺、外、國、教、師、四、名、中、國、教、師、二、名、副、都、統、督、兵、焚、天、主、教、堂、追、逐、教、民、甚、衆、黑、龍、江、省、齊、齊、哈、爾、殺、教、師、三、名、呼、蘭、城、殺、教、師、之、頭、懸、於、廟、門、巴、彥、州、殺、教、師、二、名、掘、十、三、年、前、教、師、之、墓、焚、教、堂、三、所、殺、教、民、多、人、蒙、古、搭、拉、特、王、殺、教、民、八、百、餘、名、蒙、古、喀、拉、善、王、驅、逐、天、主、教、民、出、境、蒙、古、中、醫、爾、王、亦、殺、害、教、民、甚、衆、其、他、以、排、外、影、響、偶、然、鬧、教、者、浙、江、衢、州、殺、外、國、男、女、七、名、湖、南、衡、州、刮、教、師、之、雙、目、江、西、南、城、縣、破、毀、教、堂、南、豐、縣、殺、害、教、民、河、南、南、陽、府、教、師、被、殺、教、堂、被、毀、教、民、多、受、慘、害、此、外、虐、待、教、民、之、事、幾、於、無、處、無、之、

第二節 聯合軍入北京與俄羅斯占領東三省

京津鐵道破壞之時。各國公使見形勢不穩。向碇泊大沽之各國軍艦。請增派兵入北京。英國東洋艦隊司令長官西摩亞以五月十四日率英美俄日德奧意法八國之陸戰隊二千五百人。由天津鐵道向北京出發。同日至楊村。以鐵道大破壞。駐軍修繕之。翌日黎明。拳匪約百人來襲。被聯合軍擊斃三十餘名。十八日開軍至廊坊。拳匪三百人來襲。被聯合軍擊斃八十餘名。同日午後。拳匪以大軍圍攻落岱之聯合軍。被聯合軍擊斃二百餘名。十九日拳匪破楊村以南之鐵道。以斷聯合軍與天津之聯絡。於是聯合軍困於楊村廊坊間。進退維谷。同時拳匪攻天津租界。各國碇泊大沽軍艦之海軍將校。從前立於被動地位。至此一變而出主動之謀。決占領大沽砲臺。以爲制勝地步。各將校協議。決定左之方針。

- 一 我等以保護同胞之生命財產爲目的。取平和之防禦態度。
- 二 目下本國尙與中國政府保全平和。故我等決非對於中國政府進軍。
- 三 今回進軍。專以討伐義和拳匪爲目的。
- 四 爲保護同胞生命財產。助中國政府剿討拳匪。若中國政府不剿討時。列國自當剿討之任。
- 五 我等之行動。限於交通不遮斷時。須得各國公使之同意。又關於各國一般利害時。須取共同一致

之主義。

六 事務迫切。無假與本國商謀之時。我等以協議決定。有暇時須與本國海軍長官商謀。

聯合軍陷
大沽砲臺

右協議之結果。於二十日。以『大沽砲臺暫時讓與聯合軍』之公文。由俄國土官送付砲臺守將羅榮光。羅榮光答以非直隸總督之命。決不將砲臺讓與。若強要求。即開砲擊。不得要領而退。同日午後。英俄陸戰隊各二百名德兵百餘名。日本兵三百餘名。皆由塘沽上陸。向砲臺前面發砲攻擊。陸戰隊亦同時進擊。原白河砲臺。分南北二座。夾白河位於河口。北岸砲臺有二。稱第一砲臺。第二砲臺。爲天津咽喉。陸戰隊聞砲聲。旋進攻第一砲臺之背面。俄兵當第一線。英德兵當第二線。日本兵當第三線。自塘沽至大沽。路皆泥淖。艱於步行。又砲臺彈丸雨注。俄兵遂巡。英德兵亦躊躇不進。惟日本兵勇進無所畏。服部中佐命以野砲二門爲中心。左右作縱隊。衝過英俄德兵。渡流斷橋而前。服部中佐中彈立死。兵氣不沮。奮勇突入砲臺下。英俄德兵見日軍之勇。亦漸進入壘下。日本兵殊死戰。攀壘登城。守兵驚走。第一砲臺遂陷。旋攻第二砲臺。登時亦下。次南岸砲臺。皆依陸戰隊占領。於是日軍據第一砲臺。英軍據第二砲臺。俄德軍據南岸砲臺。敗報至北京。排外黨大怒。官軍遂公然與拳匪聯合。斯時西摩亞所率之聯合軍。以拳匪之妨害。困於楊村廊坊間。二十二日。董福祥率甘軍攻楊村。交戰半時敗退。西摩亞以董軍與拳匪共扼前後。決依水陸相持。退天津。二十五日。清廷下宣戰詔。轟士成軍。卽於是日拒西摩亞軍於北倉南倉之間。西軍苦戰三時。死傷甚衆。

西摩亞軍
退返天津

即夜棄北倉。依白河堤通。二十六日。西軍先鋒隊。邀西沽保甲局。旋占據西沽堡壘。閉城不應戰。此間轟土。成攻擊甚急。西摩亞密遣從僕往大沽告急。大沽之聯合軍。即派俄兵二千。英兵一千五百。德兵五百。赴援。途中遇轟土成軍。且戰且進。二十七日。抵西沽。與城內軍相會。六月初一日。聯合軍攻北洋機器局。占領之。奪武庫鎗礮。焚火藥庫。率全軍退還天津租界。西摩亞軍自四月十四日出發。已歷半月。雖不達救使署之目的。然亦得全軍退還。

初拳匪事變之起也。日本外務大臣青木周藏。視爲奇貨。蓋得出大兵。援北京公使館者。日本以地近爲惟一之便利國也。時青木以日本對於此事件。宜與英國同一行動。爲得策。五月十五日。命駐英日公使松井。密照會英政府云。若中國政府無恢復平和秩序。與保護外國人能力之時。女皇陛下政府。將出如何行動。英政府答曰。列國軍艦之在大沽者。其派出之軍隊。目下已向北京。女皇陛下政府。業將合宜處分之大權。委任於北京公使。與東洋艦隊長官。貴國若與列國共同一致。恢復秩序。女皇陛下之所願也。青木對此回答。不稱意。於十九日。經駐日英公使照會英國政府曰。大沽上陸之列國軍隊。若遭何種危險時。日本政府得女皇陛下政府之贊成。可出大兵往救。但女皇陛下政府對此無相當之處置。則日本不出兵。斯時英國政府。認無出大兵之必要。漠然置之。青木外務。復於二十六日。召集列國公使於外務省。報稱聯合軍形勢迫切。日本政府甚欲與關係列國。決定一致之行動云云。次日。駐日英公使。再訪青木外務。謂接本國首相

電訓西摩亞軍已困重圍。英國政府以日本地理上便宜。特望出兵等語。青木大喜。即以英國政府勸請出兵爲名。決派一師團向大沽。然恐他國見疑。復請英國周旋於列國政府。求其承認。於是英國政府遂照會俄德二國政府。俄國政府覆云。以目下情勢而論。日本出兵。固俄國之所贊成。無妨害日本行動自由之意。但日本決當與列國爲同一之行動也。德國政府覆云。德意志帝國政府對於恢復中國平和秩序。認爲有利之事。可表同情。但日本干涉之詳細條件。尙不聞知。則日本之行動。果影響及於第三國之利害與否。與德意志能任贊成之責與否。猶難預料。近來各國對於中國之主義。以維持全帝國之存立與秩序。及世界平和爲一致。故德意志帝國政府對於女皇陛下之提議。苟非確知不破壞歷來主義。則不能贊成云云。觀此俄德二國之回覆。俄雖贊成。德則反抗。然恐日本出兵。得特別權利。詞意間特爲制限之。則一也。斯時北京公使館與天津租界。被拳匪攻圍益急。英國政府遂不顧德政府之異議。頻促日本出兵。日本政府以派遣大軍。需軍費殊多。故意躊躇。英政府復照會日政府云。能救北京公使館焦眉之急者。惟日本最爲便利。至財政上之補助。英國除對於己國軍隊外。尙可竭力擔任。女皇陛下政府以爲現時救援公使館之行動。與將來之處分。應截然區別。蓋關於後者之一切問題。可讓之他日也。英政府此次照會。即擔保日本軍費之宜。言於是日本政府即派一師團兵向大沽出發。

先是日本參謀本部見拳匪之起。知非僅派海軍所能解決。五月十五日以來。頻開內閣會議。決編成步兵

二大隊。騎兵一中隊。砲兵一大隊。工兵一中隊。及輜重隊等。爲混成枝隊。向大沽派遣。一爲保護本國臣民。一爲如有決裂。得與列強保均勢之資也。閣議既定。由青木外務。巧與英國政府交涉。表面上假英國政府勸請出兵。以解俄德二國之猜忌。又得英國政府担保軍費之提議。然後將準備軍隊。全師出發。福島安正爲司令長官。伴第一次派遣隊。於五月二十七日抵大沽。六月初三日抵天津。斯時天津附近之中國軍隊。有直隸提督聶士成之武衛前軍二十五營。浙江提督馬玉崑之武衛左軍十五營。天津鎮總兵羅榮光敗退之兵約三千。總督裕祿直轄之兵約二千。兵力甚厚。聯合軍尙不敢輕進。此間聯合軍屢被聶士成馬玉崑之軍襲擊。聯合軍但立於防禦地位而止。至六月中旬。日本第二次派遣隊。與俄英法美之增援軍。漸次抵天津。各國兵總數達一萬四千人。始依福島計畫。於六月十七日爲天津總攻擊。

六月十六日。聯合軍開軍事會議。福島司令長官。提出作戰計畫案。『一俄德二國兵。沿淀河前進。迫水師營附近砲臺。以出天津城之背面。二日法二國兵。由本道攻天津南門。以迫前面。英美二國兵。次日法兵張兩翼前進。爲後援。』各國將校皆贊成之。即以翌日午前三時。由租界分二軍出發。攻天津南門之軍。以日本軍爲主力。先奪海光門。旋攻南門。日軍多死傷。因前有深濠。不能前進。入夜工兵往濠架橋。至則橋梁依然。旋進城下。裝棉火藥二十餘件。天明時爆發。城裂。大軍呵進。直入城內。然外城雖破。尙有內城。其時大軍已集城下。城上之砲彈瓦礫如雨下。進退皆窮。日軍冒死攀壘登城。截鎖啟門。城遂潰。英法兵相次入城。美

聯合軍掠奪官民財產

兵則直追敗兵於白河。殺獲甚衆。日美法英四國兵。分占領天津四門。各掠奪區域內所有之官民財產。時國際法民有財產公有財產與官有。沿淀河進擊之俄德二國兵。十七日尙未至水師營。屯天津車站之日。財產不供戰爭用者不得沒收。軍探知天津城陷。遂急攻水師營附近礮臺。與海關道衙門。及俄德二國兵至時。已悉爲日兵占領。初。聶士成恨拳匪竊忠義之名。誤國殃民。屢襲殺拳匪多人。被朝旨譴責。至大沽陷落之後。士成任天津南方防禦。拳匪乘士成攻聯軍之時。殺其家屬。掠其家財。以報怨。士成聞警。率兵追擊拳匪。傍軍多稱聶軍反。士成至此。前後皆敵。憤不欲生。天津總攻擊之前數日。聯軍攻聶軍於競馬場八里臺之間。士成身進敵前。中彈死。官軍失此有力大將。南方之防禦遂疎。故聯軍進攻城南。如入無人之境。

北倉陷落

天津陷落之後。聯軍欲逕擊楊村。卒恐衆寡不敵。以俟援兵上陸。然後進擊。楊村帶白河。連鐵道。京津間形勝地也。津城陷後。提督宋慶馬玉崑。總兵何永盛呂本元各軍。約二萬人。分屯北倉楊村間。而直督亦自駐楊村。六月末。各國援兵漸次由大沽上陸。聯軍會議進軍方略。以欲攻楊村。須先破北倉。議定分二軍。沿白河兩岸。夾攻北倉。日英美三國兵爲右翼。攻北倉西北面。俄德法奧伊五國兵爲左翼。攻北倉東面。而日兵更分一枝隊。沿白河攻北倉南面。七月初十日。各隊由天津出發。日英美右翼軍。雖以攻北倉爲目的。然不先破北倉西北火藥局韓家樹之官軍。則有後顧憂。十一日午前二時。右翼軍突攻火藥局。出官軍不意。激戰一時。破之。旋攻韓家樹。亦破之。乘勝迂右方迫北倉後面。時沿白河攻北倉南面之日兵枝隊亦至。兩軍

楊村通州
陷落

北京陷落
與聯軍分

南北夾擊。軍官進退失度。少抗即潰。北倉遂陷。先是官軍跨白河沿鐵道作直線防禦。引白河水氾濫東方。以遏敵兵。俄德法奧伊之左翼軍。恰遇河水陡漲。不克進軍。故北倉攻破。又以日本軍力爲首。

北倉陷落之次日。聯軍進擊楊村。英美俄法軍沿白河左岸進。日本師團本隊沿白河右岸進。楊村官軍。少與左軍戰即走。十三日。日軍以一枝隊。破南蔡村占領之。直督裕祿自盡。是日聯軍會議軍略。福島主張長驅直犯北京。悉贊成之。自是聯軍沿白河進。西河務。擊馬頭。占領張家灣。直破通州。所至皆無大戰爭。敵陷通州時。獲精米五萬石。火藥兵器無算。幫辦直隸軍務李秉衡以十八日自殺。

通州失守。李秉衡自殺之報。至北京。朝廷大懼。端郡王所率之神機營。及虎神營。董福祥之武衛後軍。榮祿之武衛中軍。及武衛左軍。與其他殘兵。約四萬人。任北京防禦。而莊親王及剛毅所統之義和團。分置城內外防戰。聯軍會議。定以二十一日大犯北京。十九日。令先鋒隊各向城門方面定陣地。俄軍以大倉通州皆容易陷落。意北京亦如之。於十九日夜間。即猛向東便門開砲攻擊。日本軍官大着急。即令本國全軍由通州出發。二十日天曉。日軍以野砲十八門。山砲三十六門。連置距朝陽門千五百米突之高臺。猛向城門轟擊。城壁。自午前九時砲擊起。至午後四時。城面祇有砲孔而止。此間日軍募集工兵。決死隊七名。突至城下。裝置爆發彈。悉被城兵擊死。山口旋下令工兵。限本日夜間九時十時。爆裂城門。工兵旋組織朝陽門第一門第二門破壞隊。與東直門第一門第二門破壞隊。午後九時頃。黑雲掩月。東直門第一門破壞隊。即被黑

兩宮四狩

外套潛行至城門下。裝置藥函返。由隊長啟導電氣轟然一聲。東直門之外城破裂。第二門破壞隊。即以此時爲機。如法破裂第二城。朝陽門之破壞隊。以同一方法。碎其第一第二兩門。日軍如潮湧進。城兵且戰且潰。由東直門進入之日軍。沿城北占領安定德勝西直之三門。由朝陽門進入之日軍。一枝沿天文臺東便門通公使館。一枝依朝陽門大街進據皇城。結局皇城三面。東安地安西安三門。皆被日兵於二十一日午前一時占領。同時俄美二軍。於東便門攀壁入城。惟英軍於二十日午後一時。乘廣渠門之虛。教民啟門。不戰得最先入城。法軍在後。以二十一日天曉入城至此。聯軍協議。由朝陽門。畫一橫線。其北部皆歸日本軍管轄。南部以正陽門爲中心。以東歸俄法。二軍管轄。以西歸英美。二軍管轄。設民政廳。各自整理其區域。先是通州陷落。即有兩宮西巡之旨。因車輪不備。未即起蹕。十九日俄軍攻東便門。礮聲不絕。二十日日軍攻朝陽門。礮愈急。百官皆逃。無一朝者。上召剛毅王文韶等五次不至。午後十時。剛毅王文韶趙舒翹三人進謁。太后曰：『贖爾等三人。在此其餘各自回家去。丟我母子二人不管。爾三人務須隨駕同行。』又諭王文韶：『汝年老。難喫這樣辛苦。可隨後趕來。』即夜馬玉崑率兵千人。端郡王率神機營虎神營及八旗練軍約二千保駕。太后皇帝各乘馬車。皇室轎輛皆爲軍事警散由地安門德勝門向萬壽山啟行。出城不久。日軍即攻德勝門。馬玉崑殿戰。兩宮依居庸關盆道方面蒙塵。隨駕者。端郡王。慶親王。肅親王。倫貝子。剛毅。趙舒翹。溥興。鹿傳霖等。除皇太后皇帝外。殆皆徒步。是日宿泊貫市。僅獻麥粥蔬食。待土民供獻駝輜三乘。二十二日抵

北京陷落
後聯軍之
大掠奪

聯軍占領
塘沽山海
關

盆道。大雨。居庸關到處山水漲溢。皆徒涉。供給甚困難。僅獻清水一盞。二十三日抵懷來縣。縣令獻服食。始充飢寒。兩宮倉卒就道。皇太后僅著藍布夏衫。皇帝僅著黑紗長衫。及黑布戰裙一條。被褥服食。均未攜帶。而沿途一帶。被敗兵搶掠。到處店舖皆空。無物可買。故三日間。皇太后皇帝均睡七坑。無褥被。亦僅得麵飯小米粥充飢。至懷來宣化後。由地方官絡繹奉進。始覺稍裕。二十七日抵宣化府。駐蹕四日。八月初二日抵大同府。駐蹕四日。十七日抵太原。駐蹕二十日。閏八月初八日由太原西幸長安。

聯軍入京。北京內外之混亂。不可言狀。城破之際。混戰紛擊。城兵戰死者。總數二千餘名。被傷呻吟地上者無數。而文武官之自殺。與舉家投井投城自盡者。不可勝紀。故城市井戶。到處尸橫。而逃匿者皆棄家財不顧。僅以身免。敗兵逃走。皆爲搶虜。所過皆空。聯軍各利其私。所管區域內之官有民有金銀寶物。皆掠奪之。一時利慾薰心。互相猜忌。其大者俄法二國軍。占有景山萬壽山。與沿北海南海諸宮殿。大起日英將官之忌刻。而日軍收戶部金銀。與占領皇城東北西三門。亦大起各軍之紛議。雖屢開會議協定。皆歸於有名無實。於是皇都之精華。與數千年歷史。相傳之寶物。分散爲聯軍八國之戰勝紀念品。

聯合軍占領北京之後。知和議不易成立。以大沽冬季結冰。海運將杜絕。遂決議占領山海關。依關內外鐵道以謀海陸聯絡。秦皇島大連灣皆不結冰。斯時北塘礮臺。有守備兵三四千人。八月下旬。聯軍要求北塘守將撤兵。將礮臺讓與。守將不應。激戰十一時。陷之。旋要求山海關守將讓與礮臺。守將如響交讓。不戰歸聯軍占領。此

時俄軍亟亟占領關內鐵道。

瓦爾德色
抵北
元帥
動京
後之
行北

初各國向中國之出兵也。恐進退不一致。思置總司令官爲宜。然以何人當其任。頗不易協定。德意志外務大臣畢羅先與駐柏林英俄二國公使商議。任德意志第三軍都督瓦爾德色爲聯合軍元帥。得二國之贊成。瓦爾德色之夫人係美國人。又日本遊學柏林之軍人。亦皆素仰其威望。故日美二國亦贊成之。於是德皇勅任瓦爾德色爲聯合軍元帥。元帥以閏八月抵大沽。時北京已陷。入北京後。就聯軍各國將校組織司令部。聞義和團與董福祥殘兵。尙以保定府爲根據。令進攻保定府。以德兵爲甲縱隊。英法伊兵爲乙縱隊。連日占領定興、固城、安肅等縣。抵保定。亦不遇抵抗。占領之。盡燒拳匪匿跡之邸宅堂宇。嗣以和議漸開。元帥惟以修繕京津京保津榆鐵道。與電信電話。及設北京軍事警務衙門。又設北京行政委員會。與天津及各占領處之軍事行政爲事。至翌年正月。以元兇處罰問題。不得要領。元帥更下令遠飭西安府。組織一萬五千大兵。將迫陝西。旋由西安發布英年趙舒翹啟秀徐承煜等。皆處死刑之上諭。遂終止。

中俄開戰

當大沽陷落。發布宣戰上諭之後。東三省之官軍。漸與俄人開戰。先是光緒二十二年七月。俄國得由西北利亞。經呼倫貝爾、齊齊哈爾、哈爾濱、至海參威。修東清鐵道。二十三年三月。俄國又得修自哈爾濱、經長春、奉天、至旅順大連鐵道。至此東清鐵道。將以本年冬翌年春全部開通。南滿洲鐵道。其旅順至鐵嶺之線。亦已開車。北京拳匪之起也。奉天府土匪。忽焚火藥庫。攻俄鐵道警衛兵。經將軍增祺鎮定之。及宣戰上諭發

布奉天副都統晉昌督兵燒天主教堂。破毀鐵嶺鐵道。掠洋庫。旋攻遼陽鐵道。俄鐵道技師長。卽命近本國境之鐵道員。退去國境。南滿鐵道員。退關東省。中部鐵道員。退哈爾濱。時滿洲三將軍皆受開戰命令。俄鐵道員之退去者。多受襲擊。死傷頗多。自是官軍拳匪相合。俄國關東省總督所出之兵。除占領牛莊外。僅得保遼東中立地不受侵害。六月下旬。哈爾濱近各區之俄國鐵道員。與婦女小兒均集於此。東西北三面。皆被攻擊。俄少將額爾古羅斯率少數鐵道警衛兵防戰。同時黑龍江副都統。擊斃黑龍江俄國船。黑龍江戰爭自此開始。俄市布拉郭威什臣斯克。守兵甚少。而我薩哈連之官兵。以礮八門。向布市射擊。按此大激俄兵憤恨。後驅布市華民三千投黑龍江。燒毀薩哈連。及北滿市邑。大半破壞。慘殺。皆報此恨。布兵僅以礮二門應戰。自此黑龍江將軍壽山。分軍爲二。以一大隊阻絕黑龍江航路。以一隊由齊齊哈爾出後背加爾。占領鐵道。

俄國政府聞警。急委黑龍江軍管區之軍隊。進攻北滿洲。以鐵嶺分北滿洲之俄軍。分四道進入。西方支隊。由後貝加爾。沿呼倫貝爾。進齊齊哈爾。中央支隊。由布拉郭威什臣斯克。沿愛琿。墨爾根。進齊齊哈爾。東北支隊。沿松花江。進哈爾濱。東南支隊。沿阿什河鐵道。進寧古塔。西方支隊。依哥薩克兵組成。沿西方鐵道進。完工之戰。我軍戰死九百名。退呼倫貝爾。額克兒之戰。統領保全死之。兵皆潰散。俄軍旋進迫齊齊哈爾。與中央支隊會合。先是中央支隊。恐布市中中國商民。與愛琿官軍通聲氣。迫中國商民三千餘人。棄財產。同時渡黑龍江。抗之者加以斧。商民不得已全體起行。至江邊。則無一船。哥薩克

俄兵羅布
市千民三
江投黑龍

俄羅斯占
領東三省

兵持鎗銃迫其後。三千之男女老弱。號泣震天。一時同投大江溺死。中央支隊。旋攻薩哈連。陷之。盡焚其家屋。愛琿之戰。我軍敗北。大部向齊齊哈爾退走。俄軍焚我軍死屍七百人。旋占領墨爾根。進陷齊齊哈爾。將軍壽山自殺。殘兵敗走伯都訥。此間俄軍西方支隊。與中央支隊會合。自是次第進占長春吉林鐵嶺等處。所至不遇抵抗。吉林官軍一千五百名。自投槍礮於松花江爲俘虜。俄軍收銀元局銀九百萬兩。收大炮六十九門。東北支隊。以同時進軍。沿松花江破清軍兵哨。三姓城之戰。清軍四千。棄武器逃奔。俄軍陷三姓城。旋進哈爾濱。解額爾古羅斯少將之圍。次逼阿什河。激戰四時。占領之。東南支隊。初依葉河。向寧古塔進軍。以步兵過少。與占領琿春之別隊相合。遂占領寧古塔。向吉林。與中央支隊相合。攻南滿洲之關東軍隊。初以派出北京直隸兵數過多。餘兵甚少。至此以戰術得宜。先略蓋平。次取海城。海城之戰。官軍戰死約六百人。殘兵向北方潰走。然俄以衆寡不敵。卒不遽進奉天。八月中旬。本國援軍至。遂有沙河遼陽之戰。皆占領之。閏八月初旬。進擊奉天。將軍增祺率軍隊大部走蒙古。拳匪馬賊。到處掠奪放火。奉天府內外。連日焚燒不絕。其混亂不讓北京陷落時狀態。自是南北滿洲之俄軍會合。東三省全被俄軍占領。關東總督更欲占領關內外鐵道。便俄軍直抵北京無障礙。聯合軍遂急占領山海關。以斷其慾望。述前

第三節 英德協約與北京公使會議

拳匪事件之起也。俄國政府。一方命關東總督向北京直隸出兵。一方命西比利亞沿海州二省軍管區。發大軍進東三省。其時俄國對中國之野心。正不可懸揣。然北京陷落後十日。俄政府忽向聯合各國發左之宣言書。

此次聯合軍意外敏速。得救出列國公使館於重圍中。且驅逐北京附近暴徒。其主要之目的已達。今俄國政府。對於北京事件之善後策。具四要旨。一維持各國之共同一致。二維持中國從前之國家編制。三排除分割中國之諸原因。四各國協同恢復北京中央政府。以維持國內安寧秩序。以上諸點。想列國皆同。惟俄國以布拉郭威什臣斯克受破擊之故。向滿洲出兵。實出於一時保護鐵道起見。斷非有特別行動。將來滿洲恢復秩序之後。俄國即當撤兵。現欲謀北京善後。須合列國協同之力。恢復中國中央政府。今中國皇帝蒙塵。大臣扈從。則此目的。不容易達。俄國政府。以爲中國皇帝既不在都。則公使無駐北京之理。將命俄國駐北京公使。協同俄國軍隊。重返天津。俟中國政府恢復實力。與列國開談判時。俄國當與列國一致。另任全權委員。協商前途。關於此事。希望各國政府。共表同情。

俄國常拳匪尙未全滅之時。即提北京撤兵之議者。蓋乘列國威迫中國之際。用一種懷柔政略。裝仁俠態。以買中國政府之歡心。將索報償於異日。如後日滿洲密約是也宣言書中特諄諄言恢復舊政府者。蓋斯時列國實有不滿足中國頑固政府之意見。德皇派遣軍隊之訓諭曰。『朕對於處分中國問題。以鎮定暴徒。懲罰

元兇恢復秩序。設立足以維持公法之強固政府爲目的。其政府以何人組織。則非朕之所敢知。」云云。而倫敦太晤士報論中國善後策曰：「聯合各國。若謀中國問題根本解決。則勿使守舊政府返北京。另組織新政府。爲根本之改良。庶足以謀中國真正之保全。不然斷難免瓦解之虞。」云云。斯時中俄二國之關係頗密。俄以保全中國舊政府爲己國之便利。故特於此三致意。然拳匪餘黨。尙徘徊於附近。而蒙塵政府中之頑固派。尙無真實求和之意。於是英德美三國。同以撤兵時期未到。回覆俄國。而日本之回答。更爲圓滑。謂「今日撤退北京之兵。反有害中國之平和。難保變亂不再發。」云云。於是俄國不能固執己見。撤兵問題。遂自取消。

德政府之
提議與各
國之不同

當媾和談判開始之際。德意志外務大臣畢羅。忽向各國政府提議：「和局未開之前。須令中國政府。將國際法上犯罪之元兇。先行交付。」求各國之贊成。此提議在聯合各國。雖無不可行。然端郡王莊親王剛毅等。皆屬親貴。且握兵權。非兩宮所容易處決。且斯時俄國專以向中國市恩爲政略。對於元兇。格外持寬大主義。日本亦如之。美國以本國大統領改選。務望從速議和。因之俄美日三國。先回覆不同意。法國不贊可否。英國躊躇不作答。惟奧意二國。以三國同盟之關係。表同情。事勢至此。德政府之提議。已不能實行。適德宗以諸臣庇匪開釁。貽辱宗社之故。上諭：「莊親王載勛。恭親王溥靜。貝勒載瀛。載榮。均着削去官職。端郡王載漪着從寬撤去一切差務。並着停俸。交宗人府議處。輔國公載瀾。都察院御史英年。着交該衙門嚴加

議處。協辦大學士剛毅。刑部尚書趙舒翹。着交部議處。』八月二日同時對於德國公使林德克。日本書記生杉山彬被兵戕害一節。着大臣賜祭。德宗親電德日二國皇帝。表弔意。畢維乘此機會。撤回前議。更向列國提新議曰。『中國皇帝既下處罰元兇上諭。上諭中之人名。果係應罰之人與否。其處罰悉得當與否。應依如何方法。列國始得監視行刑。凡此望各國一致。令駐北京公使。協力調查。』云云。

一 在北京各國公使指定之罪犯元魁。處適當之罰。即與德國新提議同意

二 禁止中國輸入兵器。

三 中國對於各國政府團體及各私人。出相當之賠償金。

四 爲保護公使館。各國組織護衛兵住北京。

五 拆毀大沽礮臺。

六 天津北京間擇一二地方置守備兵。以保大沽至北京之交通自由。

法國此提議。即媾和之議案。比俄德之提議。較爲緊切。大致爲各國所贊成。惟日本以『第二項禁制中國兵器輸入。有令中國不能維持平和秩序。與保護外人生命財產之虞。第四項組織國籍言語不同之各國兵爲一隊。駐北京。頗困難。不若由各國自置相當之兵守衛公使館爲優。』各國皆同意。遂將此案提出北

京公使會議

北京公使
會議與英
德協約

先是北京公使恐議和時各國要求不一致。有礙談判進行。先開八國公使會議於北京。磋商和案。開會之後。一時元兇處罰問題。皇太后處分問題。政府改造問題。賠償金程度問題。各公使提議紛紛。莫衷一是。殊難協議。斯時英德二國政府。忽然向各國政府。發表英德二國在倫敦締結之英德協約如左。

一 中國之河川及沿海諸港。無論何國臣民貿易及其他各種正當經濟上之活動。皆得自由開放。以謀各國通共永久之利益。凡英德二國勢力可及之中國領土。相約守此主義。

二 英德二國政府。不利用現時之事變。爲自己謀中國範圍內領土上之利益。且維持中國領土不變。更之政策。

三 列國中若有利用現時事變。冀獲中國領土內利益之時。英德二國政府。爲保護在中國自己利益起見。得協商對付之手段。

四 英德二國政府。以本協約通知法意日奧俄美各關係國。並勸告各國承認本協約記載之主義。此協約締結之原因。當時日本與歐洲各政治家。學者多倡道中國瓜分時期已到。而俄國大軍進滿洲。有囊括全體之勢。原來英國在中國之貿易利益甚大。萬一實行瓜分。則列國爭奪。英受重大損害。又英俄二國對於亞細亞之勢力。原互相對抗。斯時英出大軍征南阿非利加。不易奏功。無干涉俄國之力。欲聯合德

英德協約
之原因

國以牽制俄國於歐洲大陸。而其時德於拳匪擊退之後，再派瓦爾德色將軍率大軍進北京。英政府疑德有蠶食中國領土之意。此英政府欲與德政府協商之原因也。德人所獲山東省之利益不及英。獲揚子江利益之廣大。德國對中國經濟政策早欲與英人並享揚子江之權利。此英德協約容易成立之原因也。協約既成，二國政府直要求關係諸國表同意。原開放中國門戶。係美國提議。早為各國所贊成。至此固無不同意之理。至中國領土保全各國中雖有含反抗之意者。然外面不能顯露。於是日俄美法奧意諸國皆公認之。然以該協約第一條有『英德二國勢力可及之中國領土』之一語。俄國遂主張該協約之效力僅限於英德二國勢力範圍內之各區域。不適用於滿洲。云斯時俄德相接。近華斯麥避俄政策。至此變為月。俄皇訪德皇於坦澤。又德意志對於滿洲無利害關係。遂與俄國為同一之主張。俄公使明言英德協約與滿洲然英政府結該協約之原因實為阻俄人侵佔滿洲之故。則主張滿洲不在勢力範圍之外。日本無關係。然英政府亦主張滿洲包含於英德協約之中。日本政府對衆議院議員質問。包含中國之全領土。解一時該協約果適用於滿洲與否遂為列國間之一大問題。

當英德協約發表之後。北京公使會議。漸得維持共同一致之主義。以法國提議為原案。斟酌損益。自閏八月中旬始。至九月下旬止。共費四十餘日。議決媾和案十二條。即將法國原案之各項加修正。又由德公使提議。加中國皇帝簡派勅使往柏林一條。由日本公使提議。加中國政府向日本政府為名譽保障一條。由

美公使提議。加中國地方官不盡保護外人之任者。革職不叙用。一條。由英公使提議。加改正現行條約一條。由伊公使提議。加整理中國財政。使爲損害賠償一條。更由各國公使公共意見。加改革總理衙門。制定謁皇帝禮式一條。即光緒二十六年十一月初二日。各國公使交付中國媾和全權大臣之媾和案是也。如左。

一 德國公使被虐殺一件。中國皇帝。欽派皇族一人。往柏林。表哀悼之意。於遇害地。建築紀念碑一座。用拉丁德漢各文。叙中國皇帝惋惜兇事之旨。

二 中歷閏八月初二上諭中。指定之犯罪人。與今後各國公使指定之犯罪人。各科以該當之嚴刑。又戕殺外人之各府縣市。五年間停止一切科舉。

三 日本書記官被虐殺一件。中國政府。向日本政府爲名譽之賠償。

四 中國政府。對於被污瀆破壞之外國墳墓。建設贖罪紀念碑。

五 中國政府。允依各國協定之條件。禁止兵器與製造兵器彈藥等材料之輸入。

六 中國政府。對於此次各外國國家團體個人及雇傭中國人之蒙損害者。爲公平之賠償。又中國政府。容列國處理中國財政之意見。

七 各國爲保護公使館。得置守兵於公使館區域。自行防禦。中國人不得在區域內住居。

八 大沽砲臺與自北京至大沽有妨禦自由交通之各砲臺悉破壞之。

九 爲維持北京至大沽之自由交通。列國以軍隊住屯各要地。

十 中國政府永久禁止排外團體。犯者處死刑。各省督撫地方官吏等。遇有排外事變。不即鎮壓。與處罰罪人者。卽罷官。此等上諭。二年間頒布全國。

十一 中國政府承認各國政府之意見。修正通商航海條約。又爲通商關係上謀便利。得商議其他通商事宜。

十二 中國政府允改革總理衙門。並變更外國使臣謁見皇帝之禮節。

第四節 北京媾和

初北京陷落之時。帝室蒙塵。京官或自殺。或從塵。或逃難。北京陷於無政府。而列國軍隊。餘勇勃鬱。殺人放火掠物。紛亂不可名狀。日本副島少將。知事局必以和議了結。不若乘機市恩。密探漢軍正白旗參將申烏珍與副島有舊之所在。暗遣人持日軍旗往通。申烏珍即攜日旗求見副島。告以「帝室蒙塵。慶親王扈從向宣化府。」副島囑令「速迎慶親王歸京。與列國公使協議善後策。不然。事局不知所底止。」次日。申烏珍與敬信阿克丹崇禮四人。再往會副島。途中崇禮被奧兵捕縛。三人會見之結果。副島囑迎慶親王由日本兵

慶親王李
鴻章入京
議和媾和談判
開始

保護入京。尋崑岡、裕德、那桐、聯芳、世續等，再會副島後，即派章京樸壽追迎慶親王。慶親王即請旨歸京。時兩宮在宣化府，即諭慶親王、李鴻章便宜行事。俄公使聞慶親王將至，欲以俄軍保護由阜城門入城。副島聞之，即備騎兵，將強迎慶親王由德勝門入。然慶親王自決由德勝門進城。俄謀遂不獲實行。慶親王入京後，副島往訪。慶親王即以寄李鴻章「入京議和」電報一通，託副島由日本野戰電信，經盛宣懷寄李鴻章。副島承諾之。李鴻章始悉已受全權議和之命，旋乘俄國汽船由廣東赴北京。

慶親王、李鴻章皆至北京後，各國公使會議之媾和案已成。經西班牙主席公使照會我國全權。十一月初二日，我國全權與列國公使會於西班牙公使館。列國公使提示媾和案。我全權電奏西安府。初七日奉上諭批准。全權報知列國公使，兼請撤兵。列國公使復照會我全權要求送付批准之正式上諭。然後開詳細談判。又關於細目，令先以書信磋商大綱。然後會面。十一月二十六日，我國全權以西安府御書諭旨及全權意見書，送付列國公使。其意見書對於各國公使提示之媾和案，遂條述意見，有全然承認者，有僅質問而止者。有關於內容求再議者。列國公使接受之後，旋與我全權會於西班牙公使館，為逐條談判開始。與會者為俄、美、德、法、英、日、奧、意、西、比、荷之十一國。西班牙公使為議長。談判中最難解決者，一為元兇處罰問題，一為償金問題。

中央元兇
處罰問題

關於元兇處罰，分中央元兇處罰、地方元兇處罰、中央元兇處罰問題。初開會議於英國公使館。西班牙公

使問中國全權曰。媾和案第二條。有首禍處嚴刑一項。經數次照會。尙不聞決定。何故。慶親王曰。此事敵國必認真辦理。但端郡王係國家懿親。各國從來之例。皆無處死罪之法。余等依皇太后皇上之意。認二人爲首禍。處刑。西公使問曰。何刑。慶親王曰。死罪。再問曰。二人爲誰。慶親王曰。莊親王係統拳匪者。毓賢係縱拳匪者。此二人應負一切責任。列國公使皆倡不可。爾後開會數次。列國公使皆以端郡王遠謫禁錮爲輕罰。而以莊親王、毓賢、趙舒翹、英年、董福祥、載瀾、啟秀、徐承煜等。皆應處死刑。最後英公使讓步。提出左之要求書。交付我國全權。

端郡王罪宜處死。以帝室之親。由皇帝特恩減刑。永禁錮新疆地方。董福祥載瀾從輕免死。亦永禁新疆。莊親王毓賢英年趙舒翹啟秀徐承煜六人處死刑。

我全權將此案。電奏西安。越諭日奉左之上。

朝廷處莊親王毓賢以死。實爲全陸誼之故。豈能多殺無辜。該王大臣等。須力與各國公使磋商。李鴻章接旨。旋訪英公使。英公使固執前議不動。各國公使皆然。我全權更電奏西安。又旋奉上諭。

莊親王載勛賜自盡。端郡王載漪輔國公載瀾著革爵。永禁新疆。毓賢正法。剛毅雖病死。着追奪原官。革職。董福祥革職降調。英年趙舒翹斬監候。徐桐李秉衡雖身已殉難。死均着革職。啟秀徐成煜着革職。全權復以此上諭。報知列國公使。希望元兇處罰問題。以此上諭了結。乃列國公使。以此等上諭。不經列國

公使之承認，自行宥某死刑，處某死刑爲不當，強硬拒絕，並憤我政府之緩慢，由瓦爾德色發遠攻西安之令。法軍隊急築軍事道路。英德軍派遣偵察隊，各國軍隊集中於北京。大有平和破裂之勢。全權急將情形電奏西安。復於翌年正月初三日，奉上諭英年趙舒翹命自盡。啟秀徐承煜命正法。

至此悉合英公使之要求。先是拳匪初起之時，吏部左侍郎許景澄，太常寺正卿袁昶，兵部尙書徐用儀，戶部尙書立山，內閣學士聯元，極論拳匪不可撫，外釁不可開，被首禍諸臣交章參劾，身罹重辟。至此奉上諭，均着開復原官。列國公使愈滿足。中央元兇處罰問題，遂告結局。

地方元兇處罰問題

地方元兇處罰問題。列國公使。先派委員調查，作成元兇名簿。將提示中國全權。俄國以滿洲事件，將與中國另開談判，反抗不簽押。斯時列國既一致協議，不因俄一國反抗中止。經西班牙公使，將地方元兇名簿，交付中國全權後，迭奉上諭。三月十一日四月十七日七月初六日請上諭。山西歸化道鄭文欽，山西陽曲知縣白昶，浙江衢州城都司周之德，直隸灤平知縣文星立，斬決。蒙古塔拉特王革爵查辦。蒙古喀拉善王，中醫爾王，故直隸總督裕祿，故駐藏辦事大臣慶善，傳旨申飭。浙江巡撫劉樹堂，倉場侍郎長萃，呼蘭城副都統倭克津泰，直隸大名鎮總兵王連三，景州知州洪壽彭，大名知縣苗玉珂，元城知縣張丙吉，南樂知縣恭寅，河南南陽鎮總兵君嘉賓，鄭州知州湯似慈，浙江衢州知府洪思亮，湖南衡州知府裕慶，清泉知縣鄭炳，歸化城副都統奎成，澤州知府陶家驥，潞城知縣璧理，高平知縣于岱霖，長子知縣恩順，山東恩縣知縣屠乃勛，江西按察使陳彝

霖。南豐知縣鄧家猷。南城知縣翁保仁。革職永不叙用。浙江布政使榮銓。盛京副都統恩普。黑龍江副都統鳳祥。巴彥統領鄂英。發往極邊充苦差。浙江衢州鎮總兵喻俊明。金衢嚴道鮑祖齡。湖南衡永郴桂道隆文。山西汾州知府徐繼孺。歸化城同知郭之樞。隰州知府崑澄寰。忻州知州徐桂芬。和林格爾通判毛世黼。托克托城通判樊恩覺。曲沃知縣王廷英。河津知縣黃廷光。大寧知縣曾季鳳。壽陽知縣秦鑑湖。大谷知縣胡德修。孝義知縣姚學康。寧遠州司獄李鳴和。太原城守營石鳳岐。革職。發往極邊。河北道岑春榮。革職。河南縣丞李俞仙。斥革。地方元兇處罰問題。以此了結。

媾和條件中。最困難不易解決者。為償金問題。蓋要求償金者共十國。而各國利害關係各異。損害情形不同。其損害額之多寡。與賠償請求之標準。及其方法。均不容易確定。又中國財政紊亂。將以何項財源。為償金之擔保。又以何項方法。管理擔保之財源。與償還期限長短諸問題。列國公使會議時。甲論乙駁。不可收拾。卒舉德奧荷比四國公使。為確定償金之調查委員。四國公使。先定賠償金基礎五條如左。

一 因此事變受直接之損害者。得請求賠償。

二 賠償分三種。一對於國家之損害賠償。二對於商社及個人之損害賠償。三對於外人雇用華人之損害賠償。

三 此次軍事費。與死傷者撫恤費。及公使館領事館修繕費。與政府一切財產之損害。又關於此次之。

調查費作爲國家之直接損害。

在中國各處之外國商社其房屋財產被破壞之損害又工場業務中止之損害又紛失之貨物錢票股票又不可收回之債權債證又買賣契約不實行之損害又個人失業務之消費又一切私有財產之損害又關於此項之調查費均作爲商社個人之直接損害。

被雇華人之一身或財產上損害與失生命之撫恤費作爲雇人之直接損害。

四 私人之請求賠償由本國公使呈出列國公使會議由列國公使調查之後定適當之賠償額。

五 賠償金自財產破壞之日起民事以五分利息計算商事以七分利息計算。

以上條款僅規定要求損害賠償之目的物而止其依如何標準以定損害額則各國寬猛之度不同德國偏於高價之傾向俄日法次之最寬大者美國也又賠償之標準美國以中國負擔力爲範圍國務卿赫伊電訓駐北京美公使云償金總額宜竭力制限於英貨四千萬磅以內（合中國四億元）然各國名義上主張以損害額爲標準其實按照中國人數無論男婦老幼每罰賠償金一兩假定中國四萬萬五千萬人遂額定賠款爲四萬萬五千萬兩而按照各國要求賠款之比例分配之其實皆超過各國實際損害之若干倍其中俄國以出兵滿洲分配獨占多數德於事平後派大軍至北京次之英美日伊奧荷比次之表如左。

價金照中
國人數核
定

價金總額
與利息額
之確定

俄	德	法	英	美	日	伊	奧	荷	比	其他	合計
一三〇,三七一,一二〇	九〇,〇七〇,五一五	七〇,八七八,二四〇	五〇,七一二,七九五	三二,九三九,〇五五	三四,七九三,一〇〇	二六,六一七,〇〇五	四,〇〇三,九二〇	七八二,一〇〇	八,九八四,三四五	二一二,四九〇	四五〇,〇〇〇,〇〇〇

附

中國全權。接價金總額公文。驚歎過巨。回書「價金進以三十年還清。由稅務司經理。但請酌減。兼請增加

海關關稅。』各國公使。不僅無減少之意。以回文中不言及利息。再開公使會議。照會慶李。慶李不得已。擬將償金四百五十兆兩。週年加四釐。行息電奏西安。旋奉上諭批准。於是償金額與利息額確定。然償還方法。與財源指定。均不可不妥為協議。列國公使。先選英法日德四國公使。為調查償還方法。及財源委員。四國公使。先定償還方法案四項。如左。

一 使中國無列國保證。自行募集公債。但此樣公債。係導中國以危亡。

二 列國協同為中國公債之保證。依此方法。中國公債。容易募集。列國償金。容易攤還。又中國人民不感困難。商業受善影響。惟各國政府。負重大責任。若協同列國中有要求中國歲入之監督權。意見不一致之時。列國陷於非常困境。

三 由中國政府。按償金。應納額。發行定期公債。交付列國。

四 使中國為年賦償還。但此方法。有使償還年限。意外遲緩之弊。

又四國公使。調查財源之後。定左之六種收入。為償金之財源。

甲 現時外人監理之中國海關稅。總額每年約二千八九百萬兩。現時此額之用法。以二百五十萬兩為稅務費。十二萬兩為北京大學校費。百三十萬兩為外國公使館費。二千四百萬兩為舊債抵還費。

乙 海關稅率從價增加為五釐。除鴉片烟外。每年可增收收入百五十萬兩。

- 丙 現外國輸入之粉類牛酪乾酪織物及酒精等之無稅品自後課進口稅。
- 丁 內地關稅移於海關監理。可得三百萬兩以上、千萬兩以下之收入。
- 戊 海關稅率增加爲一分。可增千五十萬兩以上、千八百萬兩以下之收入。
- 己 鹽務課稅。可得四百萬兩以上、二千萬兩以下之收入。

(前四項四國調查委員一致。後二項不一致。)

以上二案。四國公使向公使會議提出之後。一時議論紛起。關於價金方法。俄國主張協同保證案。即第二方法

英國主張定期債券交付案。即第三方法。然各國欲避擔保責任。美德二國贊成英國主張。法國始贊成俄國終

傾英案。償還方法。遂確定英國主張之債券交付案。關於財源。列國亦各依己國利害主張不同。關稅案俄國主張增爲一分。英國極力主張不過五釐以上。他數公使贊成鹽務賦課。德公使恐徵收方法。仍入海關稅務司英人之手。反抗之。經數月不能協議。至七月上旬。列國公使始一致決議如左。

- 一 以海關稅及內地關稅及鹽稅之三項充償金之財源。
- 二 海關稅增定爲五釐。
- 三 海關稅中從來之從價稅一切改爲從量稅。

元兇價金二問題解決後。此外諸問題。中國與列國無大議論。各國間亦無大意見衝突。談判頗容易進行。

光緒二十七年七月二十五日北京和議成。其條約主要如左。

一 德公使被害一事。中國皇帝欽派醇親王載灃爲頭等專使。往德國表謝意。於遇害處建坊一座。以拉丁德漢各文叙中國皇帝惋惜兇事之旨。

二 端郡王載漪。輔國公載瀾。加恩禁錮新疆。永不赦免。莊親王載勛。英年趙舒翹均賜自盡。毓賢啟秀。徐承煜均正法。剛毅徐桐李秉衡追奪原官革職。徐用儀立山許景澄聯元袁昶均開復原官。董福祥革職。各省地方獲咎官吏。依本年三月十一。四月十七。七月初六各上諭。所定各罪案懲辦。又虐殺虐遇外人之城市府縣。均停止文武考試五年。

三 日本書記官被戕一事。由中國皇帝簡派戶部侍郎那桐爲專使。往日本表惋惜之意。

四 外國墳墓被污瀆挖掘之處。由中國政府給費建立滌垢雪侮碑坊。

五 中國政府允准二年之內。將兵器彈藥。與製造兵器彈藥之材料。禁止入口。

六 中國皇帝允付諸國債。海關銀四百五十兆兩。

甲 此四百五十兆兩。係按照海關銀兩市價。易爲金款。此市價按照各國金錢之價。易金如左。

海關銀一兩。卽德國馬克三·〇五五 奧國克勒尼三·五九五 美國圓〇·七四二 法國

佛郎三·七五 英國先零三· 日本圓一·四〇七 荷國佛樂林一·七九六 俄國盧布

一〇四二二

此四百五十兆兩，按年加四釐行息，以三十九年按表攤還。參考附錄

本息皆用金貨付給，或按還時市價易金付給。

乙 還款事宜，在上海執行，各國各派銀行董事一名為委員，專任收受中國本息償金，與分給關係諸國之任務。

丙 中國政府將償金總額債票一紙，交付駐北京公使，此總額債票以後分作零票，每票由中國官員劃押，各國銀行委員關於債票發行一切事務，遵本國訓令執行。

丁 擔保債票財源之進款，按月交付銀行董事。

戊 所定擔保債票之財源如左。

一 新關稅之收入，內除擔保舊債之本利以外，所賸餘之款，又進口貨稅，現今增至切實值百抽五所得之款。

二 各通商口岸，舊稅關改歸新稅關管理之款。

三 鹽稅收入，內除擔保舊債以外所賸餘之款。

但現行稅率改正為切實值百抽五，依下二條件，各國承認之。

一 從前之從價稅，改爲從量稅，其改定之方法，依最近三年間各貨品卸貨後之平均價格爲議價基礎。

二 白河、黃浦、江、兩水路改良、中國分擔經費。

七 中國政府准依附屬劃清各國使館境界，使館區域內全歸公使管理，不准中國人住居，且各國爲保護公使館，得置護衛兵於使館區域。

八 中國政府允將大沽礮臺及有礙北京至海濱間交通之各礮臺一律削平。

九 中國政府承認各國占領黃村、廊坊、楊村、天津、軍糧城、塘沽、蘆臺、唐山、昌黎、灤州、秦皇島、山海關等處，以保北京至海濱無斷絕交通之虞。

十 中國政府對於各府廳州縣二年之內，頒布左記各上諭。

甲 永禁加入排外團體違者處斬。

乙 列舉懲辦犯罪人罪案。

丙 虐殺苛遇外人之府縣城鎮停止考試。

丁 各省督撫文武大吏及有司各官倘遇有傷害外人之事，不能立即彈壓懲辦者，革職永不叙用。

十一 中國政府承認襄辦白河、黃浦、江、二水路之改善方法如左。

甲 白河河道改善工事。於光緒二十四年。會同中國開辦。茲由各國委員管理重修。俟天津行政還中國之後。即可由中國派員。與諸國所派之員。會同合辦。但中國每年納海關銀六萬兩。為維持工事費。

乙 現時設立黃浦江河道局。監督水路改良諸工事。其最初二十年間。每年須海關銀四十六萬兩。中國政府與諸關係國人按年分擔其半。

十二 中國政府將總理各國事務衙門。改為外務部。班列六部之首。又更定各國欽差大臣。謁見皇帝禮節。

右條約以七月二十五日批准。除第七條各國置護衛兵於使館區域內。與第九條各國占領各要地外。其餘各國軍隊以八月上旬退出直隸。北京陷落後。至此一年有餘。以各國保全中國領土主義。幸無要求割讓土地之事。然禁止兵器彈藥輸入。削平北京。大沽。閘。礮臺。無期。占領各處。要塞。其侵害主權。特甚。而賠款本利總額。依當時戶部奏案。共達九億八千二百二十三萬八千一百五十兩。其實不止此數。條約第六條。甲項。明規定。按照各國金錢之價計算。則不以海關銀兩為標準。而以兌換金錢為標準。成為金貨負債。條約締結之翌年。光緒二十八年。以來。銀價非常低落。每年按表還債。外須額。外津貼。海關銀三百萬兩之譜。呀。賠額已超過各國實損之上。而固守銀本位之中國。孤立於四面。金本位各國之間。銀價動搖。屢受無窮之損害。

殊堪痛矣。初各國公使協議與各國相互照會。皆言銀數無一語道及金磅者。即條約第六款甲項。雖明定依金貨計算。然總句仍用四百五十兆兩之文字。且當時付交各國債票與利息均以銀兩計之。各國無一反抗者。翌年西五月二十四日英外務大臣蘭斯頓電訓駐柏林英公使云。四百五十兆之公債係依金磅計算。德外相畢羅公驚曰。北京公使協議係依銀兩爲標準。然貴國若用金磅。敵國亦依馬克換算。各國附和之而準之。條約第六款甲項規定之明文毫無疑義。中國無如之何。蓋締約之當時各國公使意亦模糊。依銀兩之時價定率耳。而我國外交當局粗心昏暗。對此大事件條文規定時不爲精細注意。遂遺誤至此。其後雖派慶親王王文韶與劉張二總督有所運動。又派那桐遍訪列國公使。以德法二國公使強硬拒絕不收寸效。卒之我國哀請關稅亦用金貨徵收。被英使嚴拒。僅得每年兌換差金。不再起利息而止。當時戶部籌款。依債表年限。每年由中央政府提三百餘萬兩。其餘量各省財力。按年攤派。江蘇每年攤二百五十萬兩。四川二百二十萬兩。廣東二百萬兩。浙江一百四十萬兩。江西一百四十萬兩。湖北一百二十萬兩。安徽一百萬兩。山東九十萬兩。河南九十萬兩。山西九十萬兩。福建八十萬兩。直隸八十萬兩。湖南七十萬兩。陝西六十萬兩。新疆四十萬兩。甘肅三十萬兩。廣西三十萬兩。雲南三十萬兩。貴州二十萬兩。其後因每年磅虧約三百萬兩。於光緒三十年借匯豐銀行八百萬兩。以爲補還磅虧之用。

附錄 北京媾和條約之附件十二

賠款虧磅之價值

各省攤派賠款

賠款償還年付表

期 年 本 金 利 金 合 計

光緒二十七年

兩

兩

第一期

一九〇一年	……	……	九〇〇〇〇〇	九〇〇〇〇〇
一九〇二年	一九二三〇七七	……	一八〇〇〇〇〇	一九〇二三〇七七
一九〇三年	同	同	一七九二三〇七七	一九八四七一五四
一九〇四年	同	同	一七八四六一五四	一九七六九二三一
一九〇五年	同	同	一七七六九二三一	一九六九二三〇八
一九〇六年	同	同	一七六九二三〇八	一九六一五三八五
一九〇七年	同	同	一七六一五三八五	一九四六一五三九
一九〇八年	同	同	一七五三八四六二	一九五三八四六二
宣統元年				
一九〇九年	同	同	一七四六一五三一	一九三八四六一五
一九一〇年	同	同	一七三八四六二五	一九三〇七六九三

第二期 一九一一年 三九二三〇七七 一七三〇七六九二 二二三〇七六九

民國元年

一九一二年 同 一七一五〇七六九 二一〇七三八六四

一九一三年 同 一六九九三八四六 二〇九一六九二三

一九一四年 同 一六八三六九二三 二〇七六〇〇〇〇

第三期 一九一五年 九六二三〇八 一六六八〇〇〇〇 二六三七二三〇八

第四期 一九一六年 一六九二三〇八 一六二九二三八八 二七九八四六九六

一九一七年 同 一五八二四六一五 二七五一六九二三

一九一八年 同 一五三五六九二三 二七〇四九二三一

一九一九年 同 一四八八九二三一 二六五八一五三九

一九二〇年 同 一四四二一五三八 二六一一三八四六

一九二一年 同 一三五九三八四六 二五六四六一五四

一九二二年 同 一三四八六一五四 二五一七八四六二

一九二三年 同 一三〇一八四六一 二四七一〇七六九



第五期

一九二四年	同	一二五五四七六九	二四二四七〇七六
一九二五年	同	一二〇八七〇七七	二三七七九三八五
一九二六年	同	一二五一九三八四	二三三一六九二
一九二七年	同	一一五一一六九二	二二八四八〇〇〇
一九二八年	同	一〇六八四〇〇〇	二二三七六三〇八
一九二九年	同	一〇二一六三〇七	二一九〇八六一五
一九三〇年	同	九七四八六二五	二一四四〇九二三
一九三一年	同	九二八〇九二三	二〇九七三二三一
一九三二年	同	八八一三二三一	三三二八三三一七
一九三三年	同	七八三四四二七	三二三〇四五一一三
一九三四年	同	六八五五六二四	三一三二五七一〇
一九三五年	同	五八七六八二〇	三〇三四六九〇六
一九三六年	同	四八九八〇一七	二九三六八一〇三
一九三七年	同	四一九二二三	二八五八九二九九

一九三八年	同	二九四〇四一〇	二七四一〇五九六
一九三九年	同	一九六一六〇六	二四一三一六九二
民國二十九年			
一九四〇年	同	九七八八〇三	二五四四八八九
合計		四五〇〇〇〇〇〇	五〇二〇六四〇七四
			九二二〇六四〇七四

第五節 中俄密約與日英同盟

初。拳匪事變之起也。俄國乘布拉郭威什臣斯克受礮擊。以保護滿洲鐵道爲口實。直派軍隊進迫滿洲。恐各國疑忌。俄皇向外宣言曰。俟滿洲秩序恢復之後。俄國即撤兵不怠。斷無占領滿洲之意云云。時一九〇〇年^{光緒二十六年}八月二十五日也。其後俄既占領滿洲全部。欲與中國締特別條約。先提議北京撤兵。次反抗元兇處罰。以買中國政府之歡心。冀收滿洲之固滿利益。及英德協約發表之後。俄國外面雖贊成。然其解釋。隱示該協約不適用於滿洲。北京議和開始之際。各國喧傳關東總督。與增祺將軍締結密約九條。全置滿洲爲俄國之保護領。及光緒二十七年正月^{西二月十八日}。倫敦太晤士報。載駐俄中國公使楊儒與俄外務大臣拉穆斯多福締結滿洲密約如左。

- 一 俄皇願與中國結好。不料有滿洲之事。俟滿洲歸還之後。中國之吏治。一切復舊。
- 二 東清鐵道條約。同會社有置兵保護鐵道之權。現地方未靖。不應撤兵。暫留一部。俟地方勘定。與本條約第四款辦到之日爲止。
- 三 若遇變急。留駐之兵。得以全力助中國彈壓。
- 四 此次攻擊俄軍者。多係官軍。因此之故。鐵道未竣工。與列車未開運以前。中國不得設置軍隊。他日設置軍隊時。須先與俄國商定數目。又禁止兵器彈藥。輸入滿洲。
- 五 滿洲之將軍大員。辦事不合邦交者。經俄國聲訴。即與革職。所設馬步巡捕。須與俄國商定數目。除機關砲供差人員外。不得用外國人。
- 六 中國照前成議。北方之海陸軍。不用他國之訓練。
- 七 爲保全地方起見。旅順租借約中第五款之隙地。由地方官別立專章治理。並廢除光緒二十四年旅大租借續約第四項之金州行政權。
- 八 國境各處。滿蒙及新疆之塔爾巴哈臺、伊犁、克什噶爾、葉爾羌、和闐、于闐等各處之礦山鐵路。及他項利益。非俄國許可。不得讓與他國。或他國人。又非俄國許可。中國不得自行造路。且除牛莊以外之地。不得租與他國人。

九 此次俄國軍費。照各國賠償還清。其賠償之抵押。會同各國辦理。

十 鐵道與會社技師所受毀損。及工事遲誤之損害。均由中國與會社商議賠償。

十一 上項之賠償。應以他項利益爲抵當。或酌改舊條約。或別讓新利益。

十二 中國允俄國得由東三省鐵道幹線或支線修一路向北京。直至長城。其路準現行鐵道條約辦理。

右密約發見於太晤士報也。英國政府卽向俄國質問。俄外相力辯其無。駐華盛頓俄公使喀西尼。亦向美國國務卿力辯其妄。然楊儒公使。以俄政府之迫壓。不得已結此約。電經慶親王李鴻章轉奏請旨。蓋陰促慶李假列國力以拒絕之也。李以該條約本文提示各國公使。日英美德奧伊六國。先後向中國警告。德奧伊三國警告之主旨。則以『北京和議未定之前。中國不可將國家重要財源。先與一國作抵。』美國警告之主旨略同。日英二國。則進一步。謂『中國若批准該條約。是自開瓜分之端。』時慶親王首倡反抗。劉張兩總督。與兩廣總督陶模巡撫德壽等。均奏請拒絕東撫袁世凱。鐵道大臣盛宣懷。電稟李鴻章。告密約不利。其他上海志士百九十餘人。向日本國民同志會寄下記之電報。『滿洲密約。繫東亞存亡。希貴政府之義力爭。』先是日本開關東總督與增祺結密約。國論大沸騰。公爵近衛篤磨爲首。組織國民同盟會。迫本國政府反抗。及此密約發表。同盟會要求政府直接向俄國抗議。決意訴之兵力不辭。蓋日本假地理人種

之關係，欲對中國占優勝之勢力，依密約，則滿洲爲俄國所奪，非其所能忍也。斯時日本政府大決心，一方向議會宣言：『滿洲包括於英德協約之內。』一方向俄國政府，請將密約提示列國會議。俄政府言托左右，削除第八條，迫中國以西四月一日批准。中國以各國反抗爲辭，直拒絕之。而日本於此間迭開軍事會議，準備戰鬥，形勢如斯。俄政府亦無如之何，旋向各國申明廢棄密約，遂告結局。

第一次密約，雖由俄國自行廢棄，然俄對滿洲之政略，斷非以如斯處理而甘心者。同年七月，北京和議成立後，由西安發布皇太后皇上暫不回鑾之上諭。俄國以北京主權尙未確定爲辭，申明繼續占領滿洲。慶李等迭請兩宮早回鑾，不報。俄公使乘機迭加要求，李鴻章不得已於九月中旬，復與俄公使協商。其協商案當時外間所傳不同，茲就其條件較輕者述之。

- 一 俄國將滿洲及牛莊與山海關鐵道交還中國，但中國不得將該鐵道之保護權，委與他外國人。
 - 二 俄國以本年內撤退盛京省之兵。
 - 三 俄國以兩年內，漸次撤退吉林黑龍江省之兵。
 - 四 滿洲軍隊，用俄國將校訓練。
- 又關於牛莊鐵道交還之條件如左。
- 一 牛莊鐵道交還中國之後，自後該鐵道不得受他國干涉。

二 日英二國之軍隊不得由此鐵道輸送。

三 將來中國若築造此鐵道之支線，須先得俄國之同意。

四 該鐵道不得渡遼河，與阻害俄國商業上之利益。

五 俄國對該鐵道所費一切費用，由中國支償。

李鴻章
廢與密約

當時兩全權嚴保秘密之故，協約真相，外間不得窺知。觀右條件，則比第一次密約，俄國之讓步實大。然當時皇太后納劉張兩總督之奏疏，拒不批准。嚴命李鴻章廢約。時李年七十八，以北京議和，身當難局，勞心過度，肝疾增劇。知滿洲事件，不與俄國幾分要求，難望撤兵。欲依此約了局，及接廢約諭旨，九月二日病勢頓加。旋於九月二十七日病卒。俄公使以李既卒，亦頗躊躇。至十二月復更改條件，與慶親王王文韶交涉。斯時兩宮已回鑾北京，俄失繼續占領滿洲之口實。又以日美兩國政府之反抗，密約終不成立。

日英同盟
之原因

同年十一月兩宮北京回鑾，迭促俄國撤滿洲之兵，不應。日本國民同盟會大激昂，要求本國政府，以兵力迫俄國撤兵。其時，日本桂太郎內閣，成以北京和議，旋有力之小村壽太郎為外務大臣。第一中俄密約。小村周旋各國公使間。為破小村在北京議和時，凡諸問題，屢與英公使相提攜。蓋三國干涉遼東以來，日本以英、俄、日三國之勢力，均能平衡主義。其時俄國不僅囊括滿洲，且對於西藏，大有所活動。光緒二十

七年九月。達賴喇嘛派使節至俄國。翌年英政府大驚而德相畢羅主張英德協約與滿洲無關係英政府遂有不再求同志之勢由是日英二國實際之接合遂成光緒二十八年正月初四日。一九〇
十月三 駐英日本公使林董與英外務大臣蘭斯頓締結日英同盟條約如左。

一 兩締盟國以相互承認中韓兩國之獨立聲明該兩國無論何方不為全然侵略的趨向所牽制但兩締盟國之利益即英國以對於中國之利益為主日本對於中國之利益及韓國政治上商工業上之特殊利益若因他國侵略行為至締盟國之利益受侵害或因中韓兩國自起騷擾致締盟國之利益及締盟國臣民之生命財產受侵害兩締盟國為擁護該利益起見各得執行必要之手段。

二 兩締盟國若一方因防護利益與乙國交戰之時他一方之締盟國須守嚴正中立並努力妨礙第三國加入乙國與同盟國交戰。

三 上記戰鬥中若他之一國或數國加入敵國與同盟國交戰之時他一方之締盟國即當出兵援助協同戰鬥媾和亦與該同盟國合意為之。

四 兩締盟國無論何方若不經他一方協議不得與他國結妨害上記利益之別約。
五 英國或日本若認上記利益迫於危殆之時兩國政府互相竭全力通告不得隔閡。

六 本協約自調印之日起五年間有效力若第五年期滿時之十二個月以前兩締盟國皆不照會廢

日英同盟
之精神

約。則本協約以締盟國一方表明廢約意思之日起。仍繼續一年間有效力。但此一年間期滿時。若締盟國一方在交戰中。則本同盟之效力。必繼續於媾和結局之時。

右同盟條約之精神。雖以保中韓兩國獨立爲名。其實日英二國恐中韓兩國之利益爲俄國所獨占。結同盟。抵禦之也。釋第一條之意義。締盟國一方爲防護利益。得以獨斷向對敵國。含中韓及歐洲各國開嚴重談判。極至於開戰。他一方之締盟國。決不反抗。第二條之嚴正中立。譬之日俄開戰。則英國之地中海。蘇彝士。海峽。蘇

士雖非英領主權在英印度洋。中國南海。與南洋羣島之英國領地。皆不准俄國軍艦下碇。又英領與英商。皆不得運

賣軍器。石炭。糧食等。與俄國軍艦。依此一項。東洋方面。日俄若有衝突。其勝敗。可以想見。其第三條之協同戰鬥。則防法德助俄國之規定也。

日英同盟條約發表之後。各國多表歡迎。俄國以該同盟係與己國爲敵而出。對於滿洲永久占領之慾望。至此不敢固執。然恐日英同盟之結果。有害極東俄國勢力之權衡。遂將俄法同盟關係擴張。至於極東方面。西三月十二日。向各國發表。如左。

俄法兩國盟國政府。以保持極東現狀。及全局之平和爲目的。對於一千九百二年一月三十日之日英協約。確信其以保全中韓兩國領土。及商業上兩國門戶開放爲基礎。與俄法兩國從來主張之諸原則。不相違異。表十分滿足。

俄法同盟
之範圍擴

俄法兩國政府。尊重前記之諸原則。且信此諸原則。爲兩國在極東特別利益之保障。若因第三國侵略行動。或中國新生騷擾。致中國之保全與其自由發達。不能鞏固。因之兩締盟國特別利益受侵犯之時。兩國政府。得取防衛之手段。

先是俄法同盟之關係。依歐洲方面之政略而出。至此因日英同盟之故。遂將該同盟之效力。擴張範圍於極東方面。蓋顯示日英同盟之對峙也。同時俄國政府。更向各國宣言。大意謂「日英協約之目的。全與俄國所持之主義同揆」。於是滿洲問題之解決。更進一籌。同年三月初一。西三月二十六日俄公使雷薩爾與慶親

王王文韶訂結滿洲撤兵條約如左。

一名東三省
交收條約

一 俄國皇帝。表明對中國皇帝交誼親厚。將東三省邊境暴戾俄民之事。付之不問。尤將東三省各地。交還中國治理。一如俄軍未經占據之前。

二 中國政府。自接收滿洲自行治理後。須實力遵行光緒二十二年八月二日與華俄銀行締結之各條款。又對於鐵道及鐵道員。與住在滿洲之俄國一般臣民。并所創設事業。均極力保護。

中國政府。承認上記各情。再無變亂發生。又無他國之妨害。俄國政府。依左記方法。撤退滿洲軍隊。本協約調印後。限六個月。俄國。撤退。盛京。省。西南段。至遼河之軍隊。並將該鐵道交還中國。

再六個月。撤退。餘盛京。省。各段之軍隊。及吉林。全省。軍隊。再六個月。撤退。黑龍江。省。全部之軍隊。

三 爲恐兩國官軍再起衝突。俄軍尙未撤軍之前。應先協定中國駐屯滿洲之兵額。與其駐屯地方。中國於此協定兵數外。不得另派軍隊。

俄軍全撤之後。中國酌核滿洲駐兵。應添應減時。仍隨時知照俄國政府。蓋中國增添滿洲軍隊。俄國亦必增添邊境兵隊也。

關於滿洲綏靜地方。設巡捕等事。除東清鐵道會社所管各地段外。各省將軍須專用中國之馬步捕隊。以充巡捕。

四 俄國政府。依左記條件。將山海關營口新民廳各鐵道交還中國。

甲 自後中國自任該鐵道之保護責任。不得請他國代理。又俄國退還各地段。不准他國占據。

乙 該鐵道經營各節。必遵照一八九九年四月十六日之英俄協約。即光緒二十五年聖彼得堡協定之英俄協約與一八

九八年九月二十八日中國與一私會社借款契約。即光緒二十五年八月二十五日辦理該私會社。不得藉端占據或經理該鐵道。

丙 自後南滿洲鐵道延長。或敷設支綫。或營口建築鐵橋。或山海關鐵道終點有遷移之計畫時。由中俄兩國協商辦理。

丁 俄國修繕山海關營口新民廳各鐵道費資。以未包於價金總額之內。候協定金額後。由中國政

府賠償

本條約簽押之後。俄國政府付長文之宣言書。向各國發表。大旨言「俄國占領滿洲。實因暴徒蜂起。爲保護滿洲利益不得已之所爲。今平和克復。俄國之利益既得確保。故遵迭次宣言之主義。與中國政府締結本約」云云。至此。俄國無特許權之規定。將滿洲原狀歸還中國。準之日英同盟以前之中俄密約。俄之讓步實可驚。義和團禍變。至茲全然結局。然而俄國果遵約實行撤兵與否。則候下章述明。

第十一章 日俄戰爭與中國之關係

光緒二十八年
至三十一年

第一節 日俄開戰之原因

日本對於
遼東之
恨

中日戰爭之結果。馬關和約第一條。中國將奉天省南部與遼東灣東岸黃海北岸諸島嶼。割讓爲日本領土。其時俄國協同德法二國。以『遼東半島若歸日本。則不僅中國首都危險。韓國獨立。亦歸於有名無實』爲口實。干涉之。日本不得已揮淚奉還遼東。乃日本去。而俄國進。光緒二十二年以來。俄國對於滿洲所結條約。無非欲括滿洲爲己有物。拳匪事變起。滿洲官軍先發難。俄國視爲千載一時之機。以保護東清鐵道爲名。實行占領東三省。卒以日英同盟之故。權與中國結滿洲撤兵條約。然其實非俄國所果欲實行者也。

光緒二十八年九月十五日。爲俄國滿洲第一次撤兵期滿之日。俄政府果於前半月間。撤兵開始。至期錦州遼河西南部之俄軍悉撤退。野戰用之郵便電話局亦閉鎖。關外鐵道。全交還與增祺將軍。第一期撤兵。全遵約實行。光緒二十九年三月十五日。爲俄國滿洲第二次撤兵期滿之日。金州牛莊遼陽奉天鐵嶺開原長春吉林寧古塔琿春阿拉楚喀爾濱各處所駐紮之俄兵。應如期撤退。至期。俄國不僅不撤兵。駐北

俄國第二期
撤兵不
實行與
新
要求

雷薩爾公
使之新
要求

京俄國代理公使布拉穆損。反向我外務部。提出新要求七款。

一 俄國還付東三省之土地。中國決不租借割讓與他國。

二 俄國撤兵之區。中國不得開作自由通商港。

三 東三省行政與軍事。中國不得聘用俄國以外之人。

四 牛莊一切公務。歸俄人經理。

五 牛莊關稅收入。永遠任華俄道勝銀行管理。

六 滿洲衛生事務。歸俄人經理。

七 中國所設滿洲之電線。俄國得使用之。

右要求案。當時傳聞雖有異同。然大體閉鎖滿洲門戶。而置於俄國保護之下。日英美三國。同向中國警告。美國更勸中國開牛莊。奉天。大東溝。爲通商口岸。又直接詰問俄廷真意。斯時皇太后以日英美三國之外。援。與各總督反對之故。命慶親王拒絕俄國要求。俄公使見形勢已非。即撤回要求案。且贊成開奉天大東溝。爲商埠。問題一時消滅。至五月中旬。俄公使雷薩爾歸任北京。更向慶親王提新議四款如左。

一 擴張華俄道勝銀行之營業權。凡東三省中國經營之事業。與中俄共同事業。悉由該銀行貸給資
金。

二 營口稅關事務。今後二十年委托華俄道勝銀行管理。

三 奉天吉林兩府設交涉局。由中俄兩國委員組織。關於兩省之政治軍事經濟衛生司法等事。相互協商辦理。

四 由北京至張家口。經庫倫達恰克圖之蒙古鐵道。歸華俄道勝銀行修造。

五 西藏西北部。行中俄協同行政制度。

當雷薩爾向慶親王提此議時。正俄國陸軍大臣苦魯巴金東遊。以提議後三日抵日本東京。日本風傳苦魯巴金此行。爲與日本政府訂交換滿洲條約。日本國論大沸騰。先是三月十五日。俄國第二期撤兵不實行。日本國民組織對外同志會。主張開戰。聞交換滿洲之說。詰責政府甚急。戶水寬人。富井政章。金井延。高橋作衛。小野塚啓。原次。寺尾亨。中村進午。八博士。相攜訪桂總理。總理力辨其無。同時進步黨總理大隈重信。竭力主張開戰。日本主戰論漸熾。

苦魯巴金駐東京四日。卽向旅順出發。至旅順。開極東俄官大會。俄國駐紮中韓兩國公使。華俄道勝銀行總理。關東總督。及滿洲各地守備隊之一等參謀。皆列席。審議十日始散會。滿洲問題之俄國方針。卽以是會決定。雷薩爾反北京。卽訪慶親王曰。『俄國鑒於東三省現狀。縱令列國干涉。斷不能無條件撤兵。雖因此事與日本開戰亦不辭。』同時俄國政府。新設極東大總督府。卽以關東總督亞歷氣哲福爲大總督。凡

苦魯巴金
東遊與日
本主戰論

極東俄官
大會

俄設極東
大總督府
與感溫韓

極東外交行政軍事最上權力含黑龍江沿岸東三省之陸軍。與太平洋艦隊。皆歸其所轄與高加索大總督之制相同。依此制俄國對於滿洲已實行統治。本國領土之制且同時向韓國逼壓。援逾期之採伐森林權利。該條約係光緒二十二年七月韓國與俄人訂結。約定五年以後不着手即作為無効。至此逾期一年有餘矣。強韓國履行條約且要求租借龍巖浦。韓廷不應。俄人遂強於該地築礮臺。又布設至安東縣之軍用電線。且改其名爲尼哥拉斯浦。仍俄皇名。至此日本政府遂與俄國開正式談判。極東之外交中樞漸由北京而移於東京。

先是韓國問題。自中日戰爭後。中國脫離宗屬關係。全入日本之勢力範圍。然俄國之勢力陡漲。日黨與俄黨互爭政權。明治二十九年。排日派率俄國水兵數百。由仁川入京城。擁國王世子等入俄國公使館。由俄使館發出上諭。罷日本黨內閣。組織俄國黨內閣。日本黨多被慘殺。於是中日戰後。日本在韓國之勢力全喪失。而俄國公使握韓廷實權。日本不得已以俄皇加冕禮。（光緒二十二年）派山縣有朋爲賀使。與俄廷結日俄兩國共同保護韓國之約。及中國拳匪起事。俄國以大兵實行占領滿洲。日本國論沸騰。苦魯巴金東遊。見日本實有干涉俄國之意。遂決定威懾日本。故向韓國加以壓迫。此日本不能不與俄國正式相見之原因也。

一九〇三年七月二十八日。光緒二十九年六月。小村外務電命駐俄栗野公使。即訪俄國外務省。告「極東兩國之特殊利益。須協商劃清。」俄外務大臣拉穆斯多福承諾之。小村遂草協約草案。令栗野公使向俄廷提出。

日俄交涉
與日本提
出案

俄國提出
之對案

一 日俄兩國相互尊重中韓兩國之獨立及保全其領土對於該兩國之商工業相互保持機會均等主義。

二 俄國承認日本對於朝鮮之卓越利益日本承認俄國對於滿洲經營鐵道之特殊利益。

三 日俄兩國限於不違背本協約第一條日本對於韓國俄國對於滿洲之商工業活動互不阻礙。韓國鐵道延長至滿洲南部與東清鐵道山海關牛莊鐵道相接俄國不得阻礙。

四 爲保護本協約第二條之利益日本對於韓國俄國對於滿洲認必要派遣軍隊之時其所派軍隊相約不超過實際必要兵額之上且事平後即召還。

五 俄國承認日本對於韓國改革有與助言及援助並含軍事上援助之特權。

拉穆斯多福接日本提案之時值俄皇巡遊歐西將扈從又以該事件爲極東地方實際問題欲命駐日本俄國公使與極東大總督當談判之局而移談判於東京且主張俄國另作一對案與日本提案同爲談判基礎日本承諾之十月上旬駐日本俄公使羅栓與極東大總督亞歷氣哲福會商之後向日本政府提出俄國對案如左。

一 俄日兩國相互尊重韓國之獨立與保全其領土。

二 俄國承認日本對於韓國之卓越利益限於不違背第一條凡韓國民政改良日本有助言及援助

之權利。

三 俄國不阻礙日本對於韓國之商工營業。限於不違背第一條，不反對日本保護商工營業之一切行爲。

四 俄國承認日本爲上記目的，得向韓國派遣軍隊。但兵數不可過實際必要兵額之上。且事平後即召還。

五 韓國領土內，不爲軍略上之目的使用。韓國沿海岸，不築有妨害自由航行之兵事要工。

六 北緯三十九度以北之韓國領土，作爲中立地。兩國皆不引軍隊進入。

七 日本承認滿洲及其沿岸，全然在日本利益範圍之外。

右對案關於日本對於中國之各條，項盡削除之。單就韓國協定，蓋俄國不僅不尊重中國之獨立與保。全其領土。且欲侵略韓國。故關於日本對於韓國之權利利益。且加限制也。其與日本原案之主張。全不相侔。十月中旬。小村外務修改俄國對案。提示俄公使。其修改文如下。一、俄對案第二條韓國之民政。改爲韓國之內政。援助之下。添含軍事上之援助。二、對案第三條商工營業。改爲商工業活動之發達。保護商工營業。改爲保護是等利益。三、對案第四條。改爲日本爲前條所揭目的。向韓國派送軍隊。俄國承認爲日本之權利。四、對案第六條。改爲滿洲境界兩邊各五十吉羅米突之地。爲中立地帶。五、對案第七條全削除。改爲下

之三條。(甲)俄國對於滿洲尊重中國主權。及保全其領土。并不妨害日本對於滿洲之商業自由。(乙)日本承認俄國之滿洲特殊利益。限於不違反甲之規定。俄國爲保護該利益所出行爲。日本承認爲俄國之權利。(丙)今後韓國鐵道。與東清鐵道。延引至鴨綠江畔時。約不阻礙該兩鐵道之聯絡。右修改案提出之後。小村與俄公使談判數次。關於韓國數件。俄國雖同意改正。滿洲問題。彼此確執。不能相下。十月三十日。小村更向俄公使提出第二修正案。

日本第二
修正案

- 一 相互尊重中韓兩國之獨立。又保全其領土。
- 二 俄國承認日本對於韓國之卓越利益。及對於韓國行政改良。與助言。及援助。並軍事上援助之權利。
- 三 俄國不阻礙日本對於韓國商工業之活動發達。日本爲保護此等利益所出一切行爲。俄國不反對。
- 四 日本爲上記目的。向韓國派遣軍隊之時。俄國承認爲日本之權利。
- 五 日本不於韓國沿岸。建築妨害自由航行之兵事要工。
- 六 滿韓境界兩側各五十吉羅米突之地。定爲中立地帶。非兩國相互承諾。不得引軍隊進入。
- 七 日本承認滿洲在日本特殊利益範圍之外。俄國承認韓國在俄國特殊利益範圍之外。

- 八 日本承認俄國之滿洲特殊利益，并承認俄國爲保護此等特殊利益，出必要處分之權利。
 - 九 俄國對於韓國條約上所獲得關於商業及居住之權利與豁免，日本不妨害。日本對於中國條約上所獲得關於商業及居住之權利與豁免，俄國不妨害。
 - 十 今後韓國鐵道與東清鐵道延長至鴨綠江畔時，約不阻礙該兩鐵道之聯絡。
- 羅桂公使接此案，將全文電告本國政府。同時小村電命栗野公使，向俄國政府申明日本之要求爲正當時，俄皇與拉穆外相巡遊歐西歸國。西十月三十日至巴黎。與法國大統領及外務卿德爾巴略會見。十一月五日。受德國歡迎。與德皇及首相畢羅公會見。然後歸國。栗野公使遂訪拉穆外相，數次不獲要領。至十二月十一日，俄公使忽向小村外務提出俄國第二對案如左。

- 一 兩國相互尊重韓國之獨立，又保全其領土。
- 二 俄國承認日本對於韓國之卓越利益，及對於韓國民政改良，與助言及援助之權利。
- 三 俄國不阻礙日本對於韓國商工業之活動發達，又不反對日本爲保護此等利益之行為。
- 四 日本爲上記目的，向韓國派遣軍隊之時，俄國承認爲日本之權利。
- 五 韓國領土內，不爲軍略上之目的使用，韓國沿岸，不築妨害自由航行之兵事要工。
- 六 北緯三十九度以北之韓國領土，爲中立地帶，兩國皆不引軍隊進入。

俄國此案仍削滿洲條項不承認保全中國之領土而限制日本對於韓國之權利比較小村修正其第二第五兩條刪除第六條提示俄公使且申言『滿洲不加入本協約內爲日本萬不能承認求俄國再思』翌年一月六日俄公使提出覆案第二條全依日本之要求五六兩條仍第二對案之原文更新增左之一條。

俄國最後讓步案

滿洲及其沿岸日本承認爲己國範圍之外但日本或他國於滿洲區域內依條約上獲得之權利及特權俄國不阻礙。

國交新絕
與宣戰

至此已爲俄國最後之讓步然日本早視韓國爲己有物斷不認其利權有制限且持東亞霸權主義斷不肯滿洲於範圍外一月十三日小村再促俄國反省俄遷延不答各圖軍事上之豫備二月四日日本開御前會議決議取自由行動旋電栗野公使向俄政府提出斷絕國交公文命歸國並促俄公使以同日退出東京先是俄國提出第二對案時日本政府即決計外交上雖緩和軍事上則努力立於自動制勝地位十二月以來着着豫備戰鬥至此凡戰時軍政軍隊財政交通等均已迅速整備二月五日斷絕國交後日本艦隊即以翌日自佐世保出發八日夜半襲擊旅順之俄艦九日正午擊破俄艦於仁川初十日日本宣戰俄國關於極東之外交軍事均統轄於亞歷氣哲福大將前後對案均由大將作成至本年一月下旬見形勢日非始由旅順派步兵二大隊送韓國北境命鴨綠江附近及海參威之軍隊均準備戰鬥至二月

八日九日軍艦受日艦襲擊俄始宣戰。

第二節 開戰時中國之中立問題與韓國變爲日本保護國

中國中立
問題與各
國之意見

日俄既開戰。各國次第宣告中立。我國朝野。皆與日本表同情。然萬一與日本爲攻守同盟。則戰局之結果不可測。蓋蒙古新疆之邊境。俄國處處可侵入。又財政更加紊亂。賠款有不能履行之虞。且一經宣戰。國內排外熱復發。再釀拳匪之禍。不可知。是皆爲各國所深慮者。故當時各國皆認中國應守局外中立。西三月九日。日本政府以公文勸中國守嚴正中立。同時向英美德法奧伊各國政府要求確保俄國亦尊重中國之中立。十二日。美國政府勸告日俄兩交戰國。劃定交戰區域。尊重中國之中立。并保全滿洲之行政。英德兩國政府亦以除滿洲外。中國全部領土中立之旨。告二交戰國。蓋美英德三國之意。皆欲限滿洲爲交戰區域。令中國守局部之中立也。十三日。我政府向日俄二國發左之公文。

中國局部
中立之宣言

日俄失和。朝廷均以友邦之故。特重邦交。奉上諭守局外中立之例。所議辦理方法。已通飭各省。使之一律遵守。且嚴命各處地方。監視一切。使保護商民教徒。盛京及興京。因爲陵寢宮闕所在地。責成該將軍嚴重守護。東三省所在之城池。官衙民命財產。兩國均不得損傷。原有之中國軍隊。彼此不相侵犯。遼河以西。凡俄兵撤退之地。由北洋大臣派兵駐紮。各省及邊境內外蒙古。均照局外中立之例辦理。不使

兩國軍隊稍爲侵越。如有闖入境界內之時。中國自當竭力攔阻。不得視爲有乖平和。但滿洲之地。爲外國駐紮軍隊。尙未撤退各地方。中國因力所不及。恐難實行局外中立之例。然東三省疆土權利。兩國無論誰勝誰敗。仍歸中國自主。不得占據。

日俄二國接此公文。皆承認之。於是公認遼河以東爲交戰區域。以西爲中立地帶。翌年一月。俄騎兵團犯遼西。其後遂以溝幫子至新民府之鐵道爲中立交戰區域之境界。

日俄開戰之初。日本外交方面最聳動中外之耳目者。駐韓日公使林權助與韓國外務大臣李址鎔結之。韓議定書是也。初苦魯巴金在旅順開俄官會議。決定俄國極東方針之後。駐韓俄公使旋向韓廷要求租借龍巖浦。日英二國公使聯名警戒韓廷。且勸其開義州。龍巖浦爲通商埠。韓國以畏俄之故不敢應。及日本艦隊擊破仁川之俄艦後。日本旋派陸軍二大隊入韓。京韓半島遂全落日本勢力之下。韓國政府以日本宣戰詔中有保全韓國領土之語。視日軍爲仁義之師。當表歡迎。林權助遂乘機於二月二十三日。與李址鎔結日韓議定書。韓國以此日爲日本保護國。

一 日韓兩帝國間爲保持永久不易之親交。確立東洋平和。韓國政府關於施政改良。確容日本政府之忠告。

二 日本政府以誠實親誼。俾韓國皇室得安全康寧。

日本陸軍
入韓京

韓國爲日
保護國
定之日
書

三 日本政府確實保障韓帝國之獨立及領土保全。

四 因第三國侵害或內亂，韓國皇室與領土有危險之時，日本政府可速出臨機之處置。韓國政府爲使日本容易行動，與十分便宜。日本爲達此目的，得臨機收用軍略上必要之地點。

五 以後不經兩國政府承認，不得與第三國結違反本協約之條約。

六 關聯本協約未悉之細目，以後由兩國臨機協定。

此議定書，即一種保護協約。韓國雖尙存獨立之名義，然內政容日本干涉，版圖內任日本爲臨機處分。即韓國以此約拋棄重要國權，事實上承認爲日本之被保護國也。此約既成立，林權助旋要求韓廷將俄韓兩國之一切條約，宣布廢棄。日韓遂成攻守同盟。至八月二十二日，更結保護新條約，規定韓國之財政外交悉歸日本之監督。其約如左。

一 韓國政府聘日本政府所推薦外國人一名爲財政顧問。凡關於財政事宜，悉聽其意見施行。

二 韓國政府聘日本政府所推薦外國人一名爲外交顧問。凡關於外交事宜，悉聽其意見施行。

三 韓國政府自後與外國締結條約及其他重要外交案件，須先與日本協議。

右協約成後，日本政府旋薦日人目賀田種太郎爲韓國財政顧問，薦美人思齊文爲韓國外交顧問。韓政府旋與目賀田種左之契約。

- 一 目賀田種太郎。監理韓國之財政。關於財政上事宜。誠實審議立案。
 - 二 韓國政府。關於財政上一切事宜。經目賀田種太郎之同意。然後施行。
 - 三 目賀田種太郎關於財政事務。得請謁上奏。
 - 四 本契約雖不預定期限。主客一方認本契約無必要之時。相互協議後。經日本公使之同意取消之。
- 韓國政府更與思齊文結左之契約。

一 思齊文以外交顧問資格。從事韓國外部事務。凡韓國政府與他國所起一切外交案件。思齊文誠實審定立案。

二 凡韓國一切外交案件。必經思齊文之同意。然後處理。

三 思齊文關於外交事務。得請謁上奏。

四 本契約雖不預定期限。主客一方認本契約無必要之時。經日本公使之同意取消之。

此外韓國教育警察礦山悉聘日本人為顧問。而郵政事務委託日人辦理。尤為日本對韓扶持勢力之所在。蓋凡韓人反對日本之機關與通信。皆在日本覺查中也。及戰局告終。日勝俄敗。於是韓國國權。愈落日本掌握中矣。

第三節 日俄交戰

一九〇四年二月六日，明治三十七年正月光緒三十年正月，日俄國交破裂。日本聯合艦隊司令長官東鄉平八郎率艦隊自佐世保出發，於朝鮮近海捕獲俄國汽船一艘。八日夜命驅逐艦隊襲擊旅順港外之俄艦。九日再以聯合艦隊之一部擊破俄艦於港外，俄艦不敢輕出。日本遂得以別艦隊護送第十二師團之兵於仁川上陸。旋泊仁川之俄艦二艘即被日艦擊沈之。

日軍第十二師團既由仁川上陸，即急向平壤進發。蓋平壤形勝之地，若被俄兵占領，則大非日軍之利。三月十一日，全師團占領平壤。二十八日，破俄軍於定州。此間俄東洋艦隊，蟄伏旅順港內。日陸軍近衛師團與第二師團得由海路安全護送至韓國鎮南浦上陸。四月三日，日軍三師團六萬兵皆集平壤，即以該三師團編為第一軍。大將黑木維楨出周密作戰計劃，令全軍對鴨綠江作陣。四月二十九日，令工兵隊於鴨綠江架橋。工兵冒彈丸而進。當日正午二時起至翌日午前三時，軍橋完成。日本評鴨綠江戰勝工兵隊為功首日軍次第濟河。時俄軍張左翼至水口鎮東北，伸右翼至安東縣西南，主力集於九連城。日軍以五月一日行九連城總攻擊。第二師團破九連城正面之俄軍，占領摺鉢山。近衛師團攻破俄軍右翼，奪腰溝馬溝榆樹溝諸壘。第十二師團攻破石城之俄軍。九連城全陷。是役為日俄陸軍第一次會戰，勝敗之數，全軍之士氣所關，難攻

易守之九連。一戰而歸日有。遂乘勢向遼陽進發。

日本大本營作戰計畫之重要點。一出雄師團至關東州。一制黃海日本海之海上權。爲達此目的。遂決議閉塞旅順口。使俄艦不能出港。行第一次閉塞時。東鄉司令編制閉塞艦五艘。招集決死將卒七十七名。立應募者二千餘人。二月二十四日午前三時。齊向旅順口進發。俄軍發見日艦進襲。以探海燈照射。閉塞艦目眩。莫定路針。又以俄兵由礮臺放彈丸。不達目的而退。三月二十七日。行第二次閉塞。閉塞艦四艘。決死員六十五人。以是日午前三時突進旅順口。距港口二哩許。俄軍探海燈始發見。閉塞艦冒彈并進港口中央投錨。爆沈之。有名廣瀨少佐死之。悉達其目的。然鐵甲艦尙得出入港口。閉塞之效。尙未全收。於是日軍再決行第三次閉塞。決死隊應募者達二萬人。閉塞船十二艘。向港口進發。五月三日午前三四時。五艘安全入港口沈沒之。自是巡洋艦以上之船。不能通航。閉塞旅順之目的全達。

註 旅順港口水滿時。三十二尺深。沈沒船閉塞之後。俄軍用炸藥破壞沈船。冀圖出路。然船內積載石鐵等。堆水底七尺以上。因此喫水二十七尺之鐵甲艦。不得通過。

旅順口既閉塞。日大將奧保鞏所率第二軍。第一師第三師第四師團。以五月五日。由海軍護送自貔子窩之鹽大壩上陸。破附近俄軍前進。五月十四日。第一師團進攻金州城。第四師團之一部爲後援。第三師團與第四師團之一部。斃貔子窩普蘭店之間。以防俄軍自遼陽南下。第一師團以十六日占領老虎山脈一帶天險。二十六

日軍閉塞
旅順口

日軍封鎖
金州中島

日軍大破
俄軍於得
利寺

海上權全
歸日本

日轉戰至金州城下。工兵以棉火藥爆裂東南二門。金州遂陷。日軍乘勝進攻南山。得金州灣海軍之援助。南山亦下。尋占領南關嶺、柳樹屯、青泥窪等處。封鎖金州半島。

俄將苦魯巴金當日軍自貔子窩上路。與攻陷南山之時。不急南下夾擊者。蓋其戰略將集大軍於遼陽。奉天附近。與日軍決一大野戰也。然日第二軍於攻破南山之後。即留第一師團守金州。李新加第五師團與騎兵第一師團。以疾風之勢北進。六月十五日。乘俄軍大兵尙未集中之時。大破之於得利寺。至此俄軍南下之計劃。全被沮止。旅順遂斷救援之望。日大將乃木組織第三軍。第一第九第十師團於六月二十六日。占領歪頭山及劍山。愈迫旅順方面。七月二十三日。進達距旅順市街僅二里之地。旅順俄軍。不得已退伏本防禦線之內。

潛伏旅順港內之俄艦。以日軍海陸兩方迫壓。日益加甚。外援不可望。遂圖逃出旅順。八月十日。黎明。俄艦十八艘順次出港口。向南方逃遁。日本聯合艦隊包圍猛撲之。激戰數時。俄艦過半遁還港內。餘艦分遁膠州灣芝罘、上海、樺太等處。初。海參威港俄艦之一部。以四月二十五日擊沈日艦金州丸於新浦沖。六月十五日。擊沈日艦和永丸常陸丸於對馬海峽。八月十四日。日本上村艦隊。偶遇海參威艦隊於蔚山沖。猛交戰。沈其一艘。毀其三艘。海參威殘艦。遂屏息港內不復出。於是極東俄羅斯之海軍力大被破碎。海上權全歸日本所有。戰局上受無限便利。

遼陽大激戰

七月一日，日本陸軍總司令官大山巖率參謀總長兒玉大將以下，移總司令部於滿洲，親揮三軍略遼陽。先是日第一軍鴨綠江役戰捷之後，略鳳凰城、寬甸、賽馬集、諸城。以七月十七日激戰摩天嶺，十九日占領細河沿。八月一日，激戰於榆樹林子。及本溪湖附近，第二軍沿南滿洲鐵道北進。以六月二十一日略熊岳城。七月九日略蓋平。旋破苦魯巴金之軍於大石橋。長驅占領營口。八月三日占領海城、牛莊二處。第四軍日本於第二軍自鹽大嶼上陸之時。由遼河野大將率第十師團由大孤上陸。北進。使謀第一軍與第二軍之聯絡。後為第四軍。野津大將統率之。以六月八日占領岫崖。二十七日占領分水嶺。七月十三日占領析木城。至此總司令部移於滿洲。依兒玉作戰計畫，分三軍進略遼陽。以第一軍為右翼軍。出遼陽之東北。第二軍為中央軍。出遼陽之正面。第四軍為左翼軍。出遼陽之西北。右翼軍由遼陽東南至紅沙嶺，轉戰至弓張嶺附近。至九月四日，進擊遼陽東北，破黑英臺之俄軍。占領之。左翼軍與俄兵激戰於首山堡、方家屯、新立屯、各處。以九月四日占領遼陽車站。中央軍於攻破遼陽西南甘泉堡鞍山站新立屯之俄兵後，以九月四日，佔領遼陽城。是役日軍自八月二十六日運動始，至九月四日終，苦戰十日，死傷共一萬七千五百餘人。鴨綠江激戰後第二次之大戰鬥也。

初，俄以西北利亞鐵道係單線，又具加爾湖之迂繞線，尙未完工。其輸送甚不完備。大軍不易集滿洲。邇來銳意營具加爾湖之迂繞工事。又設回避線。遼陽敗後，俄國本部之精銳大軍，始陸續集奉天附近。約達九師團以上之軍力。俄皇以九月二十七日，諭苦魯巴金速恢復遼陽，以救旅順之急。苦魯巴金遂分全軍為

中央縱隊、左縱隊、右縱隊、及總豫備隊、南下進擊。時日軍雖大小戰爭已敗俄軍十六次，然精壯軍士，多被損傷。國中現役豫備兵悉已召集，後備軍年限延長至十二年，以爲兵力之補充。更募集國民兵，其窮境亦可想見。日軍探俄軍南進，仍分右翼左翼中央三軍禦之於沙河附近。十月七日至十八日之十二日間，兩軍演慘澹猛烈戰爭。就中馬耳山、黃花山、歪頭山、三塊石山、林盛堡等處之戰，最爲猛烈。日軍死傷將校以下一萬五千九百餘人，俄軍死一萬三千三百人，捕虜七百人。俄軍敗退沙河河北岸，旅順救援之目的，至此全歸水泡。

南山陷落之後，日將乃木希典編成第三軍專攻旅順。八月下旬行第一次總攻擊。十月十九日，行第二次總攻擊。二十六日行第三次總攻擊。旅順俄軍，以勇毅之軍隊，精良之武器，嚴守東洋第一天險之要塞，屢以猛烈砲彈，殲日軍攻圍將卒無算。日軍雖得逼進防戰線內，然死傷過多，軍力漸薄，不克再進。至十一月二十六日，以新加第七師團後援軍至，始行第四次總攻擊。十二月五日，日軍肉薄進襲，得占領二〇三高地。由此地俯擊俄艦，如弋池中之鷗。同時日艦隊由港口砲擊港內，十四十五兩日，日水雷隊殲滅旅順港外之殘艦。至此旅順要塞，已淪於落日孤城之悲境。日軍更於十二月十八日，占領東鷄冠山。二十八日，占領二龍山。三十一日，占領松樹山。翌年一月一日，占領望臺，即攻擊旅順背面砲臺。旅順俄總司令官斯德色爾，以旅順既無防守之力，於是日午後着軍使至日軍乞降。一月二日，兩軍委員會議旅順開城規約，將

校八百七十八人。兵卒二萬三千四百九十一人。悉爲俘虜。堡壘礮臺五十九所。其他兵器彈藥車輛艦船等。悉爲戰勝品。

俄軍犯遼
西中立地

沙河會戰後。兩軍對沙河作陣。天氣漸酷寒。各休養兵力。欲越年後決一大戰。翌年一月。俄將斯密秋哥率新到騎兵團。犯遼西中立地。襲擊牛莊營口。日軍以出其不意。一時大狼狽。尋俄將克里伯爾克。亦率大兵八萬五千。大礮三百五十門。渡渾河。一月二十五日。襲日右翼軍於黑溝臺。日軍敗退。後得第八第二第三各師團之援。始於一月二十九日。擊退俄兵於渾河右岸。當時日軍兵力甚少。若俄軍提全力攻擊。則遼東方面勝敗之局。尙不可知。事不出此。

日軍自信
爲天祐云

奉天大會
戰

爾後陸軍之大戰爭。惟奉天會戰之一役。其時兩軍皆不進攻。專休兵力。且俟援軍。二月間在滿洲之俄軍兵力。步兵三十八萬八千人。騎兵二萬六千七百人。礮兵三萬四千人。大礮一千三百六十門。分作四軍。以第三軍陣中央。第二軍陣左翼。第一軍陣後方。第四軍爲總豫備隊。日本兵力。步兵二十萬人。礮騎工輜重兵等十五萬人。大礮一千一百門。以第四軍陣中央。第一軍陣右翼。鴨綠江軍陣最右翼。第二軍陣中央部隊之左翼。第三軍陣最左翼。大山巖爲總司令官。戰線亘四十餘里。兩軍總數。達八十五萬。大礮二千五百。蓋開戰以來之第一大戰鬥也。大山巖爲牽制俄軍。命鴨綠江軍先發。以二月十九日由城廠北進。轉戰靖河城。救兵臺。馬羣丹等處。進迫撫順。三月十日陷之。遂向奉天後面進攻。苦魯巴金誤認日軍主力向此方。

面轉進。命總彙備隊由此方進禦。此間日本第一軍以二十四日渡沙河。謀與鴨綠江軍聯絡。第四軍以二十七日開戰。第二軍亦同時前進奮戰。俄軍強頑對抗。十日間勝負不決。而日本第三軍以二十七日由潭河遼河間迅速迂繞北進。三月一日達新民屯。更西轉出俄軍之後方。八日破壞奉天以北鐵道。斷俄軍退路。斯時俄軍探知己軍已限包圍中。力阻日本第三軍之進路。然以日軍各路進擊甚厲。苦魯巴金不得已命總軍退卻。日第四軍以九日渡潭河。十日占領奉天北方之魚鱗堡。第二軍出奉天西方。追擊敗兵。以三月十日與第四軍之一部協力奮戰。遂占領奉天。是役日軍死傷總數達四萬一千二百名。俄軍死戰場者至二萬八十。被捕虜者四萬以上。其激戰情形可想見。俄軍敗退後。日軍以兵力缺乏。不能進追。至十二日始進奉天北十里之地。苦魯巴金以此戰敗辭職。大將李尼維齊代之。以恢復敗軍秩序。不遑作戰。日軍乘機追進。十六十九二十一等日。次第占領嶺開原昌圖等處。

當海參威艦隊破滅。與旅順圍急之時。俄國政府決意派波羅的海艦隊向極東出發。以解旅順之圍。一九〇四年九月。以波羅的海艦隊組織第二太平洋艦隊。共四十七艘羅哲斯德威斯克中將為司令長官。九月十一日。由波羅的海出發。同時俄政府要求土耳其政府許黑海艦隊通過他大尼里海峽。以與第二太平洋艦隊同往極東。英國政府以日英同盟之故。迫土耳其嚴重執行閉鎖他大尼里海峽條約。即千八百五十六年之巴黎條約。是也。俄政府不得已中止之。及旅順既陷。俄更舉波羅的海艦隊全部組織第三太平洋艦隊。

一九〇五年二月十七日命少將尼波喀多福引率東航。三月下旬。先發艦隊繞喜望峯。道蘇彝士運河者。運河實權。歸英國。恐其妨害。又恐日艦扼紅海峽要戰。且運河規則。運河內交戰國之軍艦相會。一方出發二十四時後。他方軍艦始得發航。俄以數十艘軍艦。若遇此妨害。則延期大久。故寧繞。集合於法領馬達加斯加島。四月八日過麻刺甲海峽。十四日入法領安南西貢灣。日本政府嚴向法國政府抗議。遂以四月二十日退西貢灣。避入漢可而灣。在西貢灣北方約二百七十海里。水深而曲。諸外國無通信機關。第三太平洋艦隊以五月五日過麻刺甲海峽。九日與第二太平洋艦隊會合於漢可而灣。此間日本政府。迭向法國政府詰問真意。法外務省屢促俄艦退出。時俄艦以旅順已陷。欲進海參威爲根據。五月中旬。備載石炭糧食。遊弋黃海方面。日司令官東鄉平八郎確信俄艦隊必由對馬東水道通航。豫爲百般準備以俟之。五月二十七日。俄艦隊三十八艘延長數海里。啣鱸向日本海進發。午後一時過對馬島水道。東鄉司令下皇國輿廢。在此一戰。各員須努力奮戰之令。日本海大海戰遂開始。交戰十餘分間。俄艦或沈或散或起火。運動不能一致。波羅的海係內海。船員不慣習大艦隊紛散錯亂。及暮日本風濤。故俄兵不及日兵之鎮靜。主力艦隊。集合於鬱林島附近。行夜戰。俄艦三面受日本水雷攻擊。二十八日晨。日片岡艦隊。追俄殘艦。俄司令羅哲斯德威斯克。及尼波喀多福。揭白旗乞降。戰局遂終。是役俄戰鬥艦共八艘。擊沈六艘。捕獲二艘。巡洋艦共九艘。擊沈四艘。逃走五艘。海防艦三艘。擊沈一艘。捕獲二艘。驅逐艦九艘。擊沈五艘。捕獲一艘。逃走三艘。假裝巡洋艦一艘。擊沈之。特務船六艘。擊沈四艘。逃走二艘。病院船二艘。皆被捕獲。俘虜總數六千

盧斯福大
統領調停
和局

兩國全權
之會合

一百四十二名。俄國海軍力殆全滅。實特拉法加海戰破納爾遜艦隊後之大海戰也。先是中日戰爭之後。俄國亟亟經營極東之海上權。日本歷年擴張海軍之計畫。即以俄國東洋艦隊與波羅的海艦隊合計之總勢力為標準。而保持其優勝之勢也。十年計畫之目的。至此悉達。時俄國內亂漸起。日本財政亦極困難。因此二國媾和之機遂啓。

第四節 日俄媾和與中日滿洲善後條約

旅順降服之後。俄國已喪失經營極東之樞要地。即克復平和之先機也。奉天大會戰後。俄君臣不少挫。一方派大軍進滿洲。一方派波羅的艦隊東航。和機尙未熟。四月中旬。風傳美國大統領盧斯福將調停和局。然不見諸實行。及日本海海戰之後。美大統領果向二國斡旋。英為日本同盟國。法為俄同盟國。德與俄無通。六月。大統領以謀人類幸福。終止戰鬥。由兩國即時直接媾和之意。勸告日俄兩國政府。兩國皆應其勸。斯時日本以連戰連勝之故。本以戰勝者之態度臨俄國。將要求賠償軍費。然俄國以日軍尙未進。俄領一步僅失所獲。中國之利益而止。毫不以戰敗者自居。又媾和意思不由本國發起。方調大軍進滿洲。示繼續戰爭。而日本精銳士卒悉盡為俄國所知。此日本媾和談判困難之所以也。日本派小村外務為首席全權。駐美公使高平為次席全權。小村全權以七月二十五日抵紐約。俄派德為首席全權。前

駐日公使羅梭爲次席全權。八月二日抵紐約。美大統領介紹兩國全權會合。舉杯祝慶。定波子瑪斯爲會商地。六月九日。兩國全權第一次會於波子瑪斯。翌十日爲正式會見。互證全權狀。締結休戰條約。然後入和案談判。小村全權提出媾和條件全部如左。

日本全權
提出之
和案

一 俄國承認日本對於韓國有政治上軍事上經濟上之卓絕利益。凡行必要指導、保護、及監督時。俄國不阻礙。不干涉。

二 俄國以一定期間。撤退滿洲軍隊。又俄國侵害中國主權、妨害機會均等之一切領土上利益。與優先讓與各權利。均一概拋棄。

三 日本現時佔領滿洲全部。皆還附中國。惟遼東租借地域不在此限。

四 中國爲發達滿洲商工業。謀各國公共利益時。日俄兩國互不阻礙。

五 樺太島及其附屬諸島嶼割讓與日本。

六 遼東租借權。俄國獲得之領土領水。及其關聯之一切利益。與俄國所建房屋等。均讓與日本。

七 哈爾濱以南之鐵道。及附屬鐵道之一切材料。與炭礦等。無條件讓與日本。

八 橫貫滿洲鐵道。限於以商工業使用爲條件。歸俄國管有。

九 俄國賠償日本軍費。其金額還期方法。以雙方合意協定。

十 逃走中立港之俄國軍艦。作為正當捕獲物。交付日本。

十一 極東海面俄國之海軍力。加制限。

十二 日本海、鄂霍次克海、白令海之俄領。其沿岸濱港河川等地。許日本民有漁業權。

俄德全權。接此案。即公言曰。俄國雖戰。敗未被征服。割地償金之屈辱。尚無忍受之必要。彼此約十二日會見。至期俄全權嚴拒絕割地償金二款。且言因此條件。破裂談判。非所避也。小村請依和案逐條審議。俄德許之。十四日會見。午前議決滿洲問題。午後議決滿洲撤兵。十五日會見。第一議題。為保全滿洲領土。與開放門戶之件。一時間議終。次為割讓樺太問題。討論三時不決。移議旅順大連租借權之讓與。一時間議定。十六日議決滿洲橫貫縱貫之二鐵道。十七日討論償金與中立港逃艦及制限海軍之三件。激論終日不決。十八日為第八次會見。續議制限海軍之件。不決。移議沿海州漁業問題。一時間決定。此後遺償金。樺太中立港逃艦。及制限海軍之四件。即媾和成立與否之所關。俄德全權。以此四款。非戰爭目的之條件。而為戰爭結果所生之條件。有傷俄國威嚴。絕對不承認。兩全權協定談判延期至二十三日止。此間日本外交大專秘密運動。美大統領雙方勸其讓步。然俄皇電訓俄德全權。償金一錢不能承認。二十三日第九次會見。小村撤回中立港逃艦。與制限海軍二條。另提樺太北部還與俄國。俄國出報償金十二億元之新案。以示俄德。俄德咸然拒絕。談判破裂。不容一髮。日本全權更請以二十六日會見一次。俄德許之。二十四日。

微德具文。一篇向聯合通信會社發表。大要謂日本以返還樺太北部要求報償金十二億名託賣。卻實爲補償戰費。如此讓步不得認日本真正希望平和。今日之事在日本單云金錢問題。在俄國則爲體面與威信問題。日本不撤此要求。平和斷不成立。云云。二十六日小村遂撤回金錢問題。單要求割讓樺太全島而止。仍被微德所拒絕。小村不得已。請以二十九日再會一次。此間日本伊藤山縣井上三元老與各大臣審議之結果。二十九日小村提出最後讓步案。則僅割樺太南半部與日本是也。微德許之。媾和案遂成。其條文如左。

波子瑪斯
續和條約

- 一 日俄兩國皇帝陛下與兩國臣民之間。將來當平和親睦。
- 二 俄國承認日本對於韓國有政事上軍事上及經濟上之卓絕利益。日本對於韓國認指導保護及監理之必要處。置時俄國不阻礙不干涉。但俄國臣民在韓國者。受最惠國臣民之待遇。兩締約國爲避一切誤解。於俄韓國境。不爲一切軍事備置。
- 三 日俄兩國互約左之各事。
 - 甲 遼東半島租借權効力以外之滿洲地域。全然同時撤兵。
 - 乙 遼東半島租借地域外。現時日俄兩國軍隊占領之滿洲全部。還付中國。全屬中國行政。俄國於滿洲。侵害中國主權。及妨礙機會均等主義之領土上利益。又優先及專屬之讓與等權利。

概不得有。

四 中國因使滿洲之商工業發達。爲各國共通一般之設置時。日俄兩國互不阻礙。

五 俄國以中國政府之承認。將旅順。大連。及附近領地。領水之租借權。與關聯租借權。及組成一部之一切權利。特權。及讓與。又租借權效力所及地域之一切公共房屋財產均讓與日本。但在該地域內俄國臣民之財產權。受安全之尊重。

六 俄國以中國政府之承認。將長春。寬城子。旅順。開之鐵路。及其一切支線。并同地方附屬一切權利。特權。及財產。與其所經營之一切炭坑。無條件讓與日本。

七 日俄兩國於滿洲各自之鐵道相約限於商工業之目的經營。決不爲軍略上之目的經營。但遼東半島租借地域之鐵道不在此限。

八 日俄兩國爲增進交通運輸。且使便宜爲目的。使滿洲之鐵道相接續。另訂別約規定接續業務。

九 俄國將樺太島北緯五十度以南之半部。及其附近一切島嶼。與該地方內之一切公共房屋財產之主權。完全讓與日本政府。但兩國皆不於樺太島及附近島嶼之自領內。建築堡壘。及其他軍事上之工作。又相約不爲有妨害宗谷海峽及韃靼海峽自由航海之軍事上事件。

十 割讓地域之俄民。願賣其不動產。退歸本國者。聽其自由。願在舊地域居住者。以服從日本之法律。

及管轄權爲條件，受完全之保護。不服從者，日本有自由放逐之權。但其財產權仍受完全尊重。

十一 俄國許日本臣民於日本海鄂霍次克海白令海之俄領沿岸，有漁業權。

十二 兩國通商航海條約，以戰爭廢止，茲以戰爭前之約爲標準。從速締結新約。

十三 本條約實施後，兩國從速還付一切俘虜，各將俘虜之死亡數，及供給俘虜費資之實額提出。兩品之後，俄國急償還日本供給俘虜之過多額。

十四 本條約經兩國皇帝批准後，於五十日內，日本經法國公使通告俄國政府，俄國經美國公使通告日本政府，自雙方通告後，本約全體有效力。

十五 本約英法文各作二通，有誤解時，以法文爲主。

協定滿洲
鐵道守備
兵之附約

右媾和案之外，另於附約中規定，『兩締約國爲保護滿洲鐵道，於每吉羅米突得置二十五名之守備兵。』此條約成立後，日俄戰爭告終局，日本政府以日俄和案所生中日兩國滿洲諸關係，不可不從速協定。旋派小村全權來北京，光緒三十一年十一月二十六日明治三十八年十二月二十日與中國全權大臣慶親王奕劻

中日滿洲
善後協約

瞿鴻禨袁世凱締結中日滿洲善後協約如左。

一 中國政府承認日俄媾和條約第五條與第六條，俄國讓與日本之各項。

二 日本政府承認遵行中俄兩國締結之租借地及築造鐵道諸條約。

將來生何等案件時。隨時與中國政府妥商釐定。

三 本條約以調印之日起施行。限二箇月在北京交換批准。又同時結附約十一款。其重要者如左。

一 中國政府。於日俄二國撤退軍隊後。開左記之地方爲通商埠。

甲 盛京省之鳳。凰。城。遼。陽。新。民。屯。鐵。嶺。通。江。子。法。庫。門。

乙 吉林省之長。春。寬城子。吉。林。哈。爾。濱。寧。古。塔。琿。春。三。姓。

丙 黑龍江省之齊。齊。哈。爾。海。拉。爾。愛。琿。滿。洲。里。

二 如俄國允將滿洲鐵道護衛兵撤退。或中俄兩國另商別項辦法。日本之南滿守路兵。亦一律照辦。又如滿洲地方平靖。中國能周密保護外人生命財產時。日本亦可與俄國將護路兵撤退。

六 中國政府。允將安。東。奉。天。間。軍。用。鐵。道。仍。由。日。本。政。府。接。續。經。管。改。爲。專。運。各。國。商。工。貨。物。鐵。道。自
此路改良竣工之日起。以十五年爲限。即至光緒四十九年止。屆期雙方選請他國評價人一名。安
該鐵道各物件價格。售與中國。至該鐵道改良辦法。由日本承辦人與中國特派員妥實商議。所有辦
理該路事務。中國政府。援照東清鐵道條約。派員查察經理。

七 中日兩國政府。爲增進交通運輸起見。准南滿洲鐵道與中國各鐵道接續聯絡。

八 中國政府允南滿洲鐵道所須各項材料豁免一切稅捐釐金。

九 營口安東奉天府各商埠由中日兩國派員劃定日本租界。

十 中國政府允設一中日合同材木公司以採伐鴨綠江右岸之森林其地區年限與公司如何設立及一切共營章程另訂詳目規定總期兩國股東均分權利。

十一 滿韓交界陸路通商彼此以最惠國之例待遇。

以上中日二約名義上爲日本戰勝俄國之結果代俄國悉有關東州租借地與中東鐵道所獲之一切利益而止其實日本依附約大擴張權利於俄國所獲利益之外一面迫東三省開十餘處商埠名義上爲各國共謀利益事實上殆專爲日本開放便日本向滿洲爲大規模之移民又取得陸路通商之最惠待遇蓋日本久已垂涎俄國之無稅貿易與其減稅貿易之利益至此乃獲得之然此猶爲經濟的而非政治的安奉鐵路經營權則滿洲政治上之後患也先是俄國恐日本伸勢力於滿洲故拒絕滿韓鐵路之聯絡而日本欲囊括滿洲則不可不使滿韓鐵路聯絡故於開戰之後即乘機趕築安奉軍用鐵路以爲異日要求中國許可之基礎然波子瑪斯和約限於俄國所獲之中國權利利益讓與日本而止安奉鐵路在俄國所獲利益之外當時我國當局雖竭力爭之無效遂遺滿洲未來之大憂。

日本爲此戰役其募國債總額十七億二千萬元實際戰爭消費爲十五億八百四十七萬元而波子瑪斯

日本列入
世界一等

中國朝野
之驚駭

媾和條約不獲一元之償金。因此日本政府財政膨脹至二倍。國民負擔亦遂增重。然其報價使極。東島國一躍而列世界一等國之班次。其報價不可謂不大。蓋歐洲之事不經。六大強國之認可。不克行。南北美兩大陸之事不經。美國之認可。亦不克行。至茲東洋之事不經。日本之認可。亦不克行。此大名譽大效果實趨勢之自然所致。日本獲之於波子瑪斯和約。與滿洲善後協約之外者也。至其後合併韓國經營滿洲則實由二約開之端矣。

日俄交戰於滿洲之野。亘半年有餘之歲月。我國上下受其刺激。亦頗如睡獅欲醒。一時遊學東西洋者至一萬四五千之多。而清廷悟時局之非。亦知非變法不足以圖存。派載澤端方等赴東西洋考察各國憲政。歸國奏憲政之利益。清廷於光緒三十一年七月十三日。發布預備立憲詔。將予人民以參政權。而遊學生知清廷不足恃。奉孫中山黃興爲首領。組織革命團體。遂開政治改革之端。蓋全由日俄戰爭之影響所由至。

第十二章 中美關係

道光二十二年
至宣統元年

中美訂約
之始

自一八四二年。即道光二十二年。中英南京條約開五口通商後。歐美各國。各派使節來華。求締通商條約。美國於道光二十四年。派全權公使克心古奉。致好清廷。清廷命兩廣總督耆英。與訂通商條約。規定美人得在五口通商。而未准美國得派公使也。及中英中法天津條約成立。美國亦要求與訂英法同等之約。即咸豐八年中美條約是也。規定美國得派公使來中國。美國人民得在商埠賃房租地。建醫院與禮拜堂等。而協定關稅。領事裁判權。片面的最惠條款。皆於該條約給予之。

當英法聯軍對中國用兵之時。美國政府甚反對之。拒絕參加。其後聯軍入北京。恭親王任和局。美國公使蒲安臣。盡居間之力。為恭親王所信賴。同治七年。清廷任蒲安臣為欽差。辦理中外交涉事務大臣。赴華盛頓與美國政府訂中美續約八條。世所稱蒲安臣條約是也。

一 美國承認中國所開各通商口岸。准外國人居住行走之處。及水路洋面。其管轄主權。仍歸中國所有。如美國與別國失和。不得在此等地面及水面作戰。

二 嗣後中國如為美國商民另開貿易之處。由中國作主。自定章程。

三 中國可派領事駐美國各通商埠。美國按照公法優待。

最平等之
蒲安臣條約

四 美人在華。華人在美。各有信仰宗教之自由。

五 兩締約國。允許對方人民入境。入籍。往來自便。不得禁阻。

六 兩國人民。在對方遊歷。或居住。彼此享受最惠國待遇。

七 中國人可在美國求學。美人可在中國求學。美人可在中國指定外人居住地方。設立學堂。中國人亦可在美國照辦。

八 美國向不以干預別國內治爲然。對於中國內治。美國聲明無干預之權。及顧問之意。

此條約以彼此平等互惠之精神爲原則。實中國條約史中。自恰克圖條約後。最平等。最公允之條約也。尤以第六條兩國人民。相互享受最惠國待遇之點。爲珍貴。蓋中國自有約以來。祇有此約有互惠之規定也。然此可珍貴之點。不久因華工問題。而大受限制。

美國爲資本家最多。工商業最發達之國。其須用勞工亦甚夥。華工傭資。比美工少。而作工時間。比美工多。爲美國一般資本家所歡迎。蒲安臣條約第五條。規定允許對方人民入境。入籍。往來自便。不禁阻者。職此之故。該條約成立之後。華人赴美爲勞工者。日益增多。遂爲美國勞工所仇視。加以美國政府。對於外來僑民。向取同化政策。無論何國人民入境。均欲其言語習俗皆美國化。並入美國籍而後可。而華工之在美者。雖歷年甚久。無同化入籍之可能。且聚團而居。凡中國下等社會各種不良習慣。無不盡顯其能。美人遂認

限制華工之約

華工於美國無益。而反妨礙地方安寧。於是朝野皆認排斥華工爲必要。一八八〇年。美政府命駐華公使安格爾。向總理衙門說明華工日往日多。難於整理。因訂續修條約四款。卽光緒六年限制華工條款也。

一 華工在美國各處居住。若於美國之益。或地方之平安。有所妨礙。美國可以或爲整理。對於續往華工。得定人數年數之限制。但祇能令其照限制進口。不得凌虐。

一 中國商民。如傳教學習貿易遊歷人等。以及已在美國各處之華工。均聽其往來自便。俾得受優待各國最厚之利益。

此約成立之後。美國國會。通過限制華工人境。及取締華工之法案。年有所聞。其國內十三州。及其屬島。虐待華工之事。苛例百出。華工之生命財產。動不能保。兩國國民。惡感日深。清廷無法善後。乃承認美國之要求。於光緒二十年。訂十年禁止華工入美之約。

禁止華工之約

一 寓美華工。如有父母妻子。或有值銀一千元之產業。在美國境內者。不在禁止之列。但回美之期。以離美之日起計算。一年爲限。

一 前項限制。專爲華工而設。不與官員教士學生貿易遊歷諸華人。有所妨礙。

一 已經在美華工。與別項華人之生命財產。美國須盡力保護。

此約成立之後。凡華人之赴美者。於抵埠後。皆不准登岸。無論遊學遊歷或商賈。皆囚之於碼頭木屋內。黑

美國之虐待華人

暗臭穢，寢食於斯，羈齷常數閱月，親友不能會，疾病不能醫，卽有護照，關吏久不過問，及驗照時，如護照有一字之錯，供詞有一句之誤，立卽迫令上船回籍，因此常有投海自盡，或失醫而死者。至於在美華工，其遭虐待，更甚於前，我國人雖不勝憤懣，然其時爲中日戰敗之後，各國壓迫之秋，除廣東人間或排斥美貨，以爲抵制外，他處國民，殆不過問。

然光緒二十四五年之間，俄德英法日本諸國，各向中國攘拳奮臂，要求租借土地，畫定勢力範圍，美國獨不參加，而提議開放中國門戶，以定中國保全之局，此中美關係最可紀念之事也。此外中美關係之足紀錄者，一爲光緒二十九年之中美續訂通商條約，一爲光緒三十三年之美國退還一部份庚子賠款也。關於中美續訂通商條約，與吾國將來收回稅權法權有關係，其要點如左。

一 中國如將向有之釐金及各項貨捐，一概裁撤，美國允許運進之洋貨，與運出之土貨，除現納進出口正稅外，加完一稅，以爲補償，其進口洋貨加完之稅，不得過值百抽一二·五之數，其出口土貨，加完之稅，不得過值百抽七·五之數。

一 中國深欲整頓法律，以期與各國律例相等，一俟中國律例，及其審斷辦法，皆臻妥善，美國卽允放棄其治外法權。

一 中國政府，允將盛京省之奉天府，與安東縣二處，自行開埠通商。

運付庚子
賠款之一

此條約對於吾國增加關稅。則附以裁撤釐金之條件。對於取消領事裁判權。則附以修正法律之條件。與同年之中日條約。及二十八年之中英條約所規定。大致相同。皆爲我國將來收回稅法二權之障礙物。辛亥北京和約。中國賠償各國之款。原超過於各國實際損傷之若干倍。爲美國政府所不贊成。而當時美國分配賠款之數。爲海關銀三二九三九〇五五兩。大總統羅斯福爲增進中美友誼。並造就與美國有關係之人才計。欲將賠款一部份。交還中國。以作振興中國教育之用。一九〇七年。即光緒三十三年。羅斯福以美國政府。將美國份庚子賠款。除去海陸軍費用。及私人賠款外。其餘額交還中國案。提交國會議決。國會於次年五月通過之。即以美金一千七百八十八萬五千二百八十六元。及利息四釐。交大總統與中國政府處置用途之決議案是也。美政府當即通告中國政府謂自一九〇九年一月起。美國以一部份賠款。按年付還中國。并不聲明用途。以示由中國自主也。清廷知美國意在振興教育。當時決定將該款爲派學生赴美留學。與設立清華學校之用。按庚子賠款。非以各國損傷爲標準。而以中國人口爲標準。不論老幼男婦。各罰海關銀一兩之意。其無理之壓迫。殊堪髮指。美國政府。當時曾反對之。爲各國所拒。至此首倡返還之義舉。爲中美國交上可紀之事也。

第十三章 西藏問題

自隋西藏內服
至清宣統三年

第一節 西藏內服之沿革

西藏開國
與佛教之
盛

西藏在我國西南部，廣袤六十五萬一千五百方哩。城內分前藏後藏，人口有六百萬，即古三苗種族。漢書三苗於三危，即略木及藏之地。亦稱圖伯特族。南北朝時圖伯特族始知牧畜，事戰鬥，有酋長，惡疾病，重兵死。隋開皇中滅土谷渾，建國跋布川。大清一統志跋布川國號禿髮，後說其音稱吐蕃，及唐代吐蕃最強大，屢寇邊。太宗以文成公主尙其王噶木布以和親，公主信佛教，自中國鑄釋迦牟尼像迎奉之。其後尼泊爾一名廓爾喀國王，又以其女拜木薩妻王，拜木薩亦篤信佛教，王受二后之化，令臣下多譯佛經，國中多建寺院，西藏佛教自此盛。佛經入藏始於僧侶稱喇嘛，喇嘛圖伯特語，無上之義也。其後吐蕃以種族分立，國勢與唐並衰，此間僧侶大受朝野尊奉，信徒漸衆，階級漸高，舊貴族皆曲意事之，其勢力漸出國王之上。元憲宗三年，世祖忽必烈降吐蕃，於河州置吐蕃宣慰司都元帥府。今甘肅於四川徼外數處置宣撫司。至元六年，世祖於烏斯藏今前藏地置宣撫司，爲郡縣。其後命喇嘛高僧發思巴領其地，初發思巴五歲讀羣經通大義，國人目之爲聖。十五歲來謁元世祖，世祖深服之，後尊爲國師，封大寶法王，使領藏地，秉政教大權，居後藏札什倫布附近。

紅教與
元明之
關係

是爲紅教之祖。明初以西藏地曠人悍，難於撫綏，利用紅教以制馭之。凡元代法王後嗣之來朝者，遇以殊禮。共封法王者八，授西天佛子者二，授灌頂大國師九，灌頂國師十八。法王等死，其子孫徒弟相承續。每歲來朝貢，略與土司等。此輩喇嘛，既受中國尊仰，漸流侈惰，又專事密咒及吞刀吐火怪術，以惑俗人。大違佛教真旨。於是宗教革命者宗喀巴出，憤紅教之腐敗，以改革自任。西藏喇嘛，遂另起一新派。

黃教之
盛

宗喀巴一名羅布藏札克巴，永樂十五年生於甘肅省西寧府。長憤僧侶腐敗，入大雪山修苦行，以改革宗教自任。爲衆所敬信，別立一宗，排紅教之密咒怪術娶妻等事，更用黃衣黃冠以示別。是爲黃教之祖。其徒皆通大乘，學行出紅教徒上。未幾盛行於前藏，勢與法王相匹。宗喀巴於成化十五年圓寂，臨寂囑令其徒達賴喇嘛班禪喇嘛二高弟，依「呼畢爾罕」以演大乘，呼畢爾罕者，轉世化身之義。達賴與班禪守呼畢爾罕之訓，謂雖死不失通力，臨死知轉生之處所，囑其徒迎立。遂世以爲繼續法。達賴喇嘛一世爲吐蕃王室之裔，國人推之爲烏斯藏主。烏斯藏法王，遂不傳位子孫，而傳於轉生之喇嘛。自是黃教兼有西藏政治權。達賴喇嘛三世有高德，漸得蒙古諸部落之尊信。三世親往青海及漠南說教，各部靡然向化。東西數萬里，皆膜拜視若天神。紅教諸法王，悉改宗爲其弟子。然不蒙明廷之封冊，滿清勃興遼東，志在滅明，恐蒙古爲後患，欲利用達賴五世以安北陲邊境。崇德八年明崇禎十六年，太宗遣使逾塞外數萬里至刺薩，訪達賴五世，賜以殊贈。達賴五世大喜，尊太宗爲曼殊師利大皇帝，又尊爲曼殊師利菩薩。曼殊蓋滿洲之音，蓋極表崇敬之意。

滿清利
用喇嘛
之政略

中西藏地
與達賴喇
嘛之冊立
法

順治九年，世祖復遣使封達賴五世爲西天大善自在佛，使領天下之佛教。終達賴五世之世，西北無邊患。康熙三十一年，達賴五世卒，第巴代理國政職名桑給者，秘不發喪，自專國事。自是西藏大亂。始四十年，當是時圖伯特人所立達賴六世，與厄魯特部西所立達賴六世，彼此爭真假。準噶爾汗策妄郡布坦乘隙於康熙五十五年襲西藏，陷刺薩。執圖伯特人所立達賴六世幽之。西藏遣使來北京乞援。五十七年正月，聖祖詔安西將軍額倫特及侍衛色楞等，督滿漢兵先後自西寧出青海赴援。被準噶爾兵大破於哈喇烏蘇河。怒江上流全軍盡覆。此五十七年九月也。十月，詔皇十四子允禔爲撫遠大將軍，駐師西寧。改四川巡撫年羹堯爲總督，備兵成都。期以明年分道進軍，會圖伯特人以喇嘛法座久虛，欲承認厄魯特部所立之新達賴爲眞呼畢爾罕，乞中國兵護之入藏。聖祖恐準噶爾兼有藏地，則西陲無寧日，決意進兵。五十九年春，詔允禔移駐木魯烏蘇治餉，以西寧軍屬都統延信，出青海，以四川軍屬統領噶弼，出打箭爐，分道入藏。詔卽軍中封「新達賴爲宏法覺衆六世達賴喇嘛」。兩軍以八月進西藏，準噶爾兵再戰再北。而川軍於八月二十三日入刺薩，號召大小第巴，宣示德意，誅不法喇嘛五人，幽九十餘人，僧俗震懾。準將策零敦多布由舊路北竄，延信軍以九月八日送新封達賴入藏，西藏全平。令拉藏汗舊臣康濟鼐掌前藏政權，頗羅鼐掌後藏政權。留蒙古兵二千鎮之。及雍正二年，噶布倫名屬於達賴三人，忌康濟鼐之權，誘準噶爾人寇，頗羅鼐以後藏兵鎮定之。世宗封頗羅鼐爲郡王，使總轄西藏事務。另設西藏辦事大臣正副二名，是爲駐藏大臣之始。此時

大臣。以保護安寧爲主。乾隆十五年。爲朱爾墨特駐藏大臣願羅蒙之子欲除之亂。增駐藏兵千五百名。廢舊來之汗王貝子等。設四人之噶布倫。分掌政權。使統轄於達賴。乾隆五十六年。爲班禪喇嘛六世之弟舍瑪爾巴誘尼泊尔人入寇。乾隆四十五年。班禪喇嘛六世祝高宗七旬萬壽來朝。以痘病卒於北京。其徒奉之寇。全藏震動。高宗發大軍進尼泊尔。尼泊尔乞印度總督出兵爲援。以中國兵迅捷。不及待英兵即乞降。尼泊尔自此對中國行朝貢禮。自是高宗亦注意西藏。守備禁藏人與四邊交通於印度方面。禁之尤力。增戍兵。又命駐藏辦事大臣行事與禮制。悉與達賴班禪平等。兼握政治。財政及兵備之權。凡噶布倫以下官吏。悉歸辦事大臣與達賴會同選任。於是辦事大臣之權力始大。政治上實權與達賴平等。又高宗以呼畢爾罕繼嗣法。積久弊生。往往兄弟子姓繼登法座。等於世襲。恐爲後憂。特乘此次用兵後。創掣籤法。頒金奔巴瓶二。一貯西藏大招寺。一貯京師雍和宮。雍正朝爲掌中國本部佛教之駐京喇嘛。特建雍和宮使居之。凡達賴與班禪爲呼畢爾罕出世有爭議時。由駐藏大臣會同各僧至大招寺。書名投金奔巴。誦經降神掣籤定之。若內外蒙古等地之大胡土克圖。喇嘛高僧職名爲呼畢爾罕出世有異議時。亦報之理藩院。由理藩院大臣會同駐北京之章嘉呼土克圖。即駐北京雍和宮喇嘛掣籤定之。自是西藏平靖不生事變者殆百年。

附錄 擇立達賴班禪法

初。達賴喇嘛圓寂時。先以降生地示人。其弟子大堪布（僧官）往訪。得其小兒。卽爲呼畢爾罕。達賴喇嘛二世二世出

於後藏。三世出前藏。四世出蒙古。五世出前藏。六世出裏塘。皆非出於一地一族。班禪亦然。至乾隆末年。各大喇嘛。代代皆出於兄弟子姪間。而斯時佛家傳言。達賴六世班禪七世以後不再來。故登座不復有真觀密諦。祇憑垂仲（巫師之類）降神之指示爲標準。高宗遂乘兵後之機。創製黃法。爾後達賴喇嘛圓寂。由駐藏大臣行文各路。命民間生子有靈異或有徵驗者。其父母攜帶來德慶。（地名）遇有靈異小兒二人以上時。由駐藏辦事大臣。擇日製籤。於前七日命各大寺喇嘛虔誦誦經。製籤日辦事大臣至大招寺行禮。用牙籤書各小兒名滿縫之投金奔巴瓶內。封好後。由辦事大臣啟封。擊取其一。當衆拆封。當籤者即爲呼畢爾罕。旋率衆至德慶。迎其小兒至大招寺。由堪布朝夕保護之。具奏中國皇帝。將其名登入呼畢爾罕冊中。皇帝即命駐京之章嘉呼土克圖。至西藏照料之。令該達賴喇嘛六歲學經七歲受小戒學禪。常坐不臥。此時西藏公事。皆由班禪與呼土克圖代決之。達賴至十六歲。始自理事。

第二節 俄國之窺伺西藏

俄國對於東方之經營。實本彼得大帝之遺訓。然其初僅從事西北利亞蒙古黑龍江方面而止。其對於西藏活動。則起自三四十年前。初俄國經營蒙古。准布里雅多人居庫倫恰克圖及西北利信教自由。且保護其寺院。又獎勵其教徒發達。蓋利用佛敎以行政治上之策略也。俄以希臘教爲國教。本國內不許信教自由。於是布里雅多族之喇嘛。往西藏修學者日多。同時俄政府亦多誘是等青年至本國修學。施以文明教育。就中有德爾智者。

德爾智爲
俄國經營
西藏之盡
力

達賴十三
之陰結俄
皇

日俄開戰
與俄國經
營西藏之
影響

穎敏有才。既通俄語。知歐洲大勢。又善蒙古文學。大爲俄國經營東方盡力。俄皇優遇之。賜勳章。授以對西藏密策。給巨資。命往西藏留學。德爾智研究藏語藏文數年。學識超衆。被選爲達賴喇嘛十三世之侍講。宣即統三年奔印度之達賴是也。德爾智被選爲未成年時之教師。德爾智既得此地位。其對於達賴十三之教授。常以「英國將來侵略西藏之可畏。中國政府不足賴。惟俄羅斯是將來喇嘛教之惟一保護者。」爲教旨。且指示俄國版圖與黃教經文之豫言。以證明之。黃教未來記。某喇嘛豫言異日佛教紊亂將底滅亡時。北方之國。有力佛法大王。出世統一之。爲西藏一般人所迷信。德爾智即指俄皇爲北方佛法大王。

達賴十三幼時受此教育。先入爲主。後來睽睽於親俄主義實源於此。及光緒十七年。達賴成年。侍講漸閒。德爾智攜諸種證據物件報告俄國政府。俄政府復給與重費。使常往來於西藏俄都間。因之達賴十三與俄皇之關係益漸親密。光緒二十五年冬。俄皇尼哥拉斯二世遣使齋珍物至刺薩。訪達賴十三。達賴十三大喜。翌年九月。達賴十三遣大僧至俄國。俄皇於黑海離宮賜謁。斯時我國以八國聯軍入北京。兩宮西狩。無詰責達賴十三之暇。二十七年夏。達賴十三復遣使至俄國。俄皇與皇后於西七月七日賜謁。待遇隆重。時北京之和議尙未成。中俄二國除滿洲密約外。更有西藏密約之風說。即中國以西藏權利讓與俄國。俄國盡力保全中國存立之風說。

是英國輿論大激昂。俄政府假維也納新聞社。聲明俄國對於西藏毫無政治上之野心。僅與藏使定中亞俄民佛教徒之待遇而止云。然斯時達賴十三陰結俄皇。欲乘中國不能干涉。親往俄都。以恐生他變不果。及日俄開戰。英軍侵入西藏。光緒三十年達賴十三遂隨德爾智與布里雅多護衛兵七十名。自西藏出青海。將

奔俄國。翌年春至甘肅境。聞俄國連戰連敗。遂聲言此行爲訪庫倫大喇嘛哲布宗丹巴而來。庫倫大喇嘛古謂王之上。亦被俄政府所籠絡。遂由嘉谷關至庫倫而止。於是俄國窺伺西藏之計劃。不獲成功。

第三節 英國之侵略西藏

喜馬拉雅山中尼泊爾亦稱廓爾喀不丹亦作布坦二獨立國之間。有哲孟雄王國。亦作西金其國王於前二百七十年頃。自西藏來王此國。列代王妃。皆求之西藏貴族中。國內人種風俗宗教全與西藏同。上流語即用西藏語。成西藏之天然附屬國。英國自擴張勢力於北印度。欲開一與西藏交通之路。以侵入內地。察以哲孟雄爲使宜。嘉慶十九年。英與尼泊爾尼泊爾自乾隆五十六年以來爲中國朝貢國開戰。割其二地。以與哲孟雄國王。而使其與本國相親善。道光十五年。英政府定以年金三百磅與哲王。而收買其首府附近爲英殖民地。咸豐十年。約增年金一千二百磅。而償英國以擴張貿易與築造國內鐵道權。於是哲孟雄全歸英國之勢力範圍。英國遂漸與西藏接近。光緒二年。英政府乘雲南殺瑪加里事件。於芝罘本約外。另以專條規定英人得進西藏探測一事。及光緒十年。印度民政廳吏瑪苛烈。欲實行探測西藏。求總理衙門發給旅行護照。總理衙門許之。并照會西藏官吏。以優禮相遇。乃瑪苛烈得護照後。大變從前計劃。將伴多數學者詳察西藏之鑰脈。又不由中國進西藏。將逕由印度向刺薩。我政府大不喜。西藏人反抗尤烈。有不辭訴之干戈之勢。於是我政府不以威

英人探測
西藏約之
取消

英國占領
哲孟雄與
中英談判

力壓西藏人。則不可不取消總理衙門之旅行護照。二者皆不易行。偶以英併緬甸。於光緒十二年之中英緬甸條約內。第四款取消西藏探測之事。其條文如左。

芝罘條約別款。英國派員入藏一事。現因中國察看情形。諸多窒礙。英國允將派員中止。至英國欲在藏印邊界通商。應由中國政府體察形勢。設法勸諭。如果可行。再行妥議通商章程。若仍窒礙難行。英國亦不得強請。

右條約英國雖承認停止探測西藏之一節。然對於印藏邊境通商之事。仍望其必行。西藏人接英國使節中止之報。大喜。誇示哲孟雄王。謂英國使節中止。實畏西藏之故。益干涉哲孟雄與印度通商之事。翌年光緒十三年。西藏人乘英國不備。送兵哲孟雄境內。於哲印境上建設礮臺。嚴武備。以斷英人貿易路。且勸哲王移

居西藏境內。王從之。居西藏印度政府大怒。於光緒十五年出師破西藏軍。悉逐出哲孟雄境外。索王歸國議和。結果英國置統監於哲孟雄國內。監督其內外政。王徒擁虛位。名雖為英國保護國。實與英國領土同等。於是英國與西藏關係愈密。接英政府以哲藏有歷史關係。則英國對於哲孟雄之主權。不可不得中國之承認。又藏哲境界。不可不確定。且印藏交通之路。以哲孟雄為捷徑。亦欲乘此機會。實行印藏邊境通商之事。於是英政府遂命駐北京英公使迭與總理衙門交涉。要求我國派全權委員協商哲孟雄主權歸英。與藏印境界通商之事。我政府派駐藏幫辦大臣副都統升泰為全權。與印度總督蘭斯頓會於印度加爾

各答。於光緒十六年二月二十七日。締結藏印條約。亦名哲孟雄條約。如左。

一 以東自不丹。西至尼泊爾。藏哲間之一帶。分水嶺。爲兩國國境。

二 中國承認哲孟雄之內政外交。專由英國保護監理。

三 藏哲通商。印藏官員交涉文件。哲孟雄邊境遊牧三事。俟後日兩國派員協妥。

本約協定後數年。英國迭要求規定通商交涉遊牧三事。光緒十九年。清政府派參將何長榮稅務司赫德爲委員。與英特別政務司保爾會於加爾各答。締結藏印續約九條。主要者如左。

一 中國定於光緒二十年三月。開西藏之亞東爲通商市。准英國派員住居。又准英商自境界至該處自由往來。與租賃房棧等事。

除禁制品外。凡輸出入貨物。五年內概免納稅。俟五年限滿。由兩國酌定稅則納稅。

藏界內彼此商民。因貿易起爭訟時。由中國邊境官與英派遣哲孟雄辦事大臣。秉公會商。依被控所屬國法律辦理。

二 兩國交涉公文。由甲國邊務官。交付乙國邊務官。乙國邊務官。火速遞呈本國辦事大臣或總督。

三 亞東開放一年後。凡藏人仍在哲孟雄遊牧者。照英國隨時所定遊牧章程辦理。

此約未締之前。期兩國雙方受利益。及條約發表。遊牧事西藏人大受制限。通商事英人獨得便宜。結果該

西藏排外
與英區之
道兵

達賴十三
奔蒙古

英藏刺薩
條約

條約爲西藏大不利益之約。又邇年來英國對於北方之侵略。大進步武。哲孟雄不丹次第被其所蠶食。於是西藏人大加恐懼。排英之心愈熾。確持閉關主義。所約亞東開市之事。絕對不准實行。中國政府亦無如之何。英公使疊與總理衙門交涉。亦遷延不得要領。光緒二十七年以後。英國方用全力對中國本部劃定勢力範圍。西藏通商之事。一時開擱。此間俄國對於達賴喇嘛十三世之運動日進步。二十七年中俄滿洲密約時。更傳西藏密約之風說。中俄滿洲密約。英國與日本協同拒之。俄政府知英國爭滿洲寧爭西藏。遂與達賴使節有所密商。蓋欲分英日協同拒滿洲密約之策也。英國大驚。及日俄開戰。英政府遂乘機侵西藏。命邊務大臣榮赫鵬大佐率一千兵向西藏襲入。西藏兵約千五百。持火繩銃長鎗禦戰。被英兵擊死七百潰散。英軍進駐孜江。促達賴喇嘛派全權委員開談判。委員至時。大佐要求先撤礮壘兵隊。談判不諧。大佐遂率軍直逼刺薩。達賴喇嘛聞警。以印授噶爾丹寺大喇嘛而已。偕德爾智等向青海出奔。藏兵遠遁。英兵進據刺薩。亦不驚擾居民。主客甚相安。駐藏大臣有泰與西藏高官各避責任。皆催達賴還刺薩。達賴反向蒙古遠遁。於是副王班禪額爾德尼駐後藏班禪喇嘛身任和局。與大佐締結英藏媾和條約。即光緒三十年七月二十八日之約也。

- 一 西藏遵照光緒十六年中英所立印藏條約施行。又依該約第一條所定哲藏邊界。建立界碑。
- 二 西藏允將江孜、大克亞、東三處。照光緒十九年規定亞東開埠各款。一律辦理。又將來發見他處可開商埠時。亦許一律開埠。

西藏承認將來規定稅則外，概不徵收他稅。

現在所開三埠，及將來續開之埠，英藏皆派員住居。又自印度邊境至江孜噶大克各通路，不得稍有阻礙。

三 西藏賠償英國軍費五十萬磅，即合盧比銀七百五十萬元，每年分兌十萬盧比，作七十五年還清。

四 英國仍暫駐兵春丕，俟賠款清繳，商埠實辦三年後，然後撤退。

五 西藏允將自印度邊界至江孜刺薩之噶臺山塞等，一律削平，并將所有妨礙通道之武備，全行撤退。

六 西藏承認以下五事，非先得英國政府之許可，不得舉辦。

甲 西藏土地，無論何外國，皆不准有讓賣租典或別項出脫事情。

乙 西藏一切事宜，皆不許何外國干涉。

丙 無論何外國，皆不許派員或派代理人進入藏境。

丁 無論何項鐵路、道路、電線、鑛產、或別項權利，均不准各外國及外國人民享受。若讓此項權利時，

則以相同相抵之權利，給與英國政府。

戊 西藏各進款，或貨物、金銀錢幣等，皆不許給與各外國及各外國人民抵押撥兌。

印度總督
之聲明

本條約將西藏土地全劃歸英國勢力範圍之內。未簽印之先，榮赫鵬要求駐藏大臣有泰同時簽印。有泰以全文電告外務部。外務部直以本約有害中國主權。電飭有泰勿承認。僅得西藏政教高官簽印而止。斯時清政府雖向英政府抗議。英政府頑然不顧。同年西十一月十一日。印度總督俺士爾於批准該條約之時。聲明賠款減為二百五十萬盧比。分二十五年還清。俟商埠開辦三年。及前三年賠款繳清後。英國即撤春不之兵。蓋出一種市恩手段。以收西藏人心也。爾後我國派委員至加爾各答。與印度總督迭開談判。英國之主張不稍屈。斯時我國以該問題延久不決。反使西藏土民起不信用之虞。遂請移談判於北京。光緒三十二年。外務部侍郎唐紹儀與英全權公使薩道義。締結西藏續約六款。其重要者如左。

一 光緒三十年七月二十七日。英藏在刺薩所締和約。與印度總督聲明之文據。即減少賠款與撤均兵期限之聲明作爲本約之附約。彼此承認切實遵守辦理。

二 英國允不占併藏境。及不干涉西藏一切政治。中國亦承認不准他外國干涉藏境。及其一切政治。

三 光緒三十年七月二十八日刺薩和約第九款。所聲明之鐵路道路電線鑛產之各項權利。除中國獨能享受外。不許他國及他國人民享受。惟經與中國商定。英國得自印度境內聯絡三商埠之電線。

四 所有光緒十六年九月中英所締藏印條約。其所載各款。與本約及附約不相違背者。概應切實施行。

中英藏印
續約

先是英藏刺薩和約不經駐藏辦事大臣之調印與我國政府之認可而英政府視該條約爲有效則是認西藏爲獨立國已不承認西藏爲我國之領土矣經唐紹儀折衝之結果於本約第二第三兩款令英國明認中國完全主權於是中國對西藏之地位始確定而關於償金一事清政府以延長二十五年爲不利以西藏財政貧乏二百五十萬盧比之賠償金由中國政府以三年償清之旨迭與英政府交涉英政府亦承認之春丕之駐屯兵以三十三年撤退。

第四節 英俄協約與達賴喇嘛廢立

當英兵進西藏及刺薩結約之時正俄國連敗於日本無干涉英國之餘力又日俄媾和之前日英二國新同盟成立規定英國對於印度國境之附近執行必要處分時日本承認之則英國對於中央亞細亞與西藏各處有任便處分之可能俄國以戰敗之餘不能再與何國起爭端中亞方面英俄兩國積年之衝突至此不得不依平和政策以相維持於是關於波斯阿富汗西藏之英俄協約以一九〇七年八月三十一日
光緒三十三年八月十 成立其關於俄國之規定者如左。

- 一 英俄兩國尊重西藏之領土保全各不干涉其一切內政。
- 二 英俄兩國承認西藏爲中國所有依宗主主權之原則非經中國政府不得與西藏爲何等交涉但一

九〇四年之英藏刺薩和約。與一九〇六年之中英藏印續約。其中規定英藏通商事件。仍遵約照辦。英俄二國人民之佛教徒。爲純然關於宗教之事。得與達賴喇嘛及西藏僧官爲直接交通。但兩國政府。對於是等交通。應防範其違犯本協定之所規定。

三 英俄兩國政府互不派代表者。駐刺薩。

四 英俄兩國無論爲自己爲國民。相約不要獲取西藏之鐵道道路電信鑛山及其他權利。

五 西藏各進款。或貨物金銀錢幣等。英俄兩國或兩國人民。不得取爲抵押撥兌。

右條文外。由俄政府之意。更增加春丕屯兵。英國不可不如期撤退一項。依本協定之精神。英俄二國互相牽制承認西藏爲中國所有。從前二國之爭先侵略主義。一變而爲保全領土。不干涉內政。不派代表。不要求權利之約。束西藏安全之基。始固。

先是達賴喇嘛見俄國連敗於日本。始悟俄國不足倚賴。大失望。然以英兵屯藏境。又以中國政府對於己有疑心。以其奔俄故不能安。遂請入北京。籌善後策。清政府勸其速歸刺薩。無仍進京。達賴不樂。滯留西寧之塔爾寺不進。及英俄協約成。彼此互相約束。不再侵略西藏。清廷遂容達賴之請。命其入京。達賴以光緒三十

四年四月。率從人五百。自塔爾寺出發。八月入朝。皇太后欲依舊例之優禮相遇。廷臣諫止。用屬臣禮待之。行拜禮而各國公使。多視達賴爲奇貨。款待優隆。英俄二公使。往來饋贈尤多。清政府稍監視之。達賴敢怒而

英俄承認
西藏爲中
國所有

達賴十三
之入朝

達賴十三
反刺薩之
謀叛

趙爾豐征
西藏

達賴十三
廢立與
之勳告

不敢言。十月，兩宮崩御，宣統嗣立。達賴以帝年幼，意懷輕侮。十一月二十八日，達賴自北京出發，遂巡於途。翌年宣統元年十月，始抵刺薩。自達賴出奔至此五年，欲謀叛，遣使致書駐北京英公使，告中國駐藏軍隊之行動，不利於英國。且怂恿土民起暴動。先是達賴奔蒙古後，藏民之暴擾年盛，政府恐資英國口實，欲實行統治政策。命趙爾豐為駐藏辦事大臣，趙爾豐奏請練新式軍隊，以武威震懾土民。朝廷准如所請，命以巴塘為根據。練屯田兵經營番界，以俟時機。及達賴歸刺薩數月，駐藏大臣聯豫電奏達賴歸藏後，教徒之暴動尤甚。於是政府對藏政策一決。命趙爾豐率新軍進征西藏，趙爾豐遣部將鍾穎等，率勁旅一千五百，機關砲四門，自巴塘向藏內出發，沿途進剿。始達刺薩，達賴十三倉皇向印度出奔。報達北京，詔廢達賴十三世，命駐藏大臣依例求靈異小兒，立新達賴喇嘛。達賴十三親訴於印度總督，更派近臣德爾智求俄政府之援。英俄二國，以西藏協定，認西藏為中國所有之故，不能為極端援助。駐北京英俄二公使，僅以「喇嘛教徒視達賴為神聖，哲孟雄教徒逾一千萬，西北利亞教徒逾百五十萬，貴國處分過烈，恐釀他變」之旨，照會外務部。外務部答以達賴十三為釀禍之源，不若另立新達賴，足保西藏之安寧秩序。且向英公使為開發西藏之保證。而遠近教徒，亦不起變動。西藏問題，一時無事。蓋喇嘛教之勢力，雖遠及於甘肅四川新疆內外蒙古青海西藏及西北利亞不丹尼泊爾哲孟雄諸地，其教徒亦不下二千九百萬人。然是等地方，交通不便，人民褻猛之性，悉為教旨所消磨，又無精銳武器，其不足為有力之團結可知。然晚清政治泄沓，不懷遠謀，既

廢達賴十三，卻不冊立新達賴以弭後患。而西藏之統治方針，亦不能決定。及宣統三年，武漢起義，民國肇立之時，外蒙古受俄人之嗾使，宣告獨立，西藏遂大受其影響。卒迎達賴十三返刺薩，亦稱獨立，遂起民國成立後之中英大交涉。詳第十六章第二節

第十四章

日本國威膨脹之壓迫中國

光緒三十一年
至宣統二年

第一節 日英新同盟及日法日俄日美諸協商與中國之關係

日英新同盟之原因

一九〇二年一月三十日光緒二十八年正月初四日日英同盟條約以五年爲期。日俄戰爭中日本以此同盟受無限利益。法國不敢明助俄國。俄國黑海艦隊不得與波羅的艦隊同往極東。及一九〇五年日俄戰爭尚未結局之時日本恐俄國聯合他國重來欲繼續日英同盟且增重其關係以資援助而英國初與日本結同盟之目的實爲維持本國在極東勢力與俄國均衡起見茲以日本之力驅逐俄國極東之侵略遂亦欲擴張同盟効力於印度方面以制俄羅斯對於中央亞細亞之侵略當日俄媾和尙未成立之時駐英日公使林董與英外務大臣蘭斯頓締結日英第二次同盟協約以一九〇五年八月三十日光緒三十一年七月發表其全文如左。

日英新同盟條約

日英兩國政府願將一千九百二年一月三十日兩政府間締結之同盟協約代以新約。

甲 確保東亞及印度地域全局之平和。

乙 確保中國之獨立與領土保全及列國商工業機會均等主義以維持列國之公共利益。

丙 保全東亞及印度地域兩締盟國之領土權並防護該地域兩締盟國之特殊利益。

以上記之三項爲目的協定左之各條。

一 上文記述兩國之權利利益有迫於危殆之時兩國政府互相通告爲保護被侵略之權利利益協同商取對付手段。

二 兩締盟國之一方非自挑發而受一國或數國之攻擊與侵略行動該締盟國爲防護上文記述之領土權與特殊利益至於交戰之時他一方之締盟國直與援助爲協同戰鬥媾和亦雙方合意爲之。

三 英國以日本對於韓國有政事上軍事上及經濟上之卓絕利益若日本爲保護增進該利益對韓國執行指導監理及保護之必要處分時英國承認之但該處分不得反乎列國商工業機會均等主義。

四 關於印度國境安全之一切事項英國有特殊利益若英國爲擁護印度領地對於印度國境之附近執行必要處分時日本承認英國有此權利。

五 兩締盟國無論何方若不經他一方協議不得與他國另結違背本協約之別約。

六 現在之日俄戰爭英國繼續守嚴正中立若他一國或數國援助俄國與日本交戰之時英國即

援助日本協同戰鬥。媾和亦雙方合意爲之。

七 兩締盟國之一方。依本協約規定。對於他一方。出兵力援助之時。其條件與其實行方法。由兩國

海陸軍當局者協定之。又該當局者關於相互利益之問題。當隨時協議。不稍隔閡。

八 本協約限於不牴觸第六條之規定。自調印之日起。十年間有効力。若第十年期滿時之十二箇

月以前。兩締約國。皆無廢約之意思時。則本協約以同盟國之一方。自表示廢約意思之日起。仍繼續効力一年。但此一年間期滿時。若同盟國一方在交戰中。則本同盟當繼續至媾和結局之時。

此日英新同盟與舊同盟之相異點。一爲適用之範圍。前限於中韓地域。茲則擴張至印度方面。二爲同盟之性質。前近似防守同盟。茲則純爲攻守同盟。三爲權利之承認。前英國僅承認日本對於韓國有特殊利益。而止。茲則承認日本對於韓國有指導監督保護之必要處分權。故本條約中特削除舊同盟約中之「韓國獨立」文字。日本則承認英國對於印度國境等處。有必要處分權利。其結果爲日本合併韓國與英國。對於雲南西藏及其他印度邊境。得爲自由處分之張本。於是日本遂昇入世界強國之隊伍。占東洋外交之重要地位。

日俄戰爭之結果。日本國威張揚於世界。日英新同盟之結果。日本東方霸權之地位愈確實。於是日本政府大定對於中國之政略。將括列強之軌道於一致。而俄法美諸國亦對於日本抱不安。法國則以日本戰

門力強大將與法國東洋平和事業不利且安南領土有難保全之虞俄國則恐日本不滿足於波子瑪斯條約將乘虛迫太平洋沿岸之俄國領土與蹂躪俄國所獲中國條約上之權利美國在日俄戰爭之前與日本之交誼最親善至日俄戰爭後兩國民情漸缺圓滿蓋曩日美國開放中國門戶之宣言其主義一面提倡平和與人道主義一面保障本國對於中國之貿易利益而反對俄國閉鎖滿洲之行動也故其時美國之民情不期與日本契合及日俄戰爭之後日本之強大海軍勃興於太平洋中太平洋之海權將爲日本所獨有是美國前途之大敵又日本對於滿洲之貿易努力奮進驅逐美國商品於滿洲之外美國以日本之行動爲背開放門戶主義日美違言漸起於是美國之排斥日民問題桑港禁止日童入學問題日美戰爭論太平洋艦隊建設次第起至是日法協約日俄協約日美照會之新局面次第逼來其原文如左。

日法協約

日法協約一九〇七年
六月十日

日法兩國政府爲鞏固兩國友誼各除去將來之誤解締結本協約日本國政府與法蘭西國政府相約尊重中國之獨立保全其領土及在中國之各國商業臣民均等待遇主義又兩締約國爲保全兩國在亞細亞大陸相互之地位與領土權對於兩國所有主權保護權占有權諸領域接近於中國之諸地方相約互維持其平和安寧。

日俄協約 一九〇七年
七月三十日

日俄兩國政府爲克復平和。鞏固善隣關係。且除去將來兩國一切誤解。締結左之協約。

一 締約國之一方。保全他一方之領土。又締約國間。以贍本交換兩國與中國現行諸條約及契約所生之一切權利。但限於不違反機會均等主義之權利。及一千九百零五年九月五日波子瑪斯條約。與日俄間締結諸特殊條約。所生之一切權利。相約互相尊重之。

二 兩締約國承認中國之獨立。與保全其領土。及列國對中國商工業機會均等主義。且相約照本國應行之一切平和手段。以繼續維持現狀與確定前記主義。

日美照會 一九〇八年十月三十日

日美兩國政府。關於太平洋方面之政策。彼此確認左之宣言。

一 兩國政府。希望獎勵太平洋兩國商業之自由平穩發達。

二 兩國政府之政策。其目的均以保護太平洋之現狀。及中國商工業機會均等主義。不得有何等侵略之趨向。

三 兩國政府。實意尊重太平洋方面他一方之所有領地。

四 兩國政府。準權內之一切平和手段。維持中國之獨立。及保全其領土。與列國對於中國商工業

機會均等主義。以保存列國在中國之公共利益。

五 前述之維持現狀。與機會均等主義。有侵迫事件發生之時。兩國政府。為協商有益之處置。可得交換意見。

以上諸協約之性質。皆以尊重締約國之領土權利與保全中國領土及列國機會均等主義。蓋日本乘一躍為東洋雄國之機會。遂定對於中國之大政策。陽為保全中國之盟主。陰為分滅中國之先鋒。蓋日俄戰爭後。日本縱不倡保全中國之說。各國亦無倡瓜分中國之事者。日本以此政策。括列強軌道於一致者。一則確實本國為東洋盟主之資格。二則以中國處分問題。欲以日本為原動力。俾異日得收最大之希望也。故諸協約成。而中國之前途。反危如第一次日英同盟。以保全中韓兩國之獨立為名。至第二次日英同盟。便刪除韓國之獨立文字。不先倡保全反難收合併之效。其明證也。

第二節 日本合併韓國與中國之關係

日俄開戰之初。駐韓日公使林權助與韓國總理大臣李址鎔。締結日韓議定書。旋結日韓協約。為韓國變為日本保護國之始。其後一千九百五年光協三十一八月十二日之日英第二同盟協約。與同年九月五日之日俄波子瑪斯媾和協約。同規定日本對於韓國有政事上軍事上經濟上之卓絕利益。又承認日本對於

韓國有指導監督保護之必要處分權利。於是日本積年以來之併韓政策。將告成功。遂乘機實行其監督保護權。派伊藤博文爲勅使。伊藤以同年陽曆十一月九日抵韓京。與駐韓公使林權助審議對韓政策。旋與韓國外務大臣朴齊純數次協議。以陽曆十一月十七日締結左之日韓新協約。

一 今後韓國對於外國之關係事務。由日本國外務省。監理指導之。在外國之韓國居民及利益。由日本派出公使與領事保護之。

二 日本政府代行韓國現在與他國所有諸條約。自後韓國政府。不經日本政府之手。不得與他國訂何等國際條約與契約。

三 日本政府置統監一員於韓國京城。專管理外交事務。有親謁韓國皇帝陛下權利。又日本政府於韓國開港場。與日本政府所認必要地方。得置理事官。執行從來日本領事之職務。悉受統監指揮。

四 日韓兩國間。現存諸條約及契約。限於與本條約不相牴觸者。繼續有效力。

五 日本政府確保韓國皇室之安寧。與其尊嚴。

於是日本政府廢韓京之日本公使館。新設統監府。旋公布統監府理事廳官制。該官制規定「統監除管理韓國外交事務外。得干涉韓國之一切施政。又得命駐韓司令官。使用兵力。理事官除執行從來之領事職務外。得干涉韓國各地方之一切施政。又得命駐在該地司令官。使用兵力。」即以「統監府與敷理事

廳制全韓之政治生命也。該官制公布後日本天皇親任樞密院議長伊藤博文爲韓國統監。又於京城、仁川、釜山、元山、鎮南浦、木浦、馬山及其他要地各設理事廳。

伊藤統監以翌年明治三十九年光緒三十二年陽曆三月赴韓京。依條約上明文。統監僅得管外交事務而止。伊藤赴任

之後。凡韓國一切施政事務無不干涉。韓皇苦之。愛國志士憤國權旁落於外人之手。結黨圖恢復。然日本

陸軍大將長谷川好道以重兵駐紮京城。又警務嚴密。凡結社集會悉行禁止。悲憤新聞。停止發刊。愛國志

士無所措手。翌年六月。韓皇遣密使李俊、李相窩、李鍾璋三人赴海牙平和會議。訴日本之暴虐。求各國干

涉。以期脫日本保護關係。爲海牙平和會議所拒。日英同盟新協約。與俄子瑪斯媾和。於是日本政府以條約。曾經各國承認。故拒絕之。

韓國違反條約。侮辱日本爲辭。七月日本外務大臣林董親渡韓國。與統監協商對韓善後策。此間伊藤大

爲秘密運動。結果統監不發一聲。由韓國大臣李完用、宋秉畷與韓國政黨一進會等。以保韓國社稷爲詞。

勸韓皇讓位於皇太子。以消日本之怒。韓皇李熙不得已。引責自退。讓其位於太子李坫爲皇帝。然伊藤更乘

機逼韓國總理大臣李完用締結日韓新協約。更擴張保護權範圍。即日本明治四十年七月二十四日光緒

三十三年六月之日韓新協約是也。其全文如左。

一 日本國政府與韓國政府以圖韓國富強與增進韓國國民之幸福爲目的。約定左之各條。

一 韓國政府關於施政之改良受統監之指導。

海牙密使
事件與韓
皇退位

保護權再
擴張條約

二 韓國政府制定法令，與重要行政處分，須豫經統監之承認。

三 韓國之司法事務，須與普通行政事務區別之。

四 韓國高等官吏之黜陟，以統監之同意行之。

五 韓國政府依統監推薦之日本人，任命為韓國官吏。

六 韓國政府，無統監之同意，不備聘外國人。

此約締結之後，伊藤統監即以執行協約第一條之義務為辭，除留韓皇宮中侍衛兵一大隊外，悉解散韓軍。軍隊以日本軍隊代之。陽曆八月舉行新皇帝李拓字君邦年三十三歲即位式。九月日本政府於統監下，復置副統

監，以曾禰荒助任之。十月，日本皇太子渡韓，示與韓皇加親善。翌年，韓新皇帝遣皇太子英親王往日本遊學，拜伊藤統監為太傅。邇後伊藤專事懷柔手段，冀韓民不起反動。然山縣樞密院長與桂總理大臣皆欲與伊藤協議韓國最後處分策，因更換統監。明治四十六年六月，伊藤辭統監職歸國，副統監曾禰荒助繼任。本伊藤之意，於七月十二日宣統元年六月二十五日與韓國總理大臣李完用結司法權與監獄事務之約。全文如左。

日本國政府及韓國政府，改良韓國司法與監獄事務，以確保韓國臣民及駐韓國外國臣民之生命財產，與鞏固韓國財政基礎為目的，約定左之各條。

一 韓國之司法及監獄事務。未完善以前。韓國政府。將司法權及監獄事務。委託於日本政府。

二 日本政府。以有一定資格之日本人及韓國人。任爲在韓國之日本裁判所與監獄之官吏。

三 在韓國之日本裁判所。對於協約法令規定外之韓國臣民。適用韓國法規。

四 韓國地方官廳與公吏。各隨其職務。對於司法監獄事務。受日本該官廳之指揮命令。爲其補助。

五 韓國司法經費。與關於監獄之一切經費。由日本政府負擔。

至是韓國所有政治機關。盡行委諸日本。僅留一形式上韓國名辭。而止。日本朝野漸起日韓合邦之議。同

年宣統元年陽曆十月。伊藤博文借名漫遊滿洲。實帶使命赴哈爾濱。與俄國大藏大臣哥烏左福十月中旬帶

濱哈爾密約。韓國與滿洲事件。二十六日。於哈爾濱車站被韓國志士安重根以手鎗刺殺之。日本大譁。韓國

上下大震駭。數遣謝罪大使往日本。由是日本政府爲合併韓國之運動愈熾。

同年陽曆十二月。韓國政黨一進會。突然向統監與韓皇提出日韓合邦之議。瀝呈日韓合邦爲韓民無疆

之福。且韓國皇室得倚日本天皇。永享無窮之祚。云蓋一進會裏面多潛日政府有關係之日本策士。承本

國政府之密旨。利用一進會會長李容九等之功名。心陰陽左右。其中欲假李容九等之手。以成合邦之事。

李容九等被其運動。誓不達其賣國目的不止。先是伊藤辭統監歸國時。日政府漸定合併韓國之議。然波

子瑪斯會議錄。中日本對於俄國尙承認韓國有主權。參觀本章第三節日俄協約且韓國合併之影響。與俄國有直接

韓國志士
安重根
殺伊藤
韓國政黨
一進會
賣國之

合併前之日俄密約

寺內正毅爲統監與合併前之手段

韓國總理李完用之賢

韓國合併條約

利害關係不與俄國交換利益得其承認尙難行情徑行藝伊藤博文哈爾濱之行即帶此秘密使命將與俄國協商以意外之變使命不全逾二月美國爲滿洲鐵道中立提議遂促日俄二國接近之機宣統二年春夏之間日俄秘密協商之電報往復於東京聖彼得堡之間至陽曆六月大定日俄新協約以陽曆七月四日發表統監以病辭職日皇遂親任陸軍大臣寺內正毅爲統監準備決行前議爲防韓民反抗於新統監未赴任之先命在韓參與官石塚代統監與韓廷交涉將韓國警察權委託日本辦理七月一日命憲兵司令官陸軍少將明石元治郎爲韓國警務總長旋以二萬憲兵警察遍配韓國各樞要都市部署既定後寺內統監以陽曆七月二十三日渡韓即以八月十六日親向韓總理大臣李完用表示日本政府之意見提出合併韓國案李完用原善於逢迎伊藤會禰之意旨者又能操縱韓廷上下日政府利用之使固其位李益志得意滿冀收合邦之功接寺內合韓案後旋奏韓皇十七日韓廷開內閣閣議不能一致李完用金允植尹德榮主張合併甚力後與統監數次會合韓國當局者悉不敢異議二十日寺內電告韓國政府日政府旋開樞密院會議裁決同時李完用以合併條約案呈韓皇言合併之不得已韓皇無如之何痛哭揮淚許之二十二日寺內與李完用締結併韓條約其全文如左

日本國皇帝陛下及韓國皇帝陛下以兩國特殊之親密關係欲增進相互之幸福與確保東洋永久之平和爲達此目的確信不若將韓國合併於日本帝國茲兩國決訂合併條約日本皇帝命統監寺內正

毅。韓國皇帝命總理大臣李完用。各授全權委任。協定左之諸條。

一 韓國皇帝陛下將韓國全部之統治權完全永久讓與日本國皇帝陛下。

二 日本國皇帝陛下承受前條所記之讓與。且全然承認合併韓國於日本帝國。

三 日本國皇帝陛下對於韓國皇帝陛下。大皇帝陛下。皇太子殿下。并其后妃及後裔。使各稱其位置。享有相當之尊稱威嚴及名譽。且爲保全之故。約供給充裕之歲費。

四 日本國皇帝陛下對於前條以外之韓國皇族。及其後裔。使各享有相當之名譽及其待遇。且爲維持之故。約給與相當之資金。

五 日本國皇帝陛下對於有功勳之韓人。應與相當之表彰者。授榮爵且給恩金。

六 日本國政府以合并之結果。全然擔任韓國之施政。對於遵守法規之韓國人。身體財產。與以十分之保護。且圖增進其福利。

七 日本國政府對於誠意忠實尊重重新制度之韓人。且有相當之資格者。依事情登用爲韓國之帝國官吏。

八 本條約已經日本國皇帝陛下及韓國皇帝陛下之批准。自公布之日施行。

明治四十三年八月二十二日 統監子爵 寺內正毅

韓國之滅
亡與日本
合併韓國
後之處分

日本之對
外宣言

隆熙四年八月二十二日 內閣總理大臣 李完用

右條約以八月二十九日發表。韓國領土遂以此日變爲日本國領土。即韓國以此日滅亡。日本政府旋發表關係此條約之各種新法規。對於韓國皇室之處置。則册封韓國皇帝李爲昌德宮李王。其妃爲王妃。皇太子及將來之世嗣爲王世子。其妃爲王世子妃。大皇帝李爲德壽宮李大王。其妃爲大王妃。又李王之懿親李嫻李熹二人爲公。其妃爲公妃。皆待以皇族之禮。與殿下稱號。對於韓民。則行大赦。免積年逋租。並減本年租稅。廢韓國國號。改稱朝鮮。廢統監。改置總督。使統率海陸軍。總轄諸般政務。又向與韓國有最惠國待遇之德美奧比中丁法英伊俄諸國。爲左之宣言。

一 韓國與列國之條約。自今廢棄。以後適用日本國與列國之現行條約。

在留朝鮮之諸外國人。從來享有之領事裁判權。歸於消滅。自後立於日本國法權之下。受居留日本內地同一之權利。

二 日本政府。與從前條約無關係。今後十年間。對於自朝鮮輸出外國。又自外國輸入朝鮮之貨物。及出入朝鮮開埠場之外國船舶。課現在同率之出入稅。與噸稅。

各國接此宣言。無一起異議者。即韓國國民。以日本到處配布軍隊及憲兵警察之故。亦無一處得起反抗者。偶有慷慨悲憤之新聞。即被封禁。實不啻滅人國於夢寐之中。而最失望者。爲一進會黨徒。與其會長李

李容九之
末路

日本滅韓
國之裏面

容九先是日政府與韓國結保護協約，與大皇帝讓位，及日韓合邦之大運動，間接直接利用一進會者。幾於無一事，雖關係及至實行合併時，則不使彼等關與。李容九不能收合併之寸功，不得已稱病避養仁川，及合併後，寺內以一進會之目的既達，自後該會便無須存立為辭，令其首先解散，以為他黨之率。李容九請與韓民選舉議員權，寺內瞋目不答，李失色而退。

初，日本對韓政策，慣用裏應外合之略。當中日戰爭前，東學黨之起亂也，日本政府密派策士軍人等，天佑助東學黨為亂，冀開中日戰爭之局。卒完全達其目的，既韓國忽增俄國之勢力，天祐俠餘黨，以本國政府之密旨，與韓國之日本黨大相結託。光緒二十一年十月閔妃被害之事，實出此黨之所為。及伊藤統監韓國，用此等黨徒為暗中援應，海牙密使事件，統監不發一聲，李完用等力勸韓皇退位，又一進會與伊藤結合。李容九竭死力為合邦運動者，實由此等策士於裏面為種種運動之所致。此日本滅人國之新法也。日本既合併韓國，於中國之影響甚大。韓國為日本保護國時，滿洲之邊境已日多事，况韓國變成日本領土，則日本侵略之趨向，將專馳聘於滿洲。故韓國既滅，南滿洲實有朝不保夕之虞。惟以列強現存諸協約，皆以保全中國領土與機會均等之故，日本亦不能遽然對於滿洲為法外之行動，則藉開放之名義，實際發展日本對於滿洲經濟力以增進日本之特殊地位，俟有機可乘，則行隨機進取之策，無機可乘，則收菓熟實落之效。是日經略滿洲之現狀，亦即滿洲風前燭火之趨勢也。

韓國合併
與滿洲之
關係

第三節 南滿洲問題

日本南滿洲鐵道株式會社之制

日本關東州都督府之制

波子瑪斯和約締結之後。小村全權即與中國結滿洲善後本約三條。附約十三條。依本約中國承認波子瑪斯和約第五第六條俄國讓與日本之諸權利。依附約日本大擴張滿洲權利於波子瑪斯和約之外。當戰局初結。萬事倉忽之時。日本政府。一方面向韓國定統監之制。一方面向滿洲設立南滿洲鐵道株式會社。又於關東州置都督府。其南滿洲鐵道株式會社之制。以營滿洲鐵道爲業務。定總資本金爲二億元。內一億元爲日本政府之資。即以長春旅順間已成之鐵道。及附屬之一切財產充之。餘一億元。名義上由中日兩國人募集。其實不使中國人入股。由本國臣民募公債及外債充之。本社置於東京。支社置於大連。會社置總裁副總裁各一人。皆以勅選任命。其關東州都督府之制。與俄國關東省總督之制度。無甚差異。其權力實及於南滿洲全體。惟南滿洲鐵道株式會社之性質。實與英國之東印度會社相同。蓋以一會社之名。義受政府之特許。而實行其拓殖政策者也。然英國之經略印度。於印度總督府成立後。即廢止會社。使特許會社與殖民官署不並存。而日本對於南滿洲。則二者同時並進。此滿洲所以岌岌乎殆也。

日本政府以光緒三十二年五月。設立南滿洲鐵道株式會社。同年七月。又設立關東州都督府。自是着着實行經營滿洲。中日兩國政府間之紛爭問題次第起。其重要者爲採伐鴨綠江森林問題。撫順炭坑問題。

新法鐵道問題。營口支線問題。安奉鐵道問題。新奉、吉長、兩鐵道借款問題。是也。此諸問題中。惟鴨綠江探伐森林事件。最先解決。其餘各案。殆俱以光緒三十三年發生。經東三省前後總督趙爾巽、徐世昌、與軍機兼外務大臣袁世凱在任中。與日本領事公使交涉多次。皆不獲端緒。及辰九事件之結果。大觸我國官民之惡感。是等懸案。遂一時擱置。同年十月兩宮崩御。袁世凱以十二月罷歸河南。我國之政局一變。日本新公使伊集院彥吉乘機提出安奉鐵道問題。談判數次後。日本政府爲自由行動。宣統元年六月二十二日我國不能抗禦。羣案遂依日本之壓迫解決。茲先述辰九事件。後述滿洲各案。

第二辰九事件

光緒三十四年正月初三日。日本第二辰九。密載澳門商人購賣日本槍礮九十四箱。彈藥四十箱。由神埠出發。直入澳門。沖過路環島東二哩許。停碇。將密輸中國內地。廣東礮艦探知。以密輸危險物論。捕獲辰九。卸日本國旗。代以龍旗。日本政府責中國違法。要求賠償謝罪。我外務部以辰九載禁物入中國領海內。準備卸貨。實有密輸目的。應依稅關規則。附共同調查委員會審議。日政府主張辰九載物。係澳門商人所購。停碇處非中國領海。係葡萄牙領海。與中國無干。與稅關規則。尤無關係。一方向中國抗議。一方唆使葡國政府乘機擴張澳門之領地。於是光緒十三年。我國承認葡國有統治澳門之權。然未劃清境界。至此葡國政府果聽日本之使嗾。向中日二國聲言辰九停碇處。係葡國領海。日本接此聲言。要挾更厲。中國一方斥葡國之無狀。一方提議辰九事件。附仲裁裁判解決。日本欲先決領海問題。主張葡國亦加入仲裁裁判。

中國不欲。日本遂拒絕仲裁之提議。將取自由行動。中國不得已。悉依日本之要求。於二月十七日。派軍艦會同日本領事。向辰丸舉禮礮二十一發以謝罪。又賠償拘留期間之損害。處罰官吏。並收買其銃器彈藥以結局。原辰丸實際向中國秘密輸入日本稅關吏不究其最終之輸入地點。又不究其有無中國政府之許可輸入證。公然任其輸出。其與日本當局有關。係自無疑義。當然辰丸負其責任。然日政府恃其強暴。辱壓中國。故一時中國上下皆憤懣。廣東發起排斥日貨之運動。滿洲國際諸重大問題。亦一時擱置。

光緒三十一年十一月之北京附約第十條。規定設立中日合同材木公司。以採伐鴨綠江右岸森林。至光緒三十四年四月十五日。外務部會辦那桐與日公使林權助協定中日合同材木公司章程。本問題遂解決。其要者如左。

- 一 自鴨綠江右岸帽兒山至二十四溝之間。距江岸六十里_{中國}內之材木。由兩國合資公司採伐。
- 二 本公司資本。定三百萬元。中日兩國各出半額。
- 三 界外及渾江之森林。仍歸中國木把採伐。但木把需要資金時。由本公司借入。其採伐之材木。除浙江鐵道公司所要枕木。及渾江沿岸居民自用材木。由木把直接賣出外。其餘全部皆歸本公司買收。
- 四 本公司營業期限。為二十五年。期滿後中國政府認公司經營妥當時。公司得請延長期限。
- 五 本公司置督辦一人。監督公司之經營事業。由奉天督撫命東邊道臺兼任。置理事長二人。經理公

司一切業務。由中日兩國各任一名。其他理事技師。由理事長協議選任。

六 本公司以純收入百分之五爲報效金。納與中國政府。其餘兩國股東平分。

撫順炭礦
問題

撫順炭礦。距奉天府東約六十里。其炭田沿走渾河。延長三十餘里。炭層最厚處約百七十五尺。最薄處亦八十尺。其所含炭量。至少在八億噸以上。光緒三十三年春。日公使林權助主張該炭礦爲東清鐵道之附屬事業。依波子瑪斯條約第六條。與北京條約第一條。應歸爲日本之權利。向外務部要求。外務部以該炭礦在東清鐵道三十里之外。不認爲東清鐵道附屬財產。林權助以俄國於光緒三十年春。既修炭坑鐵道。中國政府並不反對。且以東清鐵道會社所得探掘權之鐵山。大抵皆在三十里距離之外。東清鐵道條例定經中國政府之許可。會社得探掘與鐵道連帶爲辭。堅持之。雙方不下。遂成懸案之一。或與鐵道無關係之炭坑。無規定里數之明文。

間島問題

次起之最大紛議。爲間島問題。初。中韓國境。西南方以鴨綠江爲界。自古無疑議。東北方圖們江流域。及兩江水源相接近之長白山附近地方。所屬不明。康熙五十一年。兩國各派勘邊大臣。實地勘定。於鴨綠江。圖們江。水源之白頭山上。樹立界碑。規定西以鴨綠江。東以土門江。即圖們江爲兩國國境。於是國境問題。根本解決。然清廷以發祥之地。不准人民移住。因之吉林東部。到處人煙稀少。圖們江北部之間島地方。雖西置敦化縣。東設琿春廳。然以居民寥落。遂爲政令所不及。儼同無主屬地。同治間。韓國咸鏡道人民。以本地饑饉。多渡圖們江移居間島。開田圍。設村落。遂漸成韓人之部落。咸鏡道官吏。居然徵收該地韓民之租稅。光緒

九年。吉林將軍銘安過其地大驚。即令韓人退去。韓國政府以界碑之土門江非圖們江爲辭。抗辯之。光緒十一年。互派勘邊使會議。卒不獲要領。我國遂於間島中央。新設延吉廳。並屯軍隊。附課韓民租稅。韓民屢訴於本國政府。求救濟。數年前韓國派使往間島。與延吉廳官交涉。會日俄開戰。中止。日俄戰爭後。韓國爲日本之保護國。日本以侵略之方針。與韓國官民爲種種計畫。光緒三十三年七月。伊藤。統監。代韓。國。直接。侵。占。間。島。派。齋。藤。中。佐。以。統。監。府。理。事。官。之。名。稱。率。文。武。官。多。名。及。多。數。憲。兵。入。間。島。於。延。吉。廳。東。盛。湧。地。方。設。統。監。府。派。出。所。即統監府辦事官廳。然與中國爭主權。此問題發生。我國政府大驚訝。迭要求撤退理事廳。日政府以保護韓民爲辭。不僮不應。且多誘本國商人及醜業婦等往移之。遂爲懸案之二。

滿洲開放以來。商務日盛。日本於開放滿洲名義之下。實行壟斷之策。營口英商。勸中國政府借英款修新

法鐵道。新政府至法庫門。且延長至齊齊哈爾。以實行開發滿洲商務。且以抵制日本南滿洲之壟斷。爲我國政府

所歡迎。正交涉中。日政府以新法鐵道。係南滿洲鐵道。並行線。即南滿鐵道之競爭利益。據北京會議錄。

抗議之。光緒三十一年十一月二十六日之本約附約外。另斯時英國輿論。多攻日本爲壓迫中國之舉。存會議錄。申明南滿鐵道附近不修競線云。

英外務大臣薩古烈答議員質問云。此問題之解決如何。即滿洲將來之影響所關。滿洲開放主義。除租借

地域外。悉恢復中國主權。已爲日本政府之所承認。則可望日本政府自解決之云云。又當時牛莊與上海

之商業會議所。皆以日本爲閉鎖滿洲之策。決議左之二條。以鳴日本之不法。

一 不認新法線營業區域爲南滿鐵道附近區域。

二 無論何國。於同等之地形人口地方。有三十五哩以上之距離者。縱令爲競爭線。不禁止築造。

日本當局者之辯解。則謂三十五哩內不禁築造他線。爲無根據。而新民屯奉天間之距離。僅三十二哩。三法庫門鐵嶺間之距離。僅二十七哩。且各國與中國鐵道契約。皆有禁築附近競爭線之約云云。我國政府無如之何。提議付海牙平和會議仲裁裁決。日本政府拒絕之。爲懸案之三。

營口支線
問題

我國以條約上之義務。要求日本履行。亦爲日本所拒絕者。爲營口支線問題。先是光緒二十五年中俄東清鐵道會社第一增補條約第四款。規定爲築造南滿洲鐵道線路。哈爾濱使運送一切材料便利起見。中國准會社得設營口支線。便與諸港聯絡。但南滿鐵道落成之後。由中國政府之要求。將該支線撤去云云。俄國規定營口支線。異日必撤去者。蓋恐營口奪大連之繁榮也。營口支線。既以此條件築造。其後主權歸日本之後。依然此性質不變。故我國政府。依條約明文。要求日本撤去該路。非果欲其廢棄。實欲歸中國自營之意。然日本抱囊括滿洲之志。不肯實行。前約其回覆我國之口實。則謂俄以封鎖滿洲爲志。故惟恐營口發達。日本以開放門戶。使滿洲公平開發爲主義。故不能不與俄國變通辦理云云。清政府亦無如之何。成懸案之四。

遼河以東之鐵道。日本悉欲括之於勢力範圍之內。吉林長春間。奉天新民間之兩鐵道。日公使林權助屢

向外務部要求借南滿鐵道會社資金築造。光緒三十三年三月三日。那桐瞿鴻禨唐紹儀與日公使林權助結新奉吉長鐵道借款條約如左。

一 中國政府以新奉鐵道爲自營鐵道。其遼河以東部分所需資金。由南滿鐵道會社借其半額。

二 中國政府以吉長鐵道爲自營鐵道。其所需資金。亦由南滿鐵道會社借其半額。

三甲 借款期限。新奉鐵道十八年。吉長鐵道二十五年。

乙 以遼河以東部分之新奉鐵道。與吉長鐵道之財產及收入。爲借款之擔保。若吉長線延長。或添

設支線。資金不足時。再由南滿鐵道會社借入。

丙 借款本利不能籌還之時。卽以上記鐵道及一切財產歸南滿鐵道會社經營。限於本利未清以前

丁 借款期限中。聘日本技師長一名。會計員一名。該會計員對於鐵道會計事務。有布置監督之權。

戊 上記兩鐵道之一切收入。均存留日本銀行。

依此契約。日本對於該兩鐵道所得之權利。非常重大。至光緒三十四年十月十五日。日本阿部書記官再與郵傳部結兩鐵道借款續約。規定「遼河以東之京奉鐵道。借日幣二十二萬圓。吉長鐵道。借日幣二百十五萬圓。」於是該問題遂完全解決。然日本之要求。無壓至此更欲將吉長鐵道延長。至延吉廳南邊境。以與韓國會寧鐵道相聯絡。且照吉長鐵道之例。於南滿鐵道會社借資本之半。築造之。爲我國政府所不

承認爲懸案之五。

安奉鐵道
問題

日本自由
行動

以上諸問題。自日本設南滿洲鐵道會社與關東州都督府之後。次第發生。至光緒三十四年冬。皆成懸案。不獲解決。爲解決諸懸案之動機者。則爲安奉鐵道問題。先是安奉鐵道。我國以光緒三十一年十一月二十六日之北京附約。允歸日本經營。實由日本強迫而承認之。殊不願其由軍用路而變成寬軌路也。故日本政府。乘我國兩宮崩御。北京政變之時。要求同派委員。踏查改良安奉鐵道之新線路。時我國新政府成立。政局缺統一。由郵傳部派員。與日本委員會勘線路。大致依日本委員預定之線路勘定之。日本旋要求實行買收地基。外務部與郵傳部。各避責任。遂以此問題。委東三省總督錫良辦理。錫良祇知熱心收回利權。不顧事勢之程度如何。則主張該路工事。祇得依舊路改良。不許擴張軌道。尤不許更正綫路。且要求日本撤退該鐵道之守備兵與警察。日本持北京附約第二條。規定日本南滿鐵道守備兵。準北滿洲俄國之例辦理爲根據。錫良爲不法之提議。六月二十一日。日政府忽向外務部發最後通牒。至。此。日本已不依中國之協力。本條約上之權利。取自由行動。云云。同時。命南滿洲鐵道會社。即行起工。且海陸軍一時皆有所警備。蓋此通牒。即斷絕國交之宣戰書。此等自由行動。即蔑視主權之開戰行爲也。我國政府遂陷於非常苦境。二十二日。致書日公使。大要謂清政府不欲日本對於滿洲再擴張軍事。故警察守兵。欲歸自任。然亦不固執成見。關於更正線路。仍請由兩國派委員協商。日公使覆稱。日本政府。依曩日兩國委員踏

查之綫路改築已無須再派委員商議云云。我政府接此覆文毫無轉機。爲長文之辯駁書。向各國發表。以彰日本對中國之橫暴。二十八日。外務部向日公使承認其一切要求。仍命東督錫良奉天巡撫程德全於七月初四日與日本總領事小池締結左之協約。其事途寢。

一 軌道與京奉鐵道同樣。

二 兩國大體承認曩日委員踏查之綫路。

三 此約調印之翌日。卽行急進工事。

四 沿道之中國地方官。關於施行工事。與諸般便宜。

先是日本之最後通牒中有云。限於不妨害該工事。仍應談判。但其他懸案。希望同時以妥協之精神解決之。蓋知中國斷不敢與日本開戰。必依妥協了結。欲利用此時機。使滿洲諸懸案皆依日本之要求解決之也。語意中隱含中國僅承認改築安奉鐵路一事。仍非日本所能應談判。原來外交之事。本以國力爲後援。以滿清末年之政局。祇有俯首承認其要挾而已。七月二十日。外務部會辦梁敦彥與伊集院公使締結間島協約。與滿洲五案協約如左。

間島協約

一 中日兩國政府。以圖們江爲中韓兩國國境。其江源地方。以界碑爲起點。依石乙水爲界。

二 中國政府於本協約調印後。開左記各地方。准外國人居住貿易。日本政府於此等地方置領事館。或置領事分館。於開放時酌定之。

龍井村。局子街。頭道溝。百草溝。

三 中國政府仍准韓民在圖們江北之墾地居住。其地域之境界。另以圖示之。

四 圖們江墾地居住之韓民。服從中國之法權。歸中國地方官之管轄。裁判中國官吏對於此等韓民。與中國民同一待遇。所有納稅及其他一切行政上處分。亦與中國民同等。

關係韓民一切訴訟事件。由中國官吏。照中國法律。秉公審判。日本領事或委員。可任便到堂聽審。惟人命重案。則須先行知照日本領事到堂。如領事能指出不按法律判斷之處。可請中國另派員復審。

五 圖們江北雜居區域內。韓民所有之地產家屋。中國政府視同華民產業。一律切實保護。並於該江沿岸。擇地設船。便彼此人民任便往來。惟無護照公文。不得持械過境。雜居區域內所產穀米。准韓民販運。若遇歉收。仍得禁止出境。

六 中國政府將來。將吉長鐵道延長。至延吉南邊界。與韓國會寧鐵道相聯絡。其一切辦法。與吉長鐵道一律辦理。至應何時開辦。由中國政府酌量情形。再與日本政府商議。

七 本協約調印後直施行。日本統監府派出所。及文武人員。於兩月內完全撤退。日本於第二款所開

商埠亦於兩月內設立領事館。

滿洲五案協約

一 中國政府如築造新民屯至法庫門之鐵道時允與日本政府先行商議。
二 中國政府允日本國將大石橋至營口支路俟南滿洲鐵道期限滿了之時一律交還中國並允將該支綫末端延長至營口新市街。

三 撫順煙臺兩處炭礦平和商定如左。

甲 中國政府承認日本政府有開採上開兩處炭礦之權。

乙 日本政府尊重中國之一切主權并承認該兩處開採之煤餉納稅與中國政府惟該稅率應按照中國他處最輕煤稅之例另行協定。

丙 中國政府承認對於該兩處煤餉准他處最輕輸出稅率之例徵出口稅。

丁 所有礦界及一切詳細章程另派委員協定。

四 安奉鐵道沿綫及南滿洲幹路沿綫之礦務除撫順煙臺外應按照光緒三十三年即明治四十年東省督撫與日本總領事議定大綱由中日兩國人合辦所有細則屆時仍由督撫與日本總領事商定。

五 京奉鐵道延長至奉天城根一節。日本無異議。其應如何辦法。由該處兩國官憲及專門技師妥爲協定。

與我解決利害

同時吉長新奉兩鐵道借款細目亦依前兩次舊約爲基礎。完全協定。至此所有滿洲諸懸案悉以安奉鐵道自由行動之壓迫全依日本之要求解決之。於是我國舉盛京吉林兩省一帶之地盡包攬於日本鐵軌之內。所有鑛山亦付與之。至此南滿洲領土之主權已非中國所獨有矣。

次於前諸問題起紛爭者爲錦齊鐵道問題。渤海漁權問題及渤海領海問題。鴨綠江架橋問題。滿鐵附屬電線公用問題。日本軍用電線收買問題。旅順芝罘間海底電線問題是也。

錦齊鐵道案不成立

渤海漁業與領海問題之失敗

當我政府放棄新法鐵道之時。要求他日中國築造自錦州經姚南至齊齊哈爾之鐵道。日本不能反對。日公使則要求昌圖姚南間之鐵道歸日本築造。以爲抵制。卒將雙方意思明載會議錄中。及滿洲諸協約發表之後。英美資本家熱心運動錦齊鐵道之借款。後欲延長至愛琿。亦曰錦愛鐵道。疊與中國交涉。日本政府一方面向外務部申明雖不反對。准維持中日新協約之權利。指昌圖姚南築造權。一方面唆使俄國出爲反抗。事遂中止。

渤海漁業問題。自光緒三十四年。住關東州之日本人。獲得滿洲沿岸之漁業權後。爲避中國漁稅之故。全出距海岸三海里以外之海面。從事漁業。光緒三十四年。東督錫良於漁期前向日本領事通告。主張渤海係中國領海。應准中國漁業規則課稅。日本領事主張渤海爲公海。反抗之。於是渤海之領海問題起。翌年

鴨綠江架橋條約

三電線間
照我國之
讓步解決

元統漁期。復起交涉。彼此協議。依渤海領海問題解決之。其後調查渤海灣口最狹處。在國際法領海距離之外。我國遂失敗。

鴨綠江鐵橋問題。即滿韓鐵道聯絡問題。日本領事迭與東督交涉。卒以下之條件決定之。『自鴨綠江中心。至西岸鐵橋之半。淮安奉鐵道契約十五年賣還中國。照各國國境汽車接觸之通例辦理。』此條約。成。於是滿韓鐵道得實際聯絡。

滿鐵附屬電線。原係俄國架設。無供公用之約。日本占有之後。取供公衆電報之用。中國抗議之。卒如日本要求。確定公用權利。日俄開戰時。日本於南滿洲所設軍用電線。和平後應歸中國買收。日本爲本國人聯絡便利之故。每設詞反抗。結局中國雖得出資買收。實際日本人得自由使用。旅順芝罘間之海底電線。原係俄國布設。戰時全歸斷絕。至此日本要求依該海底電線。直通芝罘之日本電線局。爲我國所拒絕。日本百端要求之後。卒以下之方法解決之。『該海底電線距芝罘海岸七哩半以內之部分。歸中國所有。』收於中國芝罘大沽間海底電線被覆筒內。依中國電信局上陸。由中國電信局另設一線。使接續該海底電線。以通於芝罘之日本電線局。使日文電信無障礙。

當滿洲新協約發表。美國之輿論。皆以日本違背開放門戶主義。與波子瑪斯條約之精神。又風傳日俄將起第二大戰爭。宣統元年十二月。美國國務卿羅克斯突。然向中俄日英法德六國提。『滿洲鐵道中立。』

美國滿洲
鐵道中立
之提議

美國提議
之失敗

日俄第二
次協約

之議。其提議之內容。由各國共同出資。使中國政府爲借主。收買滿洲諸鐵道。管理權歸投資各國共同管轄。禁政治軍事上之使用。惟限於商業運輸。使滿洲事實上爲中立地帶。以絕日俄兩國衝突之禍根。且確保列國機會均等主義云云。中國固贊成之。英法二國以同盟關係之故。依日俄兩國爲向背。日本與俄國妥商一致後。始與俄國提出正式之反抗。美國亦無最後之對付。提議遂全歸失敗。蓋日本於日俄戰爭後。實行囊括滿洲之志。俄國經營極東之野心。亦尙未衰。其不能於無故放棄滿洲之特殊地位。以公諸列強者。亦自然之勢也。而美國於毫無機會之時。又不先得一二國之贊成。忽然提此重大之議。宜其失敗也。且不僅提議失敗。反促日俄接近之機。宣統二年六月初七日。日俄第二次協約。忽然發表。其原文如左。

日本帝國政府。及俄羅斯帝國政府。真實維持一千九百七年七月三十日之協約所定之主義。且爲擴張該協約之效力。以確保極東平和。特協定左之各條。

一 兩締約國。爲保各國交通便利商業發達起見。相互協力改善滿洲之鐵道。及整備該鐵道之聯絡。決不爲妨害此目的之一切競爭事務。

二 兩締約國。尊重現時日俄二國所結之條約。又日俄與中國所結之一切條約。及其他條約。以維持滿洲之現狀。

三 前記之現狀。若發生帶侵迫性質事件之時。兩締約國。爲協定維持該現狀。必要辦法。得相互隨時。

商議

日俄協約
之性質

日俄密約

日俄密約
與中國之
損害

此日俄協約之性質與第一次日英同盟條約之性質相距不遠。滿洲若果有第三國干涉時，則日俄之攻守同盟反掌即成。因此二國對滿洲之特殊地位愈加鞏固，且以聯鎖複合之關係日英俄法四國協同一氣，占世界外交大勢力。中國與美國孤立，德亦祇得依三國同盟以固其當時之地位，且該協約之外另訂密約，規定日本合併韓國，俄國不反抗俄國於伊犁蒙古有何等進行，日本承認之是也。蓋波子瑪斯條約尙認韓國之存在，其會議錄中特聲明「日本若有侵害韓國主權之事，須得韓國政府之同意，始可執行。」則日俄二國尙相約認韓國爲有主權之國，且韓國合併之影響俄國有直接利害關係，英法美有間接之變化，俄以直接利害尙不反抗他國，亦遂無異議。則日本有得俄國承認之必要，無疑而證之事實，日俄協約以七月四日締結，日本寺內統監即以七月二十三日渡韓，京韓國合併條約即以八月二十二日成立，則俄國承認日本合併韓國爲日俄秘密協商中之一蓋明瞭之事實也。日本對俄國之報償，當時雖未見實行，然宣統三年春，俄國對中國改正條約問題，竟提出自由行動並旋即唆使外蒙古獨立，而訂俄蒙協約，蓋即日俄密約中之對面條件也。故日俄二國之接近其損害於中國者，實不可以道里計。該協約發表後，英法德首先承認，美次之，中國躊躇再四，付不侵害中國主權，維持滿洲現狀之宣言書承認之。

第四節 日英第三次同盟與中國之關係

滿洲問題
突之日美衝突

上節所述日本之侵略南滿。大有一氣呵成。早晚間使南滿變成朝鮮第二之傾向。中國無如之何。其懷杞憂者美國也。美國提議南滿鐵路中立失敗之原因。實由於日英同盟之所致。假使無日英同盟之關係。則日本斷不敢爲安奉鐵路出自由行動之舉。蓋英不反對。俄德二國亦遂默然。美國孤立無如之何也。然自是日日本封鎖滿洲益力。及日俄協約密約成立後。日本聯合俄國共同封鎖滿洲。英美商務皆被排斥於滿洲之外。日美開戰說日高。然日英攻守同盟存在之日。若日美開戰。英國必助日攻美。爲英國情勢所不許。英美兩國政府之間。遂結一種總括的仲裁裁判條約。規定兩國若有衝突。不訴諸戰爭。而依仲裁裁判解決。於是日英同盟之效力。不能適用於日美戰爭。而該同盟遂不能不變更。一九一一年（宣統三年）七月十三日。日英兩國遂改締第三次之同盟協約。自該協約發表後。日本對於中國之侵略。遂迥異於宣統二年以前橫暴之情形。南滿洲一時相安。茲將日英第三次同盟協約。述之於左。

英日二國政府於一九〇五年八月十二日。締結之英日協約以來。現因事態有重大之變遷。特改訂該協約。俾適用其變遷。茲以左之新協約。代前協約。

甲、確保東亞及印度地方全局之平和。

日英第三
次同盟協
約

乙、保全中國之獨立及領土。又確保列國對於中國商工業機會均等主義。以維持列國之共通利益。

丙、保持東亞及印度地域兩締盟國之領土權。並防護該地域兩締盟國之特殊利益。以前記三項爲目的。協定左之條款。

一、英日兩國。認前文記述之權利及利益。無論何方。有迫於危殆時。兩國政府相互竭誠通告。不稍留意。爲擁護被侵迫之權利及利益起見。協同商量應採之措置。

二、兩締約國之一方。非自挑發。而受一國或幾國之攻擊。與一國或幾國之侵略行動。該締盟國爲防護本協約前文記述之領土權。與特殊利益。至於開戰之時。其攻擊與侵略行動。無論發生於何方。他一方之締盟國。直與援助。爲協同戰鬥。媾和亦雙方合意爲之。

三、兩締盟國無論何方。非經與他一方協議。不得與他國締結妨害本協約記述之目的之別約。

四、締盟國之一方。與第三國結總括的仲裁裁判條約時。限於該仲裁裁判條約有效期間。前記締盟國。不負與該第三國交戰之義務。

五、兩締盟國之一方。依本協約對於他一方出兵援助時。其條件及該援助之實力方法。由兩締盟國陸海軍當局者協定之。該當局者關於相互利害之問題。當隨時協議。不稍有隔閡。

帝國主義壓迫中國史

六 本協約自調印之日起實施。十年間有效力。

第十五章 各國對於清末之壓迫

光緒三十一年
至宣統三年

第一節 中俄之衝突

自日俄戰爭後至清帝退位之前。中俄兩國交涉之重者。爲哈爾濱行政權問題。北滿洲關稅與松花江航權問題。及通商條約改正問題是也。錦愛鐵道與日俄協約詳前章不贅是等問題。俱次第解決。順敘述之於下。

哈爾濱爲東清鐵道之中心地。初祇俄人住居。以光緒三十一年十二月之中日協約。開放爲通商口岸。自是各國於光緒三十一二年。次第置領事於哈爾濱。俄政府援東清鐵道條約第六條『該會社一手經理』之七字。斷章取義。主張東清鐵道會社於哈爾濱有行政權。我政府反抗之。茲先述東清鐵道條約第六條如左。

該會社爲建造鐵道及經理。必須防護之地方。又鐵道附近須開採砂石石塊石炭等地方。此等地方。若係官有地。則由中國政府下附。免納地價。若係民有地。則由該會社依時價向地主買收。而該會社之所

有地方。概免地租。由該會社一手經理。建造各種房屋。設電線。以供鐵道之用。下略

右條文之解釋。所謂由該會社一手經理者。僅限於建造房屋。設電線之事項。無疑。俄國固稱東清鐵道會

社於哈爾濱有行政權。係條約上之權利。要求各國領事認可。日本以南滿鐵道之經營。悉襲北滿鐵道之例。力左袒俄國之要求。爲正當。美國領事發子謝欲實舉重中國主權。保全領土。開放門戶主義。主張哈爾濱開放之後。即與中國各通商口岸同等。以通商口岸立於一私立會社行政權之下。爲公法上所不容。責俄國要求爲不當。德領事贊成之。美國國務卿盧多將乘機向各國爲滿洲第二宣言。即電申尊重中國主權。維持商工業機會均等主義。住美俄公使羅桎急訪國務卿。申明俄國不侵害滿洲主權。僅維持警察權而止。事漸休息。翌年二十四年。俄東清鐵道總辦兼哈爾濱總領事霍爾哇拖忽布東清鐵道市制於哈爾濱。該市制第四十條。即哈爾濱市制第五條。規定「凡居住哈爾濱市內之中外人民。悉課商工業稅。家屋稅。借地稅。酒稅等。以爲公共費用。」定於俄曆一月一日實行。爲我國商人所反抗。外務部旋命東督徐世昌於哈爾濱設自治局。以爭主權。及期俄國實行課稅。兩國之交涉遂急。宣統元年一月。霍爾哇拖進北京。與外務部直接談判。至三月二十一日。外務部尙書梁敦彥與霍爾哇拖結束清鐵道界內。即地組織自治會之豫定協約十八條。哈爾濱行政權問題。以此協約結局。其全文如左。

一 鐵道界內、首先承認中國主權、不得稍有侵害。

二 凡中國主權應行之事、皆得在鐵道界內施行、限於不違反東清鐵道會社諸條約、則鐵道會社與自治會均不得藉詞阻止。

三 關於東清鐵道現行諸條約，仍繼續遵守。

四 凡中國主權應發布之法律命令及其他規則，由中國官吏宣布告示。

五 凡中國地方大吏官員到鐵道界內時，鐵道會社與自治會務須尊重表敬禮。

六 鐵道界內之重要都市設自治會。

由該埠居民按地方程度，人口多寡，選舉議員，更由議員複選執行委員，若該埠居民自行辦理地方公共事務，得互舉領袖一人，為辦理公共議定之件。

七 鐵道界居民不分中外，共享平等權利，共擔平等義務。

八 凡居民須有相當不動產與納相當稅金者，方有選舉議員之權。

九 議長由議員中選舉，不分國籍。

十 地方公益一切事項，均歸議員會議，至教堂商會學堂慈善等事，專屬一方面者，歸各自籌款辦理。

十一 執行委員不得過三人，中外議員皆得被選，此外另由交涉局總辦與鐵道總辦各派委員一名，會同議長組織一執行委員會。

十二 議員會議長，即兼充執行委員會會長。

十三 交涉局總辦與鐵道總辦之位置，在議員議長與執行會會員之上，有隨時監督檢查自治會之

權。

執行委員之常務。須作報告書稟知二總辦。

議員議決之事項。須先提出兩總辦。請其承認。後始由執行委員會公布。無論何國人。皆一體遵行。

十四 議員議決事件。如交涉局總辦及鐵道總辦不承認之時。交議員覆議。覆議時如出席會員四分之三認可時。即有執行之力。

十五 凡關於鐵道界內都市之公益。及理財上重要事件。經議員妥商後。呈請中國督理大臣及東清鐵道本社。和衷核奪施行。

十六 車站車廠及其他供鐵道用之地方。專歸東清鐵道會社管理。其他會社未經出租地畝。及會社專管之房屋。未歸自治會者。仍暫歸鐵道會社管理。免納地租。

十七 自治會與巡警之詳細章程。及地稅定率。兩國全權應即時會同商訂。

十八 自治詳細章程。未經商定實行之前。暫依現行規則酌量辦理。惟交涉局總辦與鐵道總辦之監督權。確遵本協約十三條施行。

凡交涉局總辦與鐵道總辦不承認議員議決之事項。又兩總辦意見不一致之時。由中外商人各舉特別委員一名。合兩總辦公舉中外有名望者一名。會同和衷審定。

哈爾濱中國商會得派委員三名。入同市行政委員會。參與事務。與行政委員享同一權利。

滿洲里及海拉爾之中國商會。亦得舉代表二人。參列同市之執行委員會。其他祇有議事會之都市。中國商人。與議辦事。與俄商平等。

滿洲方面。俄國商人。從來之貿易交通路有五。即松花江、愛琿、琿春、綏芬、滿洲里、之五路是也。前三者爲舊來之貿易路。後二者爲東清鐵道開通後之新開路。光緒二十二年。東清鐵道條約第十條。規定「中國於鐵道兩交界地設稅關。由鐵道輸出入之貨物。中國照海關稅率減三分之一徵輸出入稅。又運往中國本部之貨物。照既納輸入稅。減二分之一徵通過稅。」然自東清鐵道竣工數年後。我國政府。不於鐵道兩交界地。設稅關。及光緒三十一年十二月之中日協約。約開滿洲十六處。爲商埠。俄國政府。恐中國於開放地。設稅關。致喪失。俄商之貿易特權。要求清政府。協定北滿稅關。三十四年正月。兩國委員締結試辦北滿稅關章程如左。

- 一 兩國邊境各百里地。照舊來條約。爲無稅貿易地。
- 二 由鐵道輸入之貨物。照海關稅率。減三分之一課輸入稅。
- 三 輸入滿洲內地之貨物。照海關稅率。減三分之二。課通過稅。輸入中國本部之貨物。照海關稅率。之半額課通過稅。其輸入稅照海關稅率徵收。

四 哈爾濱車站爲中心點。其半徑十里之圓形區域內。爲減稅地域。即除海關稅率三分之二之此

外十六處車站。以半徑五里之圓形區域爲限度。其他各車站。以半徑三里之圓形區域爲限度。皆爲

減稅區域。本項限試行一年改正。

先是光緒七年中俄陸路通商條約第一條。有「兩國邊境百里內地准兩國人民自由貿易不納稅」之規定。然係限於西北利亞與蒙古新疆之國境間。至此以明文規定。適用於滿洲。自是沿新疆外蒙黑龍吉林奉天。共一萬數千里冗長國境之百里內。皆爲無稅貿易區域。

改正條約
問題與俄
國自由行
動之宣言

光緒七年中俄改訂條約第十款。規定「准俄國在內外蒙古各處貿易。照舊不納稅。並准俄民在伊犁、塔爾巴哈臺、喀什噶爾、烏魯木齊、及關外之天山南北兩路各城貿易。暫不納稅。俟將來商務興旺。由兩國議定稅則。將免稅例廢除。」第十五款規定「通商各條。每十年酌改。如十年限滿。未請商改。仍照行十年。」准此。條約蒙古新疆共面積四百二十三萬方吉羅米突之地。皆爲無稅貿易區域。實爲非自由貿易國所罕見。第一次與第二次期滿時。我國皆未要求改約。而俄國於伊犁、塔爾巴哈臺、喀什噶爾、庫倫、肅州、吐魯番。各已設領事館等處。皆設專管居民地。且置俄華銀行支店。與俄國郵政局。通用貨幣。多用俄國銀貨。便亦仍舊制。所有商權。悉歸俄人掌握。至近年。俄國以第三次改約期將至。組織第一次蒙古調查隊。進蒙古。考查俄國貿易情形。自恰克圖進庫倫。經烏里雅蘇臺科布多歸國。結果調查日美貨品。多進蒙古。而內蒙古

之中國移民加增。皆於俄商不利。宣統元年。更發第二次調查隊進蒙古。專以學術上研究爲標準。翌年十二月。俄國政府合前後兩次調查員。開商會。擬議對中國貿易策。即宣統三年春。俄國新要求案之張本也。而我國近年亦醒覺。急欲收回權利。將於第三次改約期。與俄國協定蒙回稅率。宣統二年冬。開交涉以來。兩國之主張全相反對。宣統三年正月十八日。駐北京俄公使可斯德羅威克。突向外務部提出通告。聲明所記各項。有一不允。俄國政府。即不認中國政府有維持善鄰之誼。將取自由行動云云。同時向法日英三國爲同一之聲明。蓋自宣統二年。俄國與日本訂立協約密約後。俄國對於中國。可以任意壓迫。英爲日之同盟國。法爲俄之同盟國。皆不至左袒中國也。其要求之各項如左。

一 一八八年（光緒七年）之條約。及其他國際條文。皆除國境五十俄里（即中國百里）外。俄國政府制定之國境稅率。不受制限。國境彼我五十俄里線內。兩國領土內之產物。及工業品。皆無稅貿易。

二 在中國領土內之俄國臣民。關於行政裁判。歸俄國官憲管轄。若中俄兩國人民之民事訴訟。歸俄中混合裁判所審判。中國不得拒絕會審。

三 蒙古及天山南北諸地方。俄國臣民得自由移轉居住。不受何等獨占及禁止之妨害。且一切商品。皆爲無稅貿易。

四 俄國於伊犁、塔爾巴哈臺、庫倫、烏里雅蘇臺、喀什噶爾、烏魯木齊之外，其他科布多、哈密、古城、張家口、等處，皆有設領事館之權。俄國人民對於是等地方，得購置土地，建築房屋。

此要求之第一項，蓋以光緒七年國境百里內准兩國商人自由貿易之約。中國主張僅限於國境百里內之所產物而止。俄國則欲括中國內地之產物及工業品皆為無稅貿易也。第三項為禁止中國製茶專賣權。第四項則援光緒七年條約上之規定，迫其實行而止。清政府於正月二十日，逐條作答，如左。

一 國境百里內自由貿易之約，確實遵守，並無制限俄國國境稅權之事。

二 兩國人民訴訟事件，遵原約施行。

三 蒙古新疆地方，俄人之無稅貿易權，中國常遵守約章，確認之。但此權利，原約俟商務興旺，即協定稅率廢止之。此事兩國應再協商。

四 科布多、哈密、古城，既認為貿易隆盛，中國依約承諾，俄國設領事館，俄國亦應依原約承認。制定關稅。

右覆答之精神，即光緒七年條約中所有者，悉承認之，而以制定關稅為增設領事之對抗也。同時更發同意之宣言書，聲明中國確遵條約所規定，其條約上解釋有疑義者，則仍其舊等語。於是俄國要求中所得要領者，一為締約國領土內之商品，二為華商製茶專賣，三為增設領事以制定稅關為條件。正月二十九

日。俄政府更向外務部爲具體之質問。清政府答以「光緒七年商約第十二條。通商各處。准俄國販運各國貨物。不含中國領地內之貨物。本國內貨物不認。外人在內地販賣。茶爲中國國產。准光緒三十三年塔爾巴哈臺協約辦理。與俄商自由貿易無關係。科布多等處設領事。原約以商務興旺爲標準。非以民間起訴訟爲條件。」俄政府以中國曲解條約。蹂躪俄國之權利爲詞。於二月十四日。向外務部提出最後通牒。同時命土耳其斯坦駐屯軍之一部隊。進屯伊犁邊境。二月二十日。清政府爲左之回答。

一 科布多設領事。中國同意。

二 茶仍華商專賣。

三 蒙古爲自由貿易地。

四 希望協定關稅。

俄政府仍怒其不得要領。限於二月二十八日。若無全部承認之確答。決出自由行動。清政府不得已於二十七日覆文。悉承認之。原新疆茶商。歷課一定釐稅。自俄人得無稅貿易權。茶利悉爲俄人所壟斷。近年新疆官民欲收回利權。設新疆茶務公司。予以製茶專賣權。年抽茶稅銀十二萬兩。爲塔城軍費。至此不得已撤消專賣權。要之此次俄國之壓迫。實由於宣統二年日俄密約之結果。

第二節 中英滇緬境界與禁絕鴉片問題

滇緬境界
問題與英
兵占領片
馬

英併緬甸之後。雲南遂與英國接界。光緒二十年及二十三年之中英滇緬境界條約。僅規定北緯二十五度三十五分以南至北緯二十一度四十五分江湄之下一段邊境而止。其北緯二十五度三十五分以北之上一段邊境。則約中第四條規定俟將來核定。此一帶地方。我國領爲雲南麗江府維西廳。及永昌府騰越廳之隸下。英國領爲八莫以北之密芝那。鄒氏地圖作米訛納及野人山地方是也。野人山中國稱茶山。昔爲茶山土司地。此地段廣數十里。長數百里。國境全不明。中國依土民之趨向。歷主張以恩梅開江。伊洛雅底江上流之分支爲國境。光緒三十一年。迤西越道與騰越英領事會一次會勘。至片馬附近。使命不終而止。英領事聞片馬係通雲南四川西藏之要路。遂主張以高麗貢山循雪山爲國境。高麗貢山在騰越廳東北百二十里。雪山卽聯接高麗貢山。南北縱貫。爲怒江恩梅開江之分水嶺。然高麗貢山以西之村落人民。歷與中國土司有從屬之關係。不肯服英。英人惡之。突於宣統二年十二月。派兵二千。馬二千五百。及工兵隊等。占據片馬。片馬在北緯二十六度。格林尼址東經九十七度三十五分。東爲大理府雲龍州。南臨馬面關。大塘關。北爲野人山之溪谷。自古常屬中國。元併大理後。使屬於雲龍甸。明屬於茶山里麻。清初高宗定雲南。使屬騰越。案訟事件。悉仰保山州。道光時常派營駐其附近各寨。近時無邊備。而英國自麓騰越鐵道權以來。以山脈重疊。築

造甚艱。大失望。測量片馬。較爲平坦。且知爲自緬甸通川藏之咽喉地。遂敢侵占之心。故英軍至此。卽築堡壘。爲永久計。駐英公使劉玉麟與英政府迭次交涉。英以無侵略意爲詞。然卒不撤兵。至今爲懸案。

自鴉片戰爭之後。清政府明解鴉片之禁。咸豐八年。中英通商條約規定准洋藥進口。每百斤納海關稅銀三十兩。自是上自王公。下至窮鄉僻壤之小民。無不吸嗜。數十年來。國日弱。財日盡。庶政不修。民不自理。其最大原因。實由於此。因外國之輸入日盛。國內遂自爲種植。四川雲南貴州爲始。終至於各省州縣。無不栽種罌粟。清廷苟且。不謀國家百年大計。且利用鴉片稅釐以增補國庫財源。光緒十一年。中英煙臺條約。規定鴉片每百斤箱。納海關正稅三十兩。更納釐金八十兩。十六年。戶部及總理衙門新定各省土藥課稅章程。拳匪事變後。於宜昌設兩湖江西安徽四省統捐局。三十一年。鐵良南下。更改爲兩湖兩廣兩江福建之八省統捐局。計脫離地方大吏之手。以增中央之收入。然自日俄戰爭後。清廷有發奮圖強之意。駐英公使汪大燮乘機奏請先禁鴉片。以培國本。奏中略云。光緒二十九年。輸入鴉片五萬八千四百擔。原價四千三百八十三萬兩。稅銀僅六百四十六萬兩。三十年輸入五萬四千七百擔。原價三千七百零九萬兩。稅銀僅六百零二萬兩。國家歲入僅增六百萬兩。而歲失不下三四千萬兩。且內地產價。年消七八千萬兩。若一概禁絕。則年得保一億萬兩之利。其對於禁止之方法。則主張外國輸入鴉片。以十年遞減絕止。內國栽種之煙。以十年遞減禁絕。清廷准奏。下詔。以十年爲限。內外鴉片一律禁絕。外務部旋與英公使交涉。提議印度

輸入之鴉片。以十年遞減絕止。而全以德義人道爲口實。英公使通知本國政府。英政府贊成之。印度政府亦無異議。三十三年十一月二十八日。一九〇八年一月一日。外務得與英公使結左之試辦禁煙協約。

一 印度鴉片輸入中國額。以最近五年平均額五萬一千箱爲準。自光緒三十四年起。每年遞減十分之一。以十年絕滅。但暫試行三年。如中國內地產煙與吸煙者爲同樣之減少。則所餘七年。英國始得依約繼續。

二 中國課鴉片輸入稅。例每百斤箱課一百一十兩。今內地產課一百十五兩。外產比內產其力量加倍。則課稅亦應加倍。但現爲英國所不贊成。俟後再商議。

三 中國派官吏至加爾各答。監查印度鴉片輸出額。

四 香港煉製之鴉片。禁止輸入中國。由兩國相互設法防止。

五 中國各通商口岸之煙館。與買煙具者。悉禁止閉鎖。租界官吏。須遵中國之禁煙令施行。

六 禁止莫啡鴉及莫啡鴉針之輸入。但此俟各國承認後行之。

莫啡鴉爲鴉片代用物。中英中米通商續約中。已規定禁止輸入。然向中國輸入鴉片之國。非僅印度。波斯安南南洋諸地皆如之。此約締結後。外務部努力向法荷葡諸國^{波斯爲無條約國}交涉。斯時美國大總統盧斯福倡人道主義。向鴉片貿易關係諸國提議開萬國鴉片絕滅會於上海。大助我國禁煙聲勢。法荷葡三國遂悉

贊成之。政府乘機厲行禁令。睿親王莊親王都御史陸寶忠副都御史陳名侃等均以吸鴉片革職。而任恭親王鹿傳霖景星丁振鐸爲禁煙大臣。力圖各省禁吸禁種方法。以期中英協約之有效。宣統元年正月。中美英法俄德日荷葡暹十國代表開鴉片會議於上海。我國派兩江總督端方與會。卒以我國無積極禁煙方法之提議。又英國代表亦不願爲積極之禁絕。終局不收成效。宣統二年四月。兩廣總督袁樹勳課輸入熟膏稅每兩三十仙。卽比例煙臺條約每鴉片百斤課百十兩稅。茲變爲二百四十斤。約課三百兩之稅也。英商大起紛議。責爲違反煙臺條約。英公使迭次抗議。外務部令袁樹勳明白回答。袁覆稱熟膏不增稅。則人民決不廢吸。是人道德義上之正當增稅。與煙臺條約毫不相背云云。英公使卒請增加關稅。免課膏稅。袁固執不應。及宣統二年十一月二十八日。爲中英協約試辦三年期滿。我國以本國禁吸禁種。實著成效。請英政府更換條約。英公使詳查我國各省禁煙成績不虛後。始於宣統三年四月初十日。與我外務部結左之新條約。

一 自一千九百十一年一月一號起。七年之內。中國每年減種。當以英國每年減運之數爲比例。至一千九百十七年。全行禁盡。

二 現在中國政府。嚴行禁種禁運禁吸。英國政府。深表同情。如中國不到七年。土藥確實絕種。則英國政府。允印度出口運華之煙。亦同時停止。

三 無論何省。土藥已經絕種。他省土藥。亦禁運入。確有憑證。則印藥亦不准運入該省。惟上海廣州。二

口。爲最後禁止印藥輸入口。

四 英國得派員隨時往內地考查減種情形。

五 中國得派員駐印度查視印藥輸出裝箱。

六 中國若對於內地土藥課劃一之稅。則英國承認印藥每百斤箱課三百五十兩之稅。

七 前項條件實行後。所有廣東等省對於印藥之各項限制。與各項稅捐。立即消除。

又言明印度生土。除前項稅則外。於輸入口岸內。概免他項稅捐。

若查得以上二節。有不照行之處。則英國政府。可將此次所訂條件。或暫行停止。或即行作廢。

惟中國政府。爲禁絕吸煙諸事宜。所頒法令。不受以上條款之阻抑。

八 英國政府。爲襄助中國禁煙起見。凡印藥運赴中國者。由印度政府。發給出口准單。按箱編列號數。

並黏貼印花。中國對於印藥箱隻。之無准單。與印花者。得不准其運入中國各口。

本年所發該項准單。不得過三萬六百張。以後六年。計至一千九百十七年止。每年遞減五千一百張。

九 本協約於七年限內。若有他故。隨時可由兩國政府協定更正。

此條約雖聲明不到七年。可概禁印藥進口。與行分省禁斷之法。然印藥之禁。連全視土藥之禁。種爲斷。我國地大人稠。舊染已深。豈容易於七年之短期內。全行禁種。此點即英國妨害中國禁煙之進行也。况江蘇

廣東二省縱完全禁種禁運。而上海廣州不能禁印藥進口。且全國如有一處尙種土藥。該二口之運入印藥如故。是豈英人扶植中國禁煙之誠意哉。

第三節 中葡澳門劃境問題

明嘉靖十四年。開澳門爲葡人通商地。年課地租二萬金。三十二年。葡商船破難。以貢品淹水爲詞。請於地方官乞地曝之。自是展地益闊。三十六年。葡國政府公然以澳門爲己國殖民地。設殖民官吏治理之。明政府亦不之拒。萬歷元年。明政府於澳門附近築境壁爲界。默認界外任葡人自理。自此葡人屢要求減少地租。萬歷十年。承認葡商每年僅納地租五百兩。至清道光二十八年以前。尙如之。因鴉片戰爭。我國開五口通商。葡人甚惡之。屢安求免納澳門地租。我國不許。至道光二十九年以後。葡人固不肯課。光緒十三年三月。兩國派員在葡國首都。會訂豫立節略四條。其第二條規定中國政府承認葡萄牙國有永居管理澳門之權。第三條規定葡國政府不得中國之認可。永不得將澳門讓與他國。是爲我國條約上承認葡國占領澳門之始。同年十月。兩國會訂中葡條約五十四款。再聲明左之條文。

預立節略中之第二第三兩款。彼此均無異議。惟現經商定。俟兩國派員。妥爲會劃界址。再行特立專約。其未經定界以前。一切事宜。俱依照現時情形勿動。彼此均不得有增減改變之事。

澳門劃境
與日本長
丸事件之
關係

劃境談判
及談判中
止

右約雖規定未定界以前不得有增減改變之事。然境界既不確定。我國又不能為嚴格之監察。實令葡人有自由伸縮現狀之便宜。近二十年間。葡人漸於壁外及附近諸島中。移民建房修道。我國毫不過問。光緒三十四年正月。日本船辰丸號。密運槍破彈藥向中國輸入。假泊澳門附近之過路環島東方二海里地。為我國砲艦所捕獲。日本政府以該海面係葡萄牙領海為詞。責求我國謝罪賠償。而陰嗾葡國政府乘機擴張澳門領地。葡國政府果向中國聲言辰丸礙泊地。係葡國領海。於是中葡劃境問題。彼此皆認必要。宣統二年。葡政府派海軍提督瑪喀多。清政府派雲南交涉使高而謙為劃境全權。以香港為會議地。葡使最初要求葡領區域約百二十方哩。最終讓步之縮小區域。約六十方哩。即最初主張澳門半島及拱北、小橫琴、大橫琴、譚仔、過路環、諸島。與附近海面。均為葡領。次則主張譚仔過路環二島。澳門半島。及拱北、大小橫琴諸島之一部。及附近海面。為葡領也。高而謙始則主張澳門壁外為葡領地。壁內之數村為葡屬地。葡使以壁內數村亦為領地。以澳門以外諸島及海面為屬地。既讓步以譚仔過路環二島。承認為葡屬地。至拱北、大小橫琴三島。及澳門內港。與附近領海權。皆不承認之。談判經四閱月不決。葡使請付萬國平和會議解決。高拒之。以同年宣統十月停止會議。移談判地於北京。瑪喀多旋於十二月北上。與外務部談判開始。未幾葡國大革命。該問題復中止。至今為懸案。

第四節 宣統三年之大借款

清末因內憂外患相逼而來。國勢日形危險。政府因漸圖政治上之革新。惟是帑藏告罄。籌辦無方。遂定利用外資之策。列強乘機競起。衆矢一的。皆思以投資主義。爭獲我國權利。宣統三年二三月之間。一時外債驟增二萬萬。國內輿論沸騰。革命軍以起。結果遂爲清廷最終殞命之劑。茲將借款之華華最大者。述其顛末。

先是中日戰爭之後。列強對於中國。各謀擴張本國之勢力範圍。及利益範圍。除租借領地外。更要求築造鐵道與開採鑛山之權。其後中國民智漸開。急思收回利權。不惜以重利賠償各國之用費。爭回自修自開之鐵道鑛山頗多。於是各國對中國之趨勢。遂一變而爲投資主義。此主義以表面上之事實而論。各國出資。開發中國實業。其所獲利益。僅得規定之利息而止。比之光緒二十四五年列強要求中國之築路開鑛。權即有全權承辦者。大有逕庭。然各國果僅獲借款之利息而止。則無須乎競爭。投資惟恐稍落於他國之後。蓋中國國基未鞏。清政府果足以維持國是與否。尙在各國疑問之間。萬一中國問題發難。則各國以債權者之資格。便立於主人翁之地位。而主人翁位置之高下。以債權之大小爲比例。此各國對於中國競爭投資之真面目也。美國富力冠於世界。於中國無一定根據地。多福圖大統領之政府。亦繼麥荊來盧斯

四國借款
交涉

鐵道公債
之中日借
款契約

夫之志。素持開發中國。以保世界平和爲主義者。故於投資主義。尤三致意。邇年來錦愛鐵道投資。與滿洲鐵道中立之提議。皆被日俄二國所破壞。美政府遂轉注於中國改革貨幣之借款。宣統二年九月二十五日。美公使喀爾霍五與度支部載澤訂借款豫約七條。此借款爲異常巨額。美政府本機會均等利益均沾主義。招英德法日諸國參加之。英法德三國資本家。皆欣然參入。日本爲避各國牽制。獨不應勸。及十一月間。清廷以四國新提出財政顧問之條件。不肯承認。談判忽不進行。日本公使伊集院與正金銀行主任小田切萬壽之助乘機爲單獨秘密運動。忽與郵傳部大臣盛宣懷協定借日款一千萬元。爲鐵道公債。以供償還鐵道借款。及政府他部之用。其契約以宣統三年二月二十四日成立。主要條款如左。

一 借款總額爲一千萬元。

利息爲百分之五。

公債價格爲額面金百分之九十五。

二 借款期限爲二十五年。自借款第十一年起。按年還本金六十六萬元。

若中國政府不照自借款第十一年還起之法。願於自借受之第二十年爲償還全部或一部時。則百元之債票。作爲百二元半兌還。若第二十年後。照債票原額兌還。

三 本公債。以江蘇省。折漕庫平銀。一百萬兩。爲擔保。若定期不能償還本利時。中國政府即將該折漕

銀交付日本正金銀行。

本公債之利息以京漢鐵道之進款按六個月一次兌付。若該進款不足之時，中國政府另以確實的款彌補之。

四 本契約郵傳部尙書奉上諭於宣統三年二月二十三日蓋印。並經外務部以公文通知駐北京日本公使。

日本自開國以來除受少數韓國公債外未曾應募外國公債。自與俄國開戰以來本國國債膨脹除內債不計外外債總額已達十四億四千七百萬有奇實全爲歐美債務。國無應募外國公債之力。然此次努力應募中國外債者蓋全出於將來對中國政治上之作用并非爲經濟問題也。其不正堂堂參入四國借款之列而爲單獨之行動者蓋避各國牽制便將來得自由活動之意。該契約發表日本國論大歡呼。旋合全國十五銀行協議一切勸全國資本家應募。僅得五百萬圓。不能足額。轉募歐洲英法比各國資本家共五百萬圓。始湊成一千萬圓總額。交付中國政府。

中日借款契約成立之後四國借款交涉意外速進。議將財政顧問問題俟後另議。不記入借款契約中。於宣統三年三月十七日度支部載澤與英美德法四國銀行代表者以改革幣制及東三省興業爲目的締結四國借款契約如左。

- 一 借款總額爲一千萬鎊。即一億元。利息爲百分之五。公債價格爲百分之九十五。借款期限爲四十五年。
- 二 此借款使用之目的。一爲改革中國之幣制及統一使用。一爲興東三省之工業及擴張使用。
- 三 此借款之本息。以左記各項進款爲擔保。
 - 甲 東三省之煙草及燒酒稅每年一百萬兩。
 - 乙 東三省之生產稅每年七十萬兩。
 - 丙 東三省之消費稅每年八十萬兩。
 - 丁 各省新課之鹽稅。光緒三十四年五月新增者。每年二百五十萬圓。以上各項進款。自後不得作爲他借款之抵當。且不可侵。害。但中國政府於借款期內。若改正關稅。減少釐金。或廢止之時。銀行團不得有異議。惟中國政府必先與銀行團協議。以他項進款與本擔保物有同一之價格者更代之。
- 四 自借款第十一年起。中國政府按年償還本金。若中國不照自借款第十一年還起之法。願於自借款之第十六年至二十年之四年間。爲償還全部或一部時。則百鎊之債票。作爲百（二）鎊半兌還。若第二十年以後。則照債票原額兌還。
- 五 本借款所興事業。異日或因繼續或欲完備。再欲借外債時。則四國銀行有優先應募權。除與四國

協商不成功之外。不得與他國資本家相商。

六 本借款四國銀行平均分受。

七 本契約度支部奉上諭於宣統三年三月十七日蓋印。更經外務部照會駐北京美英德法四國公使。

此契約之最大注意點。在以滿洲諸稅作借款之擔保。即牽引四國勢力參入於滿洲之內也。其期限為四十五年。則旅大租期滿之年。民國十年與中國得收買滿洲鐵路之年。光緒二十二年中俄所結東清鐵道條例。規定三十六年後。中國有買收該鐵道之權。即民國向皆為四國勢力所存留之時。雖不直與日俄之權利影響。然自四國對滿洲有發言權。啓異日干涉之漸者。則自然之勢也。蓋自日俄協約以來。滿洲已完全劃入日俄勢力範圍之內。日本假開放之名。行壟斷之實。久為美國所不樂。實為此。次借款之原動力。法雖為俄之同盟。然以俄國對北滿之勢力。遠非日本對於南滿之比。故與美表同情。英雖為日本之同盟。然英日二國對於中國經濟上之利害。常相反對。故亦欲牽制之。德與日俄無關係。屢與美國表同情。而我國亦急欲藉此舉。以救滿洲燃眉之急。此該契約得嚴守秘密。終至成立之原因也。該契約成立後。日本國論喧嘩。欲協同俄國另向中國索報償。然因四國之關係。不敢妄動。故一時未實現。

粵漢川漢二鐵道。為西南部二大幹線。積年以來。借款拒款。官辦商辦。官督商辦之變遷不一。卒以路長款

鐵道幹線
有之
上

粵漢川漢
二路之四
國借款契
約

巨。迄無成功。宣統元年四月，督辦該鐵道大臣張之洞與英德法美四國銀行訂粵漢川漢鐵道借款草約。原定借六百萬鎊。一為償還美國合興公司舊債。一為築造川漢與湖廣之粵漢二線。然未結正約。而張棄世。此間湖南湖北熱心奔走路事者日多。及諮議局成立。湖南且做四川按租抽捐之例。期切實自辦。然四國公使以張之洞係代表國家所結之草約。不能無效為詞。迭向外務部郵傳部要求結正約。及盛宣懷入郵傳部。則以借外債開發實業為主義。將實行該二路之借款。先於宣統三年四月十一日。下全國鐵道幹線歸國有之上諭。盛宣懷遂於四月二十二日。與四國銀行代表者締結借款正約如左。

一 借款總額為六百萬鎊。利息為五釐。公債價格為百鎊之九十五。期限為四十年。

二 此借款使用之目的如左。

甲 償還舊欠美國合興公司公債二百五十萬二千圓及利息等。

乙 築造自湖北武昌起至湖南郴州宜章縣與粵路相接之湖廣粵漢鐵道。又築造自湖北省廣水經襄陽荊門州宜昌至四川夔州之湖北境內川漢鐵道。

三 築造工程。自實際起工之日起。約三年間竣工。但宜昌至夔州工事較難。得稍延長。此契約蓋印之日起。武昌長沙廣水宜昌四處。即時起工。

四 本借款之本息。以下記各項進款為擔保。

甲 湖北省百貨釐金每年關平銀約二百萬兩。

乙 湖北省川淮鹽局江防經費每年關平銀約四十萬兩。

丙 湖北省川淮鹽新加二文捐。每年關平銀三十萬兩。

丁 兩湖賑糴捐湖北款每年關平銀二十五萬兩。

戊 湖南省百貨釐金每年關平銀二百萬兩。

己 湖南鹽道庫正釐每年關平銀二十五萬兩。

以上各項不得再作他項債務之擔保。惟借款期內。中國政府若改正關稅。減少釐金。或廢止之時。銀行團不得有異議。但中國政府必先與銀行團協議。將新增關稅與本擔保物同額之先取特權。與銀行團。

五 自借款第十一年起。無論何時。中國政府或償還全部。或一部。皆聽其便。但未滿十七年以前。則百鎊債票。作為百〇二鎊半兌還。十七年以後。則照原額兌還。

六 本借款所辦事業。經費尙不足時。銀行團得發行本借款第二回債票。但金額不得過四百萬鎊。仍以本借款之擔保財源為擔保。

若中國異日欲延長該鐵道。須借外資。銀行團之條件。比他資本家不昂貴時。則先與銀行團協議。

七 築造鐵道工事及管理權全歸中國政府所有。中國政府自選英人一名爲粵漢鐵道技師長。自選德人一名爲川漢鐵道技師長。該技師長全服從督辦總辦及代辦之命令。工事照郵傳部之意見施行。

工事竣工後。中國若未全還借款時。仍用歐美人爲技師長。

八 本借款四國銀行平均分受。

九 本契約以宣統三年四月二十二日經批准蓋印。又經外務部照會英法德美四國公使。

以此契約之條件論。築路主權全歸我有。又十年後得任便償還。以當時財政信用之不足得受。有期隨時償還之公債。實不可云不利益。然自該借款合同與鐵道幹線歸國有之上諭發表後。全國輿論沸騰。反對甚力。革命黨遂藉此爲媒介。四處煽動。同年八月十九日。在武昌之革命黨。擁軍統黎元洪倡義。宣布獨立。各省次第響應。旋組織民國臨時政府於南京。清廷不得已贊成共和。於十二月二十五日下退位詔。將二百四十餘年之統治權。讓與民國臨時政府。清廷失政多端。致亡之道雖不一。然此次大借款。實爲起革命軍之導火線。民國成立後。接收清廷之一切內政外交。此等借款合同。當然繼續有效力。然以武昌起義後。宣布廢止一切釐金。於是本借款之擔保品。全然消失。銀行團遂不交款。故該借款合同。於民國成立之後。一時葬於有無之間。